

O Tiute ma Faamanuiaga o le Perisitua



Tusi Lesona Faavae mo e Umia le Perisitua, Vaega A

O Tiute ma Faamanuiaga o le Perisitua

Tusi Lesona Faavae mo e Umia le Perisitua, Vaega A

O Tiute ma Faamanuiaga o le Perisitua
Tusi Lesona Faavae mo e Umia le Perisitua, Vaega A
Lomia e le Ekalesia a Iesu Keriso o le Au Paia o Aso e Gata Ai
Aai o Sate Leki, Iuta

© 1997 e le Ekalesia a Iesu Keriso o le Au Paia o Aso e Gata Ai
Ua taofia aia uma
Faamaonia le faa-Peretania: 9/96
Faamaonia le faaliliuina: 9/96
Faaliliuina o le *Duties and Blessings of the Priesthood*:
Basic Manual for Priesthood Holders, Part A

Faasino Mataupu

Faatomuaga	v
Faaauai o Uso e Le Atoatoa le Malosi	vii

Talafaasolopito ma le Faatulagaina o le Perisitua

1. O le Perisitua	1
2. O le Perisitua mai ia Atamu i le Toefuataiina	9
3. O le Toefuataiina o le Perisitua	16
4. O le Korama a le Perisitua	24
5. O Tiute o le Tiakono	32
6. O Tiute o le Aoao	42
7. O Tiute o le Ositulaga	50
8. O Tiute o Epikopo ma Peresitene o Paranesi	59
9. O Tiute o le Toeaina ma le Faitaulaga Sili	65
10. O Peteriaka ma Faamanuiaga Faapeteriaka	71
11. O Le Tulaga e Manaomia ai le Au Pulega Aoao	79

O Tiutetauave o le Aiga ma le Tagata Lava ia

12. O le Tiutetauave o le Tama mo le Tulaga Manuia o Lona Aiga	87
13. O le Fautuaina o Tagata o le Aiga	94
14. Taitaiina o Tatalo Faaleaiga	102
15. O le Aiga: O Se Totonugalemu mo Suesuega Faaletalalelei	108
16. Sauniuni e Aoao Atu	115
17. Aoao Atu Mai Tususiga Paia	125
18. Aoao Atu i le Mana o le Agaga Paia	133
19. Aoao Atu o le Amio Mama ma le Amio Lelei i le Aiga	140
20. O le Foiaina o Faafitauli Tau i le Aiga i se Ala Filemu	147
21. Taulimaina o Mea Tau Tupe a le Aiga	154
22. Gaosia o Mea ma Teuina i le Aiga	161
23. O le Atinae ma le Faaleleia o Tomai Tau Galuega	169

24. O le Tausia Lelei o le Soifua Maloloina Faaletino	178
25. Auauna Atu i le Nu'u ma le Atunuu	185

Mataupu Faavae ma Mataupu Aoaoina o le Talalelei

26. O Se Molimau i le Talalelei a Iesu Keriso	192
27. Faatuatua ia Iesu Keriso	198
28. Salamo	207
29. Papatisoga, o se Feagaiga e Faifai Pea	215
30. O le Meaalofa o le Agaga Paia.....	223
31. Tatalo ma le Anapogi	230
32. Faaaloalo	237
33. Alofa ma le Auauna Atu	243
34. Ola Mama e Tatau Ai	250
35. O le Aiga e Faavavau	256
O Tusi na Aumai ai Faamatalaga	265
Faasino Upu.....	266
O Malumalu ma Fale	276

Faatomuaga

Fuafuaga o le Lesona

O nei lesona a le perisitua ua fuafua e faaaogaina e le gata i tagata o loo umia le Perisitua Arona ae faapea foi ma i latou o loo umia le Perisitua Mekisateko. I paranesi laiti o loo i ai ni tagata toaitiiti o le perisitua, o le a manaomia e tagata o le korama le faatasitasi i se vasega se tasi. Atonu o le a manomia e le faiaoga le vaevaeina i ni vaega se lua po o le sili atu foi e faasolo lava i lo latou matutua ina ia mafai ai ona fetuutuunai le lesona ina ia fetui ma manoga o le matutua o tagata taitoatasi, i nofoaga ia o loo toatele ai le faitau aofai o tagata o le perisitua ma pe afai o loo lava potu po o fale foi.

Suesuega a le Tagata Lava Ia

O nei lesona ua tusia faapitoa lava mo tagata taitoatasi. O lea la e tatau ai i tagata taitoatasi o loo umia le perisitua ona suesue ma aoao i lana tusi lesona i le vaiaso ma ia sau ma aumai lea tusi lesona ma ana tusitusiga paia ua saunia e talanoaina ai le lesona. O se auala lelei mo le faiaoga e faaleleia ai sauniuniga o le talosaga atu lea i tagata o le korama e faitau ni tala se lua po o tusitusiga paia o le isi lesona e ese mai ai le lesona ua atofaina ma ia saunia e talanoaina ia mea faatasi ma le vasega. O se mea taua tele le aumai e le tagata lava ia o ana tusitusiga paia i le vasega, ma e ao ai la i le faiaoga ona faamanatu atu pea i tagata o le korama e aumai a latou tusitusiga paia seia oo ai ina fai ma a latou amio.

O Fesoasoani mo le Faiaoga

O fesoasoani mo le faiaoga o loo aofia i totonu o le lesona ma o loo faaalua mai i ni lomiga laiti i totonu o lesona taitasi. O nei fesoasoani o loo aofia ai fesili lea atonu e manao i ai faiaoga e fesili atu ai, fautuaga mo le faaaogaina o tagata o le vasega, ma faatonuga mo le faaaogaina o ata ma pepa o ata. O faiaoga o loo faaaogaina tusi lesona atonu e latou te manaomia e faaaoga isi auala po o isi metotia latou te iloa e lelei ona fai ai lesona, e le gata i fesili talanoaina ma auala fautuaina. Toetiiti lava manaomia i lesona uma ona faaaoga le laupapa, ma o lea la e tatau ai i faiaoga ona saunia ina ia i ai se laupapa ma se penisina i totonu o o latou potuaoga i taimi o lesona taitasi. (O le tele o mea faitino o loo fautuaina e faaaoga e pei o siata, e mafai ona tuu i luga o le laupapa.)

Numera o Lesona

E tolusefululima lesona ua uma ona saunia. Ma o lea tulaga o le a maua ai e tagata o loo latou umia le perisitua se avanoa e talanoaina ai manatu ma faafitauli latou te lagona e manaomia e talanoaina i totonu o a latou vaega patino o le perisitua. O lea taimi faaopoopo e mafai ona faaaogaina e—

1. Talanoaina ma fuafua ai gaoioiga i totonu o le alaalfaga po o le uarota, po o mataupu faapitoa e ono faatonuina e le au taitai o le perisitua.
2. Talanoaina savali a le Au Pulega Aoao o loo tuuina mai i konafesi aoao e pei ona lomía ma faasalalauina i le Liahona po o le Ensign.
3. Faaalu i le sili atu nai lo le tasi le vaiaso i autu e manaomia le toe suesue atili i ai.
4. Faaoga taimi e pei ona faatonuina mai e le Agaga o le Alii mo le manuia o tagata o loo umia le perisitua.

Faaauai Uso e Le Atoatoa le Malosi

I le faagasologa o le galuega a Iesu i le lalolagi, sa ia afio atu ai i se mauga e latalata i le Sami o Kalilaia.

“Ona o mai ai lea ia te ia o le motu o tagata e toatele, ua ia te i latou o e pipili, o e tauaso, o e gugu, o e mumutu, atoa ma nisi e toatele, ua latou tuu atu ia i latou i vae o Iesu; ona faamalolo ai lea e ia o i latou:

“Ona taufaifofo ai lea o le motu o tagata ina ua latou iloa atu e sa gugu ua tautala, o e sa mumutu ua atoatoa, o e sa pipili ua savavali, o e sa tauaso foi ua vaai; ona latou vivii atu ai lea i le Atua o Isaraelu.” (Mataio 15:30-31.)

Ua faaalua e le Faola se faataitaiga mo i tatou e tusa ma le faailoaina atu o le alofa mo i latou o loo i ai mai faapitoa i le tino ma le mafaufau. Ina ua asiasi atu o ia i sa Nifae ina ua mavae lona toetu sa ia faapea atu:

“Faauta ua tumu lou loto i le alofa mutimutivale ia te outou.

“Po ua ia te outou nisi ua mamai? Aumai ia i latou iinei. Po ua ia te outou ea nisi ua pipili, pe tauaso, pe setu, pe manua, pe lepela, pe mamae, pe tutuli, pe puapuagatia i se tasi mea? Ina aumai ia i latou iinei, ou te faamaloloina i latou aua ua mutimutivale lou alofa ia te outou; ua tumu lou loto i le alofa.” (3 Nifae 17:6-7.)

O se faiaoga i totonu o le Ekalesia, o se avanoa sili lea e faailoa atu ai le alofa ia i latou o e e i ai tulaga faaletonu i o latou tino ma mafaufau. E tatau ia te ia ona malamalama ma i ai se naunau ina ia aofia ai nei tagata i gaoioiga suesue a le vasega. O tagata o le vasega e i ai soo se ituiga o faaletonu i le tino po o le mafaufau e manaomia ni manaoga faapitoa. E tatau ona fesoasoani taiala o loo i lalo i faiaoga uma ina ia oo atu a latou aoaoga i uso e i ai tulaga faapitoa e manaomia:

- Ia iloa mea e manaomia ma tulaga agavaa o uso taitoatasi o le vasega.
- A o lei valaauina uso o le vasega e le atoatoa le malosi e faitau se tusi, tatalo, pe auai foi i se gaoioiga, ia muamua ona faafesootai i latou i le tuuina atu lea i ai o fesili faapenei. Mata e mafai ona e faitauina se tusi i le vasega po o le tatalo foi i luma o tagata?
- Talanoa atu i taitai o le perisitua, matua ma tagata o le aiga, ma afai e tatau ai, ia talanoa atu foi i uso e le atoatoa le malosi ina ia fuafuaina ai o latou manaoga faapitoa.
- Taumafai ia faaopoopo ma faaleleia atili le faaaui ma le aoaoina o uso e le atoatoa le malosi.

-
- la mautinoa ua faaalua e tagata taitoatasi o le vasega le faaloalo ma le loto malamalama o le tasi i le isi.
 - la faaalua ou uiga tausaaia masani, mata fiafia, atoa ma le alofa. E tofu manaomia e fanau uma a le Atua le alofa ma le loto malamalama, e tusa pe atoa pe le atoatoa foi le malosi.

E tataua ona manatu faiaoga i totonu o le Ekalesia o loo i ai i uso taitoatasi le malosi ofoofogia mo le tuputupu ae e tau atu i le faaeaina, e tusa lava pe o le a le tulaga faaletonu o i ai i le mafaufau, tino, lagona, po o tulaga faalevafealoai. E tataua i le faiaoga ona ia iloa ua aoao e tagata taitoatasi mea uma lava e mafai e ia ona aoao. la manatua le fetalaiaga a le Faola:

“Aua na faia e outou i le tasi o e aupito itiiti o ou uso nei, o au lea na outou faia i ai.” (Mataio 25:40).

O le faamoemoega o lenei lesona ina ia fesoasoani lea tatou te malamalama ai i le tulaga o le perisitua ma le ala e faalateleina ai o tatou valaauga i totonu o le perisitua.

Faatomuaga

Ia mafaufau i le taimi na e mauaina ai le perisitua. Sa le masalomia le afio ifo o le Agaga o le Alii a o faaee atu lima o tagata o loo umia le perisitua i luga o lou ulu ma latou faia ni upu. O alii o loo latou umia le pule e faia ai lea sauniga ua latou avatu ia te oe le perisitua. O le mea moni e ese le ofoofogia o lea mea. A o e mafaufau loloto i lenei mea na oo ia te oe, ia e fesili ifo ia te oe lava:

- O le a tonu lava le mea na tupu ia te au i lenei aso?
- Pe ua ese ea au ina ua mavae lo'u mauaina o le perisitua?
- Pe ua ese au i lenei vaitaimi talu ai ona ua ou umia le perisitua?
- Pe ua mafai ea ona ou auauna atu i isi e ala i lo'u perisitua?
- Pe ua fiafia ea lo'u Tama Faalelagi i le auala o loo ou faaogaina ai le perisitua?

O Le Perisitua o le Mana o le Atua

“Pe a galulue i tatou i le suafa o le Alii, i le avea ai ma e umia le perisitua, o loo faia e i tatou i le suafa o lo tatou Tama Faalelagi ma o loo avea i tatou ma ona sui. O le perisitua o le mana lava lea e galue ai lo tatou Tama Faalelagi e ala i tagata.” (Harold B. Lee, “Mulimuli i le Taitaiga a le Ekalesia,” *Liahona*, Tesema 1973, itulau 26.)

O le perisitua o le mana o le Atua. E faataunuuina e le Alii lana galuega e ala i le perisitua o loo ia umia. Sa ia foafoaina mea uma i lea lava mana, ma ua ia pulea ai foi le lagi ma le lalolagi i lea lava perisitua. Talu ai la ona o le perisitua o le mana o le Alii, o lona uiga foi la e faavavau. Ua tatou faitau i le Penina Tau Tele lea o loo faapea mai o le perisitua “sa i ai i le amataga, o le a i ai foi i le iuga o le lalolagi” Mose 6:7).

Ua tuuina mai e le Atua ma Iesu Keriso le mana o le perisitua ina ia mafai ai ona latou fesoasoani “ia faataunuu le faaofuina o le tagata i le tino ola pea ma le ola e faavavau. (Mose 1:39). O lea la, o le perisitua o le mana lea o le Alii ua tuuina i tagata latou te galulue ai mo le faaolataga mo le fanauga a tagata.

O i tatou o loo umia le perisitua ua i ai le pule tatou te galulue ai i le suafa o le Alii. I se saunoaga a Iosefa Filitia Samita le perofeta a le Alii i tagata uma lava o loo umia le perisitua sa ia faapea mai ai: “O i tatou o sui o le Alii; ua tatou suitulaga ia te ia; ua tuuina mai e ia ia i tatou le pule e mafai ai e i tatou ona faia mea uma lava e tatau ai, e faaolaina ma faaeaina ai e i tatou i tatou lava faapea foi ma isi o lana fanau o loo i le lalolagi.

“O i tatou o avefu’a a le Alii o Iesu Keriso. O la tatou galuega o le suitulaga lea mo la. Ua faatonuina i tatou ina . . . ia faia mea e na te faia pe ana faapea o i ai o ia iinei. (“O o Tatou Tiute Tauave i le Avea ai ma Tagata e Umia le Perisitua,” *Liahona* Tesema 1971, itulau 1.)

Faasologa o le Pule a le Perisitua

E tatau i tagata uma lava o loo umia le perisitua ona ia iloa le “faasologa o lana perisitua” e tau atu ia Iesu Keriso. O lona uiga, e tatau ona ia iloa po o ai na faauuina o ia i le perisitua, ma poo ai foi na faauuina le tagata lea na faauuina ia. E tatau ona ia iloa le faasologa mai o nei faauuga mai lea tagata i lea tagata seia tau atu ia Iosefa Samita, o lē na faauuina e Peteru, Iakopo, ma Ioane, ia na faauuina e Iesu Keriso. O le mea lea e ta’ua o le “faasologa o le pule a le perisitua.” Afai e i ai se tagata e leai sana kopi tusingusia o le faasologa o lona perisitua, e mafai ona ia maua mai i le tagata sa faauuina o ia i le perisitua.

Ia tuu atu i le tagata o loo umia le perisitua lea na tofi, e faaali ane i le vasega lana pepa o le “faasologa o le perisitua” ma o loo aofia ai le faasologa e tau i tua ia Iesu Keriso.

O le Mana o le Perisitua e Maua Mai i le Ola Amiotonu

“O i tatou uma lava o loo umia le perisitua ua i ai le pule e galulue ai mo le Alii, peitai o le aoga po o le taua o la tatou pule—po o le mana foi e oo mai lena pule—ua faalagolago lea i le ituaiga o olaga o loo tatou ola ai: e faalagolago i lo tatou amiotonu” (H. Burke Peterson, *Perisitua - Pule ma le Mana*, *Liahona*, Oketopa 1976, itulau 28-29).

Ua faamanino mai ia te i tatou e le Alii i tusingisiga paia ina ia tatou ola amiotonu ina ia maua ai, e le gata i le pule, ae faapea foi ma le mana o le perisitua. “Faauta, e toatele e ua valaauina, ae toaititi e ua filifilia. E le filifilia foi i latou i se a?

“Aua ua faapea ona magumagu o latou loto i mea o lenei lalolagi, ma mananao i viiga mai tagata, latou te le aoaoina lenei aoaoga e tasi—

“O aia tatau a le perisitua e lē mavavaeeseina mai mana o le lagi, e le mafai ona faatonuina pe faaaogaina ia mana o le lagi tau lava o mataupu faavae o le amiotonu.

“E moni lava e mafai ona tuuina mai ia i tatou; a e pe a tau ufiufi a tatou agasala, pe faamalie lo tatou loto maualuga, lo tatou fia sili le aoga, pe

faatonuina pe pulea pe faamalosia i agaga o le fanau a tagata, i soo se faiga lava o le amioletonu, faauta, e punitia lava le lagi; e tiga le Agaga o le Alii; pe a aveeseina foi, Amene i le perisitua po o le pule a lena tagata (MFF 121:34–37).

Aisea o le a taofia mai ai i tatou mai le mauaina o le mana i le perisitua?

O le amataga mai o le perisitua o le Atua, o ia lea e galue e ala i le Agaga Paia. E tatau ona latou tausia poloaiga ma ola mama, ina ia mafai ai ona taitai i tatou e le Agaga Paia i le faaaogaina o le perisitua. O la tatou “faasologa o le perisitua e tau tonu lava ia lesu Keriso e ala ia i latou sa latou umia le perisitua, ae o le mana o le perisitua e oo mai ia i tatou mai le Atua e ala i le Agaga Paia. E mafai ona tatou faia le galuega a le Alii i le mana o le perisitua; e le mafai ona tatou faia se galuega a le Alii pe ana le seanoa lena mana.

Faaali le ata 1-a, “E faauu e tagata o loo umia le perisitua tagata mamai e pei lava ona faia e Keriso anamua.”

“Afai o le a tatou ola e tusa ma ia mea, o le a maua e i tatou le mana mai lo tatou Tama Faalelagi, lea o le a aumaia ai le filemu i totonu o se aiga fevaeveai. O le a tatou maua le mana e faamanuia ma faamafanafana atu ai i fanau iti, o le a mafai foi ona faamafanafanaina ai e ua maua i le loto nutimomoia. O le a tatou maua le mana e aumaia ai le fiafia i taimi o afiafi faaleaiga, le mana e faafilemuina neura o se ava ua vaivai mai ana gluega o le aso. O le a tatou maua le mana e tuu atu ai se taitaiga lelei i se tagata talavou o loo fememeai lona mafaufau. O le a tatou maua le mana e faamanuia atu ai i se afafine faatoa alu i se evaga faamasani po o le taimi a o lei alu atu o ia e faaipoipo i le malumalusa, po o le faamanuia ai foi o se atalii o le a malaga atu mo sana misiona po o le kolisi maualuga. Ou uso talavou e, o le a tatou maua le mana e mafai ona taofia ai manatu faatiapolo e oo i se faapotopotoga a ni tama o loo talanoa i ni mea leaga. O le a tatou maua le mana e faamalolo ai mai ma faamafanafana i e ua mafatia. O nisi na o faamoemoega taua o le perisitua” (H. Burke Peterson, “Perisitua - Pule ma le Mana,” *Liahona* Oketopa, 1976, itulau 29).


Fai i le tagata o loo umia le perisitua lea na tofia e faamatala atu mea na oo i ai na faaalua ai le mana o le perisitua i lona olaga.

Atinaeina o le Mana o le Perisitua

E tele mea e tatau ona tatou faia e atinaeina ai le mana o le perisitua:

MANAO

E tatau ona muamua ona i ai se manao e atinae ai le mana o le perisitua. O loo aoao mai e tusitusiga paia e maua mai e tagata mai le Alii e tusa ai ma o latou manao (tagai Alema 29:4; MFF 4:3; MFF 6:8; MFF 7:1–3).



OLA AMIOTONU

E tatau ona tatou taumafai e tausia uma lava poloaiga a lo tatou Tama Faalelagi. O le a avea le Agaga Paia ma a tatou uo, i lo tatou ola ai lea i le amiotonu, ma o le a ia faatonuina e faia mea e tatau ona tatou faia (tagai 2 Nifae 32:5).

IA LOTOMAUALALO

“O le na te faamaualaloina faamaoni ia lava, ma ua salamo i ana agasala, ma ua tumau e oo i le iuga, e faamanuiaina lea” (Alema 32:15). E tatau ona tatou naunau e talia ma mulimuli i fautuaga ma faaatoatoa tofiga ua tuuina mai ia te i tatou e o tatou taitai o le perisitua, naunau e faia le mea e lelei mo le soifua lelei o isi tagata, ma faalogo atu ma mulimuli i musumusuga a le Agaga Paia.

SUESUE

E tatau ona tatou suesue ma mafaufau loloto i tusitusiga paia. Ua na o le suesue lava i tusitusiga paia o le tagata lava ia e mafai ai ona tatou iloa le finagalo o le Atua, ma o le a le mafai foi ona tatou ola i le talalelei, pe afai tatou te le iloa le finagalo o le Atua. Mo lea lava mafuaaga e tasi, o loo manaomia foi lo tatou naunau e suesue a tatou tusi lesona o le perisitua ina ia tatou iloa ai o tatou tiute i le avea ai ma tagata o loo umia le perisitua.

TATALO

E tatau ona tatou ole atu i le Tama Faalelagi po o le a le mea e finagalo o ia tatou te faia. E tatau ona tatalo i taimi uma mo le taitaiga i le faaaogaina sao o lo tatou perisitua. E “tatau ona outou mataala ma tatalo e le aunoa, nei oo mai le faaosoosoga ia te outou; aua e manao Satani ia i (tatou)” (3 Nifae 18:18).

ALOFA I ISI

Ua aoao mai i tatou e Keriso faapea o le mana o le perisitua e maua lea i le alofa ma e tatau ona tatou alolofa i tagata uma lava (tagai i le MFF 121:41-42, 45-46). E amata mai le alofa i le aiga. E tatau ona tatou alolofa ia tatou ava ma fanau ma ia manatu mo lo latou manuia. O se tasi auala e tatou te faaali atu ai lo tatou alofa mo tagata o o tatou aiga o le faaaogaina lea o lo tatou perisitua e taitai ma faatonu ai o latou olaga.

FAAALOGA LE PERISITUA

Afai tatou te faaaogaina le perisitua, o lona uiga o i tatou o faataitaiga i isi tagata o loo umia le perisitua, i le lalolagi, aemaise ai lava o tatou

1-a, O loo faamalaloina e le perisitua e mamai e pei ona sa faia e Keriso anamua

O Keriso o loo Faamalolo le Tauaso, tusia e Carl Bloch. O le uluai Ata i le Nofoa Tatalo o le Tupu i le falelotu o le Maota i Fredriksborg, i Tenimaka. Faaogaina ina ua Faatagaina mai e le National Historic Museum i Frederiksborg.

aiga. A o tagatagai mai o tatou aiga a o tatou faaaogaina le perisitua, o le a latou iloa o i tatou o auaua a le Alii ma o le a o mai ia i tatou ma manaomia se fesoasoani. O se tulaga e faanoanoa ai ona o nisi tagata o aiga e latou te lei iloa lava faamanuiaga e oo mai pe afai e faaoga e tama ma atalii o latou perisitua mo le manuia o o latou aiga.

E mafai ona suia e le perisitua le eseesea i totonu o o tatou aiga. Sa faapea mai se tautalaga a Peresitene Tavita O. MaKei: “E faafouina le aiga aua e umia ma faamamalu e le tagata le perisitua” (Perisitua, *“Instructor, Oketopa 1968, p. 378*).

Afai o i tatou o loo umia le perisitua e ola amiotonu, o le a tatou faia mea o loo taua atu i lalo:

- la iloilu ma le faamaoni i manaoga faamaoni o tagata o le aiga, e tusa lava pe le tutusa lelei ma o tatou manatu.
- la faalogo - e oo lava i le tamaitiiti laitiiti.
- la faamuamua le manuia o le aiga i luga ae o lo tatou lava saogalemu ma le sololelei.
- la aoao ia pulea i tatou lava.
- la tautala i se leo e masani ona faaalua ai lo tatou alofa ma le manatu mo isi tagata.

O a nisi o auala faaopoopo e mafai ona tatou faalauteleina ai lo tatou Perisitua?

Faaiuga

“E tatau ona tatou iloa e leai se isi lava mea i le lalolagi e sili atu lona malosi nai lo le perisitua a le Atua.” (N. Eldon Tanner, Po o e manatu mama ea i lou perisitua? *Liahona Oketopa, 1976, itulau 38.*)

Sa faamalamalamaina e Peresitene N. Eldon Tanner le taua o le ola mama i le umia o le perisitua i le tala o loo taua i lalo:

“A o avea au ma se epikopo, sa i ai le toaono o tama i lau uarota sa lava lo latou matutua e faauuina ai e avea ma toeaina. Sa na o le toalima o i latou sa faauuina i le tofi toeaina ona sa lei saunia le tasi. E tele ni taimi na ma talanoa ai e uiga i lea mea, ma sa faapea mai o ia ia te au, “Ou te le o mama.” Sa lagona le faanoanoa tele o lea alii e tusa ai ma lea tulaga, peitai sa lei i ai sona faamoemoe e fautua atu lona igoa i le peresitene o le siteki. Sa sau le uso o lona tama ia te au ma faapea mai, O le mea moni e le mafai ona e toe maua lona tama, pe afai o le a tuu ana uo e toalima e o atu i luma, ae tuua o ia.” Sa talosaga mai o ia ia te au ia tuu o ia e alu atu i luma. Sa fai mai o ia, “O le a e tuliese o ia mai le Ekalesia, pe afai e te le siitia lona perisitua.

Sa ou faamatala atu i lenei alii, “O le mea sili ona taua e mafai ona tatou tuuina atu i lenei tama o le perisitua lea. . . . Ua malamalama lenei tama, e lei saunia o ia mo le faauuina e avea ma se toeaina.’ Sa lei fautuaina atu lava lona igoa mo le siitia o lona perisitua.

“I ni nai tausaga mulimuli ane, sa ou auai i se konafesi aoao iinei lava i le Lotoa o le Malumalu, ma sa sau se tasi alii talavou, ma faapea mai ia te au, “Peresitene Tanner, masalo e te le o toe manatua au. O au o le tama e te lei fautuaina mo le siitia o le perisitua i le toeaina.” A o tuu mai lona lima e faatalofa mai, sa faapea mai a ia, Ou te fia faafetai atu ia te oe ona o lona tulaga. Ua avea nei au ma se epikopo i Kalefonia. Ana sei e fautuaina au mo le siitia o lou perisitua, i le taimi ou te lei mama ai, semanu e le mafai lava ona ou maua le agaga talisapaia o le uiga moni o le perisitua, ma le mea e ao i se tasi ona fai, ma o le mea moni semanu e le mafai lava ona avea au ma se epikopo, e pei ona ou i ai i le aso nei.” (“Tiutetauave o le perisitua”, *Liahona* Tesema 1973, itulau 31-32).

E tatau ona tatou aoao uma i lenei mataupu faavae taua ina ia faagaioia lelei ai le perisitua. E tatau ona tatou aoao “o aia tatau a le Perisitua e fesootai faatasi e le mavavaeeseina ma mana o le lagi, e le mafaia foi ona faatonuina pe faaaogaina ia mana o le lagi tau lava o mataupu faavae o le amiotonu.” (MFF 121:36). Mo le mauaina o le mana mai le Atua, o lona uiga e tatau ona tatou ola mama mo lea mana.

E tatau ona tatou manatua pea o i tatou o loo umia le pule ma le mana a le Atua ma o i tatou o loo fai ma sui o ia. Afai tatou te faaaogaina le perisitua e tatau ona tatou fesili ia i tatou lava “O le a se mea e manao lesu ou te faia i lenei tulaga? Po o ou galue ea i le tulaga e finagalo o ia ou te galue ai?”

O Lui

1. Ia e tinou e suesue lelei faatonuga o lenei tusi lesona a le perisitua ma ia talisapaia lui o loo tuuina mai i lesona taitasi. Pe a maea nei lui, o le a e atinaeina le mana o le perisitua, o le a vavalalata ma lo tatou Tama Faalelagi, ma o le a fesoasoani malosi ai foi i isi.
2. Ia tusia se faamaumauga o le faasologa o le pule a lou perisitua. E tatau ona mafai ona e iloa faamatala lou perisitua e afua mai tua ia lesu Keriso.
3. Ia tusia le pule a lou perisitua i se pepa po o se fasipepa ona tuu atu lea ia i latou sa e faauuina i le tofi perisitua.

Mau Faapoopo

MFF 107:1-14 (O eseesea i le Perisitua Mekisateko ma le Perisitua Arona.)

Sauniuniga a le Faiaoga

A o lei tuuina atu lenei lesona:

1. Suesue le mataupu 13, “O Le Perisitua, “ ma le 14, O Le Faatulagaga o le Perisitua,” i totonu o le tusi lesona Mataupu o le Talalelei.
2. Suesue MFF 121:34-46.

-
3. la tofia se tagata o loo umia le perisitua e faaali atu i le vasega lana pepa o le faasologa o le Perisitua e faamatala atu ai le fesootaiga a lona perisitua sei tau lava ia lesu keriso.
 4. la tofia se isi tagata o loo umia le perisitua e faamatala mai se mea na oo ia te ia e faapupula mai ai le mana o le perisitua.
 5. la fai atu ia i latou taitoatasi o loo umia le perisitua e aumai ana tusinga paia i le lotu perisitua i vaiaso taitasi ma ia saunia e faitau ma maka mau patino i lesona taitasi.
 6. la manatua o tala ma mau i totonu o le lesona e mafai ona tuuina mai e tagata o le vasega

O Le Perisitua Mai Ia Atamu i le Toefuataina

Lesona 2

O le faamoemoega o lenei lesona ia fesoasoani lea ia i tatou ia malamalama ai, o le perisitua ua tatou umiaina o le perisitua lava lea e tasi sa tuuina ia Atamu ma isi tagata amiotonu i le faasologa o tausaga.

Faatomuaga

O Atamu o le tagata muamua lava lea sa ia umia le perisitua faapeteriaka. O le uiga o lea mea sa tuuina atu e le Atua le pule e taitai ai lona aiga ma faia sauniga e latou te manaomia e toe foi atu ai i le Afioaga o le Atua. O ia foi o le perofeta muamua e umia ki o le au perisitene sili, po o le pule e taitaia ai le Ekalesia a le Atua i luga o le fogaeleele. I lenei la mana sa ia tuuina atu ai le perisitua i le tele o tagata ma faatonuina i latou i le ala e faaaogaina ai. O perisitene uma lava o le Ekalesia talu mai le vaitaimi o Atamu sa latou umia lenei lava pule.

O lenei pule e taitaia ai perisitua uma lava o le Ekalesia i o latou tofiga ma tiute, e umia lea e le tagata e toatasi i le taimi-le Perisitene o le Ekalesia (tagai MFF 132:7). E ui lava e na o le toatasi le tagata e na te umia lenei lava perisitua faapitoa, e toatele foi tagata o loo umia le perisitua ma o le perisitua lava lea e tasi lea sa umia talu mai le vaitaimi o Atamu i lona muai umiaina. (Mo nisi faamatalaga o ki o le perisitua, tagai i le lesona 11 o lenei tusi lesona.)

Sa Umia e Atamu le Perisitua

I le taimi ina ua mavae ona tulieseina mai Atamu ma Eva i le Faatoaga o Etena, sa afio ifo le agelu ma aoao ia i laua le talalelei (tagai Mose 5:4-9). Sa faatulagaina foi le Ekalesia ma sa papatisoina Atamu i le vai i le auala lava e tasi lea ua faatonuina ai i tatou e papatiso atu ai i aso nei (tagai i le Mose 6:64-65). Sa tuuina atu loa le perisitua ia Atamu ina ia mafai ai ona ia maua le pule e faia ai sauniga uma o le talalelei mo lona aiga. I lenei la pule sa ia papatisoina ai tagata o lo latou aiga ma sa ia tuu atu le perisitua i ona atalii amiotonu.

Faaali le pepa o ata 2-a. “O le Perisitua i Augatupulaga Uma Lava.” Ia faamalamalama atu e faapea o le pepa o ata o loo vaevaeina i ni vega e valu taimi po o periota e taua o tisipenisione. Ia faitau le uiga o le tisipenisione i lalo o le pepa o ata. Ia faamalamalama atu e faapea e tatou te le iloa le aofai o tisipenisione o le talalelei o loo i ai, ae o le valu lenei e fai ma sui o nisi o mea tetele. Ia tagai i ata talafeagai taitasi pe afai e taua le tisipenisione i totonu o le lesona ma faitau mau o loo

O le Perisitua i Augatupulaga Uma Lava

O perofeta o tisipisione taitasi sa i ai le perisitua maualuga. (tagai MFF 84:17.)

Tusa o le 4000 T.L.M

Tisipisione o Atamu

Liliuese

(MFF 107:40, 41)




Atamu

Tusa o le 3785 T.L.M

Tisipisione o Enoka

Liliuese

(MFF 107:48, 53)



Enoka

Tusa o le 3000 T.L.M

Tisipisione o Noa

Liliuese

O le Lolo

(MFF 107: 52, 53)



Noa

Tusa o le 2000 T.L.M

Tisipisione o Aperamo

Liliuese

(MFF 84: 14; Aperamo 1 : 16, 18)




Aperamo

Tusa o le 1500 T.L.M

Tisipisione o Mose

Liliuese

(MFF 84: 6)



Mose

Tusa o le 600 T.L.M

Tisipisione o Liae

Liliuese

(Mosaa 6:3; Alema 13:1-2, 8-9)



Liae

Tusa o le a.d. e 400

Tisipisione o le Vaeluaga o Aso

Liliuese Te'e

(Eperu 5:9, 10; Mataio 16:19; 3 Nifaae 11: 21, 22; 12:1)



O Keriso, Aposetolo, ma Soo i Amerika

a.d. e 1830

Tisipisione o le Atoaga o Taimi

Meleniua

Toefuataina o le Talalelei (MFF 20:1) Toefuataina o le Perisitua (MFF 13; MFF 27:8, 12, 13)



Iosefa Samita

Tisipisione: O se vaiataimi na tuuina atu ai le talalelei ma le pule o le perisitua faatasi ma ki patino ia i latou na filifilia e le Alii e acao atu ma taitaima fanau a le Atua o Ioo oia i le fogaelele.

aofia faatasi ai ma ata taitasi. O nei mau ua aoao ai faapea o perofeta taitasi uma lava sa latou umia le Perisitua Mekisateko.

Tisipenisione Faapeteriaka

Sa aoao atu e Atamu i lana fanau ma fanau a lana fanau le talalelei, ina ia mautinoa ua latou umia sauniga tatau o le perisitua, ma faatulaga le perisitua e tusa ai ma tulaga faapeteriaka. O le faasologa faapeteriaka o le perisitua o lona uiga o le faatulagaga a le Ekalesia e faaautu tonu i le aiga ma e faasolo mai le perisitua mai le tama sei tau i le atalii. I le tele o peteriaka iloga sa ola i le vaitaimi o le tisipenisione e i ai, Setu, Enosa, Kaino, Maalaelu, Iareto, ma Enoka (tagai i le MFF 107:40-52).

Tagai i le pepa o ata 2-a. "O le Perisitua I Augatupulaga Uma." la faasino atu o le tisipenisione o Atamu ma faitau le MFF 107:40-41 e pei ona faaalila i le ata.

O Le Uluai Liliuese Tele Mai le Mea Moni

Ua masani ona i ai i tagata lo latou filifiliga saoloto po o le saolotoga e filifili ai. I lenei la filifiliga saoloto, o nisi o fanau a Atamu sa latou filifili e soli tulafono. A o filifili le toatele o i latou i lenei mea ma liliu ese mai le mea moni, ma ua amata mai i le taimi lenei ona faaletino, faalelalolagi, ma faaletiapololo tagata". (Mose 5:12-13). Ina ua tulai mai lenei ituaiga o pau ese mai le mea moni, sa taua loa o le liliu ese mai le mea moni.

O Atamu ma i latou sa latou tausia poloaiga sa latou talai atu le talalelei i tagata nei ma taumafai ina ia aumaia i latou ia latou salamo. O le toatele lava o tagata sa latou le salamo, ae o i latou sa latou faatasi ma le perofeta o Enoka ma sa faapea ona taua i latou o Siona. Ua faamatala mai ia te i tatou tusitusiga paia e faapea "sa savavali Enoka ma ona tagata faatasi ma le Atua . . . ma sa oo ina mou atu Siona, aua ua aveina ae e le Atua i lona lava fatafata" (Mose 7:69).

Tagai i le ata o le tisipenisione a Enoka i le siata ma faitau le MFF 107:48-53.

Ina ua maea ona aveina ae Enoka ma le nuu o Siona mai le fogaeleele, na matua faatoateleina tagata amioleaga. Na auina atu e le Alii le perofeta o Noa e lapataia i latou ina ia salamo. Na tau atu e Noa i tagata amioleaga afai latou te le salamo, o le a tafieseina i latou i se lolo tele. Peitai, e na o le aiga lava o Noa na faalogo ia te ia ma tausia poloaiga. Na oo mai le lolo e pei ona lapataia ai e Noa, ma sa na o ia ma lona aiga na laveaiina.

Tagai i le ata o le tisipenisione o Noa i le siata, ma faitau le Mose 8:19-20.

O le Perisitua ina ua Mavae le Lolo

Ina ua mavae le lolo, sa tuuina atu e Noa le Perisitua i ana fanau ma fanau a ana fanau amiotonu. O le tasi tagata sa ola ina ua mavae atu

2-a. O le Perisitua i Augatupulaga Uma

"O i latou uma o e maua lenei perisitua ua talia a'u, ua faapea mai ai le Alii" (MFF 84:35.)

Noa ma sa ia maua le perisitua o le alii lea o Mekisateko. O Mekisateko o se tagata e amiotonu ma o le ala foi lea o le faaigoa ai o le perisitua i lona igoa (tagai MFF 107:2-4). Sa faauuina e Mekisateko Aperaamo i le perisitua, ma sa faapea ona faauuina Aperaamo isi. Ma sa faapea ona faaaauai lava le perisitua Mekisateko i le taimi o Mose.

Tagai i le ata o le augatupulaga o Aperaamo i le pepa o ata ma faitau le MFF 84:14.

Ua Aveeseina mai le Perisitua Mekisateko ia Isaraelu

E pei ona tau mai ia te i tatou e tusitusiga paia, sa tuuina atu e Aperaamo le perisitua i lona atalii o Isaako, ma sa tuuina atu e Isaako i lona atalii o lakopo. Sa suia le igoa o lakopo ia Isaraelu, ma mulimuli ane sa faaigoa loa tagata e tupuga mai ia lakopo o fanau a Isaraelu.

I aso o Mose, ina ua mavae ona ia taitaia mai le fanau a Isaraelu mai Aikupito, sa ofoina atu e le Alii i le fanau a Isaraelu le atoatoaga o lana talalelei. Ae peitai, sa latou teena, o lea sa aveeseina mai ai e le Alii le Perisitua Mekisateko ma isi sauniga mauaululuga o le talalelei. Sa tuua ia i latou na o ni nai sauniga itiiti o le talalelei (e pei o le tulafono o taulaga), ma sa faauuina i le perisitua mauulalo lea sa faaigoaina i le uso o Mose o Arona.

Sa tuua foi i latou e le Alii faatasi ma le tele o mataupu faavae tonu ma le sao. Sa i ai foi nisi tulafono e faaopoopo atu i nei tulafono faaleagaga e taitaia ai gaoioiga faaletino, ma gaoioiga faaleagaga a tagata. O le tele lava o nei tulafono o loo maua lea i le Esoto, Levitiko, ma le Teuterenome. E le faapea ua faaigoaina ia mea e fai ma sui o le talalelei, ae sa tuuina mai e avea ma faaopoopoga i vaega o le talalelei lea e tumau e avea ma auala e saunia ai le fanauga a Isaraelu e ola ai i le talalelei i lona atoatoa i se isi taimi mulimuli ane.

E ui lava sa aveeseina mai le Perisitua Mekisateko mai Isaraelu, ae sa lei aveeseina tumau pe aveese mo le faavavau mai le fogaeelele. I le va o le vaitaimi o Mose ma le afio mai o Iesu Keriso, o le tele lava o perofeta sa latou umia le Perisitua Mekisateko. O nisi nei o perofeta o Elia, Isaia, Ieremia, Liae, Tanielu, ma Esekielu.

Tagai i le Augatupulaga o Mose o loo faaalua i le ata i le siata ma faitau le MFF 84:6, 19-27.

O le Perisitua i le Vaitaimi o le Tusi a Mamona

Ina ua tuua e Liae ma lona aiga Ierusalem e malaga atu i Amerika sa ia i latou le perisitua. I le talaaga i totonu o le Tusi a Mamona, sa faauuina e tagata amiotonu sauniga o le perisitua i tagata. O nisi o tagata sa latou talanoa e uiga i le perisitua i le vaitaimi o le Tusi a Mamona o le Tupu o Peniamina ma Alema.

Tagai i le siata ma faitau le Mosaea 6:3 ma le Alema 13:1-2, 8-9.

O le Perisitua i le Vaitaimi o Iesu

Ina ua afio mai Iesu i le fogaeleele sa ia toefuataiina lana talalelei i lona atoatoa. Sa ia umia ki, po o le pule atoatoa, o le perisitua ma sa ia faauuina Aposetolo (Mataio 10:1-4) ma Fitugafulu (Luka 10:1). Sa ia faatulagaina lana Ekalesia i tagata sa mulimuli ia te ia, ma ina ua ia tuua mulimuli ane le lalolagi, sa tuuina atu le pule e faauu ai isi i le tele o tofiga i totonu o le perisitua (tagai Galuega 14:23). I lenei auala, sa faapea ona tuu faasolo mai le perisitua ma tumau ai le faavae o le Ekalesia a Iesu Keriso.

Tagai i le siata ma faitau le Mataio 16:19; Eperu 5:5-10; ma le 3 Nifae 11:19-22, 12:1.

O le Liliuese Tele

I nisi taimi ina ua mavae ona afio ae Iesu i le lagi, sa faaaau e le Ekalesia ona aoao le upumoni ma sa faitau afe tagata mai le tele o aai na auai i le Ekalesia. Ae peitai, sa faapea ona toe tutupu mea na muai tutupu. O nisi o tagata sa latou auai i le Ekalesia ua latou mumusu e ususitai i tulafono ma sauniga o le talalelei ma sa latou suia ina ia fetau ma o latou lava mafauauga. I lona lava taimi sa toatele tagata e aofia ai ma aposetolo ma isi taitai o le perisitua sa sauaina ma fasiotia. A o fasiotia nei tagata ma pauu ese isi mai lea mea moni, sa faapea ona mou malie atu mai le Ekalesia le pule a le perisitua. Na oo mai le taimi sa leai ai se pule a le perisitua.

Na oo mai le taimi sa leai ai se perisitua i luga o le fogaeleele. O lotu na faatulagaina i lona taimi o le liliuese tele, sa le'i ai le perisitua. Ma o le taunuuga la na oo i ai sa latou le mafai ona maua se taitaiga mai le Atua pe faia foi sauniga o le faaeaina. E pei ona fai mai Isaia o le a latou "solia tulafono; ua latou liliuese le sauniga; ua latou solia le feagaiga e faavavau". (Isaia 24:5.)

Faaali le ata 2-e. "Ua tuuina atu i tagata le pule i aso nei, le pule o le perisitua lea sa umia e auga perofeta ua mavae."

O le Toefuataiina o le Perisitua

Sa faaaau pea lenei liliuese tele i luga o le fogaeleele seia oo ai i se tasi aso, i le tautotogo i le tausaga 1820, sa tatalo atu ai se alii talavou i le Atua e faasino mai le ekalesia e tatau ona auai. I se tali la na maua mai i lona tatalo, sa faailoa ifo ai le Atua le Tama ma lona Alo o Iesu Keriso ia te ia. Sa fetalai atu Iesu ia te ia ina ia aua nei auai i se tasi o ia ekalesia, sa ia fetalai mai faapea, "Ua latou faalatalata mai ia te au i o latou laugutu, a o o latou loto ua taumamao mai ia te au; ua latou fai ma mataupu poloaiga a tagata, o e ua peiseai ua amioatua a o le mana o i lea mea ua latou teena" (Iosefa Samita 2:19).

Sa toe aumaia e le Alii lana Ekalesia ma toefuatai mataupu faavae tatau ma sauniga o lana talalelei, e ala ia Iosefa Samita. Mo le faia la o ia mea, sa tuuina atu e le Alii le perisitua paia ia Iosefa Samita lea sa



umia e Atamu ma isi tagata amiotonu i le faasologa mai o tausaga. O loo ua ia i tatou nei lena perisitua, ma ua folafola mai e le Alii ia te i tatou i lenei tisipenisione le augatupulaga o le faaatoatoaga o aso e faapea o le a toe aveeseina mai le perisitua. O le a i ai pea i le taimi e afio mai ai Keriso i le fogaelele.

Ia tagai i le ata o le tisipenisione o le atoatoaga o taimi i luga o le pepa o ata ma faitau le MFF 20:1, MFF 13;; MFF 27:8, 12-13; ma le MFF 86:10.

Faaiuga

O le perisitua o loo tatou umia i le vaitaimi nei o le perisitua lava foi lea sa tuuina ia Atamu, ma o le perisitua lava foi lea sa umia e Iesu. O i tatou o sui o le Alii i le fogaelele e pei foi o Atamu ma isi perofeta. Ona talu ai o i tatou o ona sui, o lea ua tatou umia ai le mana e fesoasoani ia i tatou, o tatou aiga, ma le Ekalesia e toe foi atu ai i le afioaga o le Atua. Afai e tuuina mai se faatagaga mai le epikopo po o le peresitene o le paranesi, e mafai ona tatou papatisoina a tatou fanau, tuu atu ia te i latou le meaalofo o le Agaga Paia, ma faauuina a tatou fanau i le perisitua. I nei auala faapea foi ma isi auala, e mafai e le perisitua ona aumai ai le olioli i o tatou olaga ma olaga o isi tagata.

Lui

1. Ia talanoaina le perisitua faatasi ma lou aiga. Ia atinae auala e mafai ona fesoasoani ai i ou atalii ia agavaa e maua le perisitua.
2. I le taimi e tatau ai ma afai e tuuina atu ia te oe le aia, ia papatisoina ma faamauina lau fanau ma faauuina lau fanau tama i le perisitua.

Sauniuniga a le Faiaoga

A o lei tuuina atu le lesona:

1. Ia aoao le mataupu e 4, "Faatulagaga o le Perisitua" i totonu o le tusi lesona o Mataupu o le Talalelei.
2. Ia faamanatu atu i tagata taitoatasi o le perisitua ia aumai a latou Tususiga Paia i le lotu perisitua.
3. Ia tofia tagata o le vasega e latou te faamatalaina tala ma mau i totonu o le lesona.

2-e. E tuuina atu i tagata le perisitua i le faaee atu o lima o i latou ua tofia e le Atua.

O le Toefuataina o le Perisitua

Lesona 3

O le faamoemoe o lenei lesona e fesoasoani lea ia te i tatou ia malamalama i le toefuataina mai o le perisitua paia, lea sa aveeseina mai le fogaeleele ina ua mavae le taimi o Keriso.

Faatomuaga

I le avea ai o i tatou ma tagata o loo umia le perisitua o loo ua tatou umia le pule lava lea e tasi sa tuuina atu e le Atua i ana auauna i aso ua mavae.

Faaalia le fesoasoani vaaia 3-a, o loo tusia ai upu ia "Sa faaau e Keriso Aposetolo e toasefululua ma tuu atu ia te i latou ki o le perisitua"

O loo taua i lalo nisi o sauniga e mafai ona tatou faia pe faaaoga i ai le perisitua.

- Papatisoaga, e pei ona faia e loane le Papatiso ma tagata Sa Nifae (tagai Mataio 3:15-17 ma le 3 Nifae 11:19-26).
- Faamanuia le faamanatuga, e pei ona faia e Iesu (tagai Luka 22:19-20).
- O le tuuina atu o le Agaga Paia, e pei foi ona faia e Paulo ma tagata Sa Nifae (tagai i le Galuega 19:5-6 ma le 3 Nifae 18:37).
- Faamalolo tagata mamai, e pei ona faia e Peteru (tagai Galuega 3:1-8).

O nei sauniga faaleperisitua sa faia i aso ua mavae e le toatele o tagata faamaoni sa umiaina le perisitua.

Aisea ua mafai ai ona tatou faia ia tiute faaleperisitua i aso nei?

Ua mafai ona tatou faia galuega faaleperisitua i aso nei, aua ua i luga o le fogaeleele le perisitua a le Atua. Ua silafia e le Atua galuega ua faia e le perisitua, talu ai ona sa tuuina atu i ona tagata agavaa le perisitua lava lea sa umia e ana auauna anamua.

O le Liliuese Tele ma le Toefuataina

E pei ona sa tatou talanoaina i le lesona 2, sa tulai mai se liliuese tele ina ua mavae le taimi o Keriso. O le uiga o lea mea ona talu ai le amioleaga ua aafia ai tagata, o lea sa suia ai pe leiloa le perisitua ma le tele lava o aoaoga moni a Iesu Keriso. E toatele perofeta sa latou valoa e faapea o le a oo mai le taimi o le a liliuese ai tagata mai le mea moni. O se tasi o ia perofeta o Isaia. I le tautalagia la o le itu i le liliuese,

3-a. Sa tofia e Keriso le au Aposetolo e toasefululua ma tuuina atu ia te i latou ki o le perisitua.



sa ia faapea mai o tagata ua latou “solia tulafono; ua latou liliuese le sauniga; ua latou solia le feagaiga e faavavau” (Isaia 24:5). Ua faataunuaina le valoaga a Isaia. Talu ai ona o le solia o tulafono ina ua mavae le taimi o Keriso, o lea sa aveeseina mai ai le fogaeleele le faatulagaga sao o le perisitua.

Ae peitai e finagalo lo Tatou Tama Faalelagi ina ia toe foi atu uma lana fanau ia te ia. O lea la o se mea tatau ia te ia le toefuatai o le perisitua ma ona sauniga ma isi lava mea moni uma e tatau mo i tatou e toe foi atu ai ia te ia.

E toatele perofeta ua latou tulimatai atu agai i luma i lenei taimi. Mo se faataitaiga, o Isaia sa vavalo i le taimi o le Alii e “faia ai le vavega i lenei nuu, o le vavega lava, o le mea foi e ofo ai” (Isaia 29:13–14). Sa valoia foi e Peteru o le a i ai le taimi e “toefuatai ai mea uma lava” (Galuega 3:19-21). O le uiga o le upu fuatai o le toe aumaia lea o se mea sa aveeseina pe leiloa. O le perisitua ma le talalelei e ao ona toefuatai ina nei tei ua leiloloa uma fanauga a tagata. O lea toefuataiina sa amata i le 1820 ina ua faaali ifo le Atua le Tama ma le Alii o Iesu Keriso ia Iosefa Samita.

O Iosefa Samita ma le Toefuataiina Mai o le Perisitua

O Iosefa Samita o se tasi lea o fanau faaleagaga a lo tatou Tama Faalelagi e “tautaua ma le maoae”. E pei o Aperaamo, sa tofia o ia mo se misiona pito sili ona taua a o lei sau o ia i le fogaeleele. (tagai i le Aperaamo 3:22-23.) Ma o le taunuuga la ua oo i ai, o le misiona a Iosefa Samita sa iloa e le tele o auga perofeta muamua. O i laua uma o Iosefa o Aikupito, le atalii o Iakopo, ma Liae, le perofeta o le Tusi a Mamona, na la silafia e uiga ia Iosefa Samita ma lana misiona. Sa tautala atu Liae i lona atalii o Iosefa e uiga i le valoaga sa faia e Iosefa o Aikupito e uiga i se perofeta o aso e gata ai e igoa foi ia Iosefa.

Faitau le 2 Nifae 3:6-15.

Sa amata le sailiga a Iosefa Samita mo le mea moni i se vaitaimi a o talavou o ia. Ina ua sefulu ma le fa tausaga o lona matua, sa ia malaga atu ai i le vao ma ole atu ai i le Alii po o le fea ekalesia e tatau ona ia auai. I se taunuuga la o lana talosaga, sa faaali ifo ai le Atua ma Iesu Keriso ia te ia i o laua tino fai tino moni o aano ma ivi. I le tolu tausaga mulimuli ane, sa faaali ifo ai le agelu o Moronae ia Iosefa Samita ma sa ia tau atu ia te ia e uiga i talafaamaumau paia o tagata anamua o Amerika. Ma sa faapea ona mafai ona faaliliuina e Iosefa Samita talafaamaumau i le fesoasoani mai o le Atua. O le Tusi a Mamona ma faaaliga na tuuina ia Iosefa Samita sa toefuatai ai le tele o mea moni lea sa leiloloa i le vaitaimi o le Liliuese.

Ae o le toefuataiina o le mea moni e uiga i le Atua ma ana mataupu faavae sa le lava lea. Sa fanau mai Iosefa Samita i le vaitaimi e le o i ai se perisitua i luga o le fogaeleele. Ona talu ai e le mafai ona faataunuaina le misiona a Iosefa Samita e aunoa ma le perisitua, ua

avea ai o se mea tatau le toefuatai atu o le pule e faauu ai o ia. I le tausaga 1838 sa faamaumauina ai e Iosefa Samita mea o loo taua i lalo e uiga i le ala na maua ai e ia ma Oliva Kaotui le Perisitua Arona.

Ata faaalua 3-e, "Ua faaee atu e loane le Papatiso le Perisitua Arona ia Iosefa Samita ma Oliva Kaotui."

"A o ma galulue pea i le faaliliuina o le tusi sa oo ina ma o atu i le vao i se tasi aso i le masina na sosoo ai (le masina lea o Me, 1829), ma te tatalo ai i le Atua e uiga i le papatisoga mo le faamagaloina o agasala, na taua mai i le faaliliuga o papatusi. A o ma tatalo ma valaau atu i le Alii, sa oo ina oo ifo mai le lagi se avefeau i se ao malamalama tele, ma faaee ona lima i luga o i maua, sa ia faauuina i maua. . . . i le perisitua Arona.

". . . O le avefeau na oo mai ia i maua i lea aso ma faaee lea perisitua i o maua luga, na ia faapea mai o lona igoa o loane, o ia lava lea ua taua i le Feagaiga Fou, o loane le papatiso, ma ua ia faia ia mea i lalo o le taitaiga a Peteru, lakopo ma loane, o e o loo i ai ki o le Perisitua Mekisateko, ma o le Perisitua lea na fai mai o le a oo mai le aso o le a tuuina mai ai ia i maua. . . . O le aso 15 o Me, 1829, na faauuina ai i maua i lima o lona avefeau, ma papatisoina ai." (Iosefa Samita 2:68–72; toe tagai foi lea i MFF 13.)

Mulimuli ane i lona lava tausaga, 1829, sa tuuina atu ai ia Iosefa Samita ma Oliva Kaotui le Perisitua Mekisateko. Sa faaali ifo ia i laua Aposetolo anamua a Iesu o Peteru, lakopo, ma loane, ma faaee atu o latou lima i luga o o laua ulu, ma faauuina i laua (tagai MFF 27:12). Sa maua uma e Iosefa Samita le Perisitua Arona faapea ma le Perisitua Mekisateko. Sa toefuataiina mai foi le pule a le perisitua: o i latou sa latou umia i tausaga ua mavae atu ua latou toe aumaia i le fogaeleele le mana o le Atua.

O le Perisitua Arona

O le Perisitua Arona o se vaega lea o le Perisitua Mekisateko ma e galue i lalo o lona taitaiga. Ina ua faaee atu e loane le Papatiso le Perisitua Arona ia Iosefa Samita ma Oliva Kaotui, sa ia fai atu ia i laua e faapea sa faatonuina o ia e Peteru, lakopo, ma loane ia o loo latou umiaina le Perisitua Mekisateko ina ia tuuina atu lenei perisitua.

O le Perisitua Arona sa faaigoaina i le igoa o Arona, o le uso o Mose. Sa galue Arona i lalo o le taitaiga a Mose mo le faia o le galuega a le Alii. E pei lava ona i ai i lenei vaitaimi, e laitiiti le pule e maua e le perisitua Arona nai lo le pule o loo umia e i latou e maua le Perisitua Mekisateko. O le mafuaaga lea e faaigoa ai i nisi taimi le Perisitua Arona o le perisitua maualalo, "aua o se lālā i le Perisitua Sili, po o le Perisitua Mekisateko (MFF 107:14). E le faapea e laitiiti pe faatauva.



Ua faia e tagata, talavou ma le matutua, galuega silisili e ala i le Perisitua Arona.

O aia ma tiute o le Perisitua Arona o le:

- Umia o ki o le auaua atu o agelu. O le uiga o lea mea e faapea o loo ia i tatou le aia e fesoasoani mai ai agelu e faia ai le galuega a le Atua.
- Faaee atu le Perisitua Arona i isi tagata.
- Talai atu le salamo ma papatisoia.
- Faamanuaina le sauniga paia o le faamanatuga.
- Aoa le Talalelei ma faamalosia molimau a tagata o le Ekalesia.
- Ao mai foai mo le Ekalesia.
- Fesoasoani e fausia malumalu, falelotu, ma isi fale.
- Vaaia tagata matitiva, fafine ua leai ni a latou tane, ma tamaiti matua oti.
- Auai atu i galuega tau le Ekalesia (e i ai le faamamaina o le falelotu) e pei ona faatonuina mai e le epikopo ma le perisitene o le paranesi.

E tele naua tiute o tiakono, aoao, ma ositaulaga i le Perisitua Arona. O nei tiute eseese ua ootooina mai i le MFF 20:46-59.

Faitau le MFF 20:46-59.

O le Perisitua Arona, i se aotelega, o se perisitua sauniuni lea. E saunia ai le auala mo i latou o loo latou faataunuuna faamanuiga o le Perisitua Mekisateko, ma e maua ai foi e tagata o le Perisitua Arona le poto masani latou te manaomia e maua ai le Perisitua Mekisateko.

O a aia ma pule o le Perisitua Arona?

O le Perisitua Mekisateko

O le Perisitua Mekisateko ua faaigoaina ia Mekisateko, lea sa soifua mai i le vaitaimi o le perofeta o le Feagaiga Tuai o Aperamo. A o lei oo i ona aso sa taua lea perisitua o le Perisitua Paia i le faatulagaga a le Alo o le Atua. Ae ina ia aloese mai ai i le faaaogaina soo o le suafa o le Atua, o lea sa poloaiina ai le Ekalesia anamua ina ia faaigoaina le perisitua i le igoa o Mekisateko “ona o Mekisateko o le faitaulaga sili taua” (MFF 107:1-6)

Ua faamanino mai e le Mataupu Faavae ma Feagaiga faapea o le Perisitua Mekisateko e i ai lona aia faaperisitene i tofiga uma i le Ekalesia. O le uiga o lea mea o tofiga uma lava i totonu o le Ekalesia o vaega ia o le Perisitua e sili ai. Ae le gata i lea, o lenei perisitua e i ai le pule e faamanuia ai sauniga faaleagaga uma lava e tatau mo i tatou e tatou te toe foi atu ai i le Tama Faalelagi. (Tagai MFF 107:8-19.)

O aia ma tiute o le Perisitua Mekisateko o le—

-
- Tuuina atu lea o le meaalofa o le Agaga Paia.
 - Faaau alii agavaa i le Perisitua Mekisateko.
 - Faia sauniga o faaipoipoga faaselesitila.
 - Faia galuega faaleamalumalusa mo tagata o loo ola ma e ua maliliu.
 - Faaau i e mamai
 - Taulimaina tulaga manuia faaleagaga ma le faaletino o tagata uma lava.
 - Maua le malamalama mai le Alii mo le Ekalesia.

O tofiga o le toeaina, faitaulaga sili, peteriaka, Fitugafulu ma Aposetolo e feagai lava i latou ma o latou lava tiute faapitoa. O tagata o loo umia le Perisitua Mekisateko e mafai ona latou faia pe faataunuuina foi tiute o le Perisitua Arona aua o tiute o le Perisitua Arona o vaega ia o le tiutetauave a le Perisitua Mekisateko. O le Perisitua Mekisateko e saunia ai i tatou i ni aso o sau e tatou te ulufale atu ai i le malo o le lagi.

la tuu atu i le Perisitua lea na muai tofia e faitau pe faamatala le tala i totonu o le Galuega 19:1-6 lea sa toe papatisoina ai e Paulo isi soo. Aisea ua tatau ai ona toe papatisoina nei tagata?

Faaiuga

Ana fai e le i ai le perisitua i luga o le fogaeleele semanu e le mafai ona tatou faia galuega a le Alii, ma o le a le mafai foi ona i ai le Ekalesia moni. Aemaise ai lava, le le mafai ona maua ole ola e faavavau. O le ola e faavavau e maua na o i latou lava e latou te tausia mataupu faavae ma sauniga o le talalelei e aunoa ma le perisitua. Talu ai ona o le perisitua e a le Atua ia ae le o le tagata, o lea la e le mafai ai e le tagata lava ia ona tuu atu o ia i le perisitua. Pe na te tuuina atu foi i isi tagata, sei vagana ua ia maua le pule tatau (tagai i le MFF 42:11). Ma ona o nei la mafuaaga o lea sa toefuataiina mai ai le Talalelei ia Iosefa Samita e avefeau mai le lagi. O le vaitaimi nei ua maua nei le perisitua i le Ekalesia moni a Iesu Keriso, lea sa toefuataiina e faataunuuina ma faia ai le galuega a le Alii mo le manuia o le fanauga a tagata (tagai i le MFF 84:17.)

Soo se alii lava o le Ekalesia ua umia le perisitua a le Atua o loo ua i ai se tiutetauave sili e fesoasoani ai ia te ia lava, lona aiga, ma tagata uma lava o loo i ona autafa e olioli ai i faamanuiga o le ola e faavavau.

Lui

1. Aoao i avanoa ma tiute o lou perisitua. E mafai ona e faia lenei mea i lou faitau lea i au tusitusiga paia, anapogi ma le tatalo, aoao i lau tusi lesona a le perisitua, ma le mauaina o faatonuga mai ou taitai o le perisitua.
2. Ia faia ou tiute i le perisitua i le agavaa e te mafaia ma ia sailili pea i taimi uma ina ia faaleleia au galuega.

3. Ia lagolagoina e o loo pule ia te oe, ma ia faaeteete i le faaaogaina o se aia po o se pule e lei tuuina atu ia te oe.
-

Sauniuniga a le Faiaoga

A o lei tuuina atu lenei lesona:

1. Faitau le MFF 13; 20; 84; 107; 121; ma le 124 ina ia maua mai ai se malamalamaaga i le perisitua.
2. Ia suesue i le mataupu 14, "Faatulagaga o le Perisitua," ma le mataupu 17, "O le Ekalesia a Iesu Keriso i Ona Po Nei" i totonu o le tusi lesona o le Mataupu o le Talalelei.
3. Tofia tagata o le vasega e faamatala atu tala ma mau o loo i totonu o le lesona.

O le Korama a le Perisitua

Lesona 4

O le faamoemoega o lenei lesona ia fesoasoani ai ia i tatou ia tatou malamalama i ala e mafai ona fesoasoani ai korama o le perisitua i tagata taitoatasi, aiga, ma le Ekalesia.

Faatomuaga

Ona o i tatou o loo umia le perisitua, o lea ua ia i tatou le saolotoga ma le tiutetauave e faia ai mea e tele e i tatou lava i lo tatou lava faitalia e aunoa ma le tuu seiloga e tau mai e taitai o le Ekalesia ia i tatou, (tagai MFF 58:26-29). E mafai ona tatou faia la tatou galuega; e mafai ona tatou usiusitai ma faia le tele o mea lelei mo i tatou lava, o o tatou aiga ma isi. Ae ui i lea, e tatau ona tatou iloa uma lava ma malamalama i ai e i ai lava taimi o le a tatou manaomia ai le fesoasoani mai se isi tagata. E le iloa pe tei ua tatou mau i le palapala, po o le mamai ma ua leai se malosi e o atu ai mo se fesoasoani, po o le loto nutimomoia ona o le le usiusitai o se tamaitiiti, po o le faavaivai ona e foliga mai e le amanaia mai e se isi.

O se tasi aso a o sauni atu se fai faatoaga e ao lana vao mago i totonu o le fale e teu ai ae ona vaaia loa ni timuga tetele lava ua fotuai mai. A faapea o le a le mafai ona ia faaputupuutuina faatasi ae lei oo mai le timu, o le a faaleagaina lenei vao, ae o le mea ua ia manaomia nei o se fesoasoani i le taimi nei lava. Sa ia fesili atu loa i ona tuaoi mo se fesoasoani ma sa latou fesoasoani loa ia te ia i le aoina ma le faaputupuutuina o le vao lea ua uma ona faamamago i totonu o le fale e teu ai, a o lei oo ina palasi mai le timu ma faaleagaina ai. Ma talu ai la lea fesoasoani sa ia maua mai i nei tagata o lea sa mafai ai ona ia faasaoina ana vao.

Ma o le ala foi lea e tasi, a faapea loa o le a tulai mai ni faafitauli tau le tagata lava ia po o faafitauli foi tau le aiga ma e le mafai ona tatou foia na o i tatou lava, e le tatau ona tatou fefefe e fesili atu i nisi tagata mo se fesoasoani.

O ai e mafai ona fesoasoani mai ia i tatou? O fea o le a tatou o i ai mo se fesoasoani?

O le Faamoemoega o Korama a le Perisitua

Sa faavaeina e le Tama Faalelagi Korama o le perisitua e fesoasoani ai i tagata o le korama ia faalauteleina le perisitua ma galulue faatasi e auauna atu ai i isi ma atinae le Ekalesia. Ma ua faapea foi ona fuafuaina e fesoasoani i tagata o le korama ia fesoasoani le tasi i le isi i taimi o faalavelave.

O se korama o le perisitua o se vaega lea o alii ua faatulagaina o loo umia le tofi e tasi i le perisitua. I nisi iunite o le Ekalesia e toaititi alii o loo umia le perisitua, e faatulagaina e uma e umia le perisitua, e tusa lava po o le a le tofi, i se vaega e tasi.

I iunite o le Ekalesia o loo toatele ai lava alii o loo latou umia le perisitua, o loo faavaeina ai korama a faitaulaga sili, toeaina, ositaulaga, aoao, ma tiakono. O korama taitasi nei, sei vagana ai korama a ositaulaga e pule faamalumu ai se peresitene ma ni fesoasoani se toalua. O le korama a ositaulaga o le uarota e pulefaamalumu ai le epikopo ma ni ositaulaga se toalua e avea ma ona fesoasoani. O le peresitene o le siteki ma ona fesoasoani o le au peresitene lea o le korama a le au faitaulaga sili mo faitaulaga sili uma i le siteki.

Ina ia fesoasoani i tagata o korama ia faafetaiai ma faataunuuna o latou tiutetauave o le fesoasoani o le tasi i le isi ma aoao e le tasi le isi i o latou tiutetauave, e faia fonotaga a korama i Aso Sa taitasi. O fonotaga nei, e taulimaina ai pisinisi a korama, e faia ai tofiga faaleperisitua, e aoao atu ai le talalelei, e faamalositia ai molimau, ma faateleina ai le ola faaleagaga o tagata taitasi o le korama.

O loo faasinoina mai ia i tatou i tusitusiga paia ala e faataunuuna ai a tatou matafaioi tau le perisitua ma tiute.

Faitau le MFF 107:99-100.

O au peresitene o korama po o taitai o vaega o la latou matafaioi le aoao mai o i tatou i o tatou tiute tau le perisitua ma le tuuina mai o avanoa ia i tatou, tatou te aoao ai a o tatou faataunuuna o tatou tiute. A o tatou aoaoina o tatou tiute o lo tatou tiutetauave o le gaoioi lea ma le maelega i o tatou tulaga ma tofi e pei ona filifili i ai i totonu o le perisitua. A o tatou faalateleina o tatou valaauga i le perisitua, i le auuina atu lea i isi ma le taliaina o tofiga mai o tatou au peresitene o korama, o le a faapea foi ona faateleina ai lo tatou malmalama ma lo tatou tomai e auuina ai.

Tuu atu i tagata e latou te talanoaina nisi o tiute tau le perisitua ua uma ona latou aoaoina ma faatinoaina.

Ala e Faagaoioia ai Korama o le Perisitua

O korama o le perisitua e talia ma faaaogaina uma lava mataupu faavae o le talalelei sa faaalua mai e le Alii ia i tatou e ala mai i ana perofeta. O nisi o mataupu faavae e sili atu lo latou taua o le amiotonu, lotogatasi, fesoasoani ma le faauoga.

AMIOTONU

Ua uma ona fetalai mai le Alii “o aia tatau a le Perisitua e fesoootai faatasi e le mavaveeseina ma mana o le lagi, e le mafaia foi ona faatonuina pe faaaogaina ia mana o le lagi tau lava o mataupu faavae

o le amiotonu” (MFF 121:36). O le malosi o la tatou korama o le perisitua, e faalagolago i le malosi o ona tagata. O le tele o lo tatou amiotonu, o le tele foi lea o le mana ma le taitaiga tatou te maua mai le Alii.

LOGATASI

“E tatau ona matua lotogatasi le korama ina ia mafai ai ona fesoasoani le tasi i le tasi, e le gata i le itu faaleagaga, ae ia faapea foi i le itu tau tupe ma soo se isi lava itu. Ana faapea e mafai ona tatou maua mai le agaga o le lotogatasi i totonu o a tatou korama, o lona uiga la ua amata nei ona tatou malamalama i le uiga atoatoa o le faatulagaga o le perisitua i totonu o le Ekalesia.” (David O.MaKay, “The Fundamental Basis for Home Teaching,” *Improvement Era*, July 1963, p. 615.)

FESOASOANI

“O korama uma lava o le perisitua ua . . . ‘poloaiina’ (mai e le Alii) ina ia lotogatasi ma faamaopoopo a latou vaegaau, ma i lalo o le agaga ma le mana o le perisitua, ina ia tagai i ai ina ia mautinoa ai o le a maua le fesoasoani e tagata uma lava o le a puapuagatia ma o lea fesoasoani e tuuina atu e lana korama ma ia avea o se mea ua lagolagoina lava e i latou.” (Harold B.Lee, “The Place of the Priesthood Quorum in the Church Security Program,” *Improvement Era*, Oct. 1937, p. 634).

FAAUOGA

I aso muamua lava o le Ekalesia sa tuuina atu ai e alii i a latou korama “a latou tautoga ma le faamaoni e le vaevaeina. E le mafai ona tatou iloa le malosiaga ma le matagofie atoatoa o faauoga sa foafoaina i totonu o na (korama) o le perisitua. Sa amanaia ma vaaia e le isi alii le aiga ole tasi pe a oo i le taimi o le a malaga atu ai tama e faataunuaina o latou valaauga ma misiona. Sa fetufaai foi i tulaga o le aveeseina mai ma le faanoanoa, ma sa faatupuina foi tulaga o le faamaoni. Sa oo foi ina ofoina atu e alii o latou ola o le tasi mo le isi. . . .

“O le mea moni, e tatou te le o faafesagai ma tulaga matautia faaletino e pei ona sa i ai i aso ua mavae, ae ua pei ua faalavelaveina i tatou i tulaga matautia e le faitaulia lea la ou te atugalua nei i ai e oo atu i se tulaga e sili atu ona leaga pe a oo i le tumutumu o o latou taunuuga nai lo faafitauli ma toatuga sa faafeagai ma o tatou tuua ua mavae. Pe tatou te manaomia ea la ni uo e fesoasoani ia te i tatou i nei tulaga?” Tatou te manaomia!” (Stephen L. Richard, “The Priesthood Quorum: A Three-fold definition,” *Improvement Era*, May 1939, p. 294.)

E tatau ona avea ma puna o le faamafanafanaga ia i tatou lo tatou iloa a faapea o le a tatou manaomia lava se faamalosiaga i le talalelei, o le a soo faatasi uma lava le au uso faamaoni i totonu o lo tatou korama e lapatai mai ia i tatou, ma faamalosiaga i tatou i le itu faaleagaga, ma

fesoasoani mai ia i tatou e saili se ala e toe foi atu ai i gaoioiga. Sa taua e Elder Boyd K. Packer e faapea: “O se alii o le a le toaga e le faapea o le a le toe avea ai o ia ma se sui o le korama. Atonu o le a alu ese lona fiafia ma le korama, ae le tatau lava ona alu ese mai le fiafia o le korama ia te ia. O le tiutetauave lava lea e le tuua o le korama ma o le a faaauauiina ai pea lava lona tausia lelei ma vaai mo le lelei o ona tagata. A faapea o le a faatuatuanai ma le amanaia se tagata le toaga, ma aveese mai ai le fiafia ma fesoataiga ma ia (o le a aveeseina mai lea) o ona aia o se tagata o loo umia le perisitua.” (*A Royal Priesthood*, Melchizedek Priesthood study guide, 1975-76, p. 134.)

E manaomia e le ekalesia “itutino taitasi, ina ia atinae faatasi itu uma, ma tausia le tino ia atoatoa.” (MFF 84:110). O le faalapotopotoga o le Ekalesia o le faalapotopotoga aupito atoatoa lea o loo i ai nei i luga o le fogaeleele, ma o korama o perisitua o vaega pito taua ia o lenei faalapotopotoga. A o faagasolo atu pea e le korama o le perisitua ona tiutetauave, e tatau lava ona manatua ma aofia ai tagata uma o le korama i nei aiaiga. Ua uma ona saunoa mai Elder Boyd K. Packer: “A faapea o le a faasolo lelei le faagaoioiga o lana korama o le perisitua, o lona uiga o le a avea lea ma mea o le a le pau ai pe faaletonu se alii (po o se taulealea) sa faauuina ma lagolagoina e le au uso i lana korama i soo se vaega lava o ona tiutetauave i le olaga.” (*A Royal Priesthood*, Melchizedek Priesthood study guide, 1975-76, p. 134.)

O le a lelei lava le faagaoioiga o le korama pe a faapea o le a tofu uma lava tagata o le korama taitoatasi ma fai lana vaega. I le avea lea ma faiaoga i aiga, mo se faataitaiga, o le a avea ai i latou o loo umia le perisitua ma sootaga i le va o le perisitene o le korama ma aiga taitasi o loo i ai i totonu o le korama. A o mafai la ona faapupulaina mai faafitauli ma faamalamalamaina mai manaoga e faiaoga o aiga, o le a mafai ai la e le korama ona agai atu loa i le faagaoioiga. O le faamatalaga la lenei, o le a mafai ona fesoasoani ai le korama i lalo o le taitaiga a le au perisitene o le korama a le perisitua, i tagata o le korama o loo manaomia se fesoasoani.

A uma loa ona siligia le aiga, o le a mafai loa e le korama ona agai atu loa i le faagaoioiga. O le faamatalaga la lenei e tatau ai i tagata o le korama ona tali atu i le valaau ina ia fesoasoani i tagata o le korama o loo latou fia maua se fesoasoani.

O a nisi o ala patino e mafai ai e tagata o le korama a le perisitua ona auauna atu le tasi i le isi e pei o uso i totonu o le perisitua?

O le Faia o a Tatou Vaega i le Avea Ai ma Tagata ole Korama a le Perisitua

Fai i tagata o le korama e faitau ma faailoga le MFF 108:7. O le a le mea o loo tau mai ia i tatou e lenei mau e mafai ona tatou faia e faamalosi ai e le tasi le isi?

Tusi i luga o le laupapa ala ia o loo taua i le mau.

Mai le tele o isi mau mea, sa faasino mai e le Alii e mafai e le tagata o loo umia le perisitua ona faamalosiā ona uso i mea e na te fai mai ai e faatatau ia i latou ma mea e na te aoao atu ia i latou. Fai mai Peresitene J. Reuben Clark, Jr., e le sili atu le malosi o le korama nai lo le alofa o tagata taitoatasi o le korama, o le tasi i le isi

“O le fesoasoani a le (korama) e mafai ona faataunuu e ala mai i le fesoasoani atu lea i isi uso o loo manaomia se fesoasoani patino lava i lona faafitauli, i le fausia o se fale, po o le amataina foi o se pisinisi laitiiti, po o le, fesoasoani atu foi ia te ia ia maua ni ana pusa o mea faigaluega pe a faapea e i ai sona tomai i se matata faapitoa e pei o le kamuta ma isi, ae a faapea foi o ia o se faifaatoaga, ona saili ane lea o ni fatu mo ia, po o le fesoasoani foi e toto po o le selesele o fua o faatoaga, po o le faafetaiaia foi o se manaoga o loo manaomia e ia, po o le tuuina atu foi o ni lavalava ia te ia, po o se mea e nofo ai, po o ni mea taumafa, po o se fesoasoani i nisi lava mau ala.” (“Church Welfare Plan,” a discussion by President J. Reuben Clark before the First Citizens’ Conference on Government Management at Estes Park, Colorado, June 20, 1939, p. 20.)

Faamata o le a se foliga e oo i ai ia tatou korama pe ana faapea e alofa moni lava le tasi i le isi?

O le faamoemoega o le korama o le perisitua ia fesoasoani ai le isi tagata o loo umia le perisitua i le isi foi o loo i ai le perisitua ina ia aoaoina pe faapefea ona faaoga lona perisitua e fesoasoani ai i isi ona uso a tagata o loo i ai i totonu o le korama i le taimi o le a manaomia ai e i latou se fesoasoni. O lenei faamoemoe e faatoa mafai lava ona faataunuuina pe a faapea o le a loto i ai tagata taitoatasi o le korama e fesoasoani pe a faapea o le a faailoa mai manaoga patino taitasi o tagata o le korama. O le mafuaaga la le e tatau lava ona tatou logoina ai o tatou taitai o korama e faatatau i manaoga ma tagai i ai ma ia naunau foi e talosaga atu mo se fesoasoani mo i tatou pe a oo i le taimi o le a tatou manaomia ai le fesoasoani a le korama. E le tatau ona oo ia i tatou le lagona o le ma e talosaga atu mo se fesoasoani aua foi o le a tuuina atu ai le avanoa i isi e auauna atu ai.

O le tala o loo taua i lalo o loo faaalua mai ai le ala na fesoasoani ai se korama i se tasi o ona tagata:

“I le tau toulū o le 1918, i lenei tausaga leaga tele i le taimi o le Taua Muamua a le Lalolagi lea na maliliu ai le sili atu i le 14 miliona tagata ona o lenei mala matautia sa taua o le “mala uliuli”, po o le fulū Sepania . . . Sa vave ona oo mai le taumalulu . . . ma sa avea ma mea sa liu aisa ai le fuata o le umala suamalie o loo i le eleeele. Sa taumafai lava ma le finafinau lou tama ma lou uso o Falanisisi e eli ae nei umala mai le eleeele lea ua ufitia i le kiona i aso taitasi ma e la te suotosinaina mai le eleeele, ma sele ese pito i luga, ma tauai atu loa taitasi umala, i totonu o nei taavale tetele mo umala ona avatu ai lea o nei uta umala

i le fale gaosimea o loo gaosia ai le suka. O se galuega e telegese tele ma le tigaina ona o le kiona ma le leai o ni tagata e faigaluega ai i la matou faatoaga ona o au ma lou uso o Foloji o loo i le ami.

A o le masino le tele o a la galuega o loo fai i le taimi lea i le seleseleina o le fualaau lava e tasi a lo matou aiga e maua mai ai a matou tupe, ma a o faia la matou taumafataga i se tasi afiafi, sa tatagi le telefoni mai lo matou uso pito matua o Siasoi Alapati, . . . sa ta'u mai ai le tala faanoanoa ua lavea Keneti le atalii e iva tausaga o lo matou uso o Sale, . . . i lenei fulū matautia ma ina ua tuanai nai itula sa oso malosi le mai o le tamitiiti ma sa maliu ai loa o ia i luga o vae o lona tama o loo sii ai; ma sa manao mai la ina ia faamolemole lo matou tama e alu atu i Ogden ma aumai le tama i lo matou aiga e tanu ai i le fasi fanua a le aiga o loo i ai i le Fanuatanu o Liae.

“Sa agai atu loa lou tama . . . mo le nofoaga e taua o Five Points i Ogden e aumai le atalii o lona atalii i lo matou aiga e teu ai. Ina ua taunuu atu o ia i le aiga sa ia iloa ai, Sale le tama o loo faagaulua mai i le isi itu ua pei e oso se maalili e le mamao lava mai si ona atalii pele lea ua maliu, . . . ma ua matua le iloa le mea ua oo i ai le maualuga o le fiva.

“Ave lo'u atalii i lo tatou aiga,” sa tau memumemu mai ai si tamā talavou ua taia foi i le ma'i, ‘ma tanu i le fanua o lo tatou aiga, ona e toe foi mai lea taeao e avatu au.’

“Sa foi mai loa tama ma aumai Keneti i lo matou aiga, ma sa ia faia se pusa maliu mo le tamitiiti i lona fale kamuta, ma sa galulue loa lou tina ma ou tuafafine . . . ma tuu i ai se fasi ie mamoe e pei e faalo ai totonu, ona o atu ai lea o lou tama ma Falanisisi ma isi tuaoi agalelei ma latou eli le tuugamau. Ona o le toatele o tagata sa maliliu ai i le vaitaimi lea sa o ai lava le aiga latou e eli tuugamau. Na o le pau lava le mea sa faatagaina o sina sauniga puupuu i luga o le tuugamau.

“E lei umi lava ona toe foi mai lo matou aiga mai le fanuatanu ae toe tatagi foi le telefoni o Siasoi Alapati foi ma se tasi o ana savali matautia: o loo tau mai ai ua maliu Sale a o loo mamai tigaina lava le toalua o nai afafine lalelei o Vesita e 7 tausaga ma Eleni, e 5 tausaga, ma ua maua foi i le faamai matautia pepe e toalua-o Raeldon e 4 ma Pauline e 3.

“Sa mafai la ona maua ane e nai o matou tausoga lelei, . . . se pusa maliu mo Sale ma sa latou auina mai ai loa o ia i se nofoaafi e tau lata i lo matou aiga. O Tama la ma si tama laitiiti o Falanisisi sa la aumaia le tino maliu mai le fale e faatali ai pasese a le nofoaafi . . .

“O le aso na sosoo ai, sa toe agai atu ai foi si o matou tama malosi ma le tino lelei i se isi foi o ana savali uiga ese ma o le aso lea sa alu atu ai e aumai Vesta, si teineitiiti mata ataata ma ona mata tetele lanu moana ma lona lauulu lanu uliuli, ua maliu.

“E taunuu atu tama i le fale sa ia maua ai si tina loto nutimomoia o lulieta o loo tootuli mai i le moega o si ana pepe pele o Ileni, mata lanumoana e pei o se agelu ma nei keli lanu auro. Ua matua masusu lava ua vaivai le tina talavou lenei o lulieta ma o loo tatalo. . . .

“Ae lei taunuu mai tama i lo matou aiga ma si teine o Vesta ua maliu ae toe taunuu mai foi ma le isi tala faavauvau. Ua maliu foi Ileni ma ua malaga atu nei e faatasi ai ma si ona tama, ma lona tuagane o Keneti ma lona uso o Vesta. Ma o lona fa o lona aiga, i le vaiaso lava lenei e tasi.

“E lei toe tatagi le telefoni i le afiafi o le aso lea na latou tanuina ai Ileni ma sa le toe i ai foi ni tala faanoanoa e uiga i se maliu i le taeao na sosoo ai . . .

“Ina ua uma le taumafataga o le taeao sa faapea atu loa tama ia Falanisisi, ‘Ia lou atalii e, e sili ona ta o atu nei i le faatoaga ma vaai pe mafai ona maua se isi ta uta o umala mai le eleele ae lei oo ina liu aisa ma mafafia tele le kiona. Ae sili ona sauni ane loa a ta manu ma ta o atu loa.’

“Sa aumai loa e Falanisisi le taavale toso lenei o solofanua e fa o loo sau ai ma sa oo mai loa i le auala mai lo latou fale ma sa oso ane ai lou tama. A o la tietie atu la i le ala lenei o Saratoga sa latou fetau ai ma taavale solofanua o umala e tele a faifaatoaga latou te tuaoi o loo agai atu e faatau ai fua o a latou faatoaga i le maketi. A o la fetau atu la i lea fai faatoaga, sa faapea mai le o loo ia aveina: “Malo lava Siaosi, po o le: “Ia faamafanafana le Atua i lou loto mafatia Siaosi, Aua e te popole Siaosi o loo toatele lava nai au uo o loo iinei. Ma le anoano lava o isi faaupuga o faamaisega.’

“O le taavale solofanua mulimuli la na latou fetau o loo sau ai le alii o Jasper Rolfe, Sa ia talotalo ma valaau mai: “O umala uma lava nei alii Siaosi’

Sa liliu atu nei tama ia Falanisisi ma faapea atu i ai ma lona le iloa: Maumau la pe a na faapea o tatou umala uma na.”

“Ina ua la taunuu i le faitotoa o le faatoaga, sa oso i lalo Falanisisi ma tatala le faitotoa ma malaga loa i totonu o le faatoaga. Sa ia faatu le taavale, tu i luga ma vaavaai solo i le faatoaga, sa ia vaai i le itu agavale, o le itu taumatau i luma ma tua, ma o le mea e ofo ai ona sa matua leai ma se laau fai suka na vaaia i le faatoaga atoa. O le taimi lea na oo ifo ai i lona loto le uiga o le valaau a Jasper Rolfe: “Siaosi, ua leai se mea o totoe!”

“Sa oso i lalo tama mai le taavale, luluu i ona lima le eleele tamaoiga, ma le pele ia te ia, ma ia uu ane i luga i lona lima agavale e leai se limamatua se tumutumu o se laau fai suka, ma faatausisila i ai e pei e le talitonu.

“Sa nofo ifo tama i luga o se faaputuga o tumutumu o laau fai suka-o lenei alii na ia aumaia le toafa o e ua pele ia te ia, o lona aiga mo le tanumia i totonu o aso e ono; fausia pusa oti, eli tuugamau, ma fesoasoani i le faia o lavalava maliu-o se alii lototele aua e lei vaivai lona faatuatua pe faavaivai i nei faigata matautia-na nofo ifo i luga o tumutumu o laau fai suka ma tagi pei o se tamitiiti.

“Na mavae lea ona ia tu ai loa lea i luga, solo mata, pupula ae i le lagi ma faapea atu: ‘Faafetai lou Tama mo toeaina o la matou uarota;’ (Les Goates, as quoted by Vaughn J. Featherstone, “O Lenei, la Outou Tumau i le Faatuatua, Faamoemoe, ma le Alofa, *Liahona* Novema, 1973, itulau e 29-30 palakarafa 26-45.)

Faaiuga

Ua faavaeina korama uma a le Ekalesia e faataunuuina ai mea o loo faamoemoe ai le Alii. I le avea ai ma tagata e umia le Perisitua, e tatau ona tatou faataunuuina tiutetauave ua tuuina mai ia i tatou.

Sa tusia e Peresitene Iosefa Filitia Samita e faapea: “E lei i ai muamua i totonu o le talafaasolopito o le Ekalesia se tiutetauave na tuuina mai i le perisitua na sili atu ona tatau le faataunuuina nai lo aso nei. E lei se taimi muamua na tatou maua ai se avanoa maoae e auauna ai i le Alii, ma tausia ana poloaiga, ma faalauteleina valaauga ua tofia ai i tatou.” (*Doctrines of Salvation*, 3:117.)

Lui

1. Faataunuuina galuega ua tuuina atu ia te oe.
2. Ia avea ma tagata e amanaia mea o loo manaomia e isi tagata o le korama.
3. Saili fesoasoani mai lau korama o le perisitua pe a e manaomia se fesoasoani

Sauniuniga a le Faiaoga

A o lei tuuina atu lenei lesona:

1. Faitau le MFF 107:21-26, 58-66, 85-100.
2. Ia i ai se laupapa ma se penisina. O le a e manaomia ia fesoasoani i le tele o lesona, o le mea lea ia fuafua le i ai o ia mea i totonu o lou potuaoga i vaiaso taitasi.
3. Tofia tagata o le vasega e tuuina atu tala ma mau i totonu o lenei lesona.
4. Fuafua e amataina le sauniga i le “Uunai Atu ia ma Tulei,” Viiga nu. 163

O Tiute o le Tiakono

Lesona 5

O le faamoemoega o lenei lesona ia fesoasoani ia i tatou ia malamalama i tiute o tiakono.

Faatomuaga

Sa tuuina atu e se Epikopo Pule Faamalumu o le Ekalesia lenei fautuaga i tiakono o le Ekalesia:

“O fanau a le Atua tagata uma lava, peitai o loo i ai ia te outou se mea e sili ai outou i ia tagata uma. O loo i ai ia te outou le pule e galulue ai i lona suafa. O le mea lenei ua tulaga ese ai outou mai tagata uma o le lalolagi. O lea lava foi mea e le faapea o le a vave ona faalelei ai outou ma sili ai nai lo isi tagata, ae ua faapea ona maua ai e outou le avanoa ma le tiutetauave e ola ai i ni olaga lelei e sili atu nai lo isi.

“Talu ai ona ua outou iloa, o outou o le fanau a le Atua ma o loo umia e outou lana perisitua, o lea ua faamoemoeina ai le faataunuuna e outou o le tele o mea nai lo isi tagata e le o maua e i latou lenei faamanuiga sili.” (Victor L. Brown, “O le Perisitua Arona o se Faavae Mautu,” *Liahona* Ianuari 1973 itulau 29.)

O Tiute o le Tiakono

Ona o i tatou o Tiakono o lea o loo tatou i ai i le savali na auina mai ai i tatou e le Alii (tagai ile MFF 64:29). O le galuega a le Alii o la tatou galuega lea. A faapea o le a tatou ava ma faamamalu i le perisitua i le faataunuuna lea o o tatou tiute o lo tatou ava foi lea i le Faaola. O se tasi o ala sili lava e mafai ona tatou faaali atu ai lo tatou alofa mo le Faaola, o le faia lea o o tatou tiute faa-tiakono. O nei la tiute e aofia ai le leoleo o le Ekalesia ma le tufatufaina atu o le faamanatuga.

Tusi upu nei “Leoleo le Ekalesia” ma le “Tufatufaina atu o le Faamanatuga” i luga o le siata po o le laupapa.

E i ai foi isi uiga o le leoleo o le Ekalesia, e pei o le fesoasoani lea i tagata i o latou manaoga faaletino. O le maua lea o meaai e aai ai, o se mea e moe ai, ma lavalava e oofu ai, o mea ia e taua o manaoga faaletino. E fesoasoani tiakono i le epikopo i le vaai ma le leoleoina o manaoga faaletino o le Ekalesia i le aoina mai lea o taulaga anapogi, o le galuega e auauna atu ai i tagata o loo manaomia se fesoasoani.

O le tala o loo taua i lalo e faatatau i le aoina mai o le taulaga anapogi o loo faailoa mai ai le ala na aaoaina ai e se tasi tiakono le taua o lona tiutetauave, e pei ona taua. O lenei la tala i lea mea na tupu i le tele o

tausaga ua mavae a o le vaitaimi lea e tuuina atu ai e tagata mea taumafa, o lavalava, ma fafie po o suauu foi e fai ma a latou taulaga anapogi e tufatufaina atu ia i latou o loo manaomia nei mea.

“Ona o au o se tiakono, o lea sa tofia ai au e aoina mai taulaga o le anapogi a lo matou pitonuu. O se alii fai aava ua sili atu i le 40 tausaga o lona soifuaga sa avea ma o matou supavaisa ma o lona suafa o Brother Peter Reid, ma o lona tiutetauave la lea o le tagai i ai ua aoina mai ma tufatufaina atu taulaga o le anapogi ia i latou o loo manaomia . . .

“O lou tiute la sa tuu ou te asiase i aiga uma lava i lenei pitonuu. . . . ma tuu atu i ai le avanoa e tuuina mai ai se mea mo nai tagata matitiva. O se tasi aiga e latou te tuuina mai ai fasi malala koale tele lava, o se isi aiga e latou te tuuina mai ni fafie, o se isi aiga e latou te tuuina mai se luuga o falaoa mata, po o se fagu fualaaui aina, o se ipu suka, po o se fasi puaa manifinifi faaasu, ma isi lava mau mea. . . .

“O se tasi la Aso Toonai faapitoa lava sa faatulaga o le a taaalo ai la matou au lakapi ma sa ou naunau lava ou te taalo. Sa ou iloa o lou tiute lea o le aoina o taulaga anapogi, ma o se mea sese tele pe a ou le faataunuuiina, ae sa sili atu ia te au le faamalie o lou manao i ou fiafiaga nai lo le faia o lou tiute, ma sa ou taalo ai loa i le taaloga lakapi. . . .

“O le taeao po lava o le aso na sosoo ai sa tuitui mai ai loa Brother Reid i lou faitotoa i tua ma fesili ma ia te au. Sa ou lagonaina lava le maasiasi sa ou manao ou te momoe ou te lafi-ae sa ou alu atu pea ma faagaugau lou ulu ona ua ou ma ou te pupula i ona mata. Pau lava lana tala sa fai mai: “Uili, e i ai sou taimi avanoa ta te savalivali ai?”

“O se aso malulu tele lea o le tau afu.

“Sa ma o loa ma ia, sa ma agai muamua atu lava i se nofoaga e pei e laolao o loo siomia e fale e fai i laupapa i le tulimanu o le alatele e taua o le First North ma le Third West. Ua ia tuitui atu i se tasi o faitotoa ma sa tali mai loa se tamaitai mativa pae.

“Fai mai lana tala: “Brother Reid, matou te le i maua la matou meaai ananafi ma e leai ma se meaai o loo i totonu o le fale matou te aai ai.”

“Sa faapea atu loa Brother Reid: ‘Ia malie lou loto oe le mafine, ae ua ou mautinoa o le a maua sa outou mea e tausami ae lei uma le aso.’

“Sa ma toe faaauau ma oo atu ai i le faitotoa o le isi fale e latalata mai i le pito lava o le laolao lenei. Sa tuitui foi le faitotoa ma e le i sau la se isi e tatala mai le faitotoa ae na o se leo sa valaaui mai ia i maua e ma te o atu i totonu.

“Sa ma ulufale atu loa ma iloa ai o se ulugalii matutua lava o loo nonofo mai lava i lo la moega. Fai mai le tala a le toaina: ‘Brother Reid, ua leai sa ma fafie ma o lea ua mafua ai ona ma le o ese ma le moega ina ia faamafanafanaina ai i maua.’

“I le isi faitotoa sa faafeiloaia ai i maua e se tina laitiiti ma si ana fanau laiti o loo opoopo ma fusi mai faatasi. O loo tagi lava si pepe ae o loo iloa atu foi i mata o nai isi tamaiti sa fetagisi.

“Ua lava lea ma totoe ia te au! . . .

“Sa toetiiti lava ou tagi-ona ua ou matua tuulafoaiina lava lou tiute. . . . Ma sa auina atu i nei tagata a latou meaaai ma koale i le taeao po lava ma le aoauli o lena aso-ma sa ou aoaoina ai se tasi o lesona pito sili ona taua.” (Program Outline for Teaching Observance of the Law of the fast, 1965, pp. 19-20.)

Ae ui i la i lea, o le aoina mai o taulaga anapogi, ua na o se tasi lea o ala e leoleoina ai le Ekalesia. O le isi ala e mafai ona fesoasoani atu ai o le fesoasoani atu lea i le fafine ua oti lana tane e toto lana togalaau, ma faasusu, ma vele. I le taimi o le seleselega e mafai ona tatou fesoasoani atu ia te ia i le aoina lea ma le teuina o mea taumafa. I le faia o nei mea o loo tatou fesoasoani atu ai ia te ia i na ia i ai mea na te manaomia i le itu i le tino.

Faali ata 5-a, “O se tasi tiute o tiakono o le aoina lea o taulaga anapogi,” ma le 5-e “O le galulue e pei o se korama i se galuega a le uelefea o se tasi lea o ala e mafai e le tiakono ona leoleo le Ekalesia.”

O le leoleoina o le Ekalesia e mafai foi ona faauiga faapea o le fesoasoani atu lea i tagata ina ia latou tausia poloaiga.

E faapefea ona tatou fesoasoani atu i tagata ia tausii i poloaiga? (E mafai ona tatou faia lenei mea i le aoaoina atu lea ia i latou o le talalelei i a tatou upu ma a tatou gaoioga.)

Fai atu i tagata o le vasega e faitau le MFF 20:58-59. O a nisi ala e mafai ona tatou lapataia, aoaoina ma valaaulia uma ai tagata e o mai ia Keriso?

A o tatou lapatai atu, valaaulia, ma aoao atu o lona uiga ua tatou faafetaiaia foi ma manaoga faaleagaga o tagata o le Ekalesia. O le tasi ala e mafai ona tatou faia ai lenei mea o le faia lea o a tatou tautalaga po o lauga i le lotu. A tatou saunia male agaga tatalo a tatou tautalaga po o lauga, o le a molimau le Agaga Paia i le moni o a tatou upu i tagata o le Ekalesia. O isi ala e mafai ona tatou faataunuuina ai lenei tiute o le logoina lea o tagata e uiga i fonotaga ma le faataunuuina o aoaoga i le aiga pe a valaauina ai i tatou e faia.

O se tasi o ala pito paia e mafai ona tatou fesoasoani ai i tagata e faafetaiaia o latou manaoga faaleagaga o le tufaina atu lea po o le tautuina lea o le faamanatuga. A tatou faia lenei mea, e tatau ona tatou lagona le Agaga o le Alii ma le taua o le sauniga. Aua o lea o loo tatou tuuina atu le faamanatuga i le au paia e avea ai i tatou ma sui o le Alii,

- 5-a. O se tasi tiute o tiakono o le aoina o taulaga anapogi.
- 5-b. O le galulue faatasi o le korama i galuega tau le uelefea o se tasi lea o ala e leoleoina ai e tiakono le Ekalesia.
- 5-c. O le tufaina o le faamanatuga o le tiutetauave paia







e tatau foi la ona tatou agavaa i le avea ai ma ona sui. E tatau ona tatou gaoioi ma laei e pei ona ia finagalo ai.

Sa faamatalaina e se tasi o le Au Pulega Aoao lona auauna atu i le tofi tiakono pe a ia toe mafaufau atu i ai i upu nei: "Ou te manatua le tulaga na ou manatu ai i lea mea o se faamamaluga i le auai i lea auaunaga paia. O loo ou manatua lelei lava le tulaga na aoaoina ai au e ou matua, ia tatau ona mama ou lima ma lou loto ina ia mafai ai ona ou agavaa e auai i lenei sauniga." (Saunia e Victor L. Brown "O le Perisitua Arona o se Faavae Mautu itulau 29 *Liahona* Ianuari 1973.)

A tatou tufatufaina atu le faamanatuga i le agaga sao ua tatou faataunuuna foi la se isi tiute o se tiakono. O lona tiute o le faaatoatoaina po o le fausia o le tasi ma le isi (tagai i le MFF 107:85). A vaai loa lo tatou faamaoni atoatoa i lenei tiute, o le a faagaetiaina tagata o le ekalesia ma o le a i ai le faanaunaga sili atu e faataunuu o latou tiute.

Faaii le ata 5-c, "O le tufatufaina atu o le Faamanatuga o se tiutetauave paia lea.

"O a ni mea faapitoa ma le patino ua uma ona tatou taua e mafai ona faia e le tiakono e faataunuuna ai lona valaauga? Lisi nei tali i luga o le laupapa po o le siata. (E tatau ona aofia ai manatu o loo tusia i lalo o le ulutala "Sauniuniga a le Faiaoga.")

O Ala e Aoao ai e Tiakono o latou Tiute

I le avea ai o i tatou ma tiakono o le a mafai ai ona tatou aoaoina o tatou tiute i le tele o ala ma nofoaga. O se tasi o ala e mafai ona tatou aoaoina ma iloa ai e ala atu lea i le suesue o le tagata lava ia ma le tatalo. Ina ia faia la lenei mea, e mafai ona tatou saili se taimi ma se nofoaga e mafai ona na o i tatou ai ma suesue i o tatou tiute e pei ona faamalamalama mai i totonu o tusitusiga paia ma tatalo mo se fesoasoani ina ia tatou malamalama ai i nei mea.

E mafai foi ona tatou aoaoina o tatou tiute i o tatou aiga mai o tatou matua poo o tatou uso matutua. E mafai foi ona aoaoina nei tiute i le taimi o le a faia ai afiafi faaleaiga. O lenei faatonuga e aoaoina foi i Aso Sa i fonotaga a le perisitua e le perisitene o le korama a tiakono. Ua uma ona poloaiina le perisitene o le korama a tiakono e le Alii ina ia pule faamalumu i tiakono i totonu o lana korama ma ia aoao atu ia i latou i o latou tiute (tagai i le MFF 107:85). E mafai ona fesoasoani mai o ia ia i tatou ia malamalama i o tatou tiute ma ala e gaoioi ai i le tofi o le tiakono. E mafai ona ia faia nei mea aua foi ua aoaoina o ia i nei tiute e se faufautua o le perisitua po o se tagata o le au epikopo po o le au perisitene o le paranesi, po o le taitai o le perisitua pule faamalumu e na te pule faamalumu i le Perisitua Arona ma faataunuuna tiute eseese o Perisitene o le korama a le Perisitua Arona.

O se tasi o ala sili e aoao ai ma iloa o tatou tiute o le faataunuu lea. A faapea o le a tatou faataunuuna o tatou tiute o lona uiga o le a sili atu

foi lo tatou malamalama i ai ma o le a fiafia ai foi le Alii. Ma a oo loa ina finagalo malie le Alii ia i tatou, o le a faapea foi ona ia faaali mai le tele o mea ia i tatou e ala mai i le Agaga Paia. I le avea ai ma tiakono, e tatau ona tatou ola agavaa pea lava pea ina ia iai le Agaga faatasi ma i tatou.

Ala e Fesoasoani ai le Korama o Tiakono i Tiakono

E tele ala e mafai ai e tagata o le Korama ona fesoasoani le tasi i le isi. A o tatou feiloai i tauaofiaga a le korama, e mafai ona tatou fefaaaumeaa'i. E mafai foi ona tatou fesoasoani le tasi i le isi i o tatou tiute ma gaoiioiga i le faia lea o fuafuaga o le a fesoasoani mai ai ia i tatou e faataunuaina nei tiute. O nei la tiute e aofia ai le fesoasoani atu i tagata e faafetaiaia o latou manaoga faaletino, saunia mo le tuuina atu o galuega faafaifeautalai, ae le gata foi i lea, o le faia o galuega tau gafa ma le papatisoina mo e ua maliliu, ma le toe faatoagaina mai o alii talavou ua oo o latou tausaga i le taimi e tatau ai mo le korama, ma le aoaoina o le talalelei. O le korama e tuuina mai le avanoa ia i tatou e galulue faatasi ai i le faataunuaina o nei tiute. Ma i le faia o o tatou tiute, o lo tatou fesoasoani foi lea i le fausia po o le atinae o le malo o le Atua.

E mafai foi ona tatou iloa le tuputupu ae o le tagata lava ia, e ala i auunaga i le korama. Tatou te tuputupu ae i le malamalama a o tatou suesue i le talalelei ma faataunuu o tatou tiutetauave, ma e tatou te faateleina o tatou tomai tau i le taitaiga e ala i le auuina atu o ni taitai i le korama.

Fai atu i tagata o le vasega e faitau le MFF 107:60-62, 85. O ai e pulefaamalumu i le korama a tiakono? O a ona tiute?

O i latou e pulea i tatou e latou te filifili le peresitene o le korama ma valaauina o ia e galue. A maea lea ona filifili lea e le peresitene o ni fesoasoani se toalua, ma o i laua la ia e tatau ona faamaonia ma valaaulia mai e i latou e pule. O le faufautua o le korama e na te aoaoina i latou o taitai i o latou tiute. O ia foi lea e na te aoaoina le lesona o le talalelei i le fonotaga a le korama. O taitai o le korama e faatonuina tagata o le korama i o latou tiute tau le perisitua. O ala la nei e aoao ai e tagata o le korama ina ia leoleo i le Ekalesia.

O a tatou korama foi o le a tuuina mai ai le avanoa e mafai ona tatou maua le faauoga ma le fesoasoani. Afai tatou te lotovaivai, pe le mautinoa foi le mea moni, e mafai ona tatou maua mai le faamalosiuga ma maua tali i a tatou faafitauli mai le korama. O loo faapupulaina e le tala o loo taua i lalo le ala e mafai ai ona tatou fefaamalosiua'i, ma faaalua lo tatou popolega o le tasi i le isi. O le tala lea, sa faaalua ai le popolega mo se tagata o le korama ua le toaga mai.

Sa i ai se tasi tiakono sa le toe toaga i le ekalesia o lona uiga o lea mea sa le toe auai lava o ia i ana fonotaga tau le perisitua po o le ekalesia

foi. O Aso Sa e masani ai lava ona galue o ia i tafatafa o lona fale. I le tele lava la o nei taimi e faia ai nei galuega, e mafaufau ai lava e i fonotaga a le perisitua ma lona manao mo le faaumeaina. Ae talu ai la e leai lava se tasi e valaauina o ia e auai i se fonotaga a le perisitua o lea sa manatu ai o ia ailoga e manaomia o ia. O se tasi la Aso Sa a o valiina se tasi o potu o lona fale, sa asiasi atu ai loa ia te ia le au peresitene o le korama a tiakono. Sa latou fesili ia te ia pe manao e auai i se tasi o fonotaga o le perisitua i le Aso Sa e sosoo ai. Sa ia tali atu e leai. Semanu e faavaivaiina ai i latou i le tali, ae sa latou le mananao e tuu ai faapea. Sa faaauau ai pea lava ona asiasi mai le toatolu o i latou nei ia te ia i Aso Sa e valaaulia atu o ia i fonotaga a le perisitua.

E ui la ina e lei auai lava lenei tama le toaga i se lotu a o avea o ia o se tiakono, ae sa tuputupu ae pea i totonu ia te ia lona alofa ma lona manatu mamafa i le au peresitene o le korama ma sa avea ma mea sa loloto ai lava se lagona sa i lea tama. Ma o lenei la lagona alofa ma le amanaia sa ia te ia sa uunaiina ai o ia ina ua matua ane teisi e saili atu i le Ekalesia. O le asō la o ia o se tasi o tagata toaga tele i totonu o le Ekalesia o loo faataunuina uma lava ona tiute tau le perisitua.

Faaiuga

A tatou aoaoina o tatou tiute ma faalauteleina lo tatou perisitua i o tatou tulaga o tiakono, o lona uiga ua tatou atinae foi lava e i tatou i tatou ma fesoasoani atu foi i isi e latou te faia le mea lava lenei e tasi. O le uiga la lea o le mea lea e taua “o le leoleo o le ekalesia, ma avea ma auaua tumau i le ekalesia” (MFF 84:111).

Lui

1. Ia ola i le talalelei ma ia avea ma faataitaiga lelei o se tasi o loo umia le perisitua.
2. Suesue ma tatalo e uiga i tusitusiga paia o loo aoao mai ai ia i tatou tiute o le tiakono.
3. Ia aoia mai taulaga anapogi pe a poloaiina ai.
4. Ia ava ma migao i le taimi o le sauniga o le faamanatuga; ma i le taimi o le a tufatufaina atu ai le faamanatuaga, ia amio ma laei e pei ona faia e se sui o le Faaola.

Mau Faaopoopo

1 Timoteo 3:8-10 (o agavaa o tiakono)

MFF 84:30-32 (tofi tiakono o se vaega o le perisitua maualalo.)

Sauniuniga a le Faiaoga

A o lei tuuina atu lenei lesona:

1. Faitau le MFF 20:38-60 ma le MFF 107.
2. Sauni e tusi tiute nei o loo taua i lalo o se tiakono i luga o le laupapa i le taimi o le a faia ai le talanoaga a le vasega. A faapea e le maua se laupapa, ona lisi lea i luga o se siata.

 Tiute o le Tiakono

1. E leoleo i le ekalesia
2. E tufatufaina le faamanatuga

 O ala e Faataunuaina ai Tiute

1. Aoa o atu le talalelei i upu ma galuega.
2. Ia logo atu i tagata e uiga i fonotaga
3. Fesoasoani i tagata i o latou manaoga faaletino i le-
 - A. Aoina mai o taulaga anapogi
 - B. Galue i galuega o le uelefea.
4. Ia talia tofiga e tufaina le faamanatuga.

O le faamoemoega o lenei lesona ina ia fesoasoani ai ia i tatou ia malamalama i tiute o aoao.

O Tiute o se Aoao

O o tatou tiute i le avea ai ma aoao e aofia uma ai lava tiute o le tiakono. O le a tumau pea lava ia i tatou le pule ma tiutetauave o le tiakono e tusa lava po o le a le tofiga o le perisitua e tatou te umia. Ma e faapea foi la pe a oo i le taimi o le a faauuina ai i tatou e avea ma ositaulaga o le a aofia ai i o tatou tiute o le tiakono ma le aoao. Ona talu ai la o nisi o i tatou o aoao, ma o nisi o le a oo i ai i lea tulaga i se aso, e tatau ai ona tatou aoaoaina tiute o lona tofiga.

Fai atu i tagata o le vasega e faitau i le MFF 20:53. O a nisi o tiute o le aoao? Tusi tali i luga o le laupapa. (E tatau ona aofia ai ma tiute o loo lisiina i lalo o le “Sauniuniga a le Faiaoga” o loo maua i le faaiuga o lenei lesona.)

Ina ia faatasi ai ma sui po o tagata ma faamalosi i latou o lona uiga o lou faamasani lea i ai ia e iloa i latou, ma ia auai faatasi ma i latou i gaoioiga faalelotu ma fonotaga, ma fesoasoani ia i latou ina ia faataunuuna o latou manaoga, ma fesoasoani ia i latou e auuina atu i isi.

Fai atu i tagata o le vasega e faitau mai le MFF 20:54-55. O a la nisi tiute o le aoao? Tusi i luga o le laupapa.

O loo taua mai i le fuaiupu e 54 o aoao e latou te siitia ma faaleleia le sootaga ma le alofa i tagata uma o le Ekalesia. E mafai ona tatou faia lenei mea i lo tatou fesoasoani atu lea ia i latou e faanofofilemu ma faaleleia o latou eseese ma uunaia i latou ina ia auuina atu ma ia aoga le tasi mo le isi. O loo tau mai foi i le fuaiupu e 55 e faapea o aoao e tatau ona latou fesoasoani atu i tagata ia faia o latou tiute.

E Faapefea Ona Faataunuuna e le Aoao ona Tiute?

E tele ala e mafai ai e le aoao ona faataunuuna ona tiutetauave. E mafai ona avea o ia ma faaitaiga lelei, ma avea ma se faiaoga lelei o aoaoga i le aiga, ma faafeiloai atu tagata i le Ekalesia, ma sauni le faamanatuga, fesoasoani i le aiga ma ia avea ma faatupu filemu.

FAIA SE FAATAITAIGA LELEI

O le tasi ala e mafai ona tatou faamalosi ai tagata e ala atu lea i la tatou faaitaiga. Sa tau atu e Alema i lana talanoaga i lona atalii o Korianetona e faapea ina ua iloa e tagata o Sorama ona uiga ma amio

agasala, “ua le mafai ai i latou ona talitonu i au upu”(Alema 39:11). O o tatou olaga e pei foi o le soifuaga o Korianetona o le a tosina mai ai ma isi e tusa lava po o fea o tatou i ai po o a tatou mea o loo fai. O se mea taua le avea o i tatou ma faataitaiga lelei o le amiotonu i taimi uma i mea ua tatou i ai.

IA AVEA MA FAIAOGA LELEI O LE AIGA

Faaali le ata 6-a “O le Aoaoga i le Aiga o se tiute taua lea o le aoao.”

E mafai ona tatou faalateleina o tatou valaauga e aoao atu ai ma faamalosi tagata i aoaoga i aiga. I le faataunuaina o lenei tiute, e tatau ona tatou manatu e mafai ona tatou maua musumusuga mai le Alii. Ua uma on fetalai mai le Alii o i latou uma lava ua faauaina e talai le talalelei e tatau ona latou faia e ala i le “Agaga, o le Fesoasoani lava lea, na auina atu e aoao atu le upu moni” (MFF 50:13-14.)

E faapefea ona tatou iloa po o a mea e aoao atu i aiga ua tofia i tatou e aoao?

Ua faamatala mai e se faiaoga o aoaoga i aiga sa aoaoina le Perofeta o Iosefa Samita ma lona aiga le tala o loo taua i lalo e ao ina tatou faia mo i latou e tatou te aoaoina.

“Sa ou lagona lava le faatauvaai i lou asiasi atu i le Perofeta ma lona aiga i lou tulaga o le faiaoga. Sa toeitiiti lava a ou lagona ou te fia liua ma mou ese mai (lau) galuega (tiute.) Mulimuli ane sa ou alu atu loa i lona faitotoa ma tuitui atu, e lei umi lava ae sau loa le Perofeta i le faitotoa. Sa ou tu ai lava iina ma le gatete ma faapea atu ia te ia:

“Le Uso e, Iosefa, ua ou oo mai ou te asiasi ia te oe i lou tulaga o le faiaoga, pe a faapea o le a talafeagai ai lea ma oe.!

“Fai mai a ia, ‘Le Uso Viliamu, susu mai nei loa i totonu, e ese lou fiafia ina ua ou vaai atu ia te oe; alaala mai i le nofoa lea e tuu mai ae sei ou alu e valaau lou aiga e o mai i totonu.’

“E lei umi ae o mai loa i totonu le aiga ma tofia ma le nofoa. Sa ia fesili mai loa ia te au, ‘Le Uso e, Viliamu ou te tuuina atu au nei ma lou aiga i ou lima, ‘ma sa ia alaala mai loa i lona nofoaga. Sa ia faapea mai loa, ‘Ua lelei, le Uso e Viliamu, ae fai mai loa ni fesili uma lava e te lagona o loo e fia fesili mai ai.’

“E oo mai i le taimi lea ua uma lou fefe ma lou gatete sa i ai, ma sa ou faapea atu loa, ‘Le Uso e Iosefa, po o e taumafai e te soifua i lau lotu?’

“Sa ia tali mai ‘loe,’

“Sa ou toe fai atu loa ‘E te tatalo i lou aiga?’

“Sa ia tali mai ‘loe,’

“Pe e te aoao atu ea i lou aiga mataupu faavae o le talalelei?’

“Sa ia tali ma ‘loe, o loo ou taumafai lava e fai lona mea.’

“Pe e te talosaga atu ea mo se faamanuiaga i au mea tausami?’



“Sa ia tali mai ‘loe.’

“‘Po o e taumafai ea e ola filemu ma lou aiga ma ia tutusa ai ma talafeagai ma tagata uma lava o lou aiga?’

“Sa ia tali mai o loo ia faia lava ia mea uma.

“Sa ou liliu atu loa i le Faletua o Ema, ma ou faapea atu i ai ‘Le Tuafafine Ema, po o e taumafai ea e te soifua i lau lotu e tusa ma ana talaiga? Pe e te aoao atu ea i lau fanau ia ususitai i o latou matua? Pe e te taumafai ea e aoao i latou ina ia tatalo?’”

“Ma o nei fesili uma lava sa ia tali mai, ‘loe, o loo ou taumafai lava e faia.’

“Sa ou toe liliu atu loa ia Iosefa i le taimi lea ma faapea atu, ‘Ua uma nei la au fesili sa tuuina atu i lou tulaga o se faiaoga; ma o le taimi nei la a o i ai ni faatonuga e tau mai ia te au, o le a ou fiafia lava e talia.’

“Sa ia fai mai loa ‘Ia faamanuia atu le Atua ia te oe, le Uso Viliamu; ma a faapea e le lotomauualalo ma faamaoni, o le a e maua le mana e foia ai nei faafitauli uma atonu o le a oo mai ia te oe i lou tulaga o le faiaoga i aiga.’

“Sa faapea loa ona ou tuuina atu i ai lau faamanuiaga ma ou tuua o ia ma lona aiga, i lou tulaga o au o se faiaoga ma ou tuumuli ese loa.”
(William Farrington Cahoon, “Recollections of the Prophet Joseph Smith,” *Juvenile Instructor*, Aug. 15, 1896, pp.492-493.)

E pei la o lenei faiaoga o aiga e mafai ona tatou faamalositia o tatou aiga e faia ai tatou aoaoga faaleaiga e pei ona tofia i ai i tatou i le tatalo faatasi lea ma i latou, ma le uunaia o i latou ina ia faia o latou tiute faaleaiga, ma fesoasoani atu ia i latou ina ia ola i le talalelei. A faapea o aiga nei o loo tatou aoaoina e latou te manaomia se fesoasoani, e tatau ona tatou lipotia atu o latou manaoga i o tatou taitai poo taitai o le perisitua.

A tatou asiasi atu i o tatou aiga e pei ona tofia i ai i tatou, e tatau ona tatou manatua o loo tatou faia lea mea mai le faatagaga mai ulu o aiga. Talu ai la o i latou nei o la latou tiutetauave lea i luma o le Alii o o latou aiga, o le mea lea e tatau ai ona tatou aoaoina pea o latou aiga i lalo o la latou taitaiga ona faatoa mafai ai lea ona tatou faataunuunuina o tatou tiute o faafiaoga.

A tatou faia la tatou galuega o aoaoga i le aiga i le ala e finagalo ai le Alii ina ia tatou faia ai, o lona uiga o loo tatou atinae le alofa ma le lotogatasi i le Ekalesia. O le tala lenei o loo taua i lalo o se faataitaiga lelei tele lea o le mea e mafai ona tupu pe a oo ina tatou matua sagai ane ma manatu mamafa i o tatou valaauga o faiaoga i aiga:

“Talu ai nei lava . . . sa tofia ai se tasi alii ma lona atalii e aoao i le matou aiga i le tulaga o faiaoga o aiga. Sa matou iloa lelei le faamaoni o le tama i le talalelei ae sa matou le iloa le tulaga e i ai le atalii, e ui

6-a, O le avea ma faiaoga o se tiute lea o le aoao.

lava ina sa faaalii i foliga ma le amio a lea alii talavou lea tulaga e tasi o le faamaoni. A o matou talanoa ma i laua, sa ou mataia pea le tama talavou. E ui lava ina sa filemu o ia e le tautala, ae o mea uma na ia faia ma taua na maua ai se tulaga o le faamamaluina o le perisitua na ia te ia. Sa lei umi ae o la iloaina ua maliu le ma tama i le tausaga talu ai, ae o loo faatalitali nei mo le fanau mai o se isi a ma tama. Na amata mai lena lava taimi, ona avea i laua ma se vaega taua lava o o matou olaga, a o tatalo i laua ma faamalosi matou. I le faaiuga o lena uluai asiasiga, sa ou talosagaina ai le alii talavou na te faia la matou tatalo. I lana tatalo sa ole atu ai i le Alii ina ia fesoasoani mai ia i maua i le toesea o la ma tama ma ia faamanuia le pepe fou, o le a ma mauaina. Sa tatalo faapitoa o ia ina ia le faigata i lou toalua ona fanauina mai le pepe. Sa ootia lou toalua ma au i le faamaoni ma le manatunatu o lenei aoao talavou. I aso ma vaiaso na sosoo ai, sa asiasi mai pea lava pea nei uso ia i maua (e sili atu i le faatasi i le masina). Ina ua fanau mai le pepe, sa aumai e lenei alii talavou faatasi ma lona tama se meaalofo. A o tootutuli i matou uma i le tatalo, sa faaalii e le aoao lona agaga faafetai i le Alii ona o le fanau mai ma le saogalemu o le tama.” (E Pei ona Toe Faamatalaina mai e H. Burke Peterson i le “Tiute o le Aoao” *New Era*, Me 1974, pp. 10–11.)

O le a se mea e mafai ona e faia ina ia avea ai oe ma se faiaoga o le aiga e sili atu ona lelei?

FAAFEILOAI I LE LOTU

E mafai ona faalateleina o tatou valaauga i le avea ma faaitaiga lelei i le faafeiloai po o le faatalofo atu foi i tagata a o latou gasolo mai i totonu o le falelotu. E mafai ona tatou faatalofo ma lulu aao ma i latou ma fesili i ai e faataatai i lo latou soifua lelei po o a mai. A tatou faia lea uiga o ni tagata e faasino nofoa i le faitotoa i se ala e mafana ma se lagona faaleuo, o loo tatou fesoasoani foi i le faalateleina o le alofa ma le lotogatasi i tagata o le uarota.

SAUNIA O LE FAAMANATUGA

Sa aoao mai ia i tatou e le Faaola o le auauana atu moni o le faia lea o se mea e aunoa ma le faamoemoeina o se viiga e maua mai ona o le faia o lea mea. O le saunia o le faamanatuga o se faaitaiga lelei lea o lenei mataupu faavae. O le tele lava o taimi e le iloa e tagata, o aoao latou te saunia le faamanatuga, aua foi e masani lava i le tele o taimi ona saunia e aunoa ma le amanaia po o le faailoaina o i latou o loo saunia. Ae ui i lea e faataunuuina lava lea tautua, ma o loo fiafia le Alii aua o le tautua po o le auauana atu moni lea.

O le a se mea e mafai ona tatou faia e saunia ai i tatou i le tino ma le agaga e sauni le faamanatuga? (Ia aofia ai le manatu o le mama i la le tino.)

6-b, O le aoao na te faalateleina lona perisitua e fesoasoani foi e faamalo



FESOASOANI I LE AIGA

I le tulaga faaaaoao e mafai foi ona tatou fesoasoani i o tatou lava aiga. E taua tele le fesoasoani e faamama ma toe faafou po o le faaleleia o tatou fale, ma vaaia lelei le lotoa, ma galue i le faatoaga. I le ma le isi, e mafai e i tatou nei o loo umia le perisitua ona fesoasoani i o tatou aiga e ola i le talalelei.

Faaali le ata 6-b, “O se aoao e faalauteleina lona perisitua o le a fesoasoani e faamalosia lona aiga.”

O le tala la e faatatau i se tasi sa ia umia le perisitua ae le toaga ma e ulaula tapaa ma e na te lei faia laasaga e tatau ai ina ia faamauina ai i le malumalu ma lana ava ma lona atalii talavou. Sa fiafia tele le atalii o lenei alii i le faatasiga e faavavau faaleaiga, ina ua uma ona falogo o ia i se lesona i se fonotaga a le perisitua e faatatau i le faaipoipoga i le malumalu. Sa avea lea lesona ma mea sa tosina ai le tama e talanoa i lona tama e faatatau i lenei mataupu. Ma talu ai la lenei talanoaga sa suia ai loa le olaga o lenei tamaloa. Sa iloa ai loa i le taimi lena e le tama e alofa o ia i lona atalii ma e manao e faatasi ma ia e oo i le faavavau. Mulimuli ane, sa faamauina loa le aiga i le malumalu mo le taimi nei ma le faavavau - ma ua pogai lava nei mea uma ona o se tagata lava e toatasi o le aiga, o se aoao, sa fiafia i le atinae o le alofa ma le lotogatasi i totonu o lona aiga.

IA AVEA MA SE E FAATUPUINA LE FILEMU

E mafai ona tatou faataunuaina o tatou tiutetauave faaaaoao i le avea o i tatou ma e faatupuina le filemu i totonu o o tatou aiga ma i totonu o le Ekalesia. O se tasi o ala e faia ai lenei mea o le vaaia lea o mea lelei o loo i isi tagata. A o tatou saili atu la mo itu lelei i isi, o le a tatou faamalosia ai lo latou manatu ia i latou. O isi ala o le aloese lea mai le faitatala po o tala sala tua e le faamaonia o le a avea ma mea e manua ai le igoa lelei o se isi tagata ma ia faaaogaina e le aunoa le alofa ma le agalelei pe a oo i le taimi e feutagai ai ma isi. A o tatou atinae la nei agavaa ma faaaoga, o le a mafai ai ona tatou fesoasoani i le toatele o tagata ia latou maua ma faalogaina le filemu i totonu o o latou olaga.

Faaiuga

I le avea ai o i tatou ma aoao, e tatau ona tatou taumafai e le aunoa e faamalosia le Ekalesia, ma siitia ma faaleleia le lotogatasi ma le alofa, ma fesoasoani i tagata ina ia faia o latou tiute. E ui lava ina atonu e faapea o i tatou e talavou po o ni tagata fou faatoa liliu mai i le Ekalesia, ae o loo ia i tatou le mana e faatosinaina mai ai isi agai i le lelei. E tatau lava ona tatou manatua e le tuuina mai e le Alii ia i tatou ni poloaiga, “sei iloga na te saunia le ala mo i latou ia mafai ai i latou ona fai le mea ua ia poloaiina ai i latou.” (1 Nifae 3:7.)

Fuafua faatasi ma le vsega se galuega faapitoa e mafai ona outou faia e fesoasoani ai ia atinae le lotogatasi ma le alofa i totonu o la outou vaega o le Ekalesia.

Lui

1. Ia iloilo faatasi ma le tatalo manaoga o aiga ua filifili oe e te faia a latou aoaoga faaleaiga.
2. Ia saunia se savali e fetau tonu ma manaoga o aiga taitasi e pei ona faatonuina ai e le Agaga.
3. Ia asiasi atu ma lau soa o faiaoga o aiga, i a oulua aiga ua tofia i ai i le amataga o masina taitasi.
4. Tatalo faatasi ma aiga na ua tofia i ai oulua.
5. Faataunuu galuega na e mafai ona oulua faia ma e manaomia e nai aiga ua tofia i ai oulua. Ia logo atu mea na e le mafai ona oulua faataunuuina i taitai o la outou korama.

Mau Faapoopo

Iakopo 1:17-19 (o le faalauteleina e aoao o o latou valaauga.)

Sauniuniga a le Faiaoga

A o lei tuuina atu lena lesona:

1. Faitau le MFF 20:53-60 ma le lesona 4. "O le Korama o le Perisitua."
2. Ia i ai se penisina ma se laupapa.
3. Ia saunia e tusi i lalo tiute nei o le aoao i luga o le lauapa po o luga o se siata i le taimi e faia ai le talanoaga a le vasega.

Tiute o le Aoao

1. Ia faataunuu soo se tasi lava o tiute ole tiakono.
2. Ia faatasi atu ma ia faamalosia le Ekalesia.
3. Ia siitia ma faaleleia le lotogatasi ma le alofa i totonu o le Ekalesia.
4. Fesoasoani i tagata e faia o latou tiute.
4. Tofi ni tagata o le vasega e latou te faamatalaina mai ni tala ma ni mau i totonu o le lesona sia lona aiga.

Tiute o le Ositaulaga

Lesona 7

O le faamoemoega o lenei lesona ina ia fesoasoani ai ia i tatou ia malamalama i tiute o ositaulaga.

Faatomuaga

Ua uma ona poloaiina mai i latou uma lava o loo umia le perisitua a le Alii ina ia “tu i lona lava tofiga ma galue i lona lava valaaulia” (MFF 84:109). Ina ia faia la lenei mea, e tatau ona tatou muai aoaoina ma sosoo ai loa ma lo tatou faataunuaina o tatou tiutetauave eseese i totonu o le perisitua. Ona o i tatou o ositaulaga, e aofia i o tatou tiute le aoao atu, papatiso, le faamanuiaina o le faamanatuga, asiasi atu i tagata ma faauuina isi i le perisitua. A o tatou faataunuaina la nei tiute ua le gata ina tatou fesoasoani i le atinae o le malo o le Atua ae ua faapea foi ona tatou saunia o i tatou lava mo le taliaina o le Perisitua Mekisateko. A tatou maua loa le Perisitua Mekisateko ma faauuina i tatou i le tofi toeaina, o le a mafai loa ona valaauina i tatou e faataunuaina ni a tatou misiona. Ae ui i lea o lo tatou tomai ma le aoga i le avea ai o i tatou o faifeautalai e fuafua lava po o le a le saunia lelei o i tatou e auauna atu. E mafai ona saunia i tatou e avea ma faifeautalai lelei i le faalateleina o o taotu valaaulia e avea ai ma ositaulaga.

O Tiute o le Ositaulaga

Ua tuuina e le Alii i ositaulaga le tele o tiute e faataunuaina, e aofia ai tiute foi nei o tiakono ma aoao. O tiute faapitoa lava o le ositaulaga o loo maua i le Mataupu Faavae ma Feagaiga.

Fai atu i tagata o le vasega e faitau ma faailoga le MFF 20:46-48. O a tiute o le ositaulaga? Tusi mai le faasologa o tali i luga o le laupapa? (E tatau ona aofia ai tiute o loo lisiina i lalo o le ulutala “Sauniuniga a le Faiaoga” o loo i le faaiuga o lenei lesona.)

AOAO ATU

O se tasi o o tatou tiute faaositaulaga o le “talai atu, aoao, folafola, apoapoi,” (MFF 20:46). O le uiga o lenei mea ia tatou aoao atu i isi mataupu faavae o le talalelei. Ina ia tatou aoao atu matupu faavae o le talalelei, e tatau ona tatou muai iloa po o a nei mea. Sa fetalai mai le Alii, “Aua le saili e talai atu lau upu, ae muai saili ia maua lau upu ona matala ai lea o lou laulaufaiva; o lea, afai e te manao ai, o le a e maua lou Agaga ma lau upu, ioe, o le mana lea o le Atua i le faatalitoniaina o tagata.” (MFF 11:21.)

E tele ala tatou te maua mai ai le upu a le Atua. E tatou te maua i totonu o o tatou aiga mai o tatou matua, i totonu o a tatou korama o perisitua, mai ia i latou o loo faatonuina i tatou, i Aoga Sa, ma sauniga faamanatuga.

O se tasi o ala e sili e aoao ai i le upu a le Atua e ala atu lea i lo tatou suesueina e i tatou lava o tusitusiga paia i aso taitasi. E le tatau ona soona tele naua ni tuatuatagia o soo se tasi e umia le perisitua o le a leai ai sona taimi e suesue ai e le aunoa i tusitusiga paia. A o tatou sailiili atu ma mafaufau loloto i tusitusiga paia, o le a fesoasoani mai le Alii ia i tatou ina ia tatou malamalama i ai. Ma o le taimi foi o le a tatou malamalama ai i le talalelei, e mafai foi la ona tatou aoao atu i nisi tagata.

E mafai foi ona tatou faataunuaina o tatou tiute o le aoao atu o le talalelei i isi tagata e ala atu i a tatou faataitaiga amiotonu. O le tele lava o taimi e aveai ai a tatou faataitaiga lelei ma mea o le a uunaia ai isi e latou te ola e tusa ai ma le talalelei.

O a ni mea patino lava ma le faapitoa e mafai ona tatou faia e aoao ai le talalelei?

Faaali le ata 7-a, "A papatiso e se ositaulaga se tagata, ua ulufale atu o ia i le malo o le Atua."

PAPATISO

O le isi tiute o ositaulaga o le faia lea o papatisoga (tagai i le MFF 20:46). O le papatisoga e faia i le pule sa'o o se tasi lea o sauniga paia aupito taua i totonu o le Ekalesia, aua foi o le sauniga lea tatou te ulufale atu ai i totonu o le malo o le Atua. O le tiutetauave paia lea o le ositaulaga o le faataunuaina lea o lana sauniga e faasaoina ai tagata pe a faatagaina e faia e i latou e pule ia te ia.

Faaali le ata 7-e "E i ai i ositaulaga le tiutetauave paia o le faamanuiaina ma tufatufa atu o le faamanatuga i tagata o le Ekalesia."

O LE FAAPAIAINA O LE FAAMANATUGA

O le avanoa taua lea o le faapaiaina o le faamanatuga e pei e patino lava pe faapitoa i ositaulaga. O lenei sauniga e faataunuaina i le faia lea o le tatalo o le faamanatuga. I lo tatou tulaga o i tatou o ositaulaga e tatau ona tatou masani ma iloa le tatalo o le faamanatuga, ma ia laei e tusa ai, ma faamama o tatou lima ae le i oo ina tatou faia lenei sauniga. A o le mea sili e tatau ona tatou agavaa ma talafeagai ai mo le faataunuaina o lenei sauniga paia, aua foi o i tatou o sui o le Faaola.

ASIASI ATU I AIGA O LE AU PAIA

Ua uma ona poloaiina mai e le Alii ositaulaga ina ia "asiasi atu i aiga taitasi o le au paia, ma le apoapoi atu ia te i latou ia faia le tatalo ma le leo ma faapea foi i le mea lilo ma faia tiute uma faaleaiga." (MFF

7-a. "A papatiso e se ositaulaga se tagata, ua ulufale atu o ia i le malo o le Atua."

7-b. O loo i ai i ositaulaga le tiute paia o le faapaiaina lea o le faamanatuga mo tagata o le Ekalesia.





20:47). E mafai ona tatou faataunuu lenei mea pe a faapea o le a tatou aoaoina aiga ua tofia i ai i tatou e faia a latou aoaoga. O asiasiga nei, o le a mafai ai ona tatou iloa ma maua manaoga o tagata o le aiga. O le a mafai ona tatou tatalo faatasi ma i latou. E mafai ona tatou aoao atu ia i latou mataupu faavae o le talalelei ma uunaia i latou e auai i o latou tiute faaleaiga. E mafai ona tatou agalelei atu i tagata o aiga i a tatou fonotaga faale-ekalesia i lo tatou alalafaga. Ma e mafai foi ona tatou auai ma i latou i le lotu, aoga, ma gaoioga faalenuu.

FAAUAU ISI TAGATA

E i ai foi i ositaulaga le pule e faauu ai isi ositaulaga, aoao, ma tiakono (tagai i le MFF 20:48), ae sei vagana lava la ua latou maua le faatagaga mai le taitai o le perisitua e pule ia i latou ma e umia ki, po o le pule e tuuina atu ai ia i latou le faatagaga. O le mana lenei e tuuina atu ai i isi le perisitua e paia. Sa toe faatuina mai i le lalolagi e loane le Papatiso i le taimi sa ia faauuina ai Iosefa Samita ma Oliva Kaotui i le Perisitua Arona (tagai i le MFF 13). O loane le Papatiso lava ia, sa tuuina atu i ai le pule e se agelu sa faataunuuina lea mea i le suafa o le Atua (tagai i le MFF 84:28). O le mana e faauu ai isi e sau ia i tatou mai le Atua. O le faataunuuina la o lenei sauniga taua, e tatau ona tatou agavaa ma ia ia i tatou le Agaga Paia. (Mo nisi faamatalaga tagai i le mataupu e 3, "O le Toefuataiina Mai o le Perisitua.")

Faali ata 7-i, "O le fesoasoani atu i faifeautalai ua le gata o se tiutetauave ae o se faaalologa foi."

IA AVEA MA FAIFEAUTALAI

O le valaauina i le tofi ositaulaga e aofia ai foi le fesoasoani lea i le galuega faafaifeautalai. O lenei valaauga o se vaega lea o le Ekalesia anamua, ma sa faatonuina Iosefa Samita e le Alii e faapea o tagata o le Perisitua Arona i ona po nei o le a fesoasoani i faifeautalai i a latou misiona. O lo latou tiute patino lava o le faia lea o tofiga ma saunia le ala mo faifeautalai. (Tagai i le MFF 84:107-108.) E mafai ona tatou fesoasoani i le galuega faafaifeautalai i ona po nei i le fesoasoani atu lea i faifeautalai o misiona i o tatou itulalolagi i le sailiga lea o ni aiga e aoao ma faatonu ni a latou talanoaga ma nei aiga. E mafai ona tatou fesoasoani i le galuega a faifeautalai i le saunia lea o i tatou lava ia avea ma faifeautalai.

O Le Faalateleina o le Perisitua

Ona o i tatou o ositaulaga e tatau ona tatou suesueina o tatou tiute e aoao, papatiso, ma faamanuiaina le faamantuga, ma asiasi atu i tagata o le Ekalesia, ma faauu isi, ma fesoasoani i le galuega faafaifeautalai. I le aoaoina ma le faataunuuina o nei tiute, o lona uiga o le a maua ai e i tatou le puipuiga ma le taitaiga mai le Alii. Sa faamatala e Peresitene Uilifoti Utilafi o le sa fai lana misiona i lona tulaga o le ositaulaga ma o lana soa la o se toeaina:

7-c. O le fesoasoani i faifeautalai o se tiutetauave ma o se faaalologa



“Sa ou alu atu o avea au o se ositaulaga, ma o lau soa o ia o se toeaina, ma sa malaga faatasi mo le afe ma afe o maila, ma e tele mea sa faaaliga mai ia i maua. Ou te manao la e faamamafaina atu ia te outou le mea moni e faapea e leai lava se eseeseega i le avea o le tagata o se ositaulaga po o se Aposetolo, pe i ai se taimi sa sili atu ai le puipuiga sa ou maua mai le alii nai lo le taimi sa ou umia ai le tofi o le Ositaulaga. Sa faaaliga mai e le Alii ia te au i faaaliga vaaia, ma faaaliga, ma ala mai foi i le Agaga Paia, le tele o mea o loo tuu mai nei i ou luma.” (*Millennial Star*, Oct. 5, 1891, p.629).

Sa faamatala e Epikopo Victor L. Brown e faatatau i le tala lenei o loo taua i lalo, se mea sa tupu i lona soifuaga i le ala e tatau i ositaulaga ona faalauteleina ai o latou valaauga:

“ Sa tusia faapea e se alii talavou: ‘E i ai se taimi na ou auai ai i se uarota sa toetoe lava ina a leai se tasi e umia le Perisitua Mekisateko sa i ai. Peitai sa le mafai lava ona faapea e le i ai ni tulaga o mea faaleagaga. Ae sa molimauina e le toatele o tagata o lea uarota, se faaaliga tele o le mana o le perisitua na faatoa iloa e i latou.

“O ositaulaga lava na faapogai ai ona i ai lea mana. O le taimi muamua lava lea i o latou olaga, ua valaauina ai i latou ina ia latou faia tiute uma lava o ositaulaga, ma auauna atu e tusa ma tulaga manaomia o tagata o la latou uarota. Sa valaauina aloaia i latou e avea ma faiaoga i aiga, e le na ona avea ma se soa e na ona mulimuli i se toeaina, ae ina faamanuia atu i latou uso ma tuafafine.

“Ao lei oo i lea taimi, sa i ai i matou ma le toafa o ia ositaulaga i se tulaga ese. Sa ou manatu ai o ia alii e toafa o ni tagata solitulafono e pei foi o isi. E tuli ese e i latou faiaoga uma o le seminare i le mavae o le lua po o le tolu masina. E faaleagaina e i latou mea uma i taimi e o atu ai malaga a le Sikauti. Peitai ina ua oo i le taimi e manaomia ai i latou, ina ua tuuina atu ia i latou se misiona taua, sa faitauina i latou faatasi ma i latou o e na sili ona lelei a latou amio i galuega tau le perisitua.

“O le tulaga na ala ai ona suia i latou, ona sa talosagaina e le epikopo lana vaega o le Perisitua Arona, ina ia oo ae i se tulaga maualuga, e mafai ai ona feiloai ma agelu; ma oo ae lava i latou i lona tulaga i lo latou fesoasoani atu lea ia i latou o e atonu na manaomia se faamalosia. Sa le gata ina atinae isi tagata o le uarota, ae sa faapea foi ona atinae ai ma tagata o le korama lava latou. Sa salalau atu i le uarota atoa se tulaga maualuga o le lotogatasi ma sa taufai oo ifo i tagata taitoatasi le lagona e tusa ma ni tagata e i ai le mafaufau e tasi ma le loto e tasi. Sa leai se tulaga ofoofogia e faapea, na mafua ai lea tulaga; na pau lava le tulaga na ala ai ona oo i lea tulaga o le faatinoina tatau lea o le Perisitua Arona.” (“O se Vaaia i le Perisitua Arona”, *Liahona*, Fepuari 1976, itulau 52).

Fesili atu nei loa i tagata o le vasega latou te fetuفاai ma isi i ni mea taua sa faamanuiaina ai i latou i le faataunuuna lea o o latou tiute faaleperisitua.

O le Saunia ia Avea ma ni Faifeautalai Lelei.

A faapea o le a tatou faataunuuna uma o tatou tiute o i tatou o ositaulaga, o le a maua e i tatou le poto masani i mea tonu lava o le a tatou faia e pei o faifeautalai: O le a tatou aoaoina atu le talalelei faapei o i tatou o ni faifeautalai, ma papatiso tagata e liliu mai, ma faia le faamanatuga i le taimi e tatau ai, ma asiasi atu i tagata o le Ekalesia, ma faauu isi i le perisitua. A tatou faataunuuna nei tiute, o le a faamalositia i tatou i le itu faaleagaga ma o le a sili atu ona saunia i tatou e auauna atu o faifeautalai pe a oo i le taimi o le a valaauina ai i tatou.

O se tasi o faamoemoega o le Perisitua Arona o le saunia lea o i latou o loo umia, ia maua le Perisitua Mekisateko. O ositaulaga la ua agavaa ma ua faalauteleina lo latou Perisitua Arona o le a latou maua le Perisitua Mekisateko ma o le a faauuina i latou i le tofi o le toeaina.

O le tele lava o taimi, o le galuega a faifeautalai faamisiona ua faataunuuna lava i ona po nei e toeaina. O le toatele lava o i tatou o loo umia le Perisitua Arona i le taimi nei ma le agavaa o le a faauuina e avea ma toeaina i le sefulu ma le valu o tausaga. O le a tuuina mai ai la ia i latou se tausaga se tasi e aoao ai ma faataitai tiute o le toeaina ma saunia ai i latou e auauna atu i le faia o se misiona. O lenei sauniga e aofia ai le matua tuuina atu o i latou uma ma ia naunau atu i mea a le Atua, ma galue e auauna atu ma tautua i le Alii, i le pule faamalumu lea i isi tagata ma le amiotonu. (Tagai i le MFF 121:34-38). A o tatou faia nei mea, o le a tatou iloa ma aoao ai ina ia talitonu i le Alii; ma a o tatou talitonu i le Alii, o le a ia lagolagoina ma puipui mai i tatou i o tatou tofotofoga ma mea e tatou te puapuagatia ai.

Sa faamatala mai e Uilifoti Uitilafi e uiga i se taimi sa puipuia ai lona ola e le Alii. O se tasi la aso, sa faagaetia ai lava o ia e le Agaga e apoapoai atu i se tagata ua liliu ese e igoa ia Father Hakeman, o le na fai mai ole Tusi a Mamona e sau mai le tiapolo. Fai mai Brother Uitilafi:

“E faatolu lava ona uunaiina au ina ia ou alu atu e lapatai Father Hakeman. . . . O lona tolu la o taimi sa ou feiloai ai ma ia, sa foliga mai ai ua matua tumu lava lona fale i agaga leaga, ma sa popole ai loa lou agaga i lea faaaliga. Ina ua uma lau lapataiga, sa ou tuua loa o ia. Sa mulimuli mai o ia ia te au mai lona fale ma lona faamoemoe e fasioti ia te au. Sa leai lava sou masalosalo e uiga i le mea o loo ia faamoemoe i ai, aua sa faaaliga mai ia te au e ala mai i se faaaliga vaaia. Ina ua oo mai o ia i le mea sa ou i ai, sa tei lava ua palasi o ia i ou vae ua oti, e pei sa taia o ia i se uila mai le lagi. O le taimi lena sa ia te au le tofi o le ositaulaga, ae sa puipuia au e le Atua ma faasaoina lou ola.” (*The Discourses of Wilford Woodruff*, pp. 297-98).

O tulaga faapenei atonu e le tupu i se olaga o se tagata amiotonu o loo ia umia le perisitua. Ae ui i lea, i le tele o auala, pe tatou te iloina pe lei foi, o loo puipuia ai pea e le aunoa e le Alii ana auauna faamaoni.

Aisea e taua ai mo ositaulaga le saunia ma fuafua mo se misiona?

Faiiuga

Sa taua e Peresitene Spencer W.Kimball, “E masani lava ona faalogoina le fesili: Pe ua tatau ea i alii talavou uma ona faia se misiona? Ua tuuina mai e le Alii le tali. O le tali la o le “loe.” E tatau i alii talavou uma ona faataunuu se misiona. Sa faapea mai o ia:

‘Ia auina atu toeaina o lau ekalesia i atunuu mamao atu; . . . i motu o le moana; ia auina atu i atunuu ese; ia valaau atu i atunuu uma lava, e muamua i Nuu Ese ona o atu ai lea i tagata lutaia.” (MFF 133:8). (“O Atu la Outou i le Lalolagi Uma”, *Liahona*, Novema 1974, itulau 4.)

Lui

Ia faataunuuina ma le faamaoni ou tiute o le Perisitua Arona ina ia mafai ai ona-

1. Faamalosi tagata o lau korama po o le uarota po o le paranesi.
2. Saunia oe e talia le Perisitua Mekisateko ma auauna atu faafaifeautalai.

Sauniuniga a le Faiaoga

A o lei tuuina atu lenei lesona:

1. Faitau le MFF 20:46-49.
2. Ia maua ane se laupapa ma se penisina.
3. Saunia e lisi mai tiute nei o le ositaulaga i luga o le laupapa po o se siata i le taimi o le talanoaga a le vasega:

 Tiute o se Ositaulaga

1. Ia faia tiute o le tiakono ma le aoao.
 2. Aoao atu le talalelei
 3. Papatiso
 4. Faamanuia le faamanatuga
 5. Asiasi atu i tagata o le uarota
 6. Faauu isi tagata i le Perisitua Arona
 7. Ia faia le galuega faafaifeautalai
4. Tofia ni tagata o le vasega e latou te faamatala mai ni tala ma ni mau i totonu o le lesona.

Tiute o Epikopo ma Peresitene o Paranesi

Lesona 8

O le faamoemoe o lenei lesona ina ia fesoasoani ia i tatou ina ia malamalama i tiutetauave o epikopo ma peresitene o paranesi ina ia mafai ona tatou iloa le mea e tatau ona fai e lagolagoina ma talia ai i latou.

Faatomuaga

O le iunite faavae o le Ekalesia o le aiga. I eria o le lalolagi ua salalau tele ai ma vavamamao tagata o le Ekalesia, e avea aiga taitasi ma iunite o le Ekalesia. I lalo o le taitaiga a se tagata agavaa o loo umia le perisitua, e mafai e aiga ona faia a latou sauniga faamanatuga, o Aoga Sa, ma isi sauniga, ma faia foi isi gaoioiga e tele lea e mafai ona faia e iunite tetele o le Ekalesia.

E faatulagaina se paranesi o le Ekalesia pe afai e i ai ni aiga se lua ma ni tagata taitoatasi e nonofo i se eria, ma ia i ai se tagata agavaa o le Ekalesia o se ositaulaga, pe na te umia foi le Perisitua Mekisateko. (Tagai *Tusitaiala a le Paranesi*, i. 1.) O se paranesi o se vaega itiiti o se uarota, ma e faatulagaina i se uarota pe a lava pepa faamaumau.

O peresitene o paranesi e pule faamalumalu i paranesi, o epikopo e pule faamalumalu i uarota. A o faaauau pea ona tuputupu ae le Ekalesia, e faatoateleina foi i latou e agavaa e umia le perisitua, e valaauina i nei tulaga faaleautaitai. O le toatele o i latou e laitiiti le tomai faale-ekalesia, ma le malamalama faale-talalelei. Peitai, ua latou maua le lotomauualalo, ma e latou te manaomia le faatuatua, o tatalo, ma le lagolagosua a tagata o le ekalesia o loo latou auauna atu i ai.

O le Tofiaina o Epikopo ma Peresitene o Paranesi

O ai e tofiaina epikopo? O le a le perisitua e umia e le epikopo

O le epikopo e tofia e ala i musumusuga a le Alii ma faauuina e le peresitene o le siteki i lalo o le taitaiga a le Au Peresitene Sili o le Ekalesia ma le Au Fono a le Toasefululua (tagai i le MFF 68:14-15). O le au epikopo o le uarota e i ai faitaulaga sili e toatolu - o le epikopo ma fesoasoani e toalua. O le epikopo o le faitaulaga sili ma o ia lea e pule faamalumalu i tagata uma lava i totonu o le uarota. Ae le gata i lea, o ia foi lea o le peresitene o le korama a le au faitaulaga sili ma o ia lea e pule faamalumalu i tagata uma lava i totonu o le uarota. Ae le gata i lea, o ia foi lea o le peresitene o le korama a le au faitaulaga sili ma le taitai perisitua e feagai ma le manuia faaleagaga ma le faaletino o tamaitai talavou o le uarota. (Tagai i le MFF107:13-17, 71-72.)

O Peresitene o Paranesi e tofia e le peresitene o le siteki e ala i musumusuga e avea ma pule faamalumalu i la latou paranesi. E latou te umia le Perisitua Mekisateko ma galulue faatasi ma ona fesoasoani. O o latou tiutetauave e tutusa lava ma tiute o le epikopo. O le tele lava o mataupu tau tusitusiga paia e faatatau i epikopo e masani lava ona faatatau foi i peresitene o paranesi.

E toatele tagata o le Ekalesia e latou te iloa ma vaai i lo latou epikopo po o le peresitene o le paranesi i le na o le taimi o lona tiute o le avea ma pule faamalumalu i totonu o le uarota po o le paranesi. E le o iloa e i latou, o loo tele isi ona tiutetauave faaletino ma le faaleagaga. Ma e le mafai ona ia galue atoatoa ia i latou, sei vagana ai ua maua e le epikopo po o le peresitene o le paranesi la latou lagolagosua i nei tiute.

Tiute Faaletino o Epikopo ma Peresitene o Paranesi

O tiutetauave faaletino o tiute ia e faatatau lea i le soifua sologa lelei o tagata o le uarota po o le paranesi

O se tasi o tiutetauave faaletino o le epikopo ma le peresitene o le paranesi o le aoina lea o sefuluai ma taulaga. I le avea ai o ia ma sui o le Alii, e galue le epikopo po o le peresitene o le paranesi i le Alii mo le taulimaina ma le vaai lelei faamaumauina, ma le tuuina atu ma le faaaogaina o ia taulaga. O taulaga anapogi e tuuina mai e tagata faatuatua o le ekalesia o i latou ia e anapogi i taumafataga e lua i masina taitasi e fesoasoani ai i tagata matitiva. (O i latou e le fetai o latou tino ma le anapogi e manaomia lo latou tuuina atu na o le taulaga anapogi.) E silafia e le epikopo po o le peresitene o le paranesi tagata o lana uarota po o le paranesi, ma afai e latou te manaomia se fesoasoani e mafai ona ia fesoasoani ia te i latou i le faaaogaina lea o le taulaga anapogi pe valaauina foi nisi o tagata o lana uarota po o le paranesi e fesoasoani. (Tagai MFF 84:112).

O le tala o loo taua i lalo e faaalua ai le ala e fesoasoani ai le epikopo i se aiga e manaomia se fesoasoani:

“Sa i ai i lalo o le auala tele lea e femalagaai ai le tele o taavale i le Aai o Sate Leki le fale o se tamaloa e lei faaipoipo ma e ono sefulu ona tausaga, talu ai ona o loo maua o ia i se mai pipili, e le aunoa se aso ma le tiga, e faapea foi i le tele o taimi e le aunoa ma lona lagona o le faavaivai ona ua na o ia. O se tasi la o aso o le taumalulu sa ou asiasi atu ai ia te ia, sa tuai lava ona ia tatala mai le faitotoa ina ua oomi atu le logo. Sa ou ulufale atu loa i lona fale e teuteuina lelei; ma ua oo le malulu i le 40 tikeri i le fale atoa vagana ai le potu e tasi o le umukuka lea. O le mafuaaga; e le lava se tupe e faamafanafana ai se isi lava potu. Ma e manaomia le toe tutuiina atu o ni pepa i puipui ma toe tuutuu mai i lalo le faalo ma faatutumuina kapoti.

“Sa le nofo lelei loa le epikopo ina ua ou faamatala atu i ai le tulaga o lau asiasiga lea i si au uo ma o lea sa faafesootaia ai loa ma amata ai

se vavega o le alofa, ma sa faagaoioia ai lava i lea taimi ona o le uunai a le molimau. Sa faatulagina tagata o le uarota ma amata loa galuega alofa. Tusa e tasi le masina talu ai lau asiasiga, ae telefoni mai pe fesili mai pe mafai ona ou alu atu e vaai i le mea ua oo ia te ia. Sa ou alu loa. Ma sa ou vaai ai o se vavega lava. Ua toe faafoisia i o latou tulaga sa siomia ai le auala ia sa faaleagaina i laau lapopoa na pauu i ai, ma sa toe faafouina foi le poletito, ma se faitotoa foi e iila ma e uamea, ma ua toe tuutuu mai foi i lalo le faalo o le fale ma toe faatutumu uma kapoti. Ma ua le toe i ai se malulu po o se tulaga e le fia nofo ai se isi i totonu o le fale. A ua pei o loo musumusu mai le talia lelei o soo se tagata e alu atu i ai. O le mea mulimuli lava sa faaali mai ai e Lou lona fiafia ma lona mitamitaga, o le mea lea sa i luga o lona moega, o le ie lalaga matagofie lava o loo tuu mai ai le faamaufaailoga a lo latou auaiga o McDonald ma sa faia lenei galuega ma le faaeteete e tina o le Aualofa. Ae ou te lei tuua lona fale sa ou iloa foi ina ua ia tau mai ia te au o vaiaso uma lava e o atu ai Tagata Talavou ma sana mea tausami ma fai faatasi sa latou afiafi faaleaiga. Ua suia nei le malulu i le mafanafana; ua suia nei i mea fou mea na faaleagaina i le faasologa mai o tausaga, a o le itu aupito i sili ona taua ona ua tuliese e le faamoemoe le faavaivai ma ua manumalo ai nei le alofa". (Thomas S. Monson, "O le Ala a le Alii" *Liahona* Mati, 1978, itulau 12-13.)

E i ai foi isi tiute faaletino o epikopo po o peresitene o paranesi e i ai le tausia o talafaamaumau o mataupu uma lava tau i le Ekalesia ma le vaai o fale ma mea aoga a le Ekalesia. E latou te aoina foi isi fesoasoani mai tagata o le Ekalesia e pei o tupe e lagolagoina ai faifeautalai.

Tiutetauave Faaleagaga o Epikopo ma Peresitene o Paranesi

Ua valaauina epikopo ma peresitene o paranesi e vaai le soifua lelei faaleagaga o tagata o le Ekalesia i totonu o lana uarota po o le paranesi. O loo ia i latou le tiute totino o le faamasino faalenuu o le Au Paia (tagai MFF 107:74). Ua folafola mai e le Alii i epikopo ma peresitene o paranesi le tuuina atu o le meaalofo o le iloa o mea ina ia fesoasoani ia i latou i le faia o nei tiute (tagai i le MFF 46:27).

O le meaalofo o le iloa o mea e mafai ai e le epikopo po o le peresitene o le paranesi ona iloa mea moni, ia malamalama i le eseese o le lelei ma le leaga, ma e oo lava ina iloa mea o loo i totonu o le loto o le tagata. Ona talu ai o loo ia te ia lenei meaalofo, o lea e mafai ai ona tatou saili atu mo lana fesoasoani ma e mafai ona ia tau mai ia i tatou le mea o le a finagalo le Alii tatou te faia e tatou te ola ai i le faaleagaga.

E mafai e le epikopo e ala i le meaalofo o le iloa o mea ona fesoasoani i se alii talavou o lana uarota i le tala o loo taua atu i lalo.

O Keleti, o se alii ositaulaga e 16 tausaga lona matua, o se alii talavou e maoae tele. E masani lava ona ia naunau ma saunia e fai soo se mea lava e faatonuina ai o ia e le epikopo e fai. Ae peitai, i se tasi aso, sa maitauina e Epikopo Uela e faapea ua aloese mai Keleti ma ia. E oo lava i totonu o lotu perisitua, ua fai ma masani le le vaai mai ia te ia. Sa manao le alii Epikopo ina ia avea Keleti ma failautusi o le korama o ositaulaga, ae sa ia lagonaina e i ai se mea ua sese. Ma o lea sa ia valaauina ai Keleti i totonu o lona potu mo le faatalanoaga. I le taimi o le faatalanoaga sa tautau mai ai e Keleti ona sese e faapea o loo i ai pea se faafitauli o le tulaga le mama. Sa ia lagona lona ma, ma sa ia faalogoina lona le mama i lona perisitua. Sa talanoa atu Epikopo Uela ia te ia ma sa ia faamalosi atu ia te ia e faapea e mafai e ia ona salamo ma toe maua se faalogona lelei e uiga ia te ia lava. Sa iloa mai iina e ala i lenei lava talanoaga le faatoilaloina e Keleti o lona faafitauli; ma sa faamagaloina o ia e ala i le salamo ma maua le fiafia ma toe faagaetia. Ma sa mafai loa e Epikopo Uela ona tofia o ia e avea ma failautusi o le korama a ositaulaga.

Na faapefea e le epikopo i lona faaogaina o le meaalofo o le iloa o mea ona fesoasoani ia Keleti ia ola faaleagaga?

Talu ai ona o le epikopo, po o le peresitene o le paranesi o le faamasino faalenuu lea i totonu o Isaraelu, o le ala lea e mafai ai ona tatou tautau atu a tatou agasala ia te ia ma e mafai ona ia fesoasoani mai ia te i tatou ia salamo. Afai e fai e tagata o le ekalesia ni agasala matuia ae le salamo ai, e mafai ona titina o latou i goa mai le Ekalesia. I ia la tulaga, o loo i ai i le epikopo le tiutetauave mo le faia o fono a'oa'i. I totonu o a'oa'iga, o le a faapea ona tuuina atu ai e le epikopo ana faaiuga ma uunaia tagata ina ia latou salamo. O nei fono a'oa'i e taitaia i le alofa ma o lona faamoemoe o le fesoasoani atu lea i tagata taitoatasi e salamo ma fiafia faatasi i faamanuiaga o le talalelei. (Tagai i le MFF 58:42-43 ma le MFF 58:14, 17-18.) O lenei tiute e tataua ona matua tuuina atu atoa i ai lou mafaufau, aua o le a pau i luga o le epikopo ana faaiuga.

Afai o le soligatulafono e faia i paranesi o misiona, o lona uiga e faia e le peresitene o le misiona, le faamasinoga (tagai i le *Tusitaulima Aoa o Faatonuga*, itulau 99.)

O nisi tiute faaleagaga faapoopo o le epikopo po o le peresitene o le paranesi e aofia ai tiute o loo taua atu i lalo:

- Pule faamalumalu ma fesoasoani i le fuafuaina o sauniga faamanatuga.
- Faatonu asiasiga i aiga uma lava.
- Taitaia fonotaga e pei o fonotaga a le komiti o galuega fesoasoani a le uelefea

- Filifili ma valaaulia tagata o le au paia e galulue i tofiga eseese i totonu o le uarota/paranesi.
- Faamaonia le faauuina ma le siitia o le Perisitua Arona.
- Talosagaina le siitia o le perisitua o alii i le Perisitua Mekisateko.
- Faatalanoa tagata o le Au Paia ina ia maua ni pepa faataga o le malumalu, faamanuiaga faapeteriaka.
- Taitaia fonotaga faamaopoopo o le sefuluai.
- Tuuina atu faamafanafanaga ma fautuaga.
- Saunia le talosagaina o faifeautalai.

Lagolagoina o o Tatou Taitai o le Perisitua

O lo tatou epikopo po o le peresitene o le paranesi sa valaauina e le Alii. O ia o loo fai ma sui o le Alii ma le Peresitene o le Ekalesia. Ona o ia la mafuaaga, o se mea taua tele lo tatou lagolagoina o ia i ona valaauga. Sa faapea mai Elder Boyd K. Packer, "O se tagata e faapea mai o le a ia taliaina le Peresitene o le Ekalesia po o le Au Pulega Aoao ae na te le lagolagoina lona lava epikopo ua faasese o ia ia te ia lava. O le tagata o le a ia le lagolagoina lona ia lava epikopo o lana uarota ma le peresitene o lana siteki, o le a ia le taliaina foi le Peresitene o le Ekalesia." (Elder Boyd K. Packer, "Follow the Bretheren," *Speeches of the Year*, BYU, March 23, 1965, pp. 4-5

O loo tau mai e tusitusiga paia ia te i tatou le ala e mafai ai ona tatou lagolagoina o tatou taitai faale perisitua.

Ia fai atu i tagata o le vasega e mulimuli i le faitauina o mau o loo i lalo. A mavae ona faitauina mau taitasi, ona fesili atu lea i tagata o le vasega po o le a le mea o loo tauina mai ia i tatou e mafai ona tatou faia e lagolagoina ai o tatou taitai.

MAU	FAUTUAGA
MFF 6:9	Aoao atu le salamo ma tausii i poloaiga
1 Nifae 3:7	Ia talisapaia ma faataunuuna uma lava tofiga ua tuuina mai ia te i tatou.
MFF 60:2	Ia fetufaai a tatou taleni
Malaki 3:8-10	Ia totogi le sefuluai ma taulaga
Eperu 13:17	Ia usiusitai i fautuaga a o tatou taitai
MFF 64:9-10	Ia faamagalalo i vaivaiga o isi tagata, e aofia ai vaivaiga o o tatou taitai

O le tulaga sololelei ma le manuia e maua e lo tatou epikopo po o le peresitene o le paranesi i lona valaauga e matua fuafua lava i le ala e tatou te taliaina ai o ia. E tatau ona tatou tatalo e le aunoa mo ia ma ia taitaia o ia e le Tama Faalelagi ina ia taitaia ai i tatou i le auala sao.

Faiiuga

O galuega e faia e epikopo ma peresitene o paranesi e taua lea i o tatou soifuaga faaletino ma le faaleagaga. O alii agavaa ua valaauina e galue e avea ma epikopo ma peresitene o paranesi ua valaauina e tuuina atu ni taitaiga i taitai o le Ekalesia. E latou te galulue ma alolofa ia i tatou, ma e tatau ona tatou faia mea uma lava e tatou te mafaia e fesoasoani ai ia te i latou i le faataunuuiina o o latou tiute.

Lui

1. Ia tatalo ma ou taitai o le Ekalesia i au lava tatalo na o oe ma tatalo faatasi a le aiga.
2. Ia aloese mai le tau muimui po o le faia o tala i ou taitai o le Ekalesia.
3. Ia taliaina o tatou taitai o le Ekalesia i le mulimuli lea i a latou fautuaga.

Mau Faaopoopo

1 Timoteo 3:1–7 (o agavaa o le epikopo)

Tito 1:5-9 (o faailoga o le epikopo.)

Sauniuniga a le Faiaoga

A o lei tuuina atu lenei lesonea:

1. Ia valaaulia se epikopo po o le peresitene o le paranesi ina ia auai i le vasega e tali fesili e uiga i lona valaauaga.
2. Ia faamanatu atu i tagata o le vasega ina ia aumai a latou tusitusiga paia i le lotu perisitua.
3. Ia tofia tagata o le vasega e tuuina mai tala ma mau o loo i le lesonea.

O Tiute o le Toeaina ma le Faitaulaga Sili

Lesona 9

O le faamoemoega o lenei lesona ina ia fesoasoani lea ia te i tatou ia malamalma i tiute o toeaina, ma faitaulaga sili.

Faatomuaga

Afai tatou te aoao i o tatou tiute faaleperisitua ma faataunuuina, o lona uiga o le a tatou faamanuia atu i olaga o isi tagata aua o i tatou o sui o le Faaola. Ua ia tuuina mai ia i tatou lana perisitua, ina ia mafai ai ona tatou galulue agai atu i luma i le ola e faavavau i le faataunuuina lea o o tatou tiute. O se mea moni patino lava lenei mo nisi o i tatou oloo umia le Perisitua Mekisateko aua o lenei Perisitua o loo umia “ki o faamanuiaga faaleagaga uma o le Ekalesia: (MFF 107:18). O nisi o i tatou ua mauaina le Perisitua Mekisateko ua faauuina i le tofiga o le toeaina, po o le faitaulaga sili foi i totonu o lenei lava perisitua. O nei tofiga taitasi o loo i ai lava tiute faapitoa, ae o le tele lava o ona tiutetauave e tutusa.

Tiutetauave o le Perisitua Mekisateko

E saunia i tatou mo le mauaina o le Perisitua Mekisateko, pe afai tatou te faamaoni i o tatou tiutetauave i le avea ai o i tatou ma tagata o loo umia le Perisitua Arona. Afai o le a oo mai le taimi mo lo tatou faauuga i le Perisitua Mekisateko, o le a faapea ona faatalanoaina i tatou e i latou o loo i ai le pule. O se tasi o Perisitua Arona sa ia tusia le faamatalaga o loo taua i lalo i le tulaga na ia mafaufauina ma lagona ina ua mavae le faatalanoaina o ia ina ia siitia lona perisitua i le Perisitua Mekisateko:

“Sa pulatoa mai le peresitene o le siteki i ou mata a o ia fesili mai ia te au lana fesili mulimuli ma ia faalogo mai i lau tali. Ona ia faapea mai lea, ‘Siaosi, ou te lagona o loo ua e sauni ma agavaa e umia le perisitua Mekisateko ma ia faauuina i le tofi Toeaina.’ I ni nai taimi mulimuli ane sa ou savalivali ai i le sau malu o le po. . . . Ou te lei oo lava i se fiafia e sili atu. . . . Sa lei pine ae ou tootuli loa i lou moega. Sa ou mafaufau o le a ou faia mea uma lava ou te mafaia ina ia faamamaluina ai lou perisitua. Sa ou mafaufau faapea o le a ou le palauvale lava, po o le faamatala atu foi se tala leaga, pe faaita foi i se isi lava tagata. Sa ou mafaufau ou te matua taumafai ma lou loto atoa ina ia filifili e avea ma se tagata mama e toatasi e faaaogaina lena perisitua; avea ma faamanuiaga o lou aiga, . . . ma i ou uso a tagata.” (George D. Durrant, *Kentucky Louisville Mission News Letter*, Oct. 19, 1974.)

O le a le tautinoga na faia e le alii talavou ina ua mavae le faatalanoaina o ia? O a nisi o tautinoga e tatau ona tatou fai pe afai e avea i tatou ma tagata e umia le Perisitua Mekisateko?

E tatau ona tatou taumafai uma lava ia aoao o tatou tiute ma ia agavaa e faaaoaga le perisitua (tagai i le MFF 107:99-100). I le avea ai o i tatou ma tagata o loo umia le Perisitua Mekisateko, e tofu i tatou uma lava ma tiutetauave e tusa lava po o le a le tofiga e tatou te umia.

Faaili le ata 9-a, "O tiutetauave o le Perisitua Mekisateko".

O nei tiute na tuuina mai ia te i tatou e le Alii ma e aofia ai tiute o loo taua i lalo:

LILIU O LE TAGATA LAVA IA

E tatau ona tatou matua liliu atu i le talalelei a lesu Keriso ma ia matua tautino atu atoatoa ia ola ma tausia ona mataupu faavae.

FESOOTAIGA I LE AIGA

E tatau ona tatou aoao i o tatou aiga mataupu faavae o le talalelei ma taitai i latou i o latou tiute uma ina ia alofagia ma maua le malamalama.

O TALAFAASOLOPITO O AIGA MA GALUEGA FAALEMALUMALUSA

E tatau ona tatou ola mama ia agavaa ai i tatou mo le mauaina o se pepa faataga o le malumalu, ia maua faamanuiaga o le malumalu mo i tatou ma o tatou aiga, ia saili suafa o o tatou augatama, ma ia faataunuaina sauniga faalemalumalu mo i latou. E tatau ona tatou siitia "le faaliliu o le loto o tama i fanau ma le loto o fanau i o latou tama" i le tausia lea o talafaamaumau o le aiga (e pei o talaaga o le aiga) ma le tausia o faalapopotoga o le aiga (tagai MFF 128:17-18).

GALUEGA FAALEUELEFEA

E tatau ona tatou saunia mo i tatou lava ma o tatou aiga ma ia fesoasoani e faafetaiaia manaoga o tagata matitiva ma le le tagolima, i le ala a le Alii.

GALUEGA FAAFAIFEAUTALAI

E tatau ona tatou auai i gaoioiga faafaifeautalai e talafeagai ai, e pei o le fesoasoani atu i tagata o le aiga ina ia latou sauni ma galulue i se misiona e tailua tausaga, faauo atu i tagata lotu ese, sailia mai o tagata e talai atu i ai faifeautalai, galue mo se misiona mo le lua tausaga, ma le lagolagoina i tupe po o le tuuina atu o fesoasoani i tupe e lagolagoina ai le galuega faafaifeautalai.

AOAOGA I AIGA

E tatau ona tatou malamalama i la tatou tiutetauave atoatoa i le avea ai ma faiaoga o aiga ma "leoleo . . . ma le faatasi ai ma le faamalosiā" o i latou ua tatou valaauina e galulue (tagai i le MFF 20:53).

9-a. O le pule o le perisitua e tuuina atu lea i le faaee atu o lima o i latou o i ai le pule mai le Atua.



O LE KORAMA MA LE AUAI I GAOIOIGA FAI A LE EKALLESIA MA SAUNIGA

E tatau ona tatou galulue ma le tinou i o tatou valaauga, faia isi tiute o le korama ma le Ekalesia, ma auai i isi sauniga tatau a le Ekalesia ma gaoioiga, ma o le a faapea ona fausiaina ai le malo o le Atua.

AUAI I MEA FAI A LE NUU MA GALUEGA AUAUNA ATU

E tatau ona tatou faamamalu, usitai, ma taliaina tulafono, ia avea ma tagatanuu e faamamalu ma faapea foi ma tuaoi lelei, ma ia faaleleia le nuu o loo tatou ola ai. (From *Annual Guidelines* 1978-79, "The Melchizedek Priesthood," p. 1.)

Ia faaalua le ata 9-b, "O le Perisitua Mekisateko, e faamanuiaina ai olaga faaleagaga o isi."

Afai e tuuina mai ia te i tatou le Perisitua Mekisateko, o lona uiga ua tuuina mai ia te i tatou le mana e faamanuia ai olaga faaleagaga o isi tagata. O le Perisitua Mekisateko e "taitaiina le talalelei ma taofia le ki . . . o le poto o le Atua. O lea, i sauniga o i ai, ua faaalua ai le mana o le amioatua." (MFF 84:19-21). E mafai ona tatou faapaiaina suauu, faamanuia tagata mamai, faaee atu le Perisitua Mekisateko ma le meaalofa o le Agaga Paia, faauu isi i tofiga o le perisitua, faapaia fanua tanu, tuuina atu faamanuiaga faaletama i a tatou fanau, ma auai i sauniga sili faalemalumalusa.

E faapefea ona faaali ifo le mana o le Atua i nei sauniga? O a nisi o faamanuiaga ua e maua mai le Perisitua Mekisateko?

O Tiute Patino o Toeaina ma Faitaulaga Sili

TOEAINA

O le upu *toeaina* e lua ona uiga i totonu o le Ekalesia. E faatatau i le uiga lautele i soo se tagata e umia le Perisitua Mekisateko. Mo se faataitaiga, o faifeautalai, taitai pule faamalumu o le Ekalesia, ma le au pulega aoao e taua foi i latou o toeaina. O le *toeaina* foi e faatatau i se tofiga faapitoa i totonu o le Perisitua Mekisateko.

Ia fai atu i tagata o le vasega e faitau le MFF 124:137. O le a le tiute e tasi o le toeaina o loo taua i totonu o lenei mau?

Ua le gata i le avea ai o i latou ma auauna tumau i le Ekalesia, o toeaina foi e faatinoina soo se valaauga e manaomia ai i latou. Sa faamalamalamaina e Peresitene Iosefa Filitia Samita faapea, e mafai ona fai atu i toeaina e galulue i totonu o malumalusa, galue i talaiiga i le aiga, ma fesoasoani i le talaiina o le talalelei i le lalolagai (tagai i le *Gospel Doctrines*, pp. 184-85).

FAITAILAGA SILI

O le Faitaulaga sili e i ai le tiutetauave o le taitaia o mana faaleagaga ma faamanuiaga o le Ekalesia (tagai MFF 107:10). E valaauina foi i latou e pule faamalumu. O le valaaulia e pule faamalumu i isi

9-b. O le Perisitua Mekisateko e faamanuiaina ai olaga faaleagaga o isi.



tagata e aofia ai, tofiga i le Au Pulega Aoao, peresitene o le misiona, peresitene o le siteki, ma epikopo. A o pule faamalumu la faitaulaga sili i o latou tofiga eseese o loo ua ia i latou le mana e taitaia ai faamanuiaga faaleagaga o o latou valaauga patino ma faia mea uma lava e mafai e le toeaina, ma le Perisitua Arona.

Faiuga

E umia e le Perisitua Mekisateko ki uma lava o faamanuiaga faaleagaga o le Ekalesia. O tiute eseese a toeaina, ma le faitaulaga sili o tiute uma ia faa-Perisitua Mekisateko. Ma o lea la, afai e tatou te galulue, i o tatou tofiga faaleperisitua i le avea ai ma toeaina, ma faitaulaga sili, o le a mafai ona tatou faamanuia e le gata i olaga faaleagaga ae faapea foi ma le faaletino o i latou o loo tatou auauna atu i ai.

Lui

1. la iloa tiute o lou tofiga i totonu o le perisitua ma faia se fuafuaga ina ia faaleleia atili ai.
2. la iloa se manaoga faapitoa i totonu o lou aiga. la mafauafau i se auala e avea ai ma tama lelei po o se tagata o le aiga i le faaaogaina lea ma le faamaoni o le perisitua i totonu o lou aiga.

Mau Faaopopo

Mosaea 18:7-30 (o tiute o tagata o le Ekalesia)

Sauniuniga a le Faiaoga

A o lei tuuina atu lenei lesona:

1. Faitau le MFF 107.
2. la tofia tagata o le vasega e faamatala atu tala ma mau i totonu o le lesona.

O Peteriaka ma Faamanuiaga Faapeteriaka

Lesona 10

O le faamoemoega o lenei lesona ina ia fesoasoani ia i tatou ia malamalama i matafaioi a Peteriaka ma ia saunia i tatou e talia faamanuiaga faapeteriaka.

Faatomuaga

E alofa le Alii i lana fanau uma lava ma e finagalo o ia ia faamanuia uma i latou. Ae peitai, o a tatou amioga ma filifiliga e fuafua ai le tulaga e mafai ai ona ia faamanuiaina i tatou. Sa faapea mai Peresitene Iosefa Filitia Samita: “O tagata uma taitoatasi o le a ia maua na o lona tau mo le lelei e mafai ona ia galue ai ma ana gaoioiga uma e fai. Ae e ao ina manatua o faamanuiaga uma lava e tatau ona tatou maua, a le o iinei po o le taimi ina ua mavae le maliu, e tatau ona oo mai ia te i tatou e avea ma taunuuga o lo tatou usiusitai i tulafono a le Atua lea o loo valoia mai ai nei faamanuiaga.” (“What Is to Become of Such as Me?” *Improvement Era*, Nov. 1912, p. 71).

Afai tatou te maua o tatou faamanuiaga faapeteriaka, ua muai tauina mai ia te i tatou e faapea e tele faamanuiaga o loo faaagaga e le Tama Faalelagi mo i tatou i lenei lalolagi ma le ola e faavavau. O nei faamanuiaga o le a avea ma o tatou faamanuiaga pe afai e tatou te ola i se olaga faamaoni ma le faatuatua. Talu ai ona ua tatou iloa mamao atu nei mea, o le a mafai loa ona tatou taumafai ina ia lava lo tatou agavaa e maua ai faamanuiaga ua folafolaina.

O le a le Peteriaka?

O peteriaka o tama ia. Talu ai ona o Atamu o le tama o tagata uma, o le sa avea ma uluai peteriaka. I le avea ai o ia ma peteriaka, sa feagai o ia mo le faamanuiaina o lana fanau ma fesoasoani atu ia te i latou ia latou ola amiotonu. O se tasi o gaoioiga mulimuli lava a Atamu mo lana fanau o le tuuina atu lea o faamanuiaga faapeteiaka.

Ia tuu atu i tagata o le vasega e faitau MFF 107:53-57.

Sa vaaia e Iosefa Samita Atamu i se miti o ia valaauina lana fanau ma tuuina atu ia te i latou faamanuiaga faapeteriaka. Ona ia vaai lea i le Alii o faaali ifo ia i latou, ma sa valoia e Atamu le mea o le a tupu i lona aiga i le lumanai. I le tautalagaina o lenei mea tele na tulai mai, sa faapea mai Peresitene Iosefa Samita, “O le ala lea na faamanuiaina ai e Atamu lana fanau; e manao ina ia aumaia i latou i luma o le afioaga o le Atua.” (*Teachings of the Prophet Joseph Smith*, section 4, subheading ii, p. 158-59.)

O le upu *peteriaka* o le tasi foi lea igoa o le tofiga i totonu o le Perisitua Mekisateko. I le faatulagaga o le Ekalesia i le vaitaimi o Iesu, sa faaigoaina peteriaka o fai evagelia (tagai i le Efeso 4:11). Ina ua toefuataiina mai le ekalesia, sa faapea foi ona toefuataiina mai lenei tofiga faaleperisitua. Sa faamalamalamaina e Iosefa Samita e faapea o le Evagelia o le Peteriaka lava lea . . . Po o le fea lava le taimi e faatuina ai le Ekalesia a Keriso i luga o le fogaeleele, e tatau lava ona i ai se Peteriaka mo le manuia o fanau a le Au Paia.” (*Teachings of the Prophet Joseph Smith*, p. 151.)

la faaali le ata 10-a, “ O faamanuiaga faapeteriaka e faailoa mai ai le tupuaga ma faamanuiaga folafolaina e mafai ona maua pe a ola amiotonu.”

O le tele lava o siteki o le Ekalesia a laititi ifo e tasi la latou Perisitua Mekisateko agavaa e valaauina ma faauuina e se tagata o le Korama a le Toasefululua e avea ma peteriaka a le siteki. Talu ai la ona o ia o le faitaulaga sili, ua ia te ia le pule e faataunuuina ai soo se tiute e mafai ona faataunuuina e se faitaulaga sili; ae talu ai ona o ia o le peteriaka ua ia te ia le tiutetauave patino e faaee atu ai faamanuiaga i tagata o le siteki o loo latou manaomia faamanuiaga faapeteriaka.

Ua i ai i peteriaka le aia tatau, ma ua musuia e tuuina atu faamanuiaga faapeteriaka i le suafa o le Alii. O nei faamanuiaga e mafai ona aumaia le faamafanafanaga i taimi o faanoanoaga ma taimi o faalavelave, e mafai foi ona faamalosia le faatuatua, ma e fesoasoani foi e uunaia i tatou ia tatou taunuu i faamanuiaga ua faaagaga e le Alii mo i tatou. (*Tagai Doctrine of Salvation*, 3:170.)

O le a le Faamanuiaga Faapeteriaka?

I le tausaga e 1957 sa faamalamalamaina ai e le Au Peresitene Sili o le Ekalesia e faapea o se faamanuiaga faapeteriaka o loo i ai se folafolaga musuia o le tupuaga. Ua tuuina mai foi ia te i tatou taitaiga musuia ma taitaiga faavaloaga e uiga ia i tatou i lenei olaga. O nei faamanuiaga o loo aofia ai folafolaga o mea alofa faaleagaga, faamanuiaga faaletino, fautuaga, ma lapataiga o le a fesoasoani ia te i tatou ia faataunuuina la tatou misiona faaleolaga nei. (*Tagai i le Tusitaulima Aoa o Faatonuga*, itulau 49).

O se tasi itu taua o se faamanuiaga faapeteriaka o le folafolaina mai lea o lo tatou tupuaga, o loo tau mai ai foi le ituiga o Isaraelu e tatou te maua ai o tatou faamanuiaga. O le a tatou maua faamanuiaga, e tusa ai ma lo tatou amiotonu, le faamanuiaga lava lea e tasi lea sa tuuina ia Atamu, Aperaamo, Iakopo, ma isi perofeta a le Atua. (See Eldered G. Smith, “All May Share in Adams Blessings,” *Ensign*, June 1971, pp. 100-101.)

10-a. O faamanuiaga faapeteriaka e faaalia mai ai le tupuaga ma folafolaina mai ai faamanuiaga e mafai ona maua pe a ola amiotonu.



Afai o le a tatou auai i le Ekalesia a lesu Keriso o le Au Paia o Aso e Gata Ai o le a faapea lava ona avea i tatou ma fanau a le Tama Faalelagi. O le uiga o lenei mea ua tuuina mai ia i tatou le aia e umia ai faamanuiaga uma lava o loo i le Tama Faalelagi mo i tatou pe afai e tatou te ola amiotonu. Ua na o le fanau lava a Isaraelu e latou te maua lenei aia. O tagata o le Ekalesia afai e lei tupuga tonu mai ia Aperaaamo po o le auai foi i totonu o ituaiga o Isaraelu ona ua latou talia le talalelei moni. (Tagai i le Roma 8:14-17; Kalatia 3:26-29; MFF 86:8-10; ma le MFF 63:20).

O le tasi itu taua o le faamanuiaga o le malamalama lea e uiga i la tatou misiona ua tuuina mai ia te i tatou i lenei olaga. E logologo mai ia te i tatou e lo Tatou Tama Faalelagi e ala mai i faamanuiaga faapeteriaka lo tatou faamoemoe tonu i luga o lenei fogaeleele ma le ala e faataunuaina ai. Ae peitai, o le faataunuaina o o tatou faamanuiaga e i ai ona aiaiga.

Sa aoao mai e Elder John A. Widtsoe e faapea o nisi o ia faamanuiaga atonu e le oo mai i lenei olaga: “E tatau ona fafagu pea i le mafaufau e faapea o le iloa po o le mauaina o folafolaga ua fai atonu e oo mai i lenei olaga po o le olaga foi i le lumanai. Ua avea ma mea e ponatia i olaga o tagata ona e talu ai e lei i ai se faamanuiaga folafolaina ua tulai mai po o ua oo mai i lenei olaga. Ua galo ia i latou ona manatua o totonu o le talalelei, o le a faaauau i le faavavau lenei olaga faatasi ma ona gaioiga ma o le a faapea foi ona mafai ona faaauauina galuega o le fogaeleele i le lagi.” (*Evidences and Reconciliations*, p. 323.)

Ia fai atu i tagata o le vasega na tofi e faamatala mai a latou molimau e uiga i le taitaiga ma le lagolagosua a lona faamanuiaga faapeteriaka ia te ia i lona olaga.

O le Mauaina o se Faamanuiaga Faapeteriaka

Mo le mauaina o o tatou faamanuiaga faapeteriaka, e tatau ona tatou fetaiiai ma manaoga o le tagata lava ia. E tatau ia i tatou ona—

- Ola mama, ma avea ma tagata papatiso o le Ekalesia.
- I ai se naunau ia maua se taitaiga mai le Alii.
- Suesue i le talalelei ma iloa le autu o ia faamanuiaga faapeteriaka.
- Lava le matua e talisapaia ai le taua ma le mauaina o faamalosiua mai le faamanuiaga.
- Maua mai se pepa talosaga mai lo tatou epikopo po o le peresitene o le paranesi.
- Fai se feutagaiga ma le peteriaka tonu e maua mai ai o tatou faamanuiaga faapeteriaka.

Afai o le a tatou malaga atu mo le mauaina o o tatou faamanuiaga, e tatau ona tatou tatalo ma, afai e tatau ai, e ao ona tatou anapogi ina ia saunia i tatou i le faaleagaga. E tatau foi ona tatou tatalo mo le peteriaka ina ia mafai ona musuia o ia mo i tatou.

la fai atu i le tagata na tofia e faamatala mai le ala sa ia saunia ai e maua lona faamanuiaga faapeteriaka.

Afai o le a tuuina mai e peteriaka o tatou faamanuiaga, ina ia mafai ai e ia ona tuuina mai se kopi ua uma ona lomía o lo tatou faamanuiaga. E failaina foi le kopi i totonu o talafaamaumau aloaia a le Ekalesia. O lenei la auala, afai e leiloa le faamanuiaga a soo se tagata, e mafai ona ia toe maua mai se isi kopi mai le Ekalesia.

Talu ai ona o le faamanuiaga faapeteriaka e paia ma e patino mo le tagata lava ia, o lea e tatau ai ona teuina i se nofoaga saogalemu ma le talafeagai ai. O mea o loo tusia ai e tatau ona na o i latou lava e vavalalata ma i tatou e faamatala i ai po o le faatonuina ai foi o i tatou e le Agaga. I se tulaga ina ia mafai ai ona fesoasoani mai le faamanuiaga faapeteriaka ia i tatou, e tatau ia i tatou ona tatou suesue atili i ai e le aunoa. A o tatou faia la ia mea, o le a tatou iloa le mea e tatau ona tatou faia ina ia maua ai le faamanuiaga folafolaina.

Faiiuga

O le tala o loo taua i lalo o loo faamatala atu ai le ala na faamanuiaina ai se tasi tagata ina ua ia galue faamaoni e mulimuli i fautuaga ua tuuina atu ia te ia e se tasi vaega o lana faamanuiaga faapeteriaka.

“E masani lava ona ou lagona e faapea e i ai le autu o au i le olaga, ma o le a ou faataunuaina se misiona sili, ae peitai, ou te lei iloa pe faapefea ona ou faataunuaina lenei mea, ona talu ai ua ou oo ina ou matua ae e aunoa ma le iloa tusitusi po o le faitau tusi foi.

“Sa ou manatu o au o se tama e atamai e pei o isi tama, ae peitai o loo faaalía i lau lipoti faamaumau faaleaoaoga - o au o se tamaitiiti aoga e faaletonu lava au i au vasega uma. O le faasologa faapitoa o suega e faatautaia e le aoga, lea sa faatatau i le faitau tusi, ua faaalía ai o au o se tagata e le tele sou atamai - ma e tatau lava ia te au ona aua nei ou savalivali solo na o au. O nisi o mataupu faigofie e mafai ona faataunuaina i se tulaga faigofie sa matua faigata lava ia te au. I le avefa ai o au ma se tagata talavou, sa fai mai ai se tasi o tama ia te au e sipela atu le upu *kesi*, o se mea ou te le mafai ona ou faia. Talu ai la ona ua masani lava ona ou le ausia le tulaga tau le aoaoga, sa amata ai loa ona ou manatu faapea o au moni lava o se tagata valea, e pei lava ona gagana ai nisi tagata, ma o lea ua amata nei ona latou fai mai ia te au.

“Sa ou faauu mai le aoga maualuga ona talu ai ua na o le pau lava lea o le auala e pito sili ona faigofie mo le aoga e aveesea ai le faafitauli o le taumafai e aoao se tamaitiiti aoga ua latou iloa e le agavaa i le aoaoaina e oo lava i mataupu e matua sili ona faigofie.

“O lau fesootaiga muamua ma le upumoni o le talalelei toefuataiina na oo mai ina ua sefulufa ou tausaga ma sa ou taumafai e faitau se tasi

o tusi sa ou maua i totonu o le potutusi a le aiga. Sa ou tau atu i le Tusi a Mamona a lou tina, o ia ua uma ona papatisoina ma avea ma tagata o le Ekalesia i le itu i saute o le atunuu o Tenesese i le tele o tausaga ua mavae. Ae peitai, talu ai ona o lona faaesea mai i isi tagata o le Ekalesia, o lea sa le tele ai sona aoaoina i le talalelei ma sa lei pine ae mou malie atu, ma o le ala lea o le le lava o sona malamalama ma leai sona naunau e aoao lana fanau i le talalelei o loo taua i totonu o le Tusi a Mamona.

“Sa ou taumafai i le faitauina o le molimau a Iosefa Samita, ma sa ou taumafai e faitau na o upu faigofie, ae taatia ai pea isi upu tetele ou te le malamalama i ai. O le tele o taimi ou te faitau ai e aunoa ma le iloaina o le uiga, ae ona o nisi o mafuaaga e oo mai ai le agaga ma sa faatalitonuina au e faapea o le mea o loo ou faitauina o se mea moni lava. O le mea lea sa ou taumafai e faitau, sa oo mai ai ia te au se naunau e fia iloa atili e uiga i le Ekalesia, ma i le isi Aso Sa na sosoo ai, sa ou alu ai loa e auai i le lotu Mamona. Ma o le amataga lea o le vaitaimi e valu tausaga sa ou faaaluina mo le mauaina o se molimau o le talalelei; mulimuli ane sa lava lou iloa ou te ulu atu ai i le vai o le papatisoga ma avea ai ma se tagata Mamona i le luasefululua o ou tausaga.

“O lenei ua avea nei au ma tagata o le Ekalesia ma tuuvaa atu i le auala i le faaeaina faaselesitila, sa le o toe tumau ia te au le tulaga o le le lava o le atinae faaletagata faapea ma le faataunuuina o fuafuaga faaletagata lava ia. Ua ou mana'o ou te ola e avea ma tagata ola mama ma aoga i lona malo, ma i le faia o lea mea, e tele mea e tatau ona ou iloa, e aofia ai le aoao i le ala e faitau ai tusi.

“Ma sa faapea ona ou faia e pei ona masani ona fautuaina ai au e fai pe afai e faia faaiuga ma fuafuaga lea o le a aafia ai lo tatou alualu i luma e faavavau. Sa ou liliu atu i le Alii mo lana taitaiga, ma sa tuuina mai ia te au i le faamanuiaga faapeteriaka o loo tauina mai ia te au e faapea:

“‘Ua filifilia oe i luma o fofoga o le Atua, e pei foi o Paulo ua mavae atu, le auauna filifilia o le sa tuuina i ai le mana ma le agavaa e faataunuuina ai se galuega lelei. Ia faaauau i au sailiga mo le atamai ma tatalo mo le poto lea atonu e mafai ona e faamamaluina ai lou Tama Faalelagi i lou atamai.’

“Afai e finagalo le Alii e tatau au mo le aoaoina, o lona uiga la e *mafai* ona ou aoao! Ae peitai ua ou iloa o lenei faamanuiaga e le oso mai faafuasei, e le otometi lona faataunuuina, e aunoa ma se isi mafauauga po o se galuega ou te faia. O le faataunuuina o lenei faamanuiaga, e pei ona i ai i faamanuiaga faapeteriaka uma lava, sa folafola mai i lou ola mama ma le naunau e faia mea e tatau ai ina ia maua ai ia faamanuiaga.

“Ua ia te au nei le faatuatuaga faapea o le faatasi mai o le fesoasoani a le Alii o le a mafai ai ona ou aoao pe afai e tuuina atu au, ma o le mea la sa ou faia, o le amata mai ona ou suesue mai le 6.00 i le taeao seia oo i le tulua o po ma ao, i le ono aso i le vaiaso.

“Sa ou faaaluina le tolu selau tala (\$300.00) mo le faatauina mai o kaseti o le laau pueleo o loo i ai mataitusi o le alafapeta i ona tulaga uma. Sa ou faaaluina lea po ma lea po i le aoina ia manatua pea le alafapeta, ma faaleoina mataitusi, ina ia mafai ai ona ou aoao e faitau ma tusitusi. Sa tumau pea ia te au le lē lelei o le sipelaina o upu, ae mafai ona ou faitau i le vaevaeina lea o upu seia oo ina ou malamalama lelei iai.

“I le tele o lou iloa i lou agavaa fou o le faitau ma sipela upu, o lea sa ou agai atu ai loa i le Lunivesite o le Setete o Ohio. Sa ou taumafai e tusitusia i lalo ni faamatalaga a o tautala le alii polofesa, ae sa faigata ia te au le mafai ona ou sipelaina sao upu ina ia mafai ai ona ou tusi sao i lalo. Toetiiti lava o upu uma ou te vaevaeina, ma i se taunuuga la na oo i ai, sa mafai ona ou faamaumuina na o ni vaega o le tautalaga a le alii polofesa i au tusitusiga. Ma sa le mafai e au ona ou suesue i au tusitusiga le saosao ma le le atoatoa ma sauni tonu ai mo le suega, ma o lea foi, ua faaiu ai lau taumafaiga i le le manuia, ma sa faamalosi au ina ia ou faamavae mai ma le Lunivesite.

“Sa vaivai lou loto ma amata ona faaletonu lou mafaufau i lou agavaa e faataunuu ai i le tulaga tau i le atamai, ae ua uma ona tuuina mai ia te au le faamanuiaga ma se folafolaga e faapea e mafai ona ou aoao. Ma i lou iloa la o le faataunuuina o lena folafolaga e pau tonu lava lea i lou faatuatua ma galuega, sa faaauau pea ona ou galue i le faaleleia o lau sipelaina o upu ma le faitauina o tusi.

“I le taliaina o le afioga a le Alii, e faapea o le a ia faamanuiaina mai ia te au pe afai ou te faia lau vaega, o lea sa ou toe ulufale atu ai ma auai faamaoni i tiutetauave uma ua tuuina mai ia te au e le Ekalesia - ma suesue i le sefuluvalu itula i le aso. O loo tumau pea lou naunau e galue i le faaleleia o lau faitau tusi, ae ua mafai nei ona maitauina gofie upu, nai lo le taimi muamua. Afai ou te alu atu mo le faia o sau suega, sa ou maitauina *uma lava* upu i au tusitusiga, ina ia mafai ai ona ou sipelaina sao i le taimi o le suega. E oo ane i le taimi ua ou tuua ai le Kolisi a Ricks, ua mafai ona lelei la’u faitau tusi, ma sa avea au ma se tama aoga faamamaluina, ma sa ou faauu ma se togi maualuga e 3.6!

“Ua ou umia nei le tikeri o le B.A. mai le Lunivesite o Polika laga, ma ua maea au mataupu sa suesueina ma sa ou mauaina ni togi lelei e 3.2 le evalesi.

“O le folafolaga a le Alii, ‘e faapea ua tuuina mai ia te au le agavaa e faataunuu ai galuega lelei; ua faataunuuina ma o le a faapea lava foi i isi folafolaga ua faia ia te au i au faamanuiaga faapeteriaka, afai e i ai

lou faatuatua ia te ia ma galue ina ia maua ai le faataunuina o na faamanuiaga." *When Faith Writes the Story*, pp. 34-37).

O lenei tama sa saunia ma usiusitai; o se taunuuga la ua oo mai i ai, o lona faamanuiaga faapeteriaka ua avea ma fesoasoani i taitaiga ma faamafanafanaga ia te ia. E tatau foi ona tatou faataunuina lea lava faatuatua mo le taunuu atu mo le faamanuiaga ua folafolaina mai i o tatou faamanuiaga faapeteriaka.

Lui

1. Ia saunia oe lava e maua faamanuiaga faapeteriaka pe afai e te lei mauaina.
2. Afai ua e maua lou faamanuiaga, ia faitau soo i ai ma taumafai e ola agavaa ina ia maua ai faamanuiaga folafolaina.

Mau Faaopoopo

Kenese 49:1-28 (ua faamanuia e le peteriaka o Isaraelu lana fanau)

MFF 107:39-56 (o le toasefulu ma le toalua ina ia faauuina failotu; o le perisitua faapeteriaka i aso ua mavae)

MFF 124:91-92 (ua maua e peteriaka ki e tuuina atu ai faamanuiaga)

Mose 6:1-6 (o le tusi faamanatu na teuina e faamanuia ai le fanau a Atamu.)

Sauniuniga a le Faiaoga

A o lei tuuina atu lenei lesonea:

1. Ia fai atu i se tagata o le vasega o loo ua ia umia se faamanuiaga faapeteriaka e faamatala mai lana molimau o le taitaiga a le faamanuiaga ua oo ia te ia i lona olaga. (Ia lapatai atu ia te ia o le faamanuiaga faapeteriaka o se mea totino lea i le tagata lava ia ma e le tatau ona faitauina atu i isi tagata. Mo lea la mafuaaga, e le tatau ia te ia ona tautino atu e uiga i folafolaga ma faatonuga na tuuina atu ia te ia i le faamanuiaga.)
2. Ia tofia se isi tagata o le vasega e faamatala mai lea mea sa ia faia e maua ai lana faamanuiaga faapeteriaka.

O le Tulaga e Manaomia ai le Au Pulega Aoao

Lesona 11

O le faamoemoega o lenei lesona o le fesoasoani lea ia te i tatou ia malamalama i le pogai ua valaauina ai e le Alii le Au Pulega Aoao atoa ma le ala e faamanuaina ai i tatou i le taliaina ma le lagolagoina o i latou.

Faatomuaga

Ao soifua le Faaola i le fogaeleele, sa ia faatulagaina lana ekalesia ma faauuina tagata i le perisitua. Na aofia ai i e na ia valaauina ia Aposetolo e toasefululua ma isi tofiga ia molimau ia te ia ma ia fesoasoani i le vaaiga o le Ekalesia atoa. Ina ua mavae lona maliu ma lona toetu, sa asiasi atu i tagata o sa Nifae i Amerika ma faatulagaina lana ekalesia i le auala lava e tasi. Na ia faauuina soo e toasefululua e auauna atu i a Sa Nifae, e pei lava ona faia e le Au Aposetolo e toasefululua i le Ekalesia i le lalolagi Tuai.

I nei aso, ua faapea foi ona toe faatulagaina e le Alii lana ekalesia moni o le Ekalesia a Iesu Keriso e ala mai i lana perofeta o Iosefa Samita. Sa faatulagaina e ala mai i faaaliga ma o loo i ai Aposetolo e toasefululua, e pei lava ona i ai le Ekalesia a o soifua le Faaola i le fogaeleele. E le gata la i Aposetolo, ae sa valaauina foi e le Alii isi tagata ina ia fesoasoani i le taitaiina ma le faatonuina o le ekalesia atoa. O nei tagata ua taua o le Au Pulega Aoao.

O se tasi ua taua o le Au Pulega Aoao o se tagata lea ua umia le Perisitua Mekisateko ma ua valaauina e le Alii e auauna atu i se tasi o tulaga o loo i lalo:

Faaali atu le ata 11-a, ua faaaulutalaina "O le Au Pulega Aoao o le Ekalesia a Iesu Keriso o le Au Paia o Aso e Gata Ai."

O LE AU PERESITENE SILI

O loo i ai i le Au Peresitene Sili le Perisitene o le Ekalesia ma ona fesoasoani e toalua, ma o i latou foi o ni uso o le Au Pulega Aoao. O loo umia e le peresitene ia ki ma le mana uma ua toefuataiina mai i le Ekalesia i aso e gata ai. O le Peresitene o le Ekalesia e vaaia le ekalesia atoa ma o loo i ai le mana ma le pule e galue ai i tofiga uma i le perisitua ma i le Ekalesia, ma e faapea foi ona fesoasoani.

O le peresitene o le Ekalesia o loo iai "ki" o le perisitua e puleaina ai mea faaleagaga atoa ma mea faaletino uma a le Ekalesia. O loo ia te ia le aia tatau e tuuina atu ai i peresitene o siteki, epikopo, ma

**O le Au Pulega Aoao
o le Ekalesia a Iesu Keriso o le
Au Paia o Aso e Gata Ai**

O le Au Peresitene Sili



Peresitene Thomas S. Monson
Fesoasoani Muamua



Peresitene Gordon B. Hinckley



Peresitene James E. Faust
Fesoasoani Lua

Aufono o le Toasefululua



Boyd K. Packer



L. Tom Perry



David B. Haight



Neal A. Maxwell



Russell M. Nelson



Dallin H. Oaks



M. Russell Ballard



Joseph B. Wirthlin



Richard G. Scott



Robert D. Hales



Jeffrey R. Holland



Henry B. Eyring

peteriaka, faapea ma isi “ki” e tusa ai ma tofiga patino i o latou itulalolagi

Na tusia e Peresitene Iosefa F. Samita e uiga i lenei matuapu “o tagata uma ua faauuina i soo se tofiga i le perisitua ua i ai le pule ua tuuina atu ia te ia. Peitai e tatau ona faia galuega uma i lenei pule i le taimi ma le nofoaga e tatau ai, i le auala sao, ma i le faatulagaga e tatau ai. E taitaiina nei galuega i ki o le perisitua” (*Gospel Doctrine*, p. 136.)

O LE KORAMA A APOSETOLO E TOASEFULULUA

O le Toasefululua e valaauina e le Alii ina ia avea ma molimau faapitoa ia Keriso. Latou te galulue i lalo o le taitaiga a le Au Peresitene Sili

O LE KORAMA A FITUGAFULU

O le Au Fitugafulu e galulue i le suafa o le Alii, i lalo o le taitaiga a le Toasefululua, i le galueaiina o le Ekalesia ma le taulimaina o mataupu uma i atunuu uma (tagai MFF 70:34)

O LE AU EPIKOPO PULEFAAMALUMALU

O le Au Epikopo Pulefaamalumalu o le au peresitene lea o le Perisitua Arona o loo galulue i lalo o le taitaiga a le Korama a Aposetolo e Toasefululua ma le Au Peresitene Sili. O le Epikopo Pule faamalumalu ma ona fesoasoani e toalua e vaai meaa faaletino a le Ekalesia.

E le gata la i le Au Pulega Aoao, ae ua valaauina foi se aofai o tagata e toatele e avea ma Sui Risone o le Au Aposetolo e Toasefululua. E le o i latou o ni uso o le Au Pulega Aoao peitai ua valaauina e avea ma sui o le Au Aposetolo e Toasefululua ma fesoasoani i le atinaeina o le Ekalesia i vaega faapitoa o le lalolagi.

Tiutetauave o le Au Pulega Aoao

O le Au Pulega Aoao o sui ia o lesu Keriso. O le Faaola lava ia o le ulu lea o le Ekalesia ma e na te taitaiina e ala mai i faaaliga i le perofeta ma isi uso o le Au Pulega Aoao. E faaali mai e le Alii lona finagalo ma aoao mai ia te i tatou mea uma e tatau ai mo lo tatou faaolataga e ala mai i nei tagata.

E tele auala e avea ai uso o le Au Pulega Aoao ma sui o le Faaola:

- Latou te faimalaga solo i le lalolagi atoa e fesoasoani ma faatonuina tagata ma taitai o le Ekalesia i lea atunuu ma lea atunuu.
- Latou te faalaugatasia mea e faia i le Ekalesia ma mautinoa o loo aoaoina e le Ekalesia mataupu sao.
- Latou te faauuina taitai o le perisitua i le atunuu e pei o peresitene ma peteriaka o siteki.

11-a. O le Au Pulega Aoao o le Ekalesia a lesu Keriso o le Au Paia o Aso e Gata Ai. Tagai i le lomiga talu ai nei o le konafesi i le mekasini a le Ekalesia mo ata aupito lata mai.

-
- Latou te saunia ma lauga atu i konafesi aoao, konafesi a itulalolagi, atoa ma isi sauniga. Afai e lauga atu nei tagata i lalo o le uunaiga a le Agaga, e tutusa lava e faapei o loo saunoa atu lava Keriso ia. “O le mea ua fai atu ai au le Alii ua ou fai atu ai lava . . . pe afai atu i lou lava leo po o le leo o au auauna ua tusa lava ia” (MFF 1:38). I lenei la tulaga ua faapea ona latou aoao atu ma musuia ai tagata o le Ekalesia faapea foi ma tagata lotu ese.
 - Ua valaauina le Au Aposetolo e toasefululua ina ia avea ma molimau faapitoa ia lesu Keriso i le lalolagi atoa. Latou te molimau atu i le paia o Keriso i soo se mea latou te faimalaga atu i ai. O isi foi uso o le Au Pulega Aoao latou te molimau atu e uiga i le Faaola.
 - O lo latou tiutetauave, o le vaaia lea o tulaga faaletaitai uma o le Ekalesia.
 - E le gata la i ia tiutetauave, o i latou foi o tama ma tane. E pei lava foi o isi tama o le Ekalesia, o loo ia te i latou le tiutetauave o le taitaiina o o latou lava uiga i le malo selesitila.

Tulaga e Manaomia ai e i Tatou le Au Pulega Aoao

Ua faaalua mai e le Tama Faalelagi lona finagalo i tagata i le fogaeleele e ala mai i ana perofeta i le faasologa o talafaasolopito. E moni lenei tulaga e tusa po o lo tatou tautala e uiga i le vaiitami o Mose, po o Keriso, po o Iosefa Samita foi. E mafai ona suia tulaga o mea e tutupu, peitai e le faapea le mea moni, ma lo tatou manaomia o le taitaiga a le Atua. Talu ai ona o le alofa o le Alii ia te i tatou, o le mea lea, ua ia tuuina mai ai ia tei tatou se perofeta ma aposetolo ma isi uso o le Au Pulega Aoao e taitaiina i tatou i aso nei.

O loo faamatalaina atu i lalo se tala i le ala na faamanuiaina ai ni tagata ona o le usiusitai i se perofeta.

“Na oo lava ina maea fuafuaga ia Iulai 1959. E toatolu sefulu tagata Tahiti sa galulue, faasaoina, ma ositaulaga e sailia ni tupe e talafeagai mo le faatupeina o se malaga i le Malumalu i Hawaii. Na matua tele naua galuega sa faia ina ia aumaia le *Paraita* (o lona uiga o le *Alii Sili*), o se vaa faila, i le uafu, ina ia faafouina ai, ma toe valiina. Ona oo mai lea o ni faafitauli mai le malo o Farani. (O le kapeteni, o Tapu na iu lava ina ia faatalitoniina le kovana o le malo o Farani ina ia faatagaina tagata o le Au Paia ia folau atu i le *Paraita* mo Hawaii.)

“E le gata ina maua mai e Brother Tapu le faatagaga mai tagata ofisa o le malo o Farani, peitai na ia tusi atu foi i le Aai o Sate Leki ina ia maua mai le faatagaga mai ia Peresitene Tavita O. MaKei. Na tuuina mai lena faatagaga ma ua saunia mea uma.

“Ona oo mai lea o se valaau faamomoi loto mai le ofisa o le misiona. O tagata uma o e ua fuafua e o atu i le malaga e tatau ona

faapotopoto uma mo se fonotaga i le misiona a o lei folau ese atu. . . .

“I lena aso na taunuu mai ai se avefeau faapitoa, o Ernest C. Rossiter . . . mai ia Peresitene MaKei i le Aai o Sate Leki. O le savali na ia aumaia na faateia ai i latou. Na talosagaina le Au Paia ina ia aua nei malaga atu i lenei malaga ua leva ona faatalitali i ai. E tusa ai ma le faamatalaga a Brother Tapu, e leai se faamalamalamaga a peresitene MaKei e tusa ai ma lenei tulaga. Na ona ia talosaga lava ia Rossiter 'ia alu atu ma taofi i latou. O le a mafai ona taunuu atu i latou i le mea o loo latou faamoemoe i ai, ma afai tatou te faatagaina i latou e o mai, o le a avea lea ma mea o le a tulai mai ai se faafitauli ia i tatou ma le malo o (Farani). O lo tatou tiutetauave o le vaai lea o i latou. O lea la ia e alu atu ma taofi i latou.’

“I le tusi o tala o mea tutupu o le misiona i aso taitasi, na tusia ai e Peresitene Christiansen (le peresitene o le misiona) lona naunautai e uiga i le tauina atu i le Au Paia o e ua sauni e malaga ese atu:

“Na ou matua manatunatu lava i lenei tulaga ma na ou lagona ai ou te manaomia le fesoasoani a le Alii i le tuuina atu o se faamalamalamaga i nei tagata lotomauualo, faatuatua, o e sa i ai le faamoemoeaga mauualuga ina ia maua a latou osigafeagaiga (endowment) i Lona Maota Paia. Na ou anapogi ma tatalo e uiga i lenei mea. Na ou valaauina se fonotaga a uso o le perisitua mo Iulai 15, 1959, i le 8:00 i le taeao, i lou potu i le 7:30, ma faatasi ai la ma le fesoasoani a Peresitene Rossiter na matou tauina atu ai ia te i latou matou te manaomia lo latou faatuatua faapea ma talosaga i le tuuina o lenei savali i uso o le perisitua o e o le a faapotopoto i le 8:00. Ina ua maea ona talanoa atu Peresitene Rossiter ma au i nei alii, na auuai ona latou tuuina mai o latou manatu i ni nai minute puupuu, ma a o ou faalogologo atu i ai na faatumuina au i le olioli a o latou tauina mai lo latou naunautai ia usiusitai i fautuaga a lo tatou perofeta o loo i ai i lenei fogaeleele.

“Na matou o atu i le fonotaga faatasi ma uso o le perisitua. Ina ua maea ona latou faalogologo atu i le savali mai le Au Peresitene Sili, na (latou) faaalua mai lo latou talitonu e faapea afai o lenei upu e aumai mai taitai o le Ekalesia o lona uiga e tatau lava ona tuuina mai e ala mai musumusuga a le Alii, ma na o le pau lava lea o le auala e faaali mai ai lo latou alofa ma le fiafia mo faamanuiaga. O le fautuaga ua ia tuuina mai ia te i latou e tatau ona usiusitai i ai. Ona ou faia lea o se palota e tusa ai ma lenei tulaga, ma ua siina i luga uma lima e taliaina ai lenei faaiuga a le Au Peresitene Sili”

“O lea na le taunuu ai le malaga, ma e le iloa e Peresitene Rossiter, faapea Peresitene Christiansen, ma tagata Tahiti faatuatua o le Au Paia le pogai ua tauina atu ai e le perofeta a le Atua ina ia aua nei alu lenei malaga. Na le taunuu la latou malaga talu ai ona o lo latou faatuatua i le perofeta.

“Mulimuli ane, na toe foi atu ia Tapu, le kapeteni, i lona vaa ma na tauina atu e le enisinia ia te ia e faapea ua faaleagaina se tia laititi o le vaa ma o le a manaomia ai ni itula e 100 i le 150 ina ia toe faia ai. E ui lava i lenei tulaga, na toe tuuina atu lava le vaa i le sami ma toe taula ai . . .

“(Na lipotia mai e Tapu, le kapeteni o le vaa) i ni nai aso mulimuli ane na ou maua mai ai se telefoni. Sa ou galue i le ofisa o le misiona i le mekasini a le Ekalesia i lo matou nuu. O le telefoni e mai le pule o le taulaga. Na ia faapea mai, “Ua goto lou vaa,” Ma na ou faapea atu, “O le a? O lea faatoa ou aveesea mai le mea na ou faafouina ai. Na ia faapea mai lava, “Ua goto lou vaa. Televave! O lea na ou teleai atu ai i le uafu ma o le afa o le vaa ua goto. O loo i lalo o le vaa lau soalii muamua o loo taumafai e saili po o le a le mea o loo tupu. Na ia mauaina ua elea le paipa e sau ai le asu mai le umukuka o le vaa. Na valiina e tagata na faafouina le vaa ia ni laupapa ua matua tuai lava ma ni paipa ua elea lava. Ua gau ma ua sao atu i totonu le vai.

“O le a sau upu e fai pe ana faapea o loo matou folau i se vaa faaola e tusa o le lua i le tolu selau maila e mamao mai le laueleele? Ana fai matou te folau atu tusa ai ma fuafuaga, o le a matou i ai i lea mamao ae gau loa le paipa ua mafati le laupapa!

“I lona taimi ina ua talia e tagata o le Au Paia i Tahiti le fautuaga a le perofeta, sa lei mafai ona latou faaalua lenei tulaga o le malamalama ia Tapu ina ua ia faapea mai, “O le pogai lona o loo i ai pea ia te au se molimau ia Peresitene MaKei, o ia o se perofeta moni a le Alii.” (R.Lanier and JoAnn M. Britsch, “A Prophet’s warning,” *New Era*, Mar. 1976, pp. 12, 14.)

E tautala moni lava uso o le Au Pulega Aoa mo Keriso. Ua fetalai mai faapea le Alii “soo se mea foi o le a latou tautala atu ai pe a musuia i latou i le Agaga Paia o le a faia ma tusitusiga paia, ma loto o le Alii, ma mafaua o le Alii, ma upu a le Alii, ma leo o le Alii, atoa ma le mana o le Atua i le faaolatga” (MFF 68:4).

Talu ai o nei tagata o sui o le Faaola i le fogaeleele, e taua la lo tatou iloa o mea latou te tautala mai ai atoa ma le mulimuli i a latou aoaoga. Manatunatu i nisi o aoaoga a le Alii lea ua faamamafaina mai e uso o le Au Pulega Aoa o i tatou nei taimi: Ua latou fautua mai ia te i tatou ia faia afiafi faaleaiga. Ua latou talosaga mai ia te i tatou ina ia fesoasoani i le fausiaina o malumalu ma le faia o o tatou gafa. Ua latou aoa mai ia te i tatou e uiga i le tulaga sauniuni o le tagata lava ia faapea ma le aiga (e aofia ai le teuina o meaa). Ma ua latou faaalua foi le tulaga manaomia mo le faia e tagata uma o le ekalesia o galuega faafaifeautalai.

Ia fai atu i tagata o le vasega e manatunatu e uiga i le ala ua matua suia vave ai le lalolagi i le sefulu po o le luasefulu tausaga ua tuana. E faapefea ona fesoasoani le faalogologo i perofeta ia te i latou i le faafetaiaia o lui o loo faafeagai ma i tatou i aso nei?

Taliaina ma le Lagolagoina o le Au Pulega Aoao

O le a le faamalosiā i tatou e le Alii ina ia usiusitai i ana auauna. E mafai ona tatou taliaina pe teena i latou. Peitai ane, o se faamanuiaga sili le mafai ona taliaina ma lagolagoina uso o le Au Pulega Aoao faapea ma isi o tatou taitai. O le mea lenei tatou te faia aloaia i sauniga lea e talosagaina ai i tatou e tuuina atu lo tatou taliaina o taitai o le Ekalesia. Tatou te faaalua lo tatou naunautai ia taliaina ma lagolagoina i latou i le siiiina o o tatou lima taumatau. Peitai o le taliaina ma le lagolagoina o uso o le Au Pulega Aoao e manaomia ai se mea e sili atu nai lo le siina o o tatou lima taumatau. Tatou te taliaina ma lagolagoina uso o le Au Pulega Aoao i le taliaina o a latou aoaoga atoa ma le mulimuli i a latou fautuaga ma taitaiga.

O nei alii o sui o lesu Keriso ma latou te maua mai pea faaaliga mai ia te ia. Tatou te aloaia le Faaola i le aloaia o ona sui. Tatou te aloaia ma faaalua le faaalalo i o tatou perofeta o loo soifua i le usiusitai i a latou aoaoga, i le tatalo mo i latou, atoa ma le tatalo mo le malosi ia mulimuli ia te i latou.” (Tagai i le Eperu 13:17-18 ma le MFF 107:22). Tatou te taliaina ma lagolagoina i latou pe a tatou taliaina ma lagolagoina o tatou epikopo po o le peresitene o le paranesi, aua e galue o ia i lalo o le latou taitaiga.

E oo mai ia te i latou o e taliaina ma lagolagoina uso o le Au Pulega Aoao ia faamanuiaga silisili. Ua fetalai mai faapea le Alii o i latou o e talitonu i aoaoga a perofeta ma tumau i le faatuatua e oo i le iuga o le a maua uma mea o loo i le Atua. (Tagai i le MFF 84:36-38). O loo taua mai i le Tusi a Mamona e uiga i se tagata iloga e igoa ia Amoleka o le ana taliaina se perofeta a le Atua. Sa asiasi atu se agelu ia Amoleka ma tau atu ia te ia o le a asiasi atu le perofeta o Alema ia te ia. Na faapea atu le agelu, “. . . E te talia foi o ia i lou fale ma fagagaina o ia. Na te faamanuiaina foi oe ma lou aiga, e oo atu foi ia te oe ma lou aiga le manuia mai le Atua” (Alema 10:7). Na taliaina e Amoleka Alema i lona fale ma mulimuli ane tuuina atu lana molimau o faamanuiaga silisili na oo mai ia te ia ma lona aiga aua ua ia taliaina le perofeta.

Faitau le Alema 10:10-11. E mafai faapefea ona tatou maua faamanuiaga na taua mai e Amoleka?

Atonu o le a le asiasi atu lava se uso o le Au Pulega Aoao i o tatou fale, peitai e mafai ona tatou maua faamanuiaga e tai tutusa lava pe afai tatou te taliaina uso o le Au Pulega Aoao i le mulimuli i a latou fautuaga musuia i o tatou aiga.

Afai e i ai se tagata o le vasega ua feiloai ma se uso o le Au Pulega Aoao pe ua faalogo foi i ai o lauga mai, ia tuu atu le avanoa e faamatala mai ai le mea na tupu ma le pogai ua ia lagona ai e taua le faalologolo ma usiusitai i uso o le Au Pulega Aoao.

Faaiuga

O uso o le Au Pulega Aoao o sui faaletino ia o le Faaola. E latou te umia le perisitua faapea ma ki e taitaiina ai le galuega a le Ekalesia a le Alii. A o tatou mulimuli i a latou fautuaga ma lagolagoina i latou i lo tatou faatuatua, ususitai, ma tatalo, o le a tatou maua faamanuiaga silisili.

Na faapea mai Peresitene Harold B. Lee: "Sa faapenei ona faaupuina e se tasi tagata, ma ou te talitonu i ai ua matua sao lava lea: "O lena tagata e le mafai ona liua moni o ia vagana ua vaai e ia le mana o le Atua ua oo mai i luga o taitai o lenei Ekalesia, ma e vagana ua oo i totonu o lona loto e pei o le mu o le afi." Vagana la ua i ai i tagata o lenei Ekalesia le tautinoga faapea foi ona i ai ia te i latou le talitonuga o nei tagata o le Atua o tagata ua maua faaaliga ma ua faapea foi ona tofia i le ala tatau i le aao o le Atua, o le a le mafai ona avea i latou o ni tagata moni ua liliu mai po o le talitonu i le Ekalesia." ("O le Malosi o le Perisitua," *Liahona*, Mati 1973).

Lui

1. I la outou tatalo faaleaiga ma lau lava tatalo faaletagata lava ia i le po, ia ole atu i le Alii ina ia faamanuia i uso o le Au Pulega Aoao.
2. Tatalo mo se molimau atoa ma le malosi e mulimuli ai i le perofeta ma isi uso o le Au Pulega Aoao

Mau Faaopoopo

Numera 12:6 (e faaali mai le Alii i ana perofeta)

Amosa 3:7 (e faaali mai e le Alii ana mea lilo i ana perofeta)

Luka 1:59-79 (o loo fetalai mai pea le Alii i tagata e ala mai i perofeta)

MFF 21:4-6 (e saunoa mai perofeta i upu e faapei lava o upu e tulei mai fofoga o le Atua)

MFF 43:1-7 (o faaaliga mo le Ekalesia e na o le perofeta e ala mai ai)

Sauniuniga a le Faiaoga

A o lei tuuina atu lenei lesona:

1. Fuafua ia amata pe faaiu i le pese "Ia Vaa Oe le Atua," *Viga*, nu. 10.
2. Tofi ni tagata o le vasega e tuuina mai tala ma mau i lenei lesona.

O le Tiutetauave o le Tama mo le Tulaga Manuia o Lona Aiga.

Lesona 12

O le faamoemoega o lenei lesona o le fesoasoani lea ia te i tatou ia malamalama i le tiutetauave o loo i ai i le tama i le fuafuaina ma le saunia o mea e manaomia mo lona aiga.

Faatomuaga

Ua faapea mai le perofeta a le Alii. “O le aiga o le faalapotopotoga lea e sili ona taua i le taimi nei po o le faavavau. O le faamoemoega i le olaga o le atinaeina lea mo i tatou lava o ni aiga e faavavau.” (Joseph Fielding Smith, “Counsel to the Saints and to the World,” *Ensign*, July 1972, p. 27).

O se aiga faavavau o se aiga faapeteriaka lea. O le uiga o lenei mea o le tama o le ulu o le aiga ma o le tane ma le ava ua faamauiina i le malumalu. E tatau i aiga uma ona faataitai i le faatulagaga o se aiga faavavau, ma o le tama o le ulu moni lava ia o le aiga.

E Tatau i le Tama Ona Saunia Mea e Manaomia mo Lona Aiga

Ua aoao mai i tusitusiga paia o le tama o le ulu o le aiga (tagai i le Efeso 5:23). Ona o lea tulaga, o ia e tatau ona saunia mea faaleagaga faapea ma mea faaletino a le aiga (tagai i le Mosaea 4:14-15). O se tiutetauave paia lenei, ua tuuina mai e le Alii. O le mea moni lava, o le galuega lea e sili ona taua o le a faataunuaina e se tama. Ua faapea mai Peresitene Tavita O. MaKei “e le mafai e le manumalo i soo se tulaga ona foia le toilalo i totonu o le aiga.” (Tavita O. MaKei, *Conference Report*, Apr. 1964, p. 4).

O totonu o le aiga e tatau ona tausia ai le fanau ma aoaoaina ai i mataupu faavae o le faavavau. “O le galuega sili ona taua a le Alii lea o le a tatou faia i o tatou lava aiga, “na faapea mai ai Peresitene Harold B. Lee. (“Regional Representatives Seminar,” Apr. 1972, p. 2). E leai lava se isi faiaoga e mafai ona sili atu lana uunaiga i lau fanau nai lo i tatou matua. Ona o lenei pogai, e tatau ai ona tatou aoao a tatou fanau i faataitai ma upu. O le folafolaga e faapea afai e faamauiina faatasi i tatou ma a tatou ava ma fanau i le malumalu, ma ola i le amiotonu i le tausia o mataupu faavae o le talalelei, e mafai ona tatou nonofo faatasi o se aiga faavavau i le malo selesitila. (Tagai i le mataupu 47, “Faaeaina”, i le tusi lesona *O Mataupu o le Talalelei*.)

O le Saunia o Mea Faaletino E Moomia e le Aiga

I le avea ai ma tama, ua faamoemoeina ina ia tatou saunia mea faaletino mo o tatou aiga. Ina ia maua mea faaletino e manaomia e o tatou aiga, e tatau ona tatou—

- Galulue ma le faamaoni i se galuega mo le saunia o mea e manaomia e le aiga.
- Soalaupule lelei ma le ava le faasoasoina o tupe.
- Aoa o tatou fanau ia galulue.
- Faatulaga se polokalama o le faia ma le teuina o mea i le aiga.

O loo aoao mai i tusitusiga paia i aso nei o i latou o e mafai ona galulue ae le faia lea tulaga, “aua o le paie e le ai i le areto pe ofu i ofu o le galue” (MFF 42:42). Na fetalai mai le Alii a le suia e le tagata paie ona auala, o le a le maua e ia faamanuiaga o le a maua e i latou o e o le a galulue. E oo lava foi i lona tulaga i le ekalesia e le mafai e ia ona taofia (tagai i le MFF 75:29). O le mea moni, e le afaina po o le a le galuega tatou te faia ae ia faia ma le faamaoni ma ia faamalieleina.

E tatau i se tane ona faatulagaina ma lana ava se paketi a le aiga. O le tupe na te maua e le mo na o ia, ae mo le aiga atoa; o ia le tagata e taitaiina lona faaogaina. O lona tiutetauave le vaai ua faafetaiaia ia tulaga manaomia tau tupe a tagata uma o le aiga, ae le faapea e na o ia. A ia tuuina atu ana taumafaiga e sili atu ia saunia ai mea e manaomia i le tulaga faaletino o lona aiga, o le a faamanuiaina o ia e le Alii, ma e mafai e lana ava faapea ma lana fanau ona tauaveina a latou galuega e tatau ai i le aiga.

Faali atu le ata 12-a “O aiga e galulue faatasi e faapea ona faamanuiaina faaletino ma le faaleagaga.”

E tatau ona uunaia tamaiti ma faatagaina ia maua aoaoga e mafai ona latou maua, ina ia mautinoa ai ua saunia i latou mo a latou galuega i le soifuaga. I le tulaga e mafai ai, e le tatau ona taofia mai i latou mai le aoga ina ia o atu e galulue. E le faapea la e le tatau ona tuuina atu galuega e faia e a tatou fanau i le aiga. Na faatonuina mai e Peresitene Harold B. Lee i matua ina ia tuuina atu galuega faapitoa i tamaiti ina ia taofia mai ai i latou mai le paie ma maua ai e i latou le avanoa e atinae ai amioga faatagata matua o le galue lea. (Tagai i le “Preparing Our Youth,” *Ensign*, Mar. 1971, p. 3).

O se tasi o tiute e mafai ona tuuina atu i tamaiti o le tausua lea o le togalaau a le aiga. Ua lapataiina i tatou ina ia toto togalaau o aiga ina ia maua mai ai nisi o meaai tatou te manaomia, ma ona teuina lea o meaai e tele e mafai ai. Ua lapataiina mai e Peresitene Kimball ia aiga taitasi “ia totoina meaai uma e te mafai i lou lava laueleele . . . Atinae ou matafaioi i le faasaoina ma le teuina o meaai i lou aiga. Matou te

12-a. O aiga e galulue e faamanuiaina i le faaletino ma le faaleagaga.



faamaonia le fautuaga na tuuina atu talu ai nei, ma e saga tuuina atu pea lava e le Ekalesia, ina ia taumafai ia teuina ni meaai mo le tausaga atoa” (Spencer W. Kimball, “Family Preparedness,” *Ensign*, May 1976, p. 124.)

O a nisi o galuega e mafai ona tatou faia o se aiga e aoao atu ai i a tatou fanau ia galulue? Afai e le mafai ona saunia e i tatou mea faaletino e manaomia e o tatou aiga, o fea e mafai ona tatou maua mai ai le fesoasoani? (E tatau pea ona tatou saili muamua mo le fesoasoani mai tagata o le aiga lava ia ma au aiga o e atonu o i ai se tulaga e fesoasoani mai ai. Afai e le mafai ona latou fesoasoani mai ia t e i tatou, e tatau ona tatou tapa atu i le Ekalesia ma faafesootai o tatou taitai o korama. E na o le pau lava le taimi e tatau ai ona tapa le fesoasoani a le uelefea a le malo o le taimi lea e le mafai ai ona fesoasoani mai le Ekalesia ia te i tatou i auala tatou te manaomia ai le fesoasoani.)

Sauniaina mo Tulaga Manaomia Faaleagaga o o Tatou Aiga

Ina ia faafetaiaia tulaga manaomia faaleagaga o o tatou aiga e mafai ona tatou:

- Aoa atu le talalelei i o tatou taitoalua ma fanau.
- Faia i aso taitasi tatalo faaleaiga.
- Ia avea o tatou aiga ma nofoaga e valaaulia mai i ai le agaga o le Alii e faatasi ai ma i tatou.
- Totogi sefuluai ma taulaga i le Alii.
- Faia afiafi faaleaiga aoga ma le lelei.

O nei tiutetauave e paia uma. O loo faasino mai i le Mataupu Faavae ma Feagaiga le taua o se tasi o nei tiute:

Fai atu i tagata o le vasega e faitau le MFF 68:25, 28. O le a le mea ua poloaina ai i tatou e aoao atu ia tatou fanau?

E tatau ona mautinoa e se tama ua aoaoina atu i lona aiga le talalelei. O se tasi o auala sili e amata ai lenei aoaoga o afiafi faaleaiga lea. O le a maua ai se taimi fai pea mo i tatou e talatalanoa ai faatasi ma o tatou aiga ma faapea ona aoaoina ai foi i latou. Ua aioi mai le Au Peresitene Sili i matua uma “ina ia faatasi pea ma o latou aiga i afiafi o Aso Gafua, o iina e aoao ai i latou i tusitusiga paia . . . ma le tuuina atu o molimau ia te i latou. E tatau i matua ona maua lenei avanoa e felatai ai ma a latou fanau, ma faalogo atu i o latou faafitauli ma [sini] ma tuuina atu foi ia i latou taitaiga mo tagata taitoatasi o loo manaomia tele.” (Savali mai le Au Peresitene Sili,” Tusi lesona o *Afiafi Faaleaiga*, 1976-77, itulau 3.)

12-b O le Tupu o Peniamina na saunia e ia o mea faaletino ma mea faaleagaga mo lona aiga.



Ina ia aoaoina lelei e se tama lana fanau, e tatau ona ia fuafuaina lona taimi ina ia i ai pea i lona aiga i le tele o taimi. E manaomia foi ina ia na ia faaali atu le olioli i le ola ai i le talalelei i lona lava olaga i le totogiina lea ma le faamaoni o le sefuluai ma taulaga i le Ekalesia, i le taliaina ma le faataunuuna o tofiga i le Ekalesia, atoa ma le tausia o isi tulafono.

E faapefea ona fesoasoani le Ekalesia ia te i tatou i le aoaoina o a tatou fanau?

O Faamanuiaga i Tama ma Aiga

Faaali atu le ata 12-b, "Na saunia e le Tupu o Peniamina ia mea e manaomia i la le tino ma la le agaga mo lona aiga."

O loo aoao mai ia te i tatou i le Tusi a Mamona e uiga i se perofeta iloga, na avea foi ma tupu, ma o se tama, o le Tupu o Peniamina (tagai i le Mosaea 2:12, 14). E ui lava o ia o se tupu ma se perofeta, ae na ia galue i ona lava lima ina ia saunia mea mo lona aiga. Na te lei faamoemoe i isi tagata e tausii o ia. I le avea ai o i tatou o tama, e tatau ona tatou mulimuli i lana faataitaiga ma saunia mea mo lo tatou aiga.

O Aperamo se tasi tama e mafai ona faataitai i ai o tatou olaga. Talu ai ona o lona faatuatua, na folafola atu ai ia te ia se aiga amiotonu ma se aiga toatele (tagai i le Kenese 17:3-8). Na faamanuiaina ia Aperamo ona o lona faamaoni i le mulimuli i le Alii faapea ma le saunia o mea e tatau ai mo lana ava ma lana fanau. Talu ai ona o i tatou e tupuga mai ia Aperamo, e mafai foi ona tatou maua ia faamanuiaga e tasi a o tatou vaaia ia manaoga faaleagaga ma le faaletino o o tatou aiga. O le mea e sili ona taua, o le a tuputupu ae le alofa i o tatou aiga, ma o le a alualu i luma faaleagaga o tatou aiga.

Faaiuga

O loo tau mai i le tala i lalo le ala na oo mai ai faamanuiaga i se tama ma lona aiga ina ua ia talia le talalelei ma ola ai. A o lei auai ia Joseph Garcia i le Ekalesia, sa fiafia lava o ia i le inu pia ma ana uo ma e laitiiti lava se taimi e i ai o ia i le fale. Ona o lenei tulaga, e masani ai lava la ona galue lana ava i nai galuega o le faamamaina o fale ma mea faapea ina ia maua mai ai se tupe ina ia fesoasoani i le tausiga o le aiga. Toeitiiti lava a le iloa o ia e lana fanau. E sili atu ona latou fefefe ia te ia nai lo le latou alofa po o le faaaloogia o ia.

Peitai ane, i se tasi aso, na faailoa atu ai o ia i nisi o faifeautal'ai Mamona. Ina ua mavae le ono masina o fono faatasi ma faifeautal'ai, ae matua suia atoa lona olaga. Na le toe alu atu o ia i ana uo i le falepia ma e lei umi se taimi ae auai loa i le Ekalesia. Na amata ona faatasi o ia ma lana fanau, latou te faia afiafi faaleaiga ma fiafia faatasi pe a o e tafafao ma lona aiga faapea ma lana ava. Na ia fuafuaina ma le faaeteete se paketi faaleaiga lea na mafai ai e lana ava ona le toe faigaluega ae faaaogaina lona taimi atoa i le aiga.

Na vave ona iloa e ia e sili atu lona fiafia i lona aiga ma le taimi na te faaaogaina faatasi ma lana ava nai lo le taimi na ia faaaluina ma ana uo muamua. Na iloa e lana fanau ona alofa ia te ia ma i le aso o loo taumafai e mulimuli i lana faataitaiga o le ola i le amiotonu.

Lui

1. Iloilo po o le a le lelei o le tulaga o loo e faia i le faafetaiaia o tulaga manaomia faaleagaga ma le faaletino o lo outou aiga?
2. Fai se tautinoga ia te oe lava i le faataunuuna o tulaga manaomia o lo outou aiga.
3. Ia galueaiina se fuafuaga faatasi ma lau ava ma lau fanau ina ia ola e tusa ai ma tusitusiga paia ma lapataiga a taitai o le Ekalesia.

Mau Faaopoopo

1 Timoteo 5:8 (e tatau i tama ona saunia mea e manaomia e o latou aiga)

Mosaea 27:14, 22-24 (e faafofoga le Alii i tatalo a tama mo a latou fanau)

MFF 68:30-31 (o fanau e paie e tuputupu ae i le amioleaga)

MFF 75:25, 28-29 (ia saunia e tama mea mo tagata o o latou aiga)

Sauniuniga a le Faiaoga

Ao lei tuuina atu lenei lesona:

1. Faitau le mataupu 27, “Galuega ma Tiutetauave Faaletagata Lava Ia,” ma le mataupu 36 “E mafai Ona Faavavau se Aiga”, i le tusi lesona *Mataupu o le Talalelei*
2. Ia i ai se laupapa ma se penisina.
3. Afai e te finagalo ai, tusi i le laupapa po o se pepa lautele ia auala faapitoa ina ia faafetaiaia ai e se tama ia tulaga manaomia faaleagaga ma le faaletino o lona aiga.
4. Tofi tagata o le vasega e tuuina atu tala ma mau o lenei lesona.

O le Fautuaina o Tagata o le Aiga

Lesona 13

O le faamoemoega o lenei lesona o le fesoasoani lea ia te i tatou i le faamalosia o o tatou aiga i le fautuaina o a tatou ava ma fanau.

Faatomuaga

Usu le pese "A i ai i le Aiga le Alofa." *Viiga* 181

O Le Umia le Perisitua e Taitai i Lona Aiga

O o tatou aiga i le fogaeleele o le amataga lea o o tatou aiga faalelagi. O le tulaga faamatua, i se isi itu, o le aoaina lea mo le tulaga faaleatua. O Tama o e iloa lenei tulaga e iloa o loo ia te i latou se tiutetauave paia o le taitai ma faatonu o o latou aiga i le amiotonu. Na faapea mai Peresitene N. Eldon Tanner: "E tatau ona avea aiga uma o tagata o le Au Paia o Aso e Gata Ai ma aiga e maua mai ai le faaitaitaiga, lea e avea ai le tama ma ulu o aiga peitai e pule faamalumu o ia ma le alofa, ma e tusa ai ma manaoga amiotonu o le tina. E tatau ona latou saili faatasi ia sini e tasi mo le aiga, ma e tatau ona lagona e le fanau le alofa ma le tulaga sologa lelei o mea uma o loo i ai i le aiga." ("Fatherhood," *Ensign*, June 1977, p. 2).

I le avea ai o i tatou ma tagata ua faaipoipo o e ua umia le perisitua, ua ia te i tatou le tiutetauave o le fausia o se aiga amiotonu, peitai o le mea moni lava tatou te le faia toatasi lenei tulaga. O loo ia te i tatou le fesoasoani a a tatou ava. E mafai faatasi e oulua ona atinae se faaipoipoga lelei ma toe faafoi atu o tatou aiga i le afioaga o le Alii. O lona uiga, e tatau ona tatou alofa ma faufautua i a tatou ava, pe afai tatou te mananao e olioli i le Agaga o le Alii i o tatou aiga.

O le Faalia o le Alofa ma le Manatu Atu i a Tatou Ava

Faitau le Mosaea 4:14.

O loo faatonuina mai i tatou e le Alii i lenei mau ina ia faavaeina ni o tatou aiga o le filemu ma le alofa. Ina ia maua aiga faapea, e manaomia ina ia tatou mautinoa ua faavaeina se faatulagaga o le alofa faamaoni ma le fetufaai i le taimi e amata ai la oulua faaipoipoga. Afai e le o i ai lenei faatulagaga i o tatou aiga, e tatau ona tatou faavaeina lenei faatulagaga. E manaomia ai le tatalo faatasi i o tatou aiga, i le faaali atu o le alofa ma le faaloalo o le tasi i le isi, ma le aoaina faatasi o tusitusiga paia. Atonu o le mea e sili atu ona taua, o lona uiga o le tausia lea o tulafono a le Atua ma feagaiga i le taimi o a tatou tautinoga i faaipoipoga.

O se taitai malosi o le perisitua e agalelei ma manatu i lana ava (tagai i le Efeso 5:25). Na faapea mai Peresitene J. Reuben Clark, le itiiti, ina ia mafai ona avea se aiga o se aiga faaselesitila, e tatau i le tane ma le ava ona alofa, faamamalu, ma faaaloalo le tasi i le tasi. E tatau ona onosai le tasi i le tasi ma ia faamaoni i a laua tautinoga i faaiipoipoga. E tatau i lo laua faatuatua ona “ufitia ai le aiga e pei o se malamalama o le agalelei.” Afai latou te faia nei mea, o lo latou ususitai i le Atua o le a “taitaia ma faafiafiaina ai i latou”. (Tagai i le *Immortality and Eternal Life* Vol. 2, Tusi Lesona a le Perisitua Mekisateko 1969-70.)

O a nisi o mea e mafai ona tatou faia e faaalua atu ai lo tatou alolofa ma le manatu atu i a tatou ava?

O le a faapefea ona fesoasoani le faaali atu o le alofa ma le manatu atu mo a tatou ava i le faavaeina o ni aiga e i ai le filemu ma le alofa?

O le Fefautuaai ma A Tatou Ava

Ia faaali atu le ata 13-a, “E sili ona faigofie ma aoga tele le taitaiga i aiga pe a fefautuaai se tane ma lana ava.”

E taua lo tatou fesootai ma a tatou ava. O le tele lava o faafitauli i aiga ma faaiipoipoga e mafai ona foia pe afai tatou te fefautuaai ma a tatou ava ma saili mo le fesoasoani ma le taitaiga a le Alii.

Ia faitau le Alema 37:37. E mafai faapefea i le fegalegaleai ma le Alii ona fesoasoani ia te i tatou?

Afai o le a avea i tatou ma e atamamai e umia le perisitua, e tatau ona tatou talanoaina ma le agaga tatalo ia faafitauli ma sini ma a tatou ava, ma ia aofia ai i latou pe a tatou faia faaiuga. Afai tatou te alolofa ia tatou ava, o le a tatou saili pea mo o latou manatu ma le fesoasoani na i lo le taumafai e foia faafitauli autu faaleaiga e i tatou lava. Ina ia faia lenei tulaga, e tatau ona tatou faavasegaina se taimi faapitoa e mafai ai ona tatou talanoaina mea e uiga i le fanau, o tupe, lotu, afiafi faaleaiga, ma nisi lava toatuga faaletagata ma faaleaiga foi o loo i ai. E na o ana auala o le a mafai ai ona tuufaatasia i tatou i le taitaiga o o tatou aiga.

O a tatou ava o a tatou soa ia i le faaiipoipoga ma o le mea la lea e taua ai i latou. E tatau ona tatou faailoa atu ia te i latou lo latou taua. Ua lagona e nisi tagata talu ai ona o loo ia te i latou le perisitua, o lea ua i ai ai i latou i se tulaga e faia ai e i latou faaiuga uma, petai o loo tau mai i tusitusiga paia e sese lenei mea.

Faitau le MFF 121:39, 41.

O le le faaaogaina tatau o le perisitua o le “faaaogaina lea o le pulega le tatau.” I le avea ai o i tatou ma e umia le Perisitua Mekisateko, ua ia te i tatou le tiutetauave o le faalogologo lea i a tatou ava i le alofa ma le manatu atu i ai. Ma, a tatou faalogologo, e le tatau ona tatou faalogologo faapea o tatou o ni o latou pule, aua o i latou o a tatou soa ma e tutusa lelei lava i tatou. O le tala o loo taua i lalo, o loo faaali mai ai le ala na fefautuaai ai se tasi na umia le perisitua ma lona toalua.



O Jackson o se tagata aoaoina ma le atamai. E faigofie lava ia te ia ona faia uma faaiuga mo lona aiga. Peitai ane, e masani lava ona nofo o ia i lalo faatasi ma lana ava ma talanoaina faafitauli ma ala talafeagai e foia ai. E faatasi lava i le vaiaso, e masani lava i le afiafi o le Aso Sa, ona laua nonofo i le laulau i le umukuka ma talanoa ai e uiga i faafitauli o le aiga. O nisi taimi e aofia ai le fanau i le talanoaga. O lo la fefautuaai, toetiiti lava o taimi uma lava e malilie ai lenei alii ma lana ava i le ala e tatau ai ona la tausia la laua fanau. E le fefinauai lava pe tauaimisa, peitai e alofa le tasi i le isi. O lenei alii o se alii atamai i lona talosaga atu pea mo se fautuaga taua a lana ava. Na ia faatuina se faataitaiga o se aiga e pei o se aiga selesitila o loo mulimuli ai nei ona atalii e toaono i o latou lava aiga.

E mafai faapefea i le fefautuaai ona fesoasoani i se tane ma se ava ina ia foia finauga ma faafitauli i o latou aiga? E mafai faapefea ona faatupuina ai le alofa i la laua faaiipoipoga?

O le Fefautuaai Faatasi ma o Tatou Aiga

Faaali atu le ata 13-b “O le faia o fonotaga faaleaiga e fesoasoani i le tama i le taitaiina o lana fanau i le amiotonu.”

A maea ona fegalegaleai se tane ma lana lava ava, e tatau ona la valaauina la laua fanau ma talanoaina faatasi ma i latou o latou sini ma fuafuaga faaleaiga. O le faia o se fono faatasi ma le aiga atoa e taua. E mafai ona faaleleia ai le tulaga o le soifuaga i le aiga ma faaosofia ai le alofa loloto i le va o tagata o le aiga. O fanau o ē tauina atu i ai muamua fuafuaga a le aiga o le a iloa mea o loo faia e isi, ma o le iuga la o le a maua le faatulagaga lelei ma le sologa lelei o mea i le aiga. Afai e mafai ai e tatau ona tuuina atu le avanoa i le fanau e fetufaai ai i le faia o faaiuga ma e tatau ona fesoasoani i ai i le faia o faaiuga ma e tatau ona fesoasoani i le faataunuaina o nei faaiuga.

O le a se taimi lelei e faia ai fonotaga faaleaiga? (O afiafi faaleaiga o se taimi lelei lea, peitai e le tatau ona suia le lesona i le fonotaga faaleaiga. O a ni mea e mafai ona talanoaina i lea fonotaga?)

Faaali atu le ata 13-c “E tatau ona faatalanoaina e le aunoa e se tama lana fanau.”

E taua foi le talatalanoa i se tulaga e le faalauaitelaina le tama ma lana fanau. “E na o taunuuga lelei lava e maua mai pe a faatalanoaina pea e se tama ona atalii ma ona afafine. E mafai ona ia iloa o latou faafitauli ma mea o loo faamoemoe i ai. E mafai ona ia faailoa atu ia te i latou o ia o se uo e le faatuaia le alofa.” (A Theodore Tuttle, “The role of Fathers,” *Ensign*, Jan 1974, p. 67.)

O a nisi o mea e mafai ona e talanoaina faatasi ma lau lava fanau i faatalanoaga faapea? E mafai faapefea ona e faalatalata atu ia te i latou? (Ia uunaiina uso o le Ekalesia ina ia faaaogaina ia faatalanoaga o se taimi lea e faalogologo atu ai i mea o loo manatu i ai a latou fanau.)

13-a. E sili atu ona lelei ma faigofie le taitaiga o le aiga pe afai e fono faatasi le tane ma le ava.

13-b. O le fonotoaga faaleaiga e fesoasoani i le tama e taitaia ai lana fanau i le amiotonu
13-c. E tatau i le tama ona faatalanoa lana fanau e le aunoa



13-b



O le fautua atu i a tatou fanau e le manaomia ai faapea ina ia faia i se tulaga aloaia. E tatau ona tatou faaaogaina ia avanoa uma, i soo se taimi ma soo se mea e oo mai ai, ina ia faalogologo atu ai i o latou faafitauli. I le fautua atu ia te i latou, e tatau ona tatou vaai atu i o latou faafitauli mai le tulaga o loo latou manatu i ai. E le tatau ona tatou talie i mea o loo latou manatu i ai pe manatu foi e le taua, peitai e tatau ona faalogologo atu ma le alofa ia te i latou ma taumafai ia malamalma ma fesoasoani ia te i latou.

“O se mea matagofie pe a nofo i lalo se tama po o se tina faatasi ma sona atalii po o sona afafine ma talanoaina lona faafitauli faaletagata lava ia (ma e i ai foi ia tei latou o latou lava faafitauli, lea, afai tatou te atamamai, o le a amanaia). O loo i ai uunaiga, ma faigata, ma e oo lava i manatu e le tonu ai e faasaga i o tatou atalii ma afafine lea e manaomia ina ia puiipua . . . ”I se talanoaga faalauaitete ma le faamaoni, o le a fesoasoani ai matua i le faatuina o ni faamoemoega mo a latou fanau.” (ElRay L. Christiansen, “Successful Parenthood-A Anotworthy Accomplishment,” *Ensign* July 1972, p. 55).

O a mea e tatau ona talanoaina e se alii talavou faatasi ma ona matua? O a mea e tatau ona talanoaina e se tama faatasi ma lana fanau? (O se tulaga atamai le lapataina o tagata o le vasega ina ia taliaina manatu o isi tagata. E le tutusa faafitauli o le tasi tagata ma le isi.)

Na faapea mai Elder Richard L. Evans, i lona talanoa mai ia te i tatou e uiga i le fautua atu ia tatou fanau; o outou ma i latou faatasi o loo i ai le avanoa, le aia tatau, le tiute, e nofo ai i lalo ma fetufaai atu ou manatu ma manatunatu i a outou faaiuga a le tasi i le tasi, ina ia mafai ai e oulva faatasi ona faalogologo ma faaaloologia ma tatalo ma fuafua faatasi mo lou fialiaga atoa - ia faapea foi ma le faavavau.” (“As Parents and Children Come to Common Ground,” *Improvement Era*, May 1956, p. 342).

Faaiuga

O le folafolaga la o le a tatou nonofo i le fifilemu ma o le a sologa lelei mea uma i le malo selesitila. Peitai e tatau nei ona tatou amata ia maua le autasi ma le alofa, aua e le faapea e tupu faafuasei. Na faapea mai Peresitene Tavita O. MaKei: “E mafai ona ou mafaufau i ni mea laiti, pe afai e i ai, e sili atu ona taua i le aiga pe a le i ai le autasi ma le sologa lelei o mea. I le isi itu, ou te iloa o se aiga e i ai le autasi, le fesoasoani, ma le alofa o se vaega lea o le lagi i le fogaeleele.” (“Unity of Purpose Important to the Accomplishment of God’s Work,” *Improvement Era*, Dec. 1967, p. 34).

A o tatou fefautuaai ma a tatou ava ma fanau, o le a tatou faamalosi ai i latou faapea ma i tatou lava, ma faatupuina ai le alofa ma le lotogatasi i o tatou aiga.

Lui

1. Ia tatalo ma fefautuaai e le aunoa ma a tatou ava.
2. Fai se fonotaga faaleaiga.
3. Faavaeina se taimi e faatalanoaina ai tamaiti taitoatasi o lau fanau, ia manatua ina ia tatalo ma manatunatu i isi a o e talanoa ma i latou.

Mau Faaopoopo

Kalatia 5:22 (o fua o le Agaga)

Iakopo 2:35 (o le aafiaga o faataitaiga leaga i tagata o le aiga)

Iakopo 3:7 (o le taua o le alofa i le va o le tane ma le ava)

MFF 121:36–38 (o le ala e maua ai le mana o le perisitua ma taofiofia)

Sauniuniga a le Faiaoga

A o lei tuuina atu lenei lesona:

1. Faitau le Mataupu 37, "Tiutetauave o le Aiga," i le tusi lesona o *Mataupu o le Talalelei*.
2. Ia faamanatu atu i tagata o le vasega ina ia aumai a latou tusitusiga paia i le vasega.

Taitaiina o Tatalo Faaleaiga

Lesona 14

O le faamoemoega o lenei lesona o le uunaia lea o i tatou ina ia faia i aso taitasi ia tatalo faaleaiga.

Faatomuaga

Faaali atu le ata 14-a, “E tatau ona faia tai faalua i le aso tatalo faaleaiga.”

I le avea ai ma tama, e tatau ona tatou valaauina faatasi o tatou aiga mo tatalo faaleaiga e tuuina atu ai le faafetai ma ole atu ai mo le taitaiga mai lo tatou Tama Faalelagi. Sa faapea mai Peresitene Spencer W. Kimball:

“Ua tele ulu o aiga ua ou faatalanoaina . . . o e ua tautino mai e fai a latou tatalo faaleaiga, ma e tele taimi e le faia ai. Sa faapea mai nisi na latou taumafai e faia tatalo faaleaiga faatasi i le aso, peitai o isi sa le ioe i ai i le faapea mai e le mafai ona latou tuu faatasi o latou aiga. O nei uiga i le tulaga taua o le faia o tatalo ua matua faapopoleina ai tele ai au . . . Ua uunaia mai i le Ekalesia ina ia faia tatalo faaleaiga i po uma ma taeao. O se tatalo lea e tootutuli ai. . . . Ua toatele e ua iloa o le taimi e sili atu ona aoga o le taimi lea o le taumafataga i le taeao ma le taimi o le taumafataga i le afiafi. E le manaomia ina ia uumi nei tatalo, aemaise lava pe a faapea o loo tootutuli tamaiti laiti. E tatau i tagata uma o le aiga, e aofia ai tamaiti laiti, ona maua le avanoa e (fai) ai le tatalo.” (“I Kneeled Down Before My Maker,” *Instructor* , April 1966, p. 132).

Tatalo Faaleaiga: O se Fesoasoani e Tete e atu i Faasoosoga

Ua poloaiina i tatou ina ia tatou tatalo atu i lo tatou Tama Faalelagi, aemaise lava o tatou aiga.

Faitau i afioga a Keriso i le 3 Nifae 18:18-21. O le a le faamoemoega taua o loo tuuina mai e le Faaola mo le faia o tatalo?

E mafai ona fesoasoani le tatalo i o tatou aiga e tete e atu i faasoosoga a Satani. I le tatalo, e mafai ai e i tatou ona maua le malosia ma mafai ai ona foia o tatou faafitauli.

I le avea ai o i tatou ma tama e tatau ia te i tatou ona valaauina o tatou aiga ia faia tatalo ma faatuina le faaitaiga. Atonu e manaomia ai le muamua ona tatou aoao atu i o tatou aiga i le ala e tatalo ai. I le Mataupu Faavae ma Feagaiga, ua poloaiina mai ai tama ma tina ina ia aoao a latou fanau ia tatalo (tagai i le MFF 68:28). O le auala sili e

14-a O tatalo faaleaiga e tatau ona faia faalua i le aso.



aoao atu ai le mataupu faavae o le tatalo i le fanau o faaitaiga. Afai tatou te faia se taumafaiga ina ia tatalo faatasi ma i latou, o le a aoaoina e a tatou fanau le taua o le tatalo mai faaitaiga i o latou soifuaga.

O le taitaiga ma le aoaoina o a tatou fanau o tiute ia ua tofusia ai tama uma; e le faapea seiloga ua umia e se tasi le Perisitua Mekisateko ona ia taitaiina lea o lona aiga i le tatalo.

O le Faia o le Tatalo Faaleaiga Ina ia Aoga i lo Outou Aiga

Ua tuuina mai i tagata o le Au Paia o Aso e Gata ai ina ia “tatalo pea” (MFF 10:5). Ua faamalamalamaina mai e se perofeta le ala e mafai ai ona tatou tatalo atu ai pea, e tusa pe le mafai ona tatou tootutuli i o tatou tulivae.

Faitau le Alema 34:27. O le a le uiga o le i ai pea o le tatalo i o tatou agaga i taimi uma?

I le tuuina atu o o tatou manatu ma o tatou manaoga i le Alii i soo se taimi e mafai ai, e mafai ai e i tatou ona i ai pea le tatalo i o tatou loto ma agaga.

Ina ia aoga tatalo faaleaiga i o tatou aiga, e tatau ona tatou faatulagaina taimi faapitoa mo tatalo i o tatou aiga. Ua tauina mai e o tatou taitai o le Ekalesia ia i tatou ina ia faapotopoto faatasi o tatou aiga faalua i le aso. E masani ona maua nei taimi i le taeao ae lei tuua le fale mo galuega ma aoga, ma le taimi a o lei momoe tamaiti i le po.

E le tuli faapea ia uumi a tatou tatalo. O le mea moni lava, o tatalo laiti e uunaia ai a tatou fanau laiti ina ia tatalo, talu ai ona o a latou tatalo e masani lava ona matua pupuu. E tatau ona aofia ai i tatalo o le taeao a tatou fuafuaga mo puipuiga ma lana taitaiga i tatalo o le afiafi. O le faamanuiaina o meaai e le tatau ona suitulaga i tatalo pe a faapea tatou te faia tatalo faaleaiga a o lei faia le mea taumafa.

O nisi o faamanuiaga e tatau ona tatou tatalo atu ai oloo taua mai e Amoleka i le Tusi a Mamona.

Faitau le Alema 34:23-25.

Atonu o a tatou lava lisi o mea e tatalo atu ai e eseese mai le lisi a Amoleka, peitai o mataupu faavae na ia saunoa i ai e tutusa lava. O le tasi o mataupu faavae e tatau ona tatou tatalo atu e uiga ia tatou gaioiga i aso uma. O le isi e tatau ona tatou tatalo atu mo le malosi e tetea atu ai i faaososoga a le tiapolo. E tatau i aiga taitasi ona tagai atu i ona sini ma tulaga e manaomia ma tatalo atu ma le faamaoni mo mea e sili ona tatau ai mo i latou. Afai tatou te faia lenei mea, o le a faamaoni a tatou tatalo ma faapea ona aoga, e le na o ni upu tatou te faia i lea aso ma lea aso. I le aveai ai o i tatou o tama, o lea e tatau ai ona tatou fesoasoani ia tatou fanau laiti ia aloese mai le faia o upu e tasi i taimi uma lava latou te tatalo ai. I le faia o lenei mea, e tatau ai ona tatou saili mo le uunaiga a le Agaga (tagai i le MFF 42:14). Pe o

le a lava le mea tatou te faia e aoao atu ai a tatou fanau ia tatalo, e le tatau lava ona tatou faamalosia pe faamaasia fo'i i latou.

E le tatau ona faalotovaivaiina i tatou pe afai o loo i ai ni o tatou faafitauli i le faia lelei o tatalo faaleaiga. E masani lava, o Satani, o loo i tua o le faafitauli.

Faitau le 2 Nifae 32:8

O le a taumafai Satani ia taofia tatalo faaletagata lava ia faapea ma tatalo faaleaiga aua e sili atu ona faigofie ona ia uunaia se aiga e le faia soo ni a latou tatalo. O le mea lea, o le amioga lea o le faia o tatalo faaleaiga, e tatau ona matua malosi e tusa lava pe leai tama i aiga, peitai o le a faataunuuina e a latou ava. Afai o le a o ese i tatou ma a tatou ava, e tatau ona tofia se tamitiiti matua e taitaiina le tatalo a le aiga.

E mafai faapefea e le autalavou o le Perisitua Arona ona lagolagoina ma uunaia ia tatalo faaleaiga?

Faamanuiaga Faaleagaga e Ala i Tatalo Faaleaiga

O le a maua e i tatou faamanuiaga silisili pe a tatou faia tatalo faaleaiga. O le a faatupuina le alofa ma le malamalma, ma o le a faaititia faatosinaga a Satani i totonu o le aiga. O le a lagona e i tatou le toafilemu o o tatou loto pe a tatou iloa o loo tatou faataunuuina ma le tatau se poloaiga.

O le tatalo faaleaiga o se tasi lea o laasaga i le faavaeina o se aiga faavavau. Ua faapea mai Peresitene Spencer W. Kimball, "A o tatou tootutuli i le tatalo faaleaiga, o lona uiga o loo . . . aoaoina e a tatou fanau ni amioga o le a tumau ma i latou i le faasologa atoa o o latou olaga. Afai tatou te le faaaogaina le taimi mo tatalo, o le mea moni lava o loo tatou faapea atu i a tatou fanau. "E le taua tele lena mea . . . ' I le isi itu, faauta i le matagofie o le faavaeina o ni amioga ma ni masaniga faapea i le aiga a faapea e asiasi atu matua i a latou fanau . . . ina ua maea ona latou faaipoipo, o le a latou tootutuli faatasi ma i latou i le auala masani ua faavaeina o le faia o tatalo!" (*Vavega o le Faamagalo Atu.*)

Faaiuga

Atonu e i ai ni taimi tatou te manatunatu ai pe a aoaoina moni lava e a tatou fanau e uiga ia Keriso ma lagona lona faatasi mai i le taimi o tatalo faaleaiga. Peitai o nisi taimi e latalata atu ai le fanau i le Agaga nai lo le tulaga tatou te iloa ai. Na tusia faapea e Peresitene Heber J. Grant e uiga i se mea na tupu ia te ia i le faia o se tatalo a o itiiti lava i le aiga o Peresitene Polika laga.

E tele taimi na ou tootuli ai i le fale (o Polika laga) . . . i tatalo faaleaiga, a o ou tamaitiiti, ma a o ou avefa fo'i ma tama talavou. Ou te molimau atu, a o avefa au ma se tamaitiiti, e silia i le faatasi le taimi na ea ae ai lou ulu, ona o le musumusuga a le Alii ia Polika laga a o ole atu o

ia. . . . mo se taitaiga, e vaai pe le o i ai i lea mea le Alii. Sa foliga mai ia te au, sa talanoa o ia i le Alii e pei lava ona talanoa le tasi tagata i le isi. (“Pe a Liua mai Oe, Ona e Faamalosi ai lea i Ou Uso” *Tusi Lesona a le Perisitua Mekisateko*, itulau 192).

E tatau ona avea le tatalo o se mea faagaeetia loto mo a tatou fanau e pei ona oo ia Ipa J. Kurene. O loo i lalo se tala o loo faaali atu ai se mea e mafai ona tupu pe afai e faaogaina le tatalo i le auala e tatou ai:

“Na faigata i se tama tama, filemu ona faaali atu lona alofa mo lona aiga. I le uunai atu la a lona faletua na amata ai ona faia a latou tatalo faaleaiga, ma na avea ma mea e maua ai e ia le avanoa e faaali atu ai le mea o loo i lona loto. I la laua tama teine, o le na manatu e ese lava uiga o lona tama ia, o lea mea na tupu o se faaliga lava. E faatauavaa lava upu o ana tatalo ma o nisi taimi e lelei tele faaupuga, peitai o le faalogo atu ia te ia o faapea ‘la faamanuia atu i lou afafine lalelei ina ia faia mea lelei’ e faafiafiaina ai o ia.

“O se tama o le na manatu o ia ua na o se tagata palaai ua lagona e ia se mitamitaga fou, ma le faatauaina o ia lava ina ua faafetai atu lona tama ma lona tina i le Atua mo lo laua ‘atalii agalelei, ma le filemu.’ Ma o le faatuatuaaina e le tama o ia lava na faasolosolo ona tuputupu ae i le tatalo ma e oo lava i lona uso laitiiti na ia faafetai atu i le Tama Faalelagi mo lona ‘uso matua malos.’

“I le sauniuni atu mo se tafaoga faaleaiga, na talosaga atu ai lau tane i le Alii ina ia faamanuia mai i o matou aiga ina ia le fefinauui ma ia fiafia le tasi i le faatasi atu o le isi. Na le amanaia ia aoaoga na ma tuuina atu, peitai o le tatalo na tuuina atu ma le faaaloalo na aumaia ai le fegalegaleaiga lelei.

“E le fiafia lava ma ita lo maua atalii talavou i soo se taimi lava ma te taumafai ai e talanoaina faatasi ma ia soo se faafitauli. Na tonu ia te i maua e taua le fuafuaina o le talanoaga i le taimi e fiafia ai o ia, ma e foliga mai o le taimi lea e faia ai tatalo faaleaiga i le taeao. O le taimi la lea e filemu ai le fale ma matou te fetufaai ai se lagona lotomauualalo ma le faamaoni. Na ma iloaina e foia le tulaga faigata pe a muamua faia le tatalo a o lei faia a matou talanoaga.

“I le faasologa la o nei taimi filemu o tatalo faaleaiga, matou te faatumauina ai ni fegalegaleaiga lelei o le tasi i le isi faapea ma lo tatou Tama i le lagi.” (Ann H. Banks, “The Extra Blessings of Prayer,” *Ensign*, Jan. 1976, p. 37).

Fesili atu i tagata o le vasega e faamatala mai le mea ua latou faia e faavaeina ai se faatulagaga faifaiepa o le faia o tatalo i o latou aiga. Ia talanoaina manatu mo le faia o tatalo ina ia sili atu ona aoga. Tuu atu le avanoa i uso e faamatala mai ai e uiga i tatalo faaleaiga na faamanuiaina.

Lui

1. Ia faia tatalo faaleaiga pe afai e le o faia i le taimi nei.
2. Iloilo a tatou tatalo pe afai o loo faia a outou tatalo faaleaiga i aso taitasi. Ia talanoaina faatasi ma lou toalua ma lau fanau le ala e faaleleia ai tatalo faaleaiga.

Mau Faapoopo

Mataio 5:44 (e tatau ona tatou tatalo mo i latou o e o sau mai ia te i tatou)

Mataio 7:7 (e tuuina mai tali i tatalo e tuuina atu ma le faamaoni)

Mataio 26:41 (e tatau ona tatou tatalo mo le puipuiga mai faaososoga.)

Alema 13:28 (tatau ona tatou tatalo mo le puipuiga mai faaososoga)

Alema 37:36-37 (e tatau ona tatou tatalo e tusa ai ma mea uma tatou te faia)

MFF 88:119 (e tatau ona tatou faavaeina se fale o le tatalo)

MFF 88:126 (e tatau ona tatou tatalo e le aunoa.)

Sauniuniga a le Faiaoga

A o lei tuuina atu lenei lesona:

1. Faitau le mataupu e 8, "Tatalo Atu i lo Tatou Tama Faalelagi," i le tusi lesona o *Mataupu o le Talalelei*.
2. Afai e te manao ai, tofi se tagata o le vasega e faamatala se aafiaga manuia na oo i ai i tatalo faaleaiga.
3. Amata pe faauma le fonotaga i le pese "Tatalo Faaleaiga" (o loo maua i le tusi lesona o *Mataupu o le Talalelei*.)
4. Tofi tagata o le vasega e tuuina atu tala ma mau i lenei lesona.

O le Aiga: O se Totonugalemu mo Suesuega Faaletalalelei

Lesona 15

O le faamoemoega o lenei lesona o le uunaia ai lea o i tatou ina ia avea le aiga ma nofoaga autu mo le aoaoina o le talalelei.

Faatomuaga

O Enosa o se atalii o se perofeta ma e masani lava ona faalogo o ia o tautala lona tama e uiga i upu moni e faavavau. I se tasi aso na ia malaga atu ai i le vaomatua e tuli manu ai. A o i ai o ia iina, na ia faapea mai, “o upu ia sa masani ona tautala i ai lou tama e tusa ai ma le olaga faavavau . . . na oo atu i le taele o lou loto. Ma na fia ai lou agaga; ma na ou tootuli ai i luma o le na faia au.” (Enosa 3:4). Ina ua mavae ona ia tatalo i le aso atoa, na ia faalogo i se siufofoga o faapea mai ia te ia ua faamagaloina agasala. Sa matua taua lenei mea na tupu ia Enosa na ia aoao atu ai le talalelei ma fiafia ai i lona olaga atoa.

O Enosa o se faataitaiga o se alii talavou o le na aoaoina lelei i le talalelei i lona aiga. Na tusia faapea e se tagata tusitala o le Feagaiga Tuai: “Aoaoina ia i le tama e tusa ma lona ala; a oo ina toeaina lava o ia, e le tea ese ai.” (Faataoto 22:6). Afai tatou te mulimuli i lenei fautuaga i le tulaga o le avea ai o i tatou o tama, e faapea foi ona mafai ona faamanuina i tatou i le maua lea o fanau lelei e usiusitai ia te i tatou ma le Alii.

O le Faia o o Tatou Aiga e Avea ma Nofoga Autu mo Aoaoina

O le aiga o le faalapotopotoga e sili atu ona taua i le Ekalesia ma le alalafaga. O le mea moni lava, ua na o le pau lava lea o le faalapotopotoga o le a tumau e oo i le faavavau. Ona o lenei pogai o lea ua poloaiina ai i tatou e le Alii ina ia faia o tatou aiga ma nofoaga lea o le a mafai ai e tagata matutua ma fanau ona aoao i le talalelei ma alualu ai i luma faatasi.

Faitau le MFF 68:25-28. O fea e maua mai ai e a tatou fanau le malamalama autu e uiga i le lalolagi o loo tatou nonofo ai nei? O fea e mafai ona tatou aoao ai e uiga i le ola e faavavau?

E aoao e fanau tulaga e uiga i lenei olaga i le aiga, aoga, ma i latou o e latou te taaalo faatasi. Peitai e le mafai e aoga a le malo po o a latou uo ona aoao a tatou fanau e uiga i le talalelei. O lo tatou tiutetauave lea, ua tuuina mai e le Atua lava ia ia i tatou. Ma afai tatou te faatamala e aoao a tatou fanau e tusa ai ma mea e finagalo ai ina ia tatou aoao atu ia te i latou i lenei olaga, o le a le faatasi i latou ma i tatou i le olaga e faavavau.

O le mea la lea, a o lei mafai ona tatou aoao atu le talalelei i a tatou fanau, e tatau muamua lava ona tatou aoaoina e i tatou lava. Ua faapea mai Peresitene Marion G. Romney: “Ia faatulagaina e i latou

uma o e umia le perisitua, e tusa ai ma le mamalu ma le mana o lo latou valaauga, i lona lava aiga; ia faia soo pea e ia afiafi faaleaiga ma faapea ona taitaiina ai lana “fanau i le malamalama ma le upumoni” (MFF 93:40). (“Home Teachings and Family Home Evening,” *Improvement Era*, June 1969, p. 97).

O le uiga o lenei mea, faatasi ai ma a tatou ava, o loo ia te i tatou le tiutetauave o le aoaoina o a tatou fanau i mataupu faavae o le talalelei. Ina ia faataunuuna lenei tiutetauave, e tatau ona tatou amata i le faatinoina o le suesue i le talalelei i o tatou aiga faatasi ai ma a tatou ava ma uunaia a tatou fanau ina ia mulimuli i lenei faataitaiga. Na faapea atu le Tupu o Peniamina i matua “Tou te tuu atu i a outou fanau . . . e soli i tulafono a le Atua, ma latou tau ma femisaai, ma latou auauna i le tiapolo . . .

“A e peitai, tou te aoao atu ia te i latou ia savavali i ala o le upu moni ma le faautauta; tou te aoao atu foi ia te i latou ia fealofani, ma auauna le tasi i le tasi.” (Mosaea 4:14-15).

O le Fuafuaga a lo Tatou Aiga mo le Aoaoina o le Talalelei

Afai o le a tatou mulimuli i fautuaga a perofeta, e manaomia la le fuafua faatasi ma a tatou ava i le ala e sili e aoaoina ai a tatou fanau. E ui lava e mafai e i tatou taitoatasi ona faataunuuna lenei faamoemoega i se auala e ese, e tatau ona tatou maua le maliega ma le loto ina ia faia le fuafuaga e sili ona lelei ina ia avea ai o tatou aiga o se nofoaga mo le aoaoina o le talalelei.

Tusi i le laupapa ia fautuaga o loo i lalo a o talanoaina.

IA ATINAE SE SIOSIOMAGA LELEI MO LE AOAIONA

E tatau ona avea o tatou aiga ma se nofoaga e saoloto ai a tatou fanau e talatalanoa ai ma i tatou. O se aiga e i ai le feteenai e le uunaia ai fanau ina ia tuuina atu fesili ma faaalua o latou lagona. Ua tauina mai e Peresitene Tavita O. MaKei “e tatau ona faaalua . . . e matua le loto malie e tali atu ai i fesili. O se tamaitiiti e tuuina atu fesili ua tuuina atu se sao o le fiafia i lou olaga.” (*Gospel Ideals*, p. 480). E tatau ona tatou uunaia fanau ina ia tuuina atu fesili, aemaise lava fesili e uiga i mataupu o le talalelei. Atonu tatou te le iloa uma tali i a latou fesili i taimi e tuuina mai ai, peitai e mafai lava pea ona tatou suesue faatasi i ai.

O a ala faapitoa e mafai ona tatou uunaia ai talanoaga i le talalelei i o tatou aiga?

O LE TATALO FAATASI MA LE AIGA

O se tasi o auala e mafai ona tatou aoaoina ai a tatou fanau o le faia lea o tatalo faaleaiga. Afai tatou te tatalo, e mafai ona fesooteai o tatou faamoemoega, mea e manatu i ai, atoa ma o tatou mafauaiga i le aiga. E mafai ona tatou aoao atu le manatu i tulaga manaomia o isi tagata a o tatou tatalo mo tagata o le aiga ma isi tagata. Ma e mafai ona aoao atu le agaga faafetai mo faamanuiaga a o tatou faaalua atu lo tatou faafetai i lo tatou Tama Faalelagi.

O LE FAIA O TALANOAGA I TAIMI O TAUMAFATAGA MA LE TAIMI O LE A MOMOE AI.

O isi taimi e uunaia ai le talanoaga i le talalelei o le taimi lea o taumafataga ma le taimi o le a momoe ai. E tatau ona aofia ai i talanoaga ia mea faalelotu e tutupu ia te i tatou i aso taitasi. E mafai ona uunaia le fanau ina ia tuuina mai fesili e uiga i ai, ma e mafai e tagata matutua ona faamalamalama atu mataupu faavae o le talalelei o loo aofia ai. O se taimi lelei lava mo nei ituaiga o talanoaga o le taimi lea e faamomoe ai a tatou fanau i le po. Ina ia uunaia mai a latou fesili, e mafai ona tatou faamatalaina atu ia te i latou se tala o le talalelei mai le Tusi a Mamona po o le Tusi Paia, po o mea faaleagaga na tutupu ia te i latou.

Faaali atu le ata 15-a. "E tatau ona avea le aiga ma totonugalemu o suesuega faaletalalelei"

O LE SUESUEINA O TUSITUSIGA PAIA I ASO TAITASI

Ina ia faia i aso taitasi le suesue i tusitusiga paia, e mafai ona faaaogaina se fata tusi e avea o se potutusi o le talalelei. E mafai la ona tuu ai tusi, ata, lipine kaseti, laau pue leo, ma isi mea e fesoasoani i aoaoga mo le aiga atoa ina ia faaaogaina. E tatau ona avea ia tusi faavae o le Ekalesia ma tusi lesona o *Mataupu o le Talalelei* ma tusi autu po o lipine e tuu i la outou potutusi. Afai e mafai ai, e tatau i tamaiti taitoatasi ona i ai sana Tusi a Mamona ma se Tusi Paia.

E mafai ona tatou suesueina taitoatasi tusitusiga paia pe faia faatasi foi ma o tatou aiga. Ina ia uunaia le suesue o le tagata lava ia, e tatau ona tatou faatuina le faataitaiga. O loo i lalo auala e mafai ai e i tatou lava ona suesueina ia tusitusiga paia:

- la faitauina tusitusiga paia mai le amataga e oo i le faaiuga, i le faitau o se mataupu e tasi po o le lua i aso taitasi, po o le faitauina i le sefululima minute i aso taitasi.
- la suesueina ia tusitusiga paia i autu (e pei o le tatalo po o le usiusitai), ma ia sue uma lava isi tusitusiga e faatatau i lea mataupu.
- la suesue ia tusitusiga paia ina ia maua ai tali i faafitauli faapitoa o loo ia te i latou.
- la fai se lisi o mau lea e musuia ai i tatou.
- la sue isi mau e fefaatusatusaa'i ma lea mau e le aunoa.

Ia uunaia tagata o le vsega ina ia mafaufau i isi auala e mafai ai e i latou lava ona suesue i tusitusiga paia.

Ina ia suesue faatasi le aiga i le talalelei, e tatau i tama taitoatsi ona fuafua se taimi faatasi ma lana ava ma le fanau e mafai ai ona faatasi faapitoa i latou mo lenei faamoemoega. O loo i lalo auala e mafai ai e i tatou ona suesueina ia tusitusiga paia o se aiga:

15-a. E tatau ona avea le aiga ma totonugalemu o suesuega faaletalalelei



-
- la fuafua mo le sefululima minute e suesue ai tusitusiga paia i taeao taitasi a o lei alu atu e fai galuega a o lei tuua foi e tamaiti le fale mo le aoga, po o le faia foi o se suesuega i tusitusiga paia i se taimi puupuu i le afiafi a o lei o tamaiti e momoe.
 - la saunia ma faamatalaina atu tala mai tusitusiga paia i tamaiti laiti.
 - la filifili ia mau faapitoa, tusi i se pepa malo, ma faapipii i luga o se laupapa po o se puipui lea e mafai ona iloa uma ai e tagata o le aiga.
 - la uunaia tagata o le aiga e tauloto ia mau.
 - la filifili se mau o loo aoaoina atu ai se mataupu faavae ma ia fai se tonu i se auala e faatino ai lea mataupu faavae ua aoaoina atu. Mo se faataitaiga, faitau le Mataio 25:31-40 i le avea ai o se aiga ia fesoasoani atu i se aiga e le tagolima ma mativa; faitau le lakopo 1:26-27 ma le Kalatia 6:2 ona fesoasoani atu lea i se tagata matua
 - la faitau ia lauga mai le konafesi aoao talu ai ma ia faatinoina ia fautuaga o loo tuuina mai e le Au Pulega Aoao.

E tusa lava po o le a le ala tatou te filifili e mulimuli ai, e tatau lava pea ona amata la tatou suesuega i tusitusiga paia i le tatalo, i le talosaga atu lea i le Tama Faalelagi mo le taitaiga ma le malamalama. A mavae le taimi e suesue ai, e tatau ona tatou manatunatu e uiga i le mea na tatou faitauina ma le ala e faatino ai mataupu faavae o le talalelei ua tatou faitau i ai i o tatou olaga.

Ua faapea mai ia Bishop H. Burke Peterson o le Au Epikopo Pulefaamalumalu: “E le tatau - e le tatau lava ona iai se aiga e tasi i lenei Ekalesia e le faaaogaina le taimi e faitau ai mai tusitusiga paia i aso uma. E mafai e aiga uma ona fai i la latou lava auala.” (“Helps for Parents,” *Ensign*, May 1975, pp. 53-54.)

Ia tuu atu le avanoa i le tagata o le vasega na muai tofia ua faamanuaina ana taumafaiga i le suesue, ae le na o le faitauina o tusitusiga paia, ia lipoti atu e tusa ai ma lana auala. Pe tuu atu le avanoa i le tagata talavou o le Perisitua Arona na muai tofia e tauina atu le pogai ua ia lagona ai e tatau ona ia aoao i le talalelei a o talavou, aemaise lava a o lei alu atu i se misiona. (Atonu e manao o ia e faitau i le Alema 37:35.)

Ia faaali atu le ata 15-b “O afiafi faaleaiga o se taimi lelei lea e suesue faatasi ai se aiga i le talalelei.

O LE FAIA O AFIAFI FAALEAIGA E LE AUNOA

O afiafi faaleaiga, lea o loo faia nei i afiafi o Aso Gafua, o se tasi lea o taimi e sili ona lelei e aoaoina ai a tatou fanau i le talalelei. Afai e le o maua se tusi lesona, e tatau ona tatou suesue i tusitusiga paia ma tusi lesona o *Mataupu o le Talalelei*, faalogologo i lipine kaseti i mataupu o le talalelei po o le fetufaai o o tatou lagona e uiga i le Ekalesia. O le atinae o se tulaga tusaafia ma le fialia o le a fesoasoani i le fanau ina ia fiafia i le afiafi faaleaiga ma ia fesoasoani ai ia te i latou ina ia auai ma le loto malie. O afiafi faaleaiga e le o le taimi lea e talai atu ai i o tatou aiga.

15-b O le afiafi faaleaiga o se taimi lelei lea mo le aiga e suesue ai le talalelei



O LE TUUINA ATU O A TATOU MOLIMAU I A TATOU FANAU

Afai e maua le avanoa, e tatau ona tatou tuuina atu a tatou molimau i a tatou fanau. O le avanoa e tuuina atu ai a tatou molimau e maua i le taimi o le taumafataga, i le taimi e suesue ai i tusitusiga paia, i le taimi o afiafi faaleaiga, po o i le taimi o le talanoaina o le talalelei faatasi ma a tatou fanau. O le faalogo mai o tatou tuuina atu a tatou molimau ma vaai mai o loo tatou ola i poloaiga o le a faatupuina ai lo latou malamalama i le talalelei . . .

Ia fai atu i tagata o le vasega e fetufaai mai mea na tutupu ia te i latou a o latou aoaoina atu le talalelei i a latou fanau.

Faiiuga

A o tatou suesue i le talalelei faatasi ma o tatou aiga, o le a faapea ona faamalosia ai a tatou molimau ma o tatou aiga. Talu ai o loo tatou taumafai e nonofo latalata atu ia lesu Keriso ma le Tama Faalelagi, o le a tatou maua ia tali i o tatou faafitauli ma maua le filemu sili i o tatou mafaufau. Ua faapea mai ia Elder Bruce R. McConkie: “Ua matou mananao ia maua le filemu ma le olioli ma le fiafia i lenei olaga ma tatou te mananao ina ia maua le ola e faavavau i le lalolagi o le a sau. O ni faamanuiaga silisili nei e lua e mafai e tagata ona tuu faasolo. E mafai ona tatou mauaina i le faatauina ma le aoaoina o upu i le olaga e faavavau, i le taimi nei, atoa ma le tausua o poloaiga.” (Bruce R. McConkie, “Drink from the Foundation,” *Ensign*, Apr. 1975, p. 70).

Lui

1. Ia suesue i le talalelei e le aunoa.
2. Ia faia tatalo faaleaiga i aso taitasi
3. Ia faaaogaina ia avanoa uma e aoao atu ai le talalelei i lou aiga.

Mau Faapoopo

Roma 15:4 (ua tusia ia tusitusiga paia ina ia fesoasoani ia te i tatou)

2 Timoteo 3:14-17 (o le tulaga e manaomia ai tusitusiga paia)

2 Nifae 4:15 (e tatau ona tatou manatunatu loloto i tusitusiga paia ma aoao atu i a tatou fanau)

MFF1:37 (e tatau ona tatou suesue i tusitusiga paia.)

Sauniuniga a le Faiaoga

A o lei tuuina atu lenei lesona:

1. Faitau mau faapoopo o loo lisiina atu i le faaiuga o lenei lesona.
2. Ia saunia e lisi i luga o le laupapa auala e atinae ai se fuafuaga mo le aoaoina o le talalelei ua talanoaina i lenei lesona.
3. Afai e te manao ai, tofi ni tagata o le vasega e faamatala atu ni aafiaga na oo i ai i le aoaoina atu po o le suesueina foi o le talalelei.
4. Tofi ni tagata o le vasega e tuuina atu tala ma mau o lenei lesona.

O le faamoemoega o lenei lesona ina ia fesoasonai mai ia i tatou ia iloa o tatou tiutetauave e saunia ai e aoao atu le talalelei i se ala aoga ma le atamai.

Faatomuaga

“Aua le saili e talai atu lau upu, a e muai saili ia maua lau upu, ona matala ai lea o lou laulaufaiva; o lea, afai e te manao ai, o le a e maua lou Agaga ma lau upu, ioe, le mana lea o le Atua i le faatalitonuina o tagata” (MFF 11:21)

Aoao Atu e Le Tasi Le Isi

Fai atu i tagata o le vasega e faitau le MFF 88:77-78. O ai e tatau ona tatou aoaoina?

E eseese ma e tele naua itu e mafai ai ona aoaoina le talalelei. E mafai ona tatou aoao o tatou aiga, a tatou uo, o tatou tuaoi, o tatou uso a tagata faigaluega, ma a tatou paaga i le aoga. E mafai ona tatou aoao atu i tagata o le Ekalesia i vasega ua faatulagaina, ma tagata lotu ese o le Ekalesia pe a tatou masani ma i latou i galuega.

Faaii le ata 16-a “O le tama e pau i ai le tiutetauave o le aoaoina o lana fanau i le talalelei.”

AOAO ATU I LE AIGA

Mai lava i le foafoaga o le lalolagi, sa tauina mai ai ia i tatou e le Alii e i ai la tatou tiutetauave sili o le aoao atu lea o le talalelei i a tatou fanau. O le taimi lelei lava e aoao ai o tatou aiga o le taimi lea o afiafi faaleaiga, ae tele foi isi taimi e talafeagai lelei ai lava. O le tala o loo taua i lalo o loo faailoa mai ai le ala na iloa ai e se tasi tama ona aoao atu lona aiga:

E toatele lava ni tama sa aafia ai i le suesuega e faatatau i le afiafi faaleaiga. O le toatele lava o i latou sa faaalua o latou lagona e pei o lea, “E le o au o se faiaoga; ou te lei avea foi ma faiaoga i le taimi ua tuanai ma ou te le taitai lava ona oo i lea tulaga i le lumanai.” Sa folafola atu loa ia i latou e faapea o le a mafai ona latou valaauina faatasi mai le aiga i vaiaso taitasi uma i se ala mafana ma le toafilemu, o lona uiga o le a leai se faafitauli i le vaega o le aoaoina o i latou e pei ona atugalulu nei ma popole i ai o latou mafaufau.

O le tasi la tama, o lona suafa o Keli, sa foliga mai e lei faagaetiaina o ia i le talosaga. Sa ia taumafai e alo ese i lona faapea mai, ‘E le mafai ona ou aoao atu.’ Ae o le faalavelave la leaga ua uma ona fai lana tautinoga, ma o lea sa taofia ai loa o ia i lana tautinoga.



I le tolu masina mulimuli ane ai, ina ua toe faafesootaia o ia e faatatau i lea itu, sa foliga fiafia mai ma toa o ia, ma sa faaalua mai e lana fanau lo latou faagaetia ona o le tulaga ua oo nei i ai a latou afiafi faaleaiga.

Fai mai lona faletua, “O se mea matagofie tele lea ua tupu ia i matou. O lesona pito sili lava ua matou aoaoina o lesona na aoao mai e Keli.”

Sa na o le pupula lava o Keli i lalo mo sina taimi e aunoa ma se tala. Ona ia faapea mai loa lea, “Se ou te lei aoaoina atu ni lesona lelei tele.”

Sa malosi mai lava le tautala mai a lona faletua ma faamaoni a o ia faapea mai, “Keli, a e aoao mai nei i matou e foliga e ese le malosi. E foliga mai o i tatou moni lava o se aiga. E le mafai ona toe galo ia i matou mea sa e fai mai ai.”

Sa ootia tele le loto o Keli i nei upu faagaetia loto. Sa ia tepa ae loa i luga ma fai mai, “Ou te manatu sa lelei tele lau taumafaiga. Sa ou le manao lava e faia nei afiafi faaleaiga, sa ou lagona lava ou te le mafaia. A o le tasi po ina ua uma ona aoao e lau ava le lesona o le tasi vaiaso sosoo ai ma lou afafine i le isi vaiaso, sa tonu loa ia te au o le a sei ou taumafai e aoao se tasi.”

Sa amata ona lilofia ona mata i loimata a o ia faapea mai: “E le mafai ona toe galo ia te au le faalogona sa i lou loto a o ou talanoa atu e faatatau i nei mea lelei faatasi ma lou aiga. E pei lava e foliga mai o le taimi muamua lea ua avea ai au ma tama o le aiga, ae o le mea lava ua leva ona tatau ona ou i ai.” (Tagai i le George D. Durrant, *Love At Home Starring Father*, pp. 41-43.)

O loo faailoa mai i lenei tala le mea e mafai ona tupu ma oo i ai pe a tatou tauaveina o tatou tiutetauave o le aoao atu lea o o tatou aiga.

Talosaga atu i nisi o uso ina ia faamatala mai ni mea sa tutupu foi i o latou olaga i le aoaoina o a latou fanau i le talalelei.

Sa taua foi e Elder Boyd K. Packer: “O le tele lava o a tatou mea o loo fai o le aoao atu. O le faasino atu o le tamaitiiti i le ala e nonoa ai lona seevae, . . . o le fesoasoani atu i se afafine i se fua o se mea ai fou, po o le tuuina atu o se tautalaga i le lotu, ma le tuuina atu o le molimau, o le taitaia o se fonotaga a taitai ma e pei foi ona silafia le aoaoina o se vasega—ma o nei la mea uma lava o le aoaoga, ma o loo tatou faia foi e le aunoa. . . . Tusa foi o loo tatou aoao atu pe a tatou talai po o le tautala po o le tali atu foi i totonu o fonotaga.” (*Teach Ye Diligently*, pp. 2-3).

AOAOINA ATU I LE EKALLESIA

O le tele lava o le aoaoga o loo tatou faia o loo faia lava i se tulaga e le aloaia a o tatou talanoa ma se tasi. Ae o loo tuuina mai foi e le Ekalesia le tele o avanoa ia i tatou e aoao ai i vasega ua faatulagaina.

Sa tusia mai e Elder Boyd K. Packer e faapea: “O tagata uma lava o le Ekalesia e aoao atu e toetoe lava o lona olaga atoa . . . O loo i ai a tatou faiaoga o loo auauna atu i faalapotopotoga uma lava o le korama o perisitua; e moni lava, o i latou uma foi o loo umia le perisitua e agavaa i latou mo le tofia e aveva ma faiaoga o aiga o le perisitua . . . O loo agai atu i luma le Ekalesia ma e lagolagoina e le mana o le aoaoga ua faataunuuina. O le a faalavelaveina le galuega o le Malo pe a faapea o le a le faia lelei le aoaoga.” (*Teach Ye Diligently*, p. 2-3.)

O nisi taimi e le faia ai la tatou aoaoga i ni potu aoga, ae ala atu i a tatou masaniga ma fesootaiga ma isi i le Ekalesia. O tala nei o loo i lalo o faataitaiga ia o aoaoga e faia i fafo atu o le potu aoga:

“Sa ma masani muamua lava ma Epikopo Fred Carroll ina ua sii atu lo matou aiga i lana uarota i le taimi lea ae ua ou matua teisi lava ma le sefulufa tausaga ma o au o se tiakono i le Perisitua Arona. Atonu e le sili atu i le limasefulu upu sa saunoa mai ai lenei alii iloga e tuu sao mai lava ia te au, ae ui i lea o loo olaola pea nei upu e luasefululima i lou mafaufau. Ou te mautinoa atonu e lei silafia e lenei epikopo lelei le aoga tele sa ia faia mo au e ala mai i nei upu faauso e luasefululima, sa ia tuuina mai ia te au i le tasi aso a o na o maua mai se ala filemu: “Sa ou maitauina lou faaaloalo tele ia tatou sauniga lotu. O se faataitaiga lelei tele lenei ua e faatuina mo isi tama ia mulimuli ai.”

“Na o ni nai upu laiti lava, ae ou te fai atu, e ese le malolosi! Ia te au lava ia e sili atu lo latou aoga nai lo le selau ma selau o tofiga sa tuu mai ia te au talu mai lenei taimi. E oo lava la i lenei taimi ou te lei manatu lava o au o se tagata faaaloalo. Pei lava ou te mautinoa ua sese mai Epikopo Carroll ona o lou uiga matamuli, ma faapea ai o se tagata uiga tausaaafia ma le faaaloalo lea. Ae ui i lea e leai se mea sa afaina ai lenei itu. Sa amata mai lava i lea taimi ona ou manatunatu e faatatau i le uiga o le faaaloalo i lou olaga. Sa amata loa ona ou lagona e pei ua ou faaaloalo. Aua a tatou mafaufau atu i ai afai na manatu Epikopo Carroll i lea taimi o au o se tagata faaaloalo ia atonu o le tulaga lea sa ou i ai! O lea sa atinae ia te au talu ai le fatu sa toto e Epikopo Carroll i totonu ia te au lea ua tupu mai ai lava ma aveva ma se uiga ua uunaiina ai au i lou olaga.” (Lynn F. Stoddard, “The Magic touch”, *Instructor*, Sept. 1970, p. 236-327).

Sa tusia e Elder Thomas S. Monson lenei faamatalaga: “A usiusitai ma gauai atu faiaoga filiga ma le faamaoni i le valaauga mauualalo a le (Faaola), “Ia outou faaaoao ia te au” o le a latou iloa loa, o le a aveva foi i latou ma e o le a i ai lona mana paia . . . Ma o le mea tonu lava lea sa oo ia te au a o ou laitiiti sa aveva ai au o se tagata aoga i lalo o le uunaiga a sea ituaiga o faiaoga. I la matou vasega o le Aoga Sa sa ia aoao mai ia i matou e faatatau i le foafoaga o le lalolagi, o le pau o Atamu, o le taulaga togiola a Iesu. Sa ia aumaia i lona potu aoga e fai

ma ana malo faaalooloina Mose, Iosua, Peteru, Toma, Paulo ma Iesu le Keriso. E ui la ina sa matou te lei vaai ia i latou, ae sa matou aoaoina ina ia matou alolofa, ma ava ma faataitai foi ia i latou.

“E lei malosi naua lana aoaoga pe na faapea sa tumau ai e oo i le faavavau sei vagana ai le taeao o le isi Aso Sa ina ua faasalalauina mai ai ma le faanoanoa ia i matou le maliu o le tina o se tasi o la matou vasega. Sa matou misi alofa ia Pili i lenei taeao ae sa matou le iloa le mafuaaga na ala ai ona le auai o ia i le vasega. O le autu la o le lesona i lea taeao, “E sili atu le manuia o le foai nai lo le na te taliaina.” Ina ua oo i le ogatotonu o le lesona, sa tapuni ai loa e lo matou faiaoga le tusi lesona ma ua ia faapupula loa o matou mata ma o matou taliga ma o matou loto i le mamalu o le Atua. Sa ia fesili mai, “E fia le tupe o loo i ai i le faaputuga tupe mo pati a la tatou vasega?”

“Ona o lea taimi e itiiti tele se tupe e mafai ona matou maua o lea sa matou tali atu ai ma le mitamita: ‘E fa tala ma le fitusefulu ma le lima sene’.

“Ma sa ia fautuaina mai loa i se ala maualalo: ‘E itiiti lava si tupe a le aiga o Pili ma o loo matua mafatia foi i latou i le faanoanoa. O le a so outou manatu pe mafai ona tatou asiasi atu i tagata o lea aiga i le taeao nei ma tuuina atu i ai le tupe lea o la outou faaputuga tupe?’

“Ailoga a galo afea ia te au lenei solo toa laiti o loo savavali atu i lenei mamao, e tusa ma le tolu poloka o le aai, ma ulufale atu i le fale o Pili, ma faafeiloai ia te ia, ma lona uso, ma tuafafine ma lona tama. Ma ua mataina le toesea mai le aiga o si ona tina. E manatua pea o se mea taua i lou loto loimata sa maligi mai i o latou mata i le taimi sa tuuina atu ai le teutusi paepae sa i ai la matou faaputuga tupe taua o le pati mai le lima vaivai o la matou faiaoga i le lima o loo manaomia se fesoasoani o le tama loto nutimomoia. O le taimi lea sa pei e matou te felelei ina ua matou o atu i le falelotu. Ua matua mama lava o matou loto e sili atu nai lo se isi lava taimi; ua sili atu foi ona atoatoa lo matou olioli; ua sili atu foi ona loloto lo matou malamalama. Aua ua aoao mai e se faiaoga sa musuia e le Atua ana tama ma teine i se lesona e faavavau o le upu moni paia. “E sili le manuia o le na te foai, i lo le manuia o le na te talia.” (“Ua na o se Faiaoga,” *Liahona*, Oketopa 1973.)

AOAOINA ATU I LE LALOLAGI

O tagata uma lava o le Ekalesia o faifeautalai ma o loo ia te i latou le tiutetauave o le aoaoina atu o le talalelei i le upu ma le galuega i tagata uma lava latou te fetau ma feiloai. Sa tatou faia se feagaiga i le taimi o le papatisoga “e laulaututu e fai ma molimau a le Atua i aso uma, ma mea uma, atoa ma nuu uma tou te i ai e oo lava i le oti” (Mosaea 18:9). A o tatou aoao atu i a tatou uo ma tuaoi, e tatau ona faia i le “agaga maualalo ma le loto maualalo (tagai i le MFF 38:40-41).



Ua uma ona tuuina mai ia i tatou se tiutetauave sili, e le na o le aoao atu o a tatou fanau, po o tagata o le Ekalesia, a ia aoao atu soo se tagata lava e tatou te fetai ma masani i ai.

Faaali ata 16-b "E ao ona saunia lesona ma le mafafau i tagata taitoatasi o le vasega," ma le 16-c, "O le saunia o lesona e aofia ai le suesue o tusitusiga paia ma le tatalo."

Sauniuni e Aoao Atu le Talalelei

A faapea e tatou te manao ina ia avea i tatou ma faiaoga lelei, e tatau ona tatou saunia lelei. "E leai se faiaoga e na te aoao atu ni mea e na te le iloa," e pei ona tau mai ia i tatou e Peresitene Tavita O. MaKei. "E leai se faiaoga e mafai ona ia aoao atu ni mea e na te lei vaai i ai pe lei tagotago foi i ai." (*Treasures of Life*, p. 476).

Aisea e taua ai lea itu ia i tatou uma lava, e aofia ai alii talavou, ia sauni e aoao atu ma le lelei? O a ni manatu mo le saunia o lesona e mafai ona e maua mai i le upusii o loo i lalo?

Ia faavasega ese se taimi ma se nofoaga faapitoa e fai ai le fuafuaina o lau lesona. Ia i ai uma lava ma ia saunia au mea uma e i ai tusitusiga paia, tusi lesona, o tusi e faasino i ai mataupu, pepa, penitala . . . Ia amata (au fuafuaga) i lou tatalo atu i lou Tama Faalelagi. O lana talalelei lenei; o oe o lana faiaoga, o loo aoaoina lana fanau. Fesili atu i le Alii i sona finagalo i le ala o le a aoaoina atu ai le savali. . . . A lagona loa se manaoga faapitoa, e tatau loa ona o faatasi le anapogi ma le tatalo ina ia maua ai le Agaga o le Alii. (*Teacher Development Program Basic Course*, revised 1972, p. 133).

Tusi mai i luga o le laupapa le faasologa o mea e tatau ona e faia ma mea e tatau ona ia te oe e sauni ai se lesona.

Sa avea Presitene Tavita O. MaKei ma faiaoga atamai maoae ae lei valaauina o ia e avea ma se tasi o le Au Pulega Aoao a le Ekalesia. Sa ia fautuaina mai ni laasaga se fa i le saunia o se lesona mo le vasega:

FUAFUA LE FAAMOEMOEGA O LE LESONA

O le faamoemoega o le manatu lea o loo e manao ina ia aoao e tagata o le vasega ma faatino loa. Tusi lau sini ma mafafau i ai i le taimi o loo e saunia ai le lesona.

IA ILOA LE AANO O LE LESONA

Ia e iloa lelei le lesona ina ia e mafai ai ona e aoaoina atu i au lava upu. Ae pei lava ona silafia, o mau ma upusii e mafai ona faitauina mai le tusi lesona.

IA AOINA MAI MEA VAAIA E FESOASONAI I AOAOGA E ALA I SUESUEGA MA LE AOAIONA

Ina ia faatupuina le fiefia i le lesona, faaoga ni mea vaaia mananaia e fesoasoani i le aoaoga, e pei o mea fai tino, o ata faatulaga, o ata, ma isi lava mea aoga. E taua le faatupuina o le fiefia i le lesona i le aoaoina lea o tagata o augatupulaga uma.

16-b. E tatau ona saunia lesona ma mafafau i tagata taitoatasi o le vasega.



FAAMAPOPOO MEA E FESOASOANI I LE LESONA MA ISI MEA

la saunia mea uma o le a e manaomia i le taimi o lau lesona, e pei o penisina, titina, pepa, penitala, ma isi lava mea vaaia e fesoasoani i le aoaoga. E tatau ona faatulagaina nei mea i le faatulagaga o le a faaogaina ai i le lesona e fesoasoani ai ia te oe ina ia aua nei i ai se fenumiai i le taimi o loo tuuina atu ai le lesona.

Ia Aoa e Alolofa ia i Latou Tatou Te Aoaoina

Ua uma ona saunoa mai Elder Boyd K. Packer e faapea: “O le faiaoga lelei ua uma ona ia suesueina le lesona. A o le faiaoga e maoae atu e na te suesueina foi tagata aoga - e na te suesueina i latou ma le faaeteete ma le faamaoni . . . A o e suesueina ma le faaeteete o latou foliga ma uiga o tagata o lau vasega, atonu o le a oo loa i totonu o lou loto se alofa mafana faaKerisiano . . . O le alofa lea o se lagona e foliga tutusa lava ma le musuia; ma o le alofa lava o le a tosina oe e fai le galuega a le Alii-o le fafagaina lea o Ana Mamoe.” (“Study Your Students”, *Instructor*, Jan. 1963, p.17).

A tuu atu foi la i se isi itu, o tagata aoga o loo alofaina o le a faatuatuaia e i latou i latou lava ma o le a i ai ia i latou le faanaunaga ina ia faaleleia atili i latou. O le a sili atu foi ona latou faalogo, ma o le a felagolagomai, ma fesoasoani tele i totonu o le vasega. Ao le mea e sili ai, o tagata aoga e alofagia o le a iloa foi e i latou ona alolofa atu i isi.

Aoa atu Faatasi ma le Agaga

A faapea o le a alofa se faiaoga i tamaiti aoga o lana vasega, e tatau lava ona ia mataala ma nofo uta i le musumusuga mai le Alii. Na o le pau lava lena o le ala o le a ia malamalama moni ai i manaoga o ana tamaiti aoga. Sa taua e Peresitene Polika laga e faapea: “Ina ua uma lava a tatou taumafaiga uma ina ia maua le atamai mai tusi pito lelei, ma isi auala, o loo i ai pea le punavai o loo totoe mo tagata uma; ‘A e afai ua leai se poto i so outou, ina ole atu ia i le Atua.’” (*Discourses of Brigham Young*, Chapter, 22, p.261.)

O le tomai e aoa atu ai o se meaalofa lea ua tatou maua mai lo tatou Tama o i le Lagi. A tatou talosaga atu ia te ia, o le a ia musuia i tatou a o tatou saunia le lesona, a o tatou saili atu ina ia iloa ma alolofa i tagata aoga, ma a o tatou aoa atu. A tatou aoa atu loa faatasi ma lona Agaga, o lona uiga ua tatou aoa ma le mana. (Mo nisi faamatalaga tagai i le lesona 18 “O le Aoa Atu i le Mana ma le Uunaiga a le Agaga Paia.”)

Faiiuga

Fai mai Peresitene Tavita O. MaKei: “E leai se tiutetauave e sili i le lalolagi nai lo le aoaoina o se agaga o se tagata. O se tasi o vaega taua o galuega patino a matua ma faiaoga taitoatasi i totonu o le

Ekalesia o le aoao atu lea, ma faataitai atu.” (Vaughn J. Featherstone, “O le Faiaoga Lelei.” *Liahona*, Fepuari 1977, itulau 96). O loo ia i tatou le tiutetauave e aoao atu ai le talalelei a lesu Keriso i a tatou fanau, ma o tatou uso a tagata o le Ekalesia, ma nai o tatou tuaoi lotu ese. Ina ia faataunuuina la lenei mea, e tatau ona tatou saunia i tatou i le suesue lea ma soifua ai i le talalelei.

E faapefea ona fesoasoani mai le ola amiotonu ia i tatou i le aoaoina o le talalelei ia sili atu ona aoga?

Lui

Ia saunia ma aoao atu le lesona mo le isi afiafi faaleaiga lea o le a sosoo ai nei i le suesueina lea ma tatalo atu mo le uunaiga a le Agaga Paia.

Mau Faaopoopo

Teuteronome 6:1-7 (o le taua o le aoaoina atu e le aunoa o tamaiti)

Mosaea 4:14-15 (o le ala e aoao lelei ai tamaiti)

MFF 68:25-28 (o matua e tatau ona latou aoao atu le talalelei i a latou fanau)

MFF 130:18 (o le a tumau lava ia i tatou le malamalama sa tatou maua i lenei olaga pe a toe tutu mai i tatou)

Sauniuniga a le Faiaoga

A o lei tuuina atu lenei lesona:

1. Faamanatu atu i tagata o le vasega ina ia aumai a latou tusitusiga paia i le vasega.
2. Afai e te manao ai, ona tofi lea o ni tagata o le vasega e faamatala mai nisi o aafiaga lelei sa tutupu i o latou olaga i le aoaoina lea o a latou fanau.
3. Tofi ni tagata o le vasega e tuuina atu ni tala ma ni mau i le lesona.

Aoao Atu Mai Tusitusiga Paia

Lesona 17

O le faamoemoega o lenei lesona ina ia fesoasoani ia i tatou ia malamalama ai i le mafuaaga e tatau ai ona tatou aoao atu mai tusitusiga paia pe a tatou aoao atu i le Ekalesia.

Faatomuaga

Faaali ata 17-a, “E ao ona tatou suesue i tusitusiga paia pe afai e ao ona tatou aoao atu ai,” ma le 17-b, “O le aoao atu o le talalelei e manaomia ai se malamalamaaga lelei i tusitusiga paia.”

Sa faapea atu Peresitene J. Reuben Clark Jr. i se faalapopotoga o faiaoga i le ekalesia: “O lo outou tiute taua, o le aoao atu lea o le talalelei a le Alii o Iesu Keriso e pei ona faaalai mai ai i nei aso e gata ai. Ia outou aoao atu lenei talalelei i le faaaogaina lea o mea e maua mai ai le fesoasoani ma le pule, o tusi faavae ia (tusitusiga paia) a le Ekalesia, ma upu a i latou sa valaauina e le Atua e na te taitaiina ona tagata i nei aso e gata ai.” (*The Charted Course of the Church in Education*, p. 9).

O le iloa o tusitusiga paia ma faaoga pe a tatou aoao atu, o le fesoasoani aupito sili lea o loo i ai.


O le Taua o le Aoao Atu Mai Tusitusiga Paia

Ua uma ona aoao manino mai e le Alii le taua o le iloa ma le aoaoina atu i isi o tusitusiga paia. I lana asiasiga atu i tagata o sa Nifae, sa ia taua ai, “loe, ou te tuuina atu le poloaiga ia te outou ia outou sailiili ma le filliga i nei mea” (3 Nifae 23:1). E tatau ona tatou sailiili atu i ai aua e aoaoina mai ai i tatou e faatatau ia Iesu Keriso ma talu ai “ua moni ia ma faamaoni lava, ma o valoaga uma ma folafolaga o i ai o le a faataunuaina: (MFF 1:37; tagai foi i le 1 Nifae 19:23).

Faitau le MFF 68:1-4. O a nisi tusitusiga paia o loo ia i tatou i nei aso e faapoopo atu i tusi faavae o le Ekalesia? O fea e tatou te faitau ai pe faalogo ai foi i nei tusitusiga paia? (*O le Liahona*)

O le Aoaoina Atu Lelei o Tusitusiga Paia

Ina ua taunuu atu Liae ma lona aiga i le nuu na folafolaina, sa aoao atu e Nifae ona uso i tusitusiga paia i se ala sa mafai ona latou malamalama ai: “aua foi, na ou faatatau tusi paia uma ia te i matou, ina ia aoga e aoaoina ai i matou” (1 Nifae 19:23). O le faatatauina o tusitusiga paia ia i tatou lava, e taua tele pe afai tatou te mananao e aoaoina atu lelei. Sa aoao mai e le Perofeta o Iosefa Samita: “Sailiili i tusitusiga paia, saili atu i perofeta ma iloa ai po o a vaega o i latou e





faatatau ia te outou.” (*Teachings of the Prophet Joseph Smith*, p. 12) E masani lava ona faatusaina mai e faiaoga lelei tusitusiga paia i o tatou lava tulaga o loo i ai i le faaalii mai lea o le ala e faatatau ai nei mea sa tutupu i le taimi ua fano i le taimi nei.

Faaali le ata 17-c “Ua maua e Nifae ma Liae le Liahona.”

O le tala lenei o loo i lalo mai le Tusi a Mamona sa faaaogaina faapenei e Peresitene Spencer W. Kimball:

“Sei manatunatu ane la faapea o oe o Nifae lea sa faalogo atu o loo valaau mai lona tama ma le popole e tau mai se mea sa ia maua i fafo o le faitotoa o lona faleie. Ma o se polo lapotopoto . . . ’ua ese lava lona gaosiga’ ma e faia i le ‘apamemea maoui’ ma e leai lava se isi sa vaai i se mea faapea muamua. (1 Nifae 16:10).

“ . . . A faapea sa faaalii sou fiafia tele ma e maitauina ma le faaeteete le faiga o lenei polo uiga ese, ona e iloa ai lea e gaioi e tusa ai ma le faatuatua, ma le filiga ma le usiusitai lea na matou avatu i ai e tusa ma le ala e tatau ona e alu ai (1 Nifae 16:28). . . . A faapea o le a e matua suesueina lelei ma le faaeteete o le a e iloa ai o loo i ai ni tusitusiga i luga o le polo ‘e faigofie ona faitauina’ ma . . . o loo faamalamalamaina mai ai ala o le Alii. (A o e faia atu talosaga i le Alii, o le a sui faatonuga. O le suiga la o nei faatonuga o le a fuafua lava i le faatuatua ma le maelega o lou aiga. (1 Nifae 16:28).

“ . . . O le polo la lenei po o le Liahona - lea ua faaliliuina ma o lona uiga o le tapasa - sa saunia faapitoa lava e le Alii e faaali atu ai ia Liae le ala e tatau ona ia ui ai i le vao. Faamata la e te le manao e te maua lea ituaiga o polo - o outou uma lava taitoatasi - aua soo se taimi lava o le a ese ai o le a faasino mai loa lava e le polo lenei le ala sao ma o le a tusia mai ai foi ni feau mo oe, ina ia e iloa ai lava e le aunoa ua e sese po o ua e i le ala sese?

“Ou uso talavou e, ua tofuu outou taitoatasi ma ia taiala. Ua tuuina mai e le Atua i tama taitoatasi, i alii taitoatasi, ma tagata uma, se lagona ta’u ane ia te ia i taimi uma e amata ona laa atu ai i le ala sese. E faailoa atu lava ia te ia pe afai o usiusitai; peitai e mafai e tagata ona faapea ua faalogo soo i ia savali ona latou faatuatuanai ai lea i ai, ma iu ai lava ina latou le lagonaina.

E tatau ona outou malamalama o loo i ai ia te outou se mea e pei lava o se tapasa, e pei o le Liahona, ia te outou lava. Ua tuuina i tamaiti uma lea lava mea. . . . Afai e le amanaia e ia le Liahona o loo ia te ia, o le a iu lava foi ina le musumusumu mai ia te ia. Peitai afai tatou te manatu ua tofuu i tatou taitoatasi ma [se Liahona] e taitaia ai i tatou i le mea sao, o le a le mafai ona alu sese lo tatou vaa. . . . pe a tatou

17-a. E tatau ona tatou suesue i tusitusiga paia pe afai tatou te aoaoina atu mea o i ai.

17-b. O le aoaoina atu o le talalelei e manaomia ai le lava o le malamalama i tusitusiga paia.

17-c. Ua maua e Nifae ma Liae le Liahona.



faalogo i faatonuga a a tatou lava Liahona lea ua tatou taua o le mafaufau.” (*Ensign*, Novema 1976, pp. 77–79.)

Na faapefea ona faaaogaina e Peresitene Kimball tusitusiga paia e aoao atu ai le upu moni lea e mafai ona tatou faaaogaina i le aso?

Afai e i ai so tatou malamalama i tusitusiga paia, o lona uiga e mafai ona tatou faaaogaina nei tulafono faavae o loo aoaoina ai i tusitusiga paia e faatatau i o tatou tulaga i o tatou olaga. O le faataitaiga o loo i lalo o loo faailoa atu ai le ala sa aoao atu ai e se tama lana fanau mai tusitusiga paia.

“AUA TOU TE FAAMASINO ATU, INA NEI FAAMASINOINA OUTOU”

Sa masani lava ona faamanatu e le aunoa ia Lola ma Koki e aua le tuuina a la uila vili vae i le auala mai i totonu o le lotoa. O le tasi aso sa sau ai tama i le fale ma na maua ai foi uila vili vae e lua o loo tuu atu i le auala. Sa muamua la ona aami e tama Koki ma faapea atu i ai, “ Koki sa ou maua nei lava le uila a Lola i le ala lea e sau i totonu o lo tatou fanua, o le a se mea e tatau ona ou faia?”

Sa tali atu loa Koki, “Ua tatau ona aua nei e toe faatagaina o ia e o ma ana uo mo se vaiaso atoa.”

Mulimuli ane, sa fesili atu ai loa tama ia Lola e faapea: “Faatoa ou maua nei lava le uila a Koki i le auala mai i totonu o lo tatou lotoa, o le a se mea e tatau ona ou faia?”

Sa tali atu loa Lola, “Tuu i ai se isi avanoa; o le a ia manatua i le isi taimi. ” Sa valaau faatasi loa e tama nei tamaiti uma e toalua ma fai atu i ai e faitau le Mataio 7:1-2.

Faitau le Mataio 7:1-2

Ina ua uma ona la faitauina na fuaiupu sa faapea atu loa Tama, “Koki o le a le toe faatagaina nei oe e tou te tafafao pe o foi ma au uo i se mea mo le vaiaso e tasi. A o oe Lola o le a ou tuuina atu ia te oe se lapataiga pe a faapea o le a e alu nei lava i fafo e aveese mai lau uila i le taimi nei lava.”

“AUA E TATAU I LE FAI GALUEGA LONA TOTOGI”

Sa faia le feagaiga a Lone ma lona tama o le a ia faamamaina uma lava faamalama i totonu o le fale mo le sefulu tala. Sa faapea loa ona faia se feagaiga a lona uso o Liki ma lo la tama o le a valiina e Liki le potu ai ae sefulu foi tala le mea e na te maua pe a uma lana galuega. Tusa na o le afa aso lava sa faamamaina ai e Lone faamalama. Ae lua aso sa faia ai le galuega a Liki o le valiina o le potu ai. Ina ua totogi atu e le tama i tama uma e toalua a la tai \$10.00, sa tetee Liki e faapea e tatau ona sili atu ia lona totogi aua foi e umi atu le taimi sa galue ai o ia. O le tali a le tama sa ia faitau ane ai le Mataio 20:1-15.

Faitau le Mataio 20:1-15.

Sa faaiuina loa e tama lenei va i lona faapea mai o lea o loo tausisi lava o ia i lana vaega o le feagaiga, o le mea lea e tatau ai ia Liki ona faasaga atu loa i ni ana mea e fai ae aua le ita fua.

E mafai faapefea ona tatou faatatauina mau nei o loo i lalo i tulaga o loo i ai o tatou olaga i ona po nei? Faitau ma talanoa feauauai le Mataio 25:1-13, Enosa 2-8 ma le MFF 40:1-3.

Saunia e Aoao Atu mai Tusitusiga Paia.

Sa taua e Peresitene Harold B. Lee e faapea, “Ou te faapea atu e manaomia e i tatou le aoaoina atu o o tatou tagata, ina ia sailia a latou tali mai tusitusiga paia . . . A o le mea sili ona leaga ona o le toatele o i tatou e le o faitau i tusitusiga paia. Tatou te le malamalama po o a mea o i ai i tusitusiga paia, ma o le ala lea tatou te taumate ai mea o loo i ai i tusitusiga paia. Ma ou te manatu o iina tonu lava o loo tupu mai ai le tele o faigata i ona po nei. (“Saili Tali i Tusitusiga Paia, *“Liahona*, Tesema 1973, itulau 3).

E leai se isi o le a na faamalosi i tatou e suesue i tusitusiga paia. A faapea lava o le a tatou mananao i ai, e mafai lava ona tatou maua le tele o ni mafuaaga le talafeagai ua mafua ai ona tatou le suesue ma sailiili i tusitusiga paia. E tatau ona tuuina atu i tatou i le faia lea o ni a tatou tautinoga i le suesueina o tusitusiga paia, ma taumafai e faagaoioi se fuafuaga o se faiga e masani ai e fai ai suesuega. A faapea o le a tatou faia lea tulaga, o lona uiga o le a feagai ai loa i tatou ma le filifiliga o le faitauina o tusitusiga paia po o tala fou i mea o loo tutupu i ona po nei po o le mekasini o taaloga ma o le a tatou filifilia tusitusiga paia aua foi o lea ua uma ona tatou faia le filifiliga.

O le tomai e mafai ai ona faitau, ma fialia ma aoao atu tusitusiga paia e le gata ina manaomia ai le fuafuaina, ae faapea foi ona manaomia le sauniuniga ma le tatalo.

Faitau Moronae 10:3. O le a le mea o loo tau mai e Moronae ia i tatou e faatatau i le faitauina o tusitusiga paia?

A o tatou faitau i tusitusiga paia, e tatau ona tatou mafaufau loloto i ai i o tatou loto. Sa taua e Peresitene Marion G. Romney e faapea, “A o ou faitau i tusitusiga paia, sa tuuina mai ia te au se lui, ina ua ou tau ane i upu e pei o le manatunatu ma le mafaufau loloto . . .

O loo tau mai ia i tatou e le Moronae 10:4 e faapea a maea ona mafaufau loloto i tusitusiga paia (i le suesueina o mea ua uma ona tatou faitau i ai i o tatou mafaufau) e tatau ona tatou fesili i lo tatou Tama Faalelagi, “pe le moni ea nei mea”, ma “na te faaalua le tonu ia te outou i le mana o le Agaga Paia.”

Faaiuga

Ina ia mafai ona tatou aoaoina tusitusiga paia ma aoga ai i tagata, e tatau ona tatou nofo sauni i lo tatou faitau pea lea i ai e le aunoa. E tatau ona tatou mafaufau loloto i nei mea i lo tatou manatunatu lea i ai,

ma tagotago i ai ma tatalo ma le loto faamaoni. Ona tatau foi lea ona tatou faataitaia se mea ua tatou iloa ma malamalama i ai e ala i le Agaga. A uma loa ona tatou faia lenei mea, o le a mafai loa ona tatou aoao atu tusitusiga paia, faatasi ma le mana ma le faatauana.

Lui

1. A o e faitau atu i tusitusiga paia i aso taitasi, ona e vaseina lea o lalo po o le faailoga foi o ni vaega po o ni fuaitau e taua mo oe. Iloilo pe faapefea ona “faatatau mai nei mau ia i tatou.” (Tagai i le 1 Nifae 19:23).
2. Aoao atu lou aiga mai tusitusiga paia i a outou afiafi faaleaiga, faataamilo i le laulau ai, po o se isi tulaga faaleaiga, i le faaaogaina lea o tala i totonu o tusitusiga paia ma faatatau i manaoga o o outou aiga.

Mau Faaopoopo

2 Nifae 4:15-16 (O le fiafia o Nifae i tusitusiga paia)

MFF 11:21-22 (E tatau ona tatou susesue muamua ae tatou te lei aoao atu)

MFF 42:12-15 (E tatau ona tatou aoao atu mai tusitusiga paia.)

Sauniuniga a le Faiaoga

A o lei tuuina atu lenei lesona:

1. Faitau i le Mataupu e 10, “Tusitusiga Paia,” i le tusi lesona *Mataupu o le Talalelei*.
2. Faamanatu atu i tagata o le vasega e aumai a latou tusitusiga paia i le vasega.
3. Tofi ni tagata o le vasega e tuuina atu tala ma mau i le lesona.

Aoao Atu i le Mana o le Agaga Paia

Lesona 18

O le faamoemoega o lenei lesona ina ia fesoasoani ia i tatou ia malamalama e tatau ona tatou aoao atu le talalelei e ala i le mana o le Agaga Paia.

Faatomuaga

Sa taua e Peresitene Tavita O. MaKei e faapea: “O outou faiaoga e ao ina amata le sauniuniga o a outou lesona i le tatalo. Ia aoao atu a outou lesona ma se agaga tatalo. Ona e tatalo lea ina ia faatamaoaigna lau savali. . . . e ala atu i le faatosinaga a lona Agaga.” (*Gospel Ideals*, p. 223).

A faapea o le a tatou aoao atu le talalelei a lesu Keriso, e tatau ona tatou maua le taitaiga a le Agaga Paia. E na o le pau lava lenei o le ala e mafai ai ona tatou aoaoina le upu moni, aua o o tatou manatu e le o manatu ia o le Atua, o o tatou ala foi e le o ala ia o le Atua. (Tagai i le Isaia 55:8-9.)

O le Aoao Atu e Ala i le Faatosinaga a le Agaga Paia

Fai atu i tagata o le vasega e faitau le MFF 42:12-14. O le a le mea o loo tau mai ia i tatou e lenei mau e tatou te aoao atu? O fea tatou te maua ai nei faiga faavae? E faapefea ona tatou maua le Agaga e tatou te aoao atu ai? A faapea e tatou te le maua le faatosinaga a le Agaga Paia, aisea e tatou te le aoao atu ai?

Ina ia iloa po o a mea ma po o afea e tatau ona tatou aoao atu ai, e tatau ona tatou aoao ina ia tatou iloa le faatosinaga a le Agaga Paia. Ua uma ona faamalamalama mai e Elder A. Theodore Tuttle le lagona e oo i se tasi pe a tautala atu e ala i le mana o le Agaga Paia:

“Pe e te tau lagonaina le oo mai o faaaliga? Sei ou faamatalaina atu ia te oe lenei mea sa tupu?”

“A o ma malaga (faatasi atu ma Elder Marion G. Romney i Sate Leki ina ua maea (se) fonotaga, sa faapea mai se tasi Uso sa matou faatasi, ‘Alii Brother Romney, sa e saunoa i le po nei i lalo o musumusuga a le Agaga Paia.’”

Sa faapea mai loa Brother Romney, ‘loe sa ou iloa foi lena mea. E te iloa la na faapefea ona ou iloa? Aua foi sa ou iloa foi ma aoaoina se mea ou te lei iloa.’” (“Teaching the Word to the Rising Generation,” unpublished talk given July 10, 1970, at BYU Summer School, p. 9-10.)

Na faapefea ona faatosina e le Agaga Paia Peresitene Romney? E faapefea ona mafai e le Agaga Paia ona faateleina lo tatou tomai e aoao atu ai?

O le Agaga paia la e le gata ina aoaina ai le faiaoga, ae faapea foi ona avea ma mea o le a na faaofiina nei upu i le loloto o loto o tagata faalogologo. “Aua pe a tautala atu le tagata i le mana o le Agaga Paia, e molioaina ai i le mana o le Agaga Paia i loto o le fanauga a tagata” (2 Nifae 33:1)

E faapefea ona faatosina e le Agaga Paia i latou o loo aoaina?

Faaali le ata 18-a “Ua suia e le tupu o Peniamina olaga o le tele o tagata ina ua ia aoao atu ia i latou i le mana o le Agaga Paia.

Sa valaauina faatasi e le perofeta o le Tusi a Mamona, o le Tupu o Peniamina ona tagata ina ia faatasi atu ina ua lata i le iuga o lona soifua ina ia tuuina atu ia i latou ni faatonuga faapitoa lava ma ia faamalosa ai i latou i le itu faaleagaga.

Fai atu i le vasega e faitau mai le Mosaea 5:1-2. O le a le mea na tosina ai tagata ina ia latou talitonu i upu a le Tupu o Peniamina? Fai atu i le vasega e faitau le Mosaea e 5:3-4. Aisea na usiusitai nei tagata i le faatosinaga a le Agaga Paia?

O le Mauaina Mai o le Taitaiga a le Agaga Paia

O loo taua mai ia i tatou e le Tusi a Mamona o le tele o perofeta ma faifeautalai o lena taimi sa taitaiina i a latou aoaoga e le Agaga Paia. O le toafa o nei alii o atalii o Mosaea.

Fai atu i le vasega e faitau le Alema 17:2-3. O a laasaga e tolu sa uia e atalii o Mosaea ina ia mafai ai e i latou ona aoao atu ma le mana? Tusi le faasologa o laasaga e tolu (saili i tusitusiga paia, anapogi, ma le tatalo) i luga o le laupapa.

Sa faamatalaina e Peresitene Marion G. Romney lenei mea sa tupu i lona faletua ina ua mulimuli le faletua i nei laasaga i le saunia o se lesone sa tuu o le a ia aoaina atu e faatautu i le faaaliga vaai a le Perofeta o Iosefa Samita o le Tama ma le Alo. Sa i ai la i le vasega a lenei faletua se tamaitai talavou ua faauu mai se iunivesite ma e lotu ese. O le taimi lea sa le tele se poto masani sa i ai ia Sister Romney ma o le pogai lea o lona fefe ma ona manatu e faapea o le a le taliaina nei lana lesone e lenei tamaitai atamai ma le poto. Sa faapea mai loa Brother Romney:

“Sa alu o ia ma talanoa ma lona tina ma fai atu, ‘Tina, e le mafai ona ou tuuina atu lenei lesone. Ou te lei iloa pe moni na maua e Iosefa Samita se faaaliga.’ . . .

“O le tina foi la o lenei faletua e le o se tamaitai aoaina lelei, ae sa i ai lana molimau. Sa faapea atu loa o ia i lana tama, ‘Ua e iloa le ala na maua ai e le Perofeta le faaaliga, a ea?’

“‘Ioe,’ o le tali lea a lana tama, ‘sa maua e ia i le tatalo atu i le Atua mo se malamalamaga.’ Sa faapea atu loa le tina i lana tama teine, ‘O le a la le mea e te le taumafaia ai lena mea?’

18-a. Na suia e le Tupu o Peniamina olaga o le tele o tagata aua sa aoao atu o ia i le mana o le Agaga Paia.



“(Sa alu atu loa Sister Romney) i lona potu ma taumafai lea ala; sa la tauivi ma le Atua e pei ona faia e Enosa. Ma o le mea na tupu mai ai sa ia . . . tuuina atu ai le lesona e ese mai ai i le taimi ua tea ma ua sili atu nai lo le mea e masani ona ia mafaia. Na faapefea ona ia faia lea mea? loe sa afio ane le Agaga Paia ia te ia i le tali ane i lona suesue atu. Sa ia lagona le mu i totonu o lona agaga. Sa ia iloa ai sa vaai Iosefa Samita i se faaaliga, e pei ona sa ia malamalma foi i ai. Sa ia iloa mai le faamatalaga a Iosefa Samita mea sa ia vaaia, ma sa maua e ia se molimau mai le Agaga Paia e moni lava nei mea uma sa oo i le Perofeta.” (“How to Gain a Testimony,” *New Era*, May 1976, pp. 10-11.)

Na faapefea ona sauni Sister Romney mo lana lesona? Aisea na ia le maua ai se mautinoa e tuuina atu ai le lesona i lona suesue na o ia? O le a la tatou ta’u i le molimau lea sa maua e Sister Romney?

O le a le eseesea i le va o le na o le faitau lava i le upu moni ma le sau o se isi tagata ma molimau tino mai lava i lona upu moni? Fai atu i tagata o le vasega e faitau mai le Moronae 10:4-5. O a ala e fesoasoani mai ai ia i tatou le Agaga Paia e aoao le upu moni? O le a le mea e tatau ona tatou faia ina ia maua ai lenei molimau?

O le Molimau na te Tuuina le Mana i le Aoao

O le aoao atu faatasi ma se molimau o le aoao atu lea ma le malamalama e moni le talalelei. A faapea e i ai sa tatou molimau o mea o loo tatou aoaoina atu, o le a faapea ona lagona e i latou o loo faalogologo i ai i le mana o le Agaga ma o le a sili atu lo latou malamalama i le talalelei. A faapea o le a tatou tuuina atu molimau e uiga i le upu moni, o le a molimau ai le Agaga Paia ia i latou o e o loo faalogologo ia i tatou i le moni o la tatou molimau (Tagai i le MFF 50:21-22).

Faaali le ata 18-b “E faamautuina e le Agaga Paia molimau a i latou o e molimau i upu moni o le Talalelei.”

Sa faamatalaina e Elder Alvin R. Dyer le tala lenei:

E toalua ni faifeautalai sa taunuu atu i se aiga ina ua latalata lava i le faaiuga o se tasi aoauli. Talu ai la o le taimi tonu lava lea ua sauni ai le aiga mo la latou taumafataga o lea sa tau le lagona pe faalogo lelei mai se isi i le tuitui atu a nai alii faifeautalai i le faitotoa. I le taimi o le a amata e le fafine ona tapuni le faitotoa, sa maua loa e faifeau le avanoa e tuuina atu ai le molimau i le moni o le talalelei. Ma o le tasi o i laua nei sa matua leotele lava ma le faamoemoe ina ia lagaona mai e i latou o loo i totonu. Ma talu ai ua amata ona timu mai i le taimi lea, o lea sa tuua faanatinati ai loa e alii faifeautalai lenei aiga. Ina ua fai sina mamao o le mea ua oo i ai le savaliga a faifeautalai sa la faalogo mai loa i se tagata o loo valaau atu ia i laua. Sa tetei i laua ina ua momoe atu lava se alii talavou e tusa ma le sefulufa ona tausaga ma faapea atu: “E manao tama ina ia lua toe foi atu.” Sa la toe foi loa i le fale o le aiga lea sa la faatoa tuua atu nei. Sa tau ane loa e le tama e

18-b. E faamaonia e le Agaga Paia molimau a i latou o e molimau atu i le moni o le talalelei.



faapea sa ia faalogo mai i le la savali sa fai atu i le faitotoa. Sa lei i ai sona lagona ootia, ae ina ua tuuina atu le molimau a le isi o i laua, o iina na oo atu ai se lagona faagaetia ia te ia. Ona ia faapea atu loa lea, “Sa ese lava lea lagona sa oo mai ia te au. Sa ou iloa foi ua sese la matou mea ua fai ina ua matou tutulieseina oulua.” Ma o lena molimau sa tuuina atu e le toaina lotomauualalo sa iu ai ina papatisoina le aiga. (See “When Thou Art Converted,” *Instructor*, July, 1961, p. 225).

Aisea na toe valaauina ai e le tama faifeautalai ina ia toe foi atu? Fesili atu la i tagata o le vasega ia sa tofia talu ai nei lava e faamatala mai po o a ni mea sa latou lagona ma iloa i le taimi sa latou aoaoina ai le talalelei.

Faaiuga

O le ave ai ma matua ma faiaoga i le Ekalesia, o lea e i ai la tatou tiutetauave e suia ai olaga o i latou o loo tatou aoaoina. Ae ui la i lea, e mafai ona tatou faia lenei mea i le ala e tasi o le aoao atu lea faatasi ma le Agaga Paia. A faapea o le a tatou aoao atu i le Agaga, o lona uiga ua tatou faateleina le malamalama ma le faatuatua e le gata ia i latou o loo tatou aoaoina ae faapea foi ma i tatou lava.

E na o le mana lava o le Agaga Paia e tatou te aoao atu ai ona mafai lea ona tatou aoao atu le upu moni. A e a faapea o le a tatou aoao i le mana o le Agaga Paia e tatau ona tatou agavaa ma ia saunia. O ia la sauniuniga e aofia ai le suesue, tatalo ma le ola ai i poloaiga a le Atua.

“O le a tuuina atu foi le Agaga ia te outou i le faatuatua; ae afai tou te le maua le Agaga aua tou te aoao atu.

“Pe a outou siitia o outou leo ona o le Fesoasoani, o le a outou tautala ma vavalu atu e pei ona ou loto i ai.

“Aua faauta e iloa e le Fesoasoani mea uma.” (MFF 42:14, 16, 17).

Lui

1. I le sauniuni atu e aoao, ia saili le taitaiga a le Agaga Paia i le suesue lea i tusitusiga paia, ma le tatalo atu mo le taitaiga, ma le anapogi.
2. Saili avanoa e aoao atu ai fanau, uo, ma tuaoi.

Mau Faapoopo

Luka 24:32 (o le lagona e maua pe a musuia e le Agaga Paia)

Ioane 14:26 (e aoao mai ia i tatou e le Fesoasoani mea uma)

2 Nifae 32:7-8 (ua uunaia mai i tatou e le Agaga ina ia tatalo)

Mosaea 23:14 (e tatau ona tatou talitonu na o faiaoga lava o loo tausia poloaiga a le Atua)

Alema 5:43-52 (o le anapogi ma le tatalo e uunaia ai le taitaiga mai le Agaga Paia)

Moronae 10:7-10 (o meaalofa mai le Atua e maua e ala i le faatuatua)

Sauniuniga a le Faiaoga

A o lei tuuina atu lenei lesona:

1. Mulimuli i laasaga o loo ootooina mai i totonu o le lesona ina ia e maua le faatosinaga mai le Agaga Paia a o e saunia le lesona.
2. A e manao ai, ona tofi lea o ni tagata se toalua o le vasega e faamatala mai lagona sa oo i ai ina ua aoaoina i laua i le talalelei.
3. Ia i ai se laupapa ma se penisina.
4. Tofi ni tagata o le vasega e faamatala mai ni tala ma ni mau o loo i totonu o le lesona.

Aoao Atu o le Amio Mama ma le Amio Lelei i le Aiga

Lesona 19

O le faamoemoega o lenei lesona e fesoasoani ai ia i tatou ia iloa pe faapefea ona aoao amio faatauagafau ma amio lelei i totonu o le aiga.

Faatomuaga

I le saunoaga a Elder Boyd K. Packer e uiga i itu taua o le amio mama ma le lelei fai mai a ia: “O le tiutetauave ma le aia e aoao atu ai nei (mea) paia e patino lea i matua o loo i ai i totonu o aiga. Ou te talitonu o se tiutetauave lea o aoga a le malo, po o le tiutetauave a faalapotopotoga a le Ekalesia. O le sao a le Ekalesia i lea itu o le aoao atu lea o matua i tulaga faavae o le amio ua uma ona faaaliga mai e le Alii ma ia fesoasoani atu ia i latou i o latou tiutetauave o le aoaoina atu lea o nei mataupu taua i a latou fanau.” (*Teach Ye Diligently*, p. 256.)

Sa tusi e le perofeta o Mamona se tusi i lona atalii o Moronae lea o loo aoaoina atu ai le taua tele o le amio mama. Sa taua e ia faapea o le legavia ma le amio lelei e sili atu ona pele ma taua nai lo se isi lava mea (tagai i le Moronae 9:9) E paia o tatou tino; e tatau ona fai faalelei o tatou lavalava ma ia tausua ia mama ma atoatoa i tatou.

Amio Tauagafau ma le Amio Lelei

E taua tele i le Alii le amio lelei. O le mea lea, e taua ai, le malamalama i le faauigaina e le Alii o le tauagafau ma le lelei. O le amio tauagafau e faasino i le tatou tautala ma le faiga o o tatou laei. O le amiolelei e faasino lea i a tatou amioaga. Ua uma ona saunoa mai Peresitene Spencer W. Kimball:

“O se tasi o mea e tele e tau atu i le legavia o le amio faamaualuga. O ona po nei o le toatele lava o alii ma tamaitai talavou ua faamalieina lava i latou i lo latou malamalama ua i ai e uiga i mea o le olaga. Ua latou manatu ua latou iloa uma tali. E saoloto lava a latou talanoaga i itu tau le va o tane ma fafine e pei ona latou talanoa i taavale ma faaaliga ma laei. Ma o le mea lea ua tupu ae ai le agaga o le amio faamaualuga ma le le mama seia oo lava ina foliga mai ua matua leai lava se mea e paia.

“O se tasi o sao pito iloga ua mafua ai le le amio tauagafau po o le amio faamaualuga, ma ua le toe faia ai itu po o amio taua e pei ona masani ai, o laei faaona po nei. Ou te mautinoa o laei le talafeagai o loo faaaogaina e nisi o o tatou tamaitai talavou, ma o latou tina, ua fai ma sao tuusao pe le tuusao foi i le ola le mama o lenei augatupulaga.

E oo lava foi i tamā, o nisi taimi o latou e faamalosiā lenei mea. Ou te le iloa pe ua iloa e o tatou tuafafine talavou le faaosoosoga ua latou faia i alii talavou pe a latou faaalialia vaega o o latou itutino. . . .

“Ou te matua mautinoa o laei nei o loo tatou laei ai e mafai ona avea o ni pogai matua iloga lava i le vavaeeseina o lo tatou fiafia i tulaga lelei, ma lo tatou tumau i le ola mama.” (*Faith Precedes the Miracle*, pp. 163, 168).

E faapefea ona aafia le ala tatou te laei ai ma amioga pe a tatou iloa e paia o tatou tino?

E faapefea ona aafia le faiga o o tatou laei ma a tatou amioga i lo tatou iloa lea o i tatou o le fanau a lo tatou Tama Faalelagi?

Sa faamatala mai e Elder Vaughn J. Featherstone se tala i se atalii o se tupu o le na ia iloa ia lava ma le tulaga e tatau ona i ai lana amio. Sa aveeseina mai le Tupu o Lui XVI o Farani mai lona nofoalii ma ua tuuina i le falepuipui. A o lona aloalii laitiiti, le perenise, sa aveaina faamalosi e i latou sa pueina le tupu. Ona talu ai la o le perenise talavou lenei o le a avea ma tupu e sosoo ai, o lea sa latou mananao ai e faaleagaina o ia i le tulaga i lana amio. Sa latou iloa afai o le a latou mafaia lea mea o lona uiga o le a le mafai lava ona avea o ia ma tupu o Farani.

Sa ave la e nei tagata le perenise i se aai mamao lava, ma sa latou faaosoosoina ai le tama i mea leaga uma ma le eleelea e mafai ona latou mafaufauina. Sa latou taumafai e faaoso o ia e taumafa i mea taumafa o le a vave ai ona le toe mafai e ia ona pulea ia lava. Sa latou faaogaina se gagana matautia i ona tafatafa i taimi uma lava. Sa latou faaosoosoina foi o ia i fafine amio leaga. Sa latou faailoa atu ia te ia tulaga e le mamalu ma le le faamoemoeina. Sa siomia o ia i le luasefulufa itula i le aso i soo se mea lava e mafai ona aveeseina ma le toe maua ai e le tagata ona itu taua tau le amio. E ono lelei masina sa tuuina atu ai ia te ia lenei faiga. Ae lei gauai faatasi atu lava le tama i nei faaosoosoga. Mulimuli ane, ina ua uma lava ona faia mea uma e mafai ona latou mafaufau i ai, sa latou fesili loa ia te ia po o le a le pogai ua ia le faia ai nei mea. Fai mai lana tali, “Ou te le mafai ona faia nei mea. Fai mai lana tali, “Ou te le mafai ona fai mea ua tou mananao mai i ai, aua o au na ou fanau mai ina ia avea ma tupu.” (Adapted from “The King’s Son,” *New Era*, Nov. 1975, p.35.

O i tatou foi na tatou fananau mai ina ia avea ma tupu (tagai 1 Peteru 2:9; Faaaliga 1:6). Ae ui i lea o lo tatou faamoemoe i le olaga e sili atu nai lo le na o le avea ma se tupu o se malo. O i tatou o le fanau a le Atua, ma ua tatou fananau mai ina ia avea e pei o ia. O le faataunuuina la o sea sini o le a le mafai pe a faapea o le a tatou le amio tauagafau ma le amiolelei (mama).

O le Tauga o le Faataitaiga

O le tasi o a tatou tiutetauave pito taua i lo tatou avea o ni tagata o le Ekalesia a le Atua o le tuuina atu lea o se faataitaiga lelei o le amio

mama ma le amio lelei. E le gata ina tatau ona tausia ia mama o tatou mafaufau ma o tatou tino, ae tatau foi ona tatou faaali atu e paia o tatou tino i la tatou filifiliga i le faiga o tatou tala, ma mea malie e tatou te fiafia i ai, ma tusi e tatou te faitau i ai. E faapitoa lava le taua o lenei itu mo matua ma tamaiti ua matutua. A faapea o le a tatou faaalua se faataitaiga lelei ma le tatau ai, o le a faapea ona tatou atinae o ia lava itu taua e a tatou fanau ma o tatou uso ma tuafafine ma o le a amio foi e pei o i tatou.

Tuu atu la sina taimi puupuu e mafaufau ai tagata o le vasega e uiga i o latou lava uiga ma amio ona fesili atu lea i ai i fesili nei o loo i lalo:

“Faamata o i ai se mea, i ou uiga ma lau amio atonu e ono afaina ai i latou o loo ou taumafai e aoao?”

“O i ai ea se mea o loo ou faia po o mafaufau i ai o le a ou le manao e mafaufau i ai pe faia foi e lau fanau?”

Faitau le lakopo 2:35 i le aoaiga a lakopo o tagata o sa Nifae ona o a latou faataitaiga leaga. Aisea e taua tele ai le tuuina atu o le faataitaiga lelei?

O le Aoaina o le Amio Tauagafau ma le Amio Lelei

E manaomia le tulaga faaleagaga loloto i le aoaina atu o le amio tauagafau ma le ola mama. Ua uma ona saunoa mai Elder Boyd K. Packer e faapea: “A faapea o loo i ai se vaega taua ma le tatau mo le aoaina o tulaga taua tau le amio ma le faaleagaga . . . o le i ai lea ia i tatou o le Agaga o le Alii a o tatou aoao atu” (*Teach Ye Diligently*, p. 272).

E taua foi lo tatou taulimaina o le mataupu i le ava ma le lotomauualalo. O se faataitaiga lelei tele le auala a Elder Packer i se tasi o ala e aoao atu ai le amio tauagafau ma le amio lelei i se ala e matua paia naua:

“Sa i ai se mana sa saunia i o tatou tino - ma o lenei vaega o se mea paia - o se mana e foafoaina ai, o se malamalama, e pei ona taua ai, o loo i ai le mana e faamumu atu ai i isi malamalama. O lenei meaalofa e tatau lava ona faaaogaina i noataga paia o le faaipoipoga. E ui mai la i le faaaogaina o le mana e foafoaina ai, o le a mafai ai ona maua mai ai le tino faaletino, ona ulufale atu ai lea o le agaga i lea tino, ma avea ai lea o se tagata ola ua fanau mai i lenei lalolagi. O lenei mana e taua lava. . . .

“Ua outou ola mai nei i totonu o se lalolagi ua feagai ai outou i taimi uma lava ma faaososoga ina ia outou solia ai nei mana paia ua tuuina atu ia te outou. . . . la aua nei outou faatagaina se tasi e pai atu i o outou tino, soo se tasi lava! Soo se tasi na te tau atu se isi mea e ese mai i lenei mea ua ou tau atu ia te outou, ua latou talai atu e faasafua atu ia te oe lo latou tausalaga. Matou te aoao atu ia te outou ina ia outu tumau i lo outou ola mama. . . . E tasi lava le ala sao e mafai ai ona faaaogaina lenei mana paia o le tulaga lea i le feagaiga o le faaipoipoga. la aua lava nei faaaogaina sese nei mana paia.” (*Teach Ye Diligently*, pp. 259, 262.)

A tatou mananao ina ia faamanuina i le aoaoina atu o nei mataupu faavae i o tatou aiga, e tatau lava ona tatou faaeteete ia puipuia o tatou aiga mai ni tulaga e le mama. Ua uma ona tauina mai e Elder A. Theodore Tuttle e faapea “o le tama o le leoleo lea e puipuia le aiga. E na te leoleoina le aiga mai ni osofaiga o le leaga mai fafo. O le tulaga sa masani ai muamua, sa ia puipuia lona aiga i auupega ma faamalama tapunipuni. O ona po nei la ua sili atu ona faigata ma lavelave. O faitotoa e matua tapunipuni mamau ma faamalama e na o mea faaletino lava e mafai ona puipuia mai ai i tatou. E le o se mea faigofie le puipuia o se aiga (mai mea leaga e osofaia ai) le mafaufau ma agaga o tagata o le aiga. O nei mea e mafai ma o loo tafe ma sosolo saoloto atu i totonu o le aiga. (E atamai tele Satani.) E na te le tau talepeina i lalo le faitotoa.” (“The Role of Father,” *Ensign*, Jan. 1974, p. 67).

O a nisi o ala e mafai ai e le leaga ona oo mai i totonu o o tatou aiga i ona po nei? (O mekasini leaga, o polokalama o laau faalogologo, o ata i televise, ma tusi o nisi ia o ala.)

O le a le mea e tatau i se tama ona fai e puipui ai lona aiga mai nei ituaiga o mea? (Ia filifilia ma le faaeteete mea e faitau i ai ma polokalama o loo faasalalau mai i leitio ma televise.)

Faitau ma talanoaina le MFF 93:40-43.

Sa aoai e le Alii Frederick G. Williams ona e na te lei faataunuuna lona tiutetauave i le tausia lea o lana fanau ia tuputupu ae i le malamalama ma le upu moni.

Faamata o le a se lagona o le a oo ia te oe pe a faapea o le a tau atu e le Alii ia te oe e faapea sa e le faamaoni i le aoaoina o lau fanau i le taua o le amio tauagafau ma le ola mama?

O le Taimi Tonu e Aoao Ai

Faaali le ata 19-a “E tatou i se tama ona faatalanoa lana fanau e le aunoa.”

O afiafi faaleaiga o taimi sili lava na e aoao atu ai le amio maualalo ma le amio mama. O le toatele lava o tama e latou te iloa e aoga tele le faia o faatalanoaga aloaia ma a latou fanau e oo lava i o latou faletua. O se tasi o tama mo se faataitaiga, e na te faatalanoaina lana fanau taitoatasi e faatasi i le masina i Aso Sa anapogi. E na te tuuina atu fesili e faatatau i le ola mama, ma e faalogo foi o ia i soo se faafitauli lava atonu o ia i latou. E na te aoao atu, ma tuuina atu lana molimau, ma e na te tauina atu foi ia i latou lona alofa mo i latou.

O le a le tulaga o le a oo i tamaiti i lenei ituaiga o faatalanoaga?

Faaali le ata 19-b, “E Masani Lava Ona Maua Faafuasei Avanoa e Aoao Atu ai”

E ui lava ina e taua tele le aoao o a tatou fanau i tulaga aloaia faapea e pei o faatalanoaga ma afiafi faaleaiga, e tatau lava ona tatou nofo uta ma ia malamalama i o latou manaoga i taimi uma. E tatou ona tatou maitau lelei mo taimi o le a sili ona latou malamalama ai i mea o loo tatou mananao ia latou iloa. A tatou talanoa ia i latou e le aunoa ma faaali atu lo tatou alofa ia i latou, o le a fai ma masani a tatou fanau

19-a, E tatou i se tama ona faatalanoa lana fanau e le aunoa

19-b, E masani ona oo faafuasei mai avanoa e aoao atu ai





le o mai ia i tatou e le aunoa pe a latou manaomia se talanoaga e faatatau i o latou lagona ma o latou faafitauli.

Faaiuga

Ua poloaaina i tatou e le Alii ina ia tatou faaaogaina soo se avanoa lava e aoao ai a tatou fanau (tagai i le Teuteronome 6:5-7). A faapea o le a tatou vaavaai mo ni avanoa e aoao ai, e i ai nisi taimi o le a mafai ai ona tatou aoao atu ma le malosi i tulaga lava e lei faamoemoeina. Atonu o le a mafai ona tatou aoao atu mea moni taua e faatatau i le ola mama ma le amio maualalo mo se faataitaiga i se pikiniki, po o le maea o se faamanatuga, po o se savalivaliga, i totonu o se taavale po o se vaitaimi o se malologa, po o le agai atu i le aoga, po o le vaitaimi tonu lava o se matua faigata tele.

E mafai lava ona e mafafau i se mea sa tupu ia te oe ma lau fanau po o ou matua sa lelei tele ai fesootaiga moni ma le aoaoga? O fea na tupu ai lea mea? O le a le taimi na tupu ai? Pe sa faafuaina, pe sa faafuasei ona tulai mai lea tulaga?

Lui

1. Fuafua se afiafi faaleaiga e talanoa ai i le ola mama ma le amio maualalo.
2. Tuu atu se faataitaiga o le amio tauagafau ma le ola mama i ou laei ma au gaoioga.
3. A faapea o oe o se alii talavou, uunai tamaitai talavou e te iloa ma masani ai ina ia laei mama.

Mau Faapoopo

1 Timoteo 4:12 (o le taua o le faataitaiga)

Sauniuniga a le Faiaoga

A o lei tuuina atu lenei lesona:

1. Ia fuafuaina ma le faaeteete pe faapefea ona e tuuina atu lenei lesona. A faapea o loo i ai ni tagata talavou e latou te umia le perisitua o loo i totonu o le vasega o le perisitua, aua nei e faia e pei o se feutagaiga o tulaga tau le amio. E mafai ona e talanoa ma i latou i ala e mafai ona fesoasoani ai tagata talavou i o latou matua e latou te talanoa faatasi e faatatau i lenei mataupu maaleale. Talanoa po o le a le pogai e taua ai le ola mama ma le amio tauagafau ma po o le a le mea e mafai ona fai e tagata o le vasega e tuuina atu ai se faataitaiga lelei i isi.
2. Afai e te finagalo ai, tofi se tagata e faamatala atu i le vasega e faatatau i se mea sa tupu sa matua iloga ai lava ni fesootaiga ma ni talanoaga i le va o matua ma fanau. (O le taimi lelei lava mo lenei talanoaga pe a oo i le taimi e talanoaina ai manatu o loo i le vaega lima, "O le Taimi Sao e Aoao ai.")
3. Tofi ni tagata o le vasega e tuuina mai ni tala ma ni mau i lenei lesona.

O le Foiaina o Faafitauli Tau i le Aiga i se Ala Filemu

Lesona 20

O le faamoemoega o lenei lesona ia uunaia ai i tatou e foia faafitauli tau le aiga i se ala filemu ina ia atinae ai se olaga fiafia i totonu o le aiga.

Faatomuaga

Faaali le ata 20-a “O le alofa o le faavae lea o le mauaina e le aiga o se olaga fealofani.

Na ta’uina mai e Peresitene Iosefa F. Samita ia i tatou mea e ao ona tatou faia pe a tatou mananao i ni aiga lelei:

“O le a . . . le aiga lelei. . . ? O le aiga lea . . . ua matua tuuina atu atoa i ai e le tama mea uma ua faamanuiaina ai o ia e le Atua, na te faitauina faapea e aupito i taua lava i latou, ma o sea foi la aiga o le a latou faatagaina o ia ina ia mau i totonu o o latou loto. Ma o se aiga o loo i ai le mautinoa, o le soofaatasi, alofa, ma le alofa paia ma le faamaoni i le tama, ma le tina ma le fanau ma matua.” (*Gospel Doctrine*, p. 302-303)

E ui lava ina o loo taumafai i tatou uma lava ina ia maua ni aiga e sili ona lelei, e i ai lava taimi e tatou te oo ai i ni feeseeseaiga. E oo foi i le Perofeta o Iosefa Samita sa ia lagona le le manuia i totonu o lona aiga i nisi taimi.

Mo se faaitaiga, i se tasi taeao, a o ia faaliliuina le Tusi a Mamaona, sa ia le malie i se mea sa faia e lona faletua. Mulimuli ane ina ua ia taumafai e faaliliu le Tusi a Mamona sa ia le mafai. Sa alu atu loa o ia i se togavao ma tatalo ai, ma ina ua toe foi mai o ia sa ia fai atu ia Ema lona faletua ina ia faamagalalo o ia. Ma ana ia le faia lena mea semanu e le mafai lava ona ia faaliliu. (From a statement by David Whitmer given Sept. 15, 1882, *Comprehensive History of the Church*, Vol. 1, p.131.)

O loo faamoemoe le Alii tatou te iloina mafuaaga o le le nonofo filemu lelei o o tatou aiga ma foia a tatou faafitauli.

O Mafuaaga o le le Nonofo Filemu o o Tatou Aiga

O loo taua mai e tusitusiga paia e faapea ua avea le faatosina a Satani ma se tasi o mafuaaga iloga o le le nofofilemu ma le feeseeseai.

Faitau 3 Nifae 11:29-30

Soo se taimi lava o le a oo mai ai le agaga o finauga i totonu o o tatou aiga, o le a tuua loa e le Agaga o le Alii i tatou. Ma a aunoa ma le Agaga o le Alii i o tatou aiga, o le a le mafai loa ona tatou toe fiafia ma lagona le olioli o le Alii ma lana talalelei.



O le a avea foi o tatou lava vaivaiga ma mea o le a pogai ai ona tatou fefinau ai ma isi (tagai i le lakopo 4:1). Afai e le maua e se tagata lava ia se toafilemu, o le a faigata foi ona nofo lelei ma isi. E aofia ai i vaivaiga e mafai ona tupu ai le le nofofilemu le tuinanau, o le matapeapea, o manaoga le mama, ma le fetineiai o talitonuga. Sa taua foi e Peresitene Spencer W. Kimball se tasi o vaivaiga faapitoa lava: "E mafai ona matitiva se ulugalii, ma maua i faamai, o le faanoanoa ma faamoemoega le taulau ma e oo foi i le maliu i totonu o le aiga, ae o le a le mafai e nei mea ona aveeseina mai le filemu mai ia i laua. O le a mafai ona faamanuiaina pea le faaipoipoga pe a faapea lava o le a le ulufale atu i ai i totonu le manatu faapito. O le a avea faalavelave ma faafitauli ma mea o le a tosina faatasi mai ai ni paaga i ni soofaatasiga e le toe motusia pe a faapea o le a matua leai lava ma se loto po o se manatu faapito o loo i ai." (*Marriage & Divorce*, pp. 19, 22.)

O le a le mea sa taua e Peresitene Spencer W. Kimball o le puna lea o le lē nofo filemu ma le lē fiafia i faaipoipoga?

E pei lava ona taua e Peresitene Kimball, o faafitauli lea o loo manatu taatele tagata ua mafua mai ai le le fiafia, e pei o le mativa ma faamai, o le a mafai ona tosina faatasi mai ai se aiga.

O a mea e tolu ua uma ona tatou talanoaina e mafai ona mafua ai le le nofo filemu i totonu o o tatou aiga? (Tusi tali i luga o le laupapa. E tatau ona aofia ai le faatosinaga a Satani, o fevaevaeiga tau le tagata lava ia ma le manatu faapito.)

O le Foia o Faafitauli Faaleaiga

O ala nei o loo i lalo ua tuuina mai e le Alii e puipuia ai pe foia ai foi faafitauli faaleaiga:

IA TALIA TIUTETAUAVE.

O matua ma fanau e tofua lava ma tiutetauave mo le isi.

Faitau i ai i nisi o nei tiutetauave i le Efeso 6:1-4. O a tiute o loo nofo aitalafu ai le alii talavou i ona matua? O a ni tiute o loo nofo aitalafu ai matua i a latou fanau? O le a faapefea ona fesoasoani le taliaina o nei tiutetauave i le siitia ma le faaleleia o le nofo fealofani i totonu o le aiga?

ALO ESE MA UPU LE ALOFA

E leai se avanoa mo upu ita ma le le alofa i totonu o o tatou aiga. Ua fautuaina mai i tatou e Elder Boyd K. Packer e faapea: "A o e ulufale i le feagaiga o le faaipoipoga, ia aua lava nei e tautala i se upu ita – ia aua lava. E le o se mea tatau ona e le o se mea manaomia. E toatele tagata ua latou aoao, o se vaega o le olaga faaipoipo le i ai o faigata, faafitauli, ma feeseeseaiga. O se aoaoga sese lena aoaoga. E le o se mea tatau ma e le o se mea manaomia. Ou te iloa o se mea lava e mafai ona fai, le nonofo faatasi i le alofa e aunoa ma le i ai o se upu ita e felafolai i lo lua va. (*Eternal Marriage, Speeches of the Year*, BYU, April 14, 1970, p. 6) O le tali filemu e liliueseina ai le ita; a o le upu faatiga e tupu ai le ita. (Tagai i le faataoto 15:1).

20-a. O le alofa o le faavae lea o le mauaina e le aiga o se olaga fealofani.

O le a le eseesea i le talanoaina o eseesea ma finauga?

IA TAUTINO PE A I AI SE MEA UA SESE

Ua uma ona tuuina mai e Peresitene Spencer W. Kimball le fautuaga: “Talu ai o outou o ni tagata soifua, atonu e i ai se aso e oo ai ia te outou ni feeseeseaiga i manatu ma oo ai ina fai ni nai tauupuga laiti . . . Sei o tatou faapea ua oo se tulaga faigata i se ulugalii; ua felafoai upu le lelei; ua faamanu’aina loto; ma ua manatu ifo le tagata lava ia o le tasi lava e pau i ai le sese. Ua leai se mea e fai e faaleleia ai le manua. Ua mavae atu itula. Ua le momoe lelei i le po, ma ua oo mai foi le isi aso o le fefaauua’i ma le le fealofani ma ua atili ai le le femalamalamaa’i. Ua faaputu lava le ita seia oo ina tele ma ua totogi loa ma le loia, motusia loa le aiga, ma ua oo ina faaleagaina olaga o matua faapea foi ma le fanau.

“Peitai o loo i ai se vaifofo lea ana fai e faaoga vave, o le a le toe umi sina taimi ae toe foi i le tulaga lelei o le mafaufau e pei ona sa i ai; . . . e i ai mea taua o le a aafia – o lou alofa, o oe lava, lou aiga, ou uiga lelei, lou faaolataga, ma tulaga e mafai ona e oo i ai i le faavavau—e le mafai ona e gafatia avanoa. E tatau ona folo lou faamaualuga, ae faapea atu ma le lototoa [i lou toalua:] “Lau pele e, ua ou sese. E lei i ai so’u manatu e faatiga ia te oe. Faamolemole faamagalalo mai au.’ Ma [e tatau ona tali mai lou toalua:] ‘La’u pele e, o au lea ua sili atu lo’u sese nai lo oe. Faamolemole faamagalalo mai au.’ Ona fusi ai lea e le tasi le isi ma toe oo lo oulua olaga i se tulaga lelei. A oo la ina oulua momoe i le po, e leai se mea e toe manatua, ma o le a le toe i ai foi se feitagai i lo oulua va a o fai la oulua tatalo faaleaiga.” (*Faith Precedes the Miracle*, pp. 134–35.)

O a nisi o mea e mafua ai le feeseeseaiga ma feupuaiga? E mafai faapefea e le iloa o mafuaaga o faafitauli ona fesoasoani ia i tatou e foia ai? Aisea e faigata tele ai le ta’u atu ua sese?

Ua uma ona tau mai e Peresitene Spencer W. Kimball ia i tatou ina ia tautino atu a tatou mea sese ma faapea atu “Ua ou sese.” A tatou faia lenei mea ma le faamaoni, o lona uiga ua tatou uia se laasaga tele lava agai i luma i le faafilemuina o le feeseeseaiga ma le nofo filemu i totonu o le aiga. E tatau foi ona fai e matua lenei mea faatasi ma a latou fanau, ae le faapea e na o le tasi i le isi.

TATALO

O le nofo filemu i totonu o le aiga e uunaia pe a tatou ole atu i le Alii e ala i le tatalo faaleaiga po o le tagata lava ia ina ia fesoasoani mai ia i tatou e faatoilaloina o tatou eseesea.

Faitau i le 3 Nifae 18:19-21. Ia manatua o se tiute le tatalo i totonu o o tatou aiga. E faapefea ona fesoasoani le tatalo e foia ai faafitauli tau le aiga?

AGALELEI

O se tasi o mataupu faavae o loo tuuina mai e tusitusiga paia e fesoasoani ai ia i tatou ina ia sili atu ai ona fiafia o tatou olaga i totonu o o tatou aiga o le agalelei lea. Ua poloaiina i tatou, e pei o le mea moni, ina ia agalelei, ma ia alolofa ma loto faamagalō. Ua fautuaina e le gata i fanau po o tamaiti ae faapea foi ma tagata matutua i totonu o se aiga ina ia ave le tasi i le isi ma le agalelei e pei ona faaalua mai e Keriso ia i tatou. I nei la mataupu e tatau lava ona avea Keriso ma o tatou faaitaiga. (Tagai i le Efeso 4:29-32.)

Fesili i se tasi o ia umia le Perisitua Arona ua tofia e tau atu po o a mea e mafai ona fai e se allii talavou e fesoasoani ai i le silitia ma le faaleleia o le nofo filemu i totonu o le aiga.

Ua uma ona aoao mai e Peresitene Spencer W. Kimball i nei upu ala e maua ai le fiafia i totonu o le aiga: “E te fesili atu, “O le a le tau o le fiafia?” O le a e matua maofa lava i le faigofie tele o le tali. O le fale o le oa o le fiafia atonu e le o lokaina ma o le a tumau pea ona tatala mo i latou e faaogaina nei ki: Muamua e tatau ona e ola i le talalelei a lesu Keriso i lona tulaga mama ma le faigofie . . . Lona lua, e tatau ona faagalō ia te oe oe lava ma alofa i lou soa e sili atu nai lo oe. A e faia nei mea, o le a e maua le fiafia e tele ma o le a faateleina. (*Faith Precedes the Miracle*; p. 126.)

E faapefea ona puipuia ma foia e le agalelei ma le tatalo ni faafitauli o le aiga?

O le tala lenei oloo faamatala mai ai le ala na maua ai e le tina le nofofilemu ma le fiafia i totonu o lona aiga:

“O lenei mea na tupu tusa ma le vaiaso ina ua mavae ona matou aveina le tama o Ueni e sefulu tausaga le matua i totonu o lo matou aiga e ala mai i le polokalama e faanonono ai tamaiti Initia i aiga o le Au Paia o Aso e Gata Ai i le taimi aoga. O ia o se tama aulelei tele ma le atamai, peitai, e ao lava ona ia faamaonia ia lava i isi tama. Sa masani lava ona latou tauai fusu, ma sa mafai lava ma lelei lana fusu e pei foi o i latou.

“Sa telefoni mai lona faiaoga i se tasi aso. Sa faailoa mai e le faiaoga ia te au e faapea sa i ai se faalavelave na tupu i lo laua va ma Ueni i le aoga. Sa le faaloalo Ueni ia te ia ma isi faiaoga. O lenei mea o se lui ia te au, aua sa leai lava ni faalavelave ma ni mea na tutupu i lau lava fanau, ma sa fai ma mea ua sili ona ou le fiafia ai. Sa matua tetele ae lou le malie, ona ua le tasi ona faia, ma sa amata loa ona ou faaaoao mea uma o le a ou tau atu ia Ueni pe a foi mai i le fale mai le aoga. “E tatau ona ou taofia lenei faafitauli a o lei tupu tele, “sa ou fai ifo ai ia te au lava.

“O le mea na sili ai ona leaga, ona sa tuai mai Ueni i le fale mai le aoga, ona o se fuafuaga sa faia ma se tasi o tama latou te tuaoi. Sa la tauai fusu mai le mea na tu ai le pasi sei oo mai lava i le fale. Na oo ina oo mai i laua i totonu o lo matou fanua. Sa matua tigaina i laua uma i la la fusuaga. Sa ou faatalitali mo sona taimi, seia oo lava ina faitetele

le fusuaga, ona ou laa atu loa lea ma tu i le faitotoa ma valaau atu ia Ueni ia sau i le fale.

“Sa ia le amanaia mai au. Sa ia le fia solomuli mai le isi tama. A o ou vaavaai atu i ai, sa amata ona oso ae lo’u ita tele. Sa ou faatonu Ueni ina ia alu atu i totonu o le fale. Sa ou matua ita tele ina ua ou iloa e le mafai ona ou faafeagai ma se faafitauli a o i ai i se tulaga faapea, o lea na ou tuliina ai o ia e alu i lona potu e faitau ai.

“Sa faatumulia au i le ita, sa ou alu atu i lou potumoe ma tootuli ai ma tatalo. Sa ou tatalo atu mo le poto e taulimaina ai lea faafitauli, ma sa ou aioi atu foi e ala i le Agaga Paia ina ia mafai ona ou iloa ni upu e tatau ona tautala ai. A o ou tu ae ina ua mavae lau tatalo, sa ou faalogoina se lagona mafana, ma le toafilemu i totonu ia te au. Sa amata mai lea lagona i lou ulu ma faapea ona oo ifo ai i ou vae.

“E miliona ma miliona manatu na oo mai i lou mafaufau a o ou tatalaina atu le faitotoa o le potu o Ueni ma vaai atu ia te ia o nofo mai i le pito o le moega ma le tusi o i ona lima. Sa ia pupula e pei lava e leai se mea na tupu a o ia nofo i totonu o le potu; e pei lava o loo i ai o ia i fafo ma saoloto ai, e pei lava ona ia masani ai ona faia. Sa oo ifo vave lava le tiga alofa i lou loto i lenei tamaitiiti ona e pei lava ua tuua na o ia, o se tamaitiiti na tupu ma ola mai i ia lava tulaga masani ma tuu atu i se isi lalolagi ese e le masani ai, ma ola ai i ni tulafono e ese mai ai. E tatau ona ia faamaonia atu o ia i isi tama e lelei tele o ia po o le sili atu foi i lo latou.

“Sa ou nofo atu i le pito o le moega i ona tafatafa. O upu muamua lava na ou tautala i ai sa faateia ai o ia e oo lava foi ia te au, sa ou faapea atu ai, “Ueni, faamagalo mai au ona ua ou le fafia ma ou ita ia te oe.” Ona ou tau atu lea ia te ia le mea na tau mai e ona faiaoga ia te au ma tuu atu le avanoa ia te ia e faamatala mai. Sa ma faia se talanoaga matagofie ma le lelei, sa ia faamatala musumususu ia te au, ma sa ma femusuai. Sa matua tele lava le eseese mai le leo sa ou faamoemoeina e faaoga ae ou te lei valaau atu i lou Tama Faalelagi mo se fesoasoani. O se tulaga moni lava faaleagaga le mea na tupu ma sa sili ona lelei lea tulaga i le va o Ueni ma au nai lo soo se isi lava mea.

“Faafetai ona o loo i ai ia te i tatou le tatalo, atoa ma le meaalofo a le Agaga Paia e taitaia ai i tatou pe afai tatou te valaau atu ia te ia.” (Myrna Behunin, “Sa Ma Talanoa Taumusumususu,” *Liahona*, Aokuso 1976 itulau 19-20)

Faaiuga

O itu taua o loo puipuia ai ma foia ai faafitauli faaleaiga o—

- Taliaina o tiutetauave.
- Alo ese mai le faia o upu faatiga.
- O le ta’u atu ua sese.

-
- Tatalo.
 - Agalelei
 - O le matua usiusitai atu i le talalelei.
 - O le alofa atu i a tatou uo e sili atu nai lo i tatou.

Lui

1. Ia atinae ma faaleleia le fiafia o lo outou lava aiga i le vaai pe o a mafuaaga o le le nofo filemu o tagata o le aiga.
2. A faapea sa i ai sa oulua feupuaiga mamafa ma se tagata o le aiga, tau i ai ua e sese.
3. Ia e agalelei i tagata o le aiga.

Mau Faaopoopo

Mataio 7:12 (o lo tatou va fealoai ma isi)

Kalatia 5:22 (o fua o le Agaga)

MFF 88:119-126 (o fautuaga mai le Alii i tagata o le Ekalesia)

Sauniuniga a le Faiaoga

A o lei tuuina atu lenei lesona:

1. Faitau i le mataupu e 36, "E Mafai ona Faavavau le Aiga," i le tusi lesona o *Mataupu o le Talalelei*.
2. Ia i ai se laupapa ma se penisina.
3. A e manao i ai ona tofi lea o se tasi o ona umia le Perisitua Arona e faamatala pe faapefea ona siitia ma faaleleia e alii talavou le nofo lelei ma le fealofani i totonu o le aiga.
4. Sauni e usu le pese "A i ai i le Aiga le Alofa" (*Viga* nu. 181) i le faaiuga o le vasega.
5. Tofi ni tagata o le vasega latou te faamatalaina mai ni tala po o ni mau i totonu o le lesona.

Taulimaina o Mea Tau Tupe a le Aiga

Lesona 21

O le faamoemoega o lenei lesona ina ia fesoasoani ai ia i tatou e faaaoga faiga po o tulafono faavae o le pulea ma le faatautaia ma le atamai o mea tau tupe.

Faatomuaga

Mai le tele o mau e faasino i tupe ma le oa o loo taua mai i tusitusiga paia e tele lava o loo lapataia mai ai i tatou ina ia aua nei o tatou naunau atu i le oa. O le mafuaaga la lenei, o le toatele lava o tagata ua latou fefefe faapea o tupe uma lava e leaga ma atonu o le a latou faia se mea e le fiafia ai le Alii pe a latou faamaumauina le taimi ma le malosi i le sailiga ma le faasaoina o le tupe. A e le moni la lenei mea. O le naunau lava i le tupe e leaga aua “o le pogai lea o mea leaga uma,” ae le faapea o le tupe lava ia. (Tagai 1 Timoteo 6:10).

Ua uma ona saunoa mai Peresitene Spencer W. Kimball e faapea: “E le faapea o tupe uma e leaga. O loo i ai foi tupe mama-tupe mama la na e faatau ai mea taumafa, lavalava ma fai ai fale, ma fai ai lafoga.” Sa faaauau le saunoaga a Peresitene Kimball i lona faamalamalamaina mai e faapea o le tupe mama o le totogi lea e tatou te maua mai i a tatou galuega faamaoni. Fai mai a ia faatoa leaga lava ma eleelea le tupe pe a faapea na mafua ona maua mai ona o se ala e le faamaoni. (Tagai i le *Faith Precedes the Miracle*, pp. 235-36.)

E le o le faailoga o le agavaa o le mauoa po o le mativa o se tagata. O nisi o tagata iloga o le Atua sa mauoa ma sa matitiva foi nisi. O le aofai o le tupe o loo ia i tatou e le taua, ae o le ala e maua ai ma faaaogaina ai. O le faaaogaina o tupe e faatau mai ai mea faaletino e mananao i ai o tatou aiga, mo se faataitaiga e le gata ina o se mea tatau, ae ua faapea foi ona poloaia mai ai i tatou e le Atua (tagai i le 1 Timoteo 5:8). O le poloaiga la lenei ina ia tatou tausia o tatou aiga o loo faafaigofieina ina ia usitaia e ala lea i le aoaoina ma le faatinoina o tulafono faavae o le pulea po o le faasoasoaina ma le atamai o tupe.

O Tulafono Faavae O le Pulea ma le Atamai o Mea Tau Tupe

E ui lava ina o mea uma o loo i luga o le fogaeleele e ou le Alii ia (tagai i le Salamo 24:1), ae na te faatagaina lava i tatou e faaaoga ma avea ma i tatou nisi o ana mea faaletino nei. Ae ui i lea, ua lapataiina mai i tatou o le a lafo mai e le Alii ia i tatou le taunuuga o le a oo iai le pulea ma le faaaogaina o mea ua ia faatagaina mai i tatou e faaaoga. I le faataoto o taleni, mo se faataitaiga o loo aoao mai ai e le Faola ia i

tatou le taua tele o le pulea po o le faatautaia lea o a tatou mea totino faalelalolagi.

Fai atu i le tagata o le vasega sa tofia e faamatala mai le faataoto i taleni e pei ona maua i le Mataio 25:14-30. (I ona po o Iesu, o le taleni e tusa lea o se vaega o tupe.)

O loo ia i ni tulafono faavae se tele e tatau ona tatou iloiloia i le pulea lea ma le atamai o a tatou tupe.

Lisi mai tulafono faavae taitasi i luga o le laupapa e faatatau i le pulea ma le atamai o mea tau tupe a o talanoaina.

IA FAAMUAMUA LE ALII

O le tupe muamua lava ma le pito taua e ao ina tatou totogiina o le sefuluai lea. Ua uma ona folafolaina mai e le Alii ia i latou e totogi a latou sefuluai ma le faamaoni o le a ia “sasaaina . . . le manuia mo i latou, ia maua tele lava ma tau le lava se mea e tuuina i ai” (Malaki 3:10). E ui lava ina e le o folafolaina mai e le Alii ia i tatou ni oa se tele pe a tatou totogiina a tatou sefuluai ma taulaga, a e o loo ia folafola mai o le a ia faamanuia ia i tatou e le gata i le faaleagaga ae faapea foi ma le faaletino.

GALUE

O le galue e le o se mala, ma o loo tuuina mai ai ia i tatou le avanoa e tatou te tausia ai ma vaaia o tatou aiga. E faatoa tatou maua lava le saogalemu i tatou aiga. E faatoa tatou maua lava le saogalemu i le itu faaletino i lo tatou galulue punou ai pea e le aunoa. (O le Lesona e 23 o lenei tusi lesona o loo i ai fautuaga o le atinae ma le faaleleia po o le siitia o agavaa tau galuega.)

ALO ESE MAI AITALAFU E LE TATAU ONA FAIA

E tatau ona tatou faamaoni i o tatou uso a tagata. Afai o i ai sa tatou aitalafu, e ao ona tatou amata faamamaina i tatou lava, e ala i le totogiina e le aunoa, tusa pe na o sina mea itiiti i le taimi. Sa taua e Peresitene Ezra Taft Benson o se tasi o le Aufono a le Toasefululua e faapea, “Aua nei o tatou faaogaina tupe e sili atu nai le mea tatou te maua (totogi). Sei o tatou alo ese ma le nofo aitalafu . . . Ma sei o tatou usitai atu ia ma tausisi i fautuaga mai taitai o le Ekalesia. Alo ese mai le nofo aitalafu!” (“Pay Thy Debt, and Live,” *Speeches of the Year*, BYU, Feb. 28, 1962, p. 12.)

E faapefea ona tatou alo ese mai aitalafu e le tatau ona fai?

FUAFUA A E LE I FAAALUINA

Faitau le Luka 14:28. O le a le uiga o lea fuaitau o le “faitau le tau”?

E pei ona taua mai e lenei mau ia i tatou, e tatau ona tatou fuafua ma le faaeteete ae le i faaaluina a tatou tupe. O le toatele lava o tagata e mafua ona nofo aitalafu ona o lo latou le pulea o le faaaluina. A faapea o le a fuafua e se aiga se ala e faaogaga ai a latou tupe, o le a latou alo ese mai faalavelave tau tupe.

FAASAO

Mo le toatele o tagata e faigata tele le faasaoina o tupe. A o i tatou o tagata o le Ekalesia, ua uma ona fautuaina i tatou e le aunoa ina ia faasaoina sina vaega o lo tatou totogi e le aunoa. A faapea o le a tonu i o tatou mafaufau e faasao tusa lava pe na o sina vaega itiiti lava o o tatou totogi, tusa lava po o tupe po o nisi mea, o le a oo mai le aso tatou te fiafia ai ina ua tatou faia lea fuafuaga. I le faatulagaina o se polokalama mo le faasaoina, e tatau ona tatou iloa e sili atu ona faigofie ona faasaoina pe a faapea o loo i ai so tatou faamoemoe faapitoa, e pei ona agai atu mo le faia o se misiona, po o le malaga atu foi i le malumalu e faamauina ai.

FAAALU MA LE FAAETEETE

E manaomia lo tatou iloiloina ma le faaeteete o le taua o faatauga taitasi a e le i oo i le taimi e faia ai. O le tele lava o mea e tatou te faatauina e matua leai lava se aoga ia i tatou po o tatou aiga. A faapea o le a matua faaavanoa lava se taimi e tatou te mafaufau ai i le aoga mo le lumanai o soo se mea lava ae tatou te le i faatauina, o le a faapea ona tatou alo ese ai ma le faatauina o mea tatou te le mananao i ai. E toetoe lava o i tatou uma e mafai ona faaleleia i se tasi po o le sili atu foi o nei tulaga. O le a fesoasoani mai le Alii ia i tatou e faaleleia atili ai a o tatou faamuamua o ia ma mulimuli atu i tulafono faavae o le pulea ma le atamai o tupe.

Faitau le 2 Nifae 9:51. O a nisi o mea e "leai ni aoga" ia o loo faasoosoina ai i tatou e faaalu ai a tatou tupe?

O le Faaogaina o Fonotaga Faaleaiga e Pulea ai Tupe

O le tele lava o taimi ua tatou faaaogaina ai toetoe lava o tupe uma o loo tatou maua. E foliga mai ua alu i luma le faateleina o le saosasoa o o tatou mana'o nai lo le tupe po o totogi o loo tatou maua. O le mea lea e taua tele ai, le faasoasoa ma le faatatau o a tatou tupe ma le faaeteete. E ui lava ina e eseese lava aiga i o latou manaoga ma mea latou te fia maua, ae o le tele lava o aiga e latou te iloa e fesoasoani tele le mulimuli atu i se fuafuaga e faapenei:

Faali le ata 21-a, "O fonotaga faaleaiga o se taimi lelei lea e fuafua ai se paketi."

E tatau i tagata uma o le aiga ona talanoa i mataupu tau tupe ma malilie i se faiga mo le taulimaina o a latou tupe. E mafai ona faia lenei mea i le faia lea o se fonofono a le aiga e pule faamalumalu ai le tama ae auai uma tagata o le aiga. I lenei feutagaiga e tatau i le aiga ona faia ni a latou faasologa po o le lisi o mea uma lava e maua mai ai ni a latou fesoasoani mo le faaaogaina e le aiga. E mafai ona aofia ai i lenei lisi tupe e maua e tagata o le aiga mai galuega, faapea le faatau atu

21-a. O le fonotaga faaleaiga o se taimi lelei lea e fuafuaina ai le paketi.



予算

一月に支給される給与 30000円

一ヶ月の給与	30000円
生活費	10000円
食費	20000円
交通費	20000円
雑費	20000円
貯蓄	10000円
教育費	30000円
医療費	25000円
その他	20000円
合計	270,000



o fualaaui aina ma isi fua o laau toto e i ai sana, po o galuega taulima foi e faia i le aiga e faatauina atu i isi tagata.

O le mea e sosoo ai, e tatau i le aiga ona tusi uma lava i lalo o latou manaoga ma mea e latou te fia maua, e lisi muamua lava mea e sili atu ona taua ona sosoo ai lea ma isi mea e manaomia ae le afaina pe a le maua. E mafai ona aofia ai i le lisi saofaga mo mea e fai i le Ekalesia, teuga tupe (mo mea e i ai le malaga atu i le malumalu, le alu atu e fai se misiona, ma le maua lea o se aoaoga), o lafoga, ma tupe ua fuafuaina mo le fale, mea taumafa, lavalava, mea faigaluega, femalagaaiga, ma faafiafiaga.

Ma o le mea mulimuli lava, e tatau ona malilie le aiga i se aofaiga o se tupe o le a faaavanoa mo mea taitasi. Atonu o le a le faatauina lava nisi o mea o loo i le faaiuga o le lisi, ae sili atu ona faatau o mea lava e matua tatau nai lo le faatau o mea e le taua ae tei ane ua le lava se tupe e faatau ai mea e tatau. Sa taua e Peresitene Polika laga e faapea i se tasi vaitaimi, "e tele naua o tatou manaoga, ae o mea tonu e tatau mo i tatou e itiiti. Sei o tatou pulea ia o tatou manaoga i mea e tatau mo i tatou, ma o le a tatou iloa ai iina o le a le tosina atu i tatou e faaalu a tatou tupe mo mea e le tatau. (*Discourses of Brigham Young*, p. 297). Sa ia faamalamalama foi i se tasi taimi e faapea o le mativa e mafua mai i le leai o se fuafuaga ma se faaiuga atamai. Sa ia maitauina o le toatele lava o tagata e iti a latou tupe po o isi mea e latou te maua e latou te faamaumuina i mea e le aoga seia oo lava ina tele a latou aitalafu. (See *Discourses of Brigham Young*, p. 317.)

Faaali le ata 21-b, "O se paketi faataitai."

O le a tele o tatou faamanuiaga pe a tatou fuafuaina ma le faaeteete ma faaoga ma le tatau a tatou tupe. O le faatuina o sini, ma le faia o fuafuaga, ma le galulue faatasi ina ia faataunuuna nei mea uma o le a faatagaina mai ai i tatou e tatou te tausia ma vaaia o tatou aiga e pei ona poloai mai ai le Alii. Ma o se isi faamanuiaga o le a faaopoopo mai ai ona o le galulue faatasi o le alofa lea o le a sili atu ma le lotogatasi o le a olioli ma fiafia i ai o tatou aiga.

Fai atu loa i le tagata o le vasega lea na tofia talu ai e faamatala mai le tala o loo i lalo e faataitai i se tasi o le Au Paia i le Pasefika i Saute, i Vaha' i Tonga.

"Ina ua ma taunuu i le fale sa ou fai atu i la ma fanau e toafa afai latou te fesoasoani mai, e mafai lava ona matou malaga faatasi i le malumalu. Sa ou faapea ifo i lou loto, "E faapefea ona ou fai atu, ia e tama lelei, ia e teine lelei, pe afai e le o faamauina au ia i latou i le malumalu? Sa ia te au le lagona e le o sau fanau i latou.

"E lua tausaga o toetoe o mea uma na matou ositaulagaina. Sa ou vaevaeina lou totogi mai le aoga mo i matou taitoatasi, ona faasaoina lea o na tupe. Ae sa matou totogiina lava a matou sefuluai ma taulaga

21-b. O se ata faataitai o le paketi

Paketi

Aofaiga o Tupe Maua

Sefuluai - 10 pasene

Fesoasoani i le Ekalesia

Tupe Teu

Meaai

Lavalava

Fale

Falemai

Femalagaiga

Mea e faaaoga i le fale

Isi

Isi

Isi

Aofai o Tupe Faaalu

anapogi. Sa na o le 70 sene lava le mea e totoe i o matou lima i masina taitasi. O le ala lenei sa matou ola ai ma lo'u aiga i le 70 sene i le masina mo tausaga e lua. Sa matou ola i mea sa mafai ona matou totoina ma faaputupu. Ou te manatuaina lava e ala po lo'u toalua i le taeao e fai a matou salati fa'i ma le sua o le niu. Sa le mafai e la'u fanau ona faatau se lole po o ni seevae pe o i ni tifaga aua sa faasoina a latou tupe e o ai i le malumalu . . .

“O osigataulaga na mafai ai ona matou malaga i Niu Sila, e faamauina ai i le malumalu. Sa oo ina matou faia nisi gaoioiga ina ia faataunuuna a matou sini, ae o se faamanuiaga sili lea ia te i matou.” (“E Na o le 70 Sene na Matou Ola ai i le Masina ona o le Malaga i le Malumalu,” *Liahona* Iulai 1976, itulau 12-13.)

Faaiuga

Ua uma ona fautuaina mai i tatou e lo tatou Tama Faalelagi ina ia pulea lelei a tatou tupe ina ia mafai ai ona tatou tausia o tatou aiga ma fialia. A faapea o le a tatou le tausia o tatou aiga o le a tuuaia i tatou e le Alii. Ina ia tatou tausia ma vaaia o tatou aiga e tataua ona tatou mulimuli atu i laasaga faavae ma tulafono faavae e taitaia ai le pulea ma le atamai o tupe. A faapea o le a tatou faamuamua mea faaleagaga, o le a fesoasoani mai foi le Alii ia i latou e pulea a tatou tupe.

Lui

la suesueina pe faapefea ona e faaaogaina lau tupe ma faatulaga pe faavaeina loa se paketi e mafai ona faagaoioi i lou mulimuli atu lea i aiaiga faavae o loo ootooina mai i totonu o le lesona

Mau Faaopoopo

Faataoto 22:7 (o le tagata o loo aitalafu e fai ma auauna i le e ona le tupe)

Malaki 3:8-11 (o le totogiina o sefuluai ma taulaga e aumaia ai faamanuiaga)

Iakopo 2:18-19 (e ao ina tatou muai saili muamua le malo o le Atua ae tatou te le i saili atu i ni oa)

MFF 56:16-17(o lapataiga i e mauoa ma e matitiva)

MFF 104:11-13 (e pau lava i tagata uma mea o le a tutupu mai ona o le tulaga o lo latou auauna atu i faamanuiaga faalelalolagi)

Sauniuniga a le Faiaoga

A o lei tuuina atu lenei lesona:

1. Faitau le mataupu e 27, “Galuega ma Tiutetauave Faaletagata” i totonu o le tusi lesona e taua o “*Mataupu o le Talalelei*”.
2. Faitau le Mataupu e 23, “Faatupuina ma le Faaleleia Atili o Atamai tau i le Faia o Galuega” i totonu o lenei tusi lesona.
3. Ia i ai se laupapa ma se penisina.
4. Tofia ni tagata o le vasega e tuuina atu tala ma mau i totonu o le lesona.

Gaosia o Mea ma Teuina i le Aiga

Lesona 22

O le faamoemoega o lenei lesona ina ia fesoasoani atu lea i le au perisitua taitoatasi ia malamalama ma faaoga le taua o le gaosia ma le teuina o mea i le aiga.

Faatomuaga

Sa fautuaina e Peresitene Kimball tagata uma o le Au Paia o Aso e Gata Ai ia avea ma tagata e faalagolago ia te ia lava ma ia tutoatasi (tagai i le “Saunia o Aiga, *Liahona*, Oketopa 1976 itulau 122-124) Sa tau e Peresitene Marion G. Romney e faapea “o loo ua tatou ola i aso e gata ai. Ua tatou ola i se vaitaimi e latalata i le afio faalua mai o le Alii o Iesu Keriso. Ua faatonuina i tatou ia mafai ona tatou saunia. . . . ma ia tutoatasi mai isi meaola uma i lalo o le malo selesitila. (*Conference Report*, Apr. 1975, p. 165 tagai foi i le MFF 78: 13-14.)

Faaali atu le ata 22-a, ‘O le a osofaia o tatou fale po o tatou aiga e puapuaga i taimi tatou te lei faamoemoeina”

Ua fautuaina i tatou e Peresitene Kimball ia avea i tatou ma tagata e faalagolago ia te ia lava aua o le a taunuu lava valoaga mai anamua. Sa ia faapea mai: “Ou te manatu nei ua oo mai le taimi o le a tele ai puapuaga, o le a tele ai foi afa ma tele lologa, ma tele mafuie. Ou te iloa o le a faapea ona faateleina a o tatou latalata atu i le iuga, ma o le mea lea e tatau ai ona tatou saunia mo ia mea.” (*Conference Report*, Apr, 1974, p. 184.)

Sa ia faapea mai foi: “Pe afai o le a oo mai taimi faigata, atonu o le a moomoo le toatele maimau pe ana faatumu e i latou a latou fagu fualaaui uma ma atinae se togalaau i o latou fanua i tuafale, ma totona ni nai laau e maua ai fualaaui aina ma maua ai mea e manaomia e i latou lava. Sa fuafua le Alii ina ia tutoatasi tagata uma, peitai ua tatou vaai e oo lava i le toatele o fai faatoaga o loo latou faatauina mai a latou susu mai fale susu ma faatau e tagata a latou laau aina mai faleoloa. Pe ana faapea la ua le mafai e taavale ona faatumuina fata o faleoloa, semanu ua toatele ni tagata ua fia aai.” (*Liahona* Oketopa, 1975 itulau 24).

Fai i uso e manatu faapea ua tapunia faleoloa ma ua tatau ai ona faalagolago ia latou lava sapolai mo mea uma. Fesili i ai, pe o le a le mea e mananao e i ai, pe gaosia foi i le fale pe afai e tulai mai na tulaga o loo mafaufau i ai.



22-a

Sauniuniga mo o Tatou Lava Manaoga

Ua faatonuina i tatou e Peresitene Kimball e “suesue auala aupito sili mo le saunia o a tou lava meaai . . . Afai e i ai ni tamaiti i lo outou aiga, ia faaaofia ai i latou i le faiga ae tuu i ai ni a latou matafaioi.” (“Family Preparedness,” p. 124.)

Ua tauina mai e Bishop Vaughn J. Featherstone ia i tatou mea e tatau ona tatou faatupuina pe afai o le a tatou saunia mo mea tatou te manaomia: “I le talanoaina o mea e tatau ona maua i totonu o le aiga: la tausia mea fafaga i le tulaga e talafeagai ai ma le tulafono. la toto laau ma fualaaui aina, pei o mago, vi, moli faapea foi ma kapisi, karoti, pepa, sana ma isi. O le a outou maua mea taumafa mo o outou aiga, ma o le a taumafaina e outou le tele o nei taumafa fou faatoa tauina mai. O isi mea taumafa o le a outou totonu e mafai ona teu ma avea o se vaega o a outou mea taumafa e faasaoina. la saunia ma ia maua isi mea aoga o le olaga e ese mai mea taumafa i se taimi ua mafai ai. la faia pe fausia a outou lava mea aoga. E tatau foi ona ou faapea atu, ia faamatagofie, toe faafouina vaega ua tuai o outou fale ma tausia lelei a outou mea totino.” (“Food Storage,” *Ensign*, Me 1976, p. 117.)

Faaali atu se pepa e faapipii pe tusia ai ata o loo faaalua ai mea o loo i lalo:

la tausia lafu manu.

Toto laau aina, mago ma moli.

Toto togalaau faisua.

Saunia ma teuina meaai.

Faia pe fausia mea e manaomia.

Toe faafouina ma tausia lelei meatotino.

IA TAUSI LAFU MANU

Faaali atu le ata 22-b “ E faigofie ona fai se lafumoa ma tausia

Afai e lava o tatou fanua, ma nonofo i se mea e mafai ona tatou tausia ai lava a tatou lafumanu, e tatau ona tatou faatauina mai ma tausia manu. A e tatou te lei filifili po o a meaola o le a tatou tausia, peitai ane, e tatau lava ona tatou saunia mo le tausia lelei o i latou. O le uiga o lenei mea o le aoaoina lea e uiga i meaai, nofoaga e tuu ai, ma le tausiga latou te manaomia ina ia mafai ai ona olaola lelei. O nisi meaola e faigofie ona tausia o moa, lupe, pato, ma le povi e tatau mai ai le susu.

Talanoaina ituaiga o lafumanu e masani lava ona tausia i totonu o le laufanua. Talanoaina ituaiga o meaai, mea e puipuia ai ma le tausiga lea e manaomia e meaola taitasi.

TOTO LAAU AINA, MAGO, VI, MA MOLI

Talu ai ona o le fua pea o mago, vi, ma moli i tausaga uma lava po o isi foi tausaga uma, o le mea lea e le manaomia ai le toe totonu i

22-a. E mafai ona oo mai se puapuaga i o tatou aiga i se taimi tatou te le o manatu i ai.



tausaga taitasi, e pei o fualaau aina. Ae peitai, atonu o le a latou le fua mai ni fua, mo le tele o tausaga ina ua maea ona totoina i latou, o le mea lea e tatau ai ona tatou totoina i latou i se taimi vave lava, pe afai o tatou te mananao ia maua ni fua ona o le manaomia tele. A e tatou te lei totoina i latou, e tatau ona tatou aoao po o le a le tele o le avanoa e manaomia e laau taitasi po o le vao pe a oo ina tupu maualuga e faapea foi ma le tausia lelei.

Talanoaina po o a ituaiga o laau aina, o moli, vi, ma mago e ola lelei i totonu o le lau fanua. Talanoaina ituaiga o tausiga e manaomia e laau taitasi.

TOTO TOGALAAU O LAAU FAISUA

Faaali atu le ata 22-c. "E tatau i aiga uma ona totoina se togalaau o laau faisua."

Ua tauina atu e Peresitene Kimball i aiga uma i totonu o le Ekalesia ia i ai se togalaau o fualaau aina. Sa ia faapea mai e tusa lava pe tatou te le faasaoina se tupe i lenei galuega, ae manaomia lava e aiga taitasi le suesue pe faapefea ona latou saunia mo i latou. E maua mai i le togalaau o meaai fou aemaise foi isi meaai e mafai ona tatou saunia ma teuina.


TEUINA O MEAAI

I nisi atunuu, o loo i ai tulafono e uiga i le teuina o meaai. Sa faapea mai Peresitene Kimball o i latou o loo nonofo i totonu o ia atunuu e tatau ona ava, usiusitai, ma lagolagoina le tulafono a le atunuu ma e tatau ona le teuina meaai, (tagai i le "Saunia o Aiga" itulau 122). Peitai e tatau ona tatou mulimuli i fautuaga a le Aii e teuina meaai pe afai o faatagaina le teuina o meaai ina nei oo mai se taimi o le a le toe maua ai se meaai. Ina ua lavea Hondura i se afa tele i le tauafu o le 1974, sa matua fiafia tagata o le Ekalesia iina o e na taumafai e teuina a latou meaai ua olioli ona ua lava ona latou saunia. I ni nai masina a o lei oo mai le afa, sa lapataiina i latou e le peresitene o le misiona, o meaai, o pi, falaoamata, araisa, ma isi meaai na latou faasaoina sa laveaiina le Au Paia mai le fia aai. (Tagai ia Bruce B. Chapman, "O le Afa i totonu o Honduras, *New Era*, Jan 1975 p. 31.)

E i ai auala e tele e saunia ai ma teuina a tatou meaai. E mafai ona tatou—Teuina i le eleele. O lenei faiga e lelei mo nisi fualaau e i ai aa ma isi fualaau eseese e lanu meamata lau pe afai e malulu ma mago le mea o le a tatou teuina ai. O timuga mamafa po o le tafe atu o le vai o le a faaleagaina ai i latou.

Ia faamago. Afai e i ai se vaitaimi o le mafanafana, ma tau mugala, e mafai ona faamago fualaau aina ma fualaau i fafo i le la. E pau lava le faafitauli e tatau ona tagai i ai o le ufiufiina po o le aumaia i totonu pe a timu.

22-b. E faigofie ona fai se lafumoa ma tausia



la tuu i fagu. O lenei auala e faigofie, peitai e leaga tele pe a le faia i le ala e tatau ai. Afai e faia i le ala e tatau ai o le tuufaguina o se auala sili atu lea mo le teuina o meaai ma faatumauiina ai lona manogi. O le tuuina faalelei i fagu e manaomia ai se pusa faamalulu, (o mea o loo faaaogaina e tatau ona faailoa atu i le tele o aiga.) O lenei foi auala e manaomia ai le puipuia o fagu mai le taei.

Faamasimaina po o le faasaoina. O se auala e le taugata lenei o le faasaoina o fualaaui aina, fualaaui ma fasipovi, ma e itiiti ni mea e faaaogaina ai po o le le manaomia foi.

FAIA MA FAUSIA MEA E MANAOMIA

Afai o le a feagai i tatou ma se puapuaga masani, atonu o le a manaomia e i tatou le sauni ia iloa kuka, faamamaina o tatou fale, ma faamamaina o tatou lavalava, o tatou tino, ma o tatou siosiomaga ona o lenei mafuaaga, e taua ai foi ona tatou teuina kalasini ma fasimoli, po o le aoao e fai aua taimi faafuasei. E faapea foi ona taua mea o muai fesoasoani, o vaillaaui fautuaina, o fasimoli ma isi mea e faaaoga mo le faamamaina, moligao, afitusi, ma isi mea e aoga mo le uelefea o le aiga. I soo se taimi lava e tatau ai, ia le na ona tatou teuina o ia mea, ae ia faapea foi ona aoao e mauaina mai ia mea.

TOE FAAFOU MA TAUSIA LELEI MEATOTINO

I se tulaga o se faalavelave, atonu ua faapea foi ona tatou feagai ma se manao o le toe fausia o tatou fale, fale o manu, po o pa e fasi ai povi. O le mea lea e taua ai i tagata o o tatou aiga le aoao e galue i laau ma isi mea fau fale ma aoao i le faaaogaina o mea faigaluega ina ia mafai ona latou faia ma toe faafouina mea fale ma isi mea e manaomia. Afai ua tatou aoao e toe faafouina ma faatumauiina a tatou lava meatotino, o le a mafai ona tatou faasaoina le taimi ma tupe ma tuu ai le faalagolago atu i isi tagata.

Aisea e taua ai le tausia o a tatou meatotino i se tulaga lelei?

Aoaina o Tomai Fou

O nisi o i tatou ua aoaina tomiai lea e mafai ona tatou aoaoina atu i isi tagata. Afai o ni tomiai e le o i ai i nisi o i tatou, e mafai ona tatou aoaoina mai tusi po o mekasini, vasega, tagata faigaluega a le malo, po o polokalama a le aoga.

O ai oi tatou e i ai se tomiai e mafai ona ia aoaoina atu i isi tagata? O fea o i ai tagata e aoaoina mai ia i tatou ia tomiai lea tatou te mananao e aoaoina? O a vasega e tatau ona tatou fautuaina a tatou fanau e o i ai i le aoga ina ia mafai ai ona aoaoina tomiai aoga? E faapefea ona tatou fautuaina o tatou aiga e aoaoina ia tomiai.

Faaiuga

O faafitauli ma faalavelave o vaega ia tau i le uiga moni o lo tatou i ai i luga o le fogaeleele. Ae ui i lea, afai tatou te aoao e tausia ma sailia meaai mo o tatou tino, o le a tatou le lagonaina taimi faigata aua o le a tatou saunia. Sa fetalai mai le Alii: "Afai ua saunia outou, o le a outou le matatau ai lava. (MFF 38:30)

Lui

1. Faatulagaina ese se taimi o lenei vaiaso e talanoa atu ai i lou toalua ma le aiga e uiga i le gaosia ma le teuina o mea i le aiga.
2. Fuafuaina po o a mea e te manaomia mo oloa e teu o le tausaga atoa.
3. Faatulagaina se fuafuaga e faataunuuina ai manaoga o lou aiga i le amataina lea po o le faia pea o se togalaau, aoaoina o se matata, po o le galue i se isi galuega.

Sauniuniga a le Faiaoga

A o lei tuuina atu lenei lesona:

1. Siaki i tagata faigaluega faalauaitale a le malo po o tagata ua i ai le poto masani.
 - A. Sailia po o a ituaiga o lafumanu o loo tausia i totonu o lou nuu ma po o a foi lafumanu e faigofie ona tausia.
 - E. Sailia po o a laau aina, o moli ma mago e ola lelei i totonu o le nuu ma po o le a le ituaiga o tausiga latou te manaomia.
 - I. Vaai pe i ai ni vasega o loo avanoa e mafai ona aoaoina tagata o le aiga i le fausia o fale, meaafale, ma isi mea manaomia. Afai e le o i ai se vasega o avanoa, ia sailia tagata e i ai ia atamai o e o le a naunau e aoaoina i latou.
2. Saunia le ata (poster) o loo taua i totonu o le lesona.
3. Tofia tagata o le vasega e tuuina atu tala ma mau i totonu o le lesona.

O le Atinae ma le Faaleleia o Tomai Tau Galuega

Lesona 23

O le faamoemoega o lenei lesona ia fesoasoani ia i tatou ia malamalama i le taua na tuuina mai ai e le Alii galuega, e faapefea ona filifilia lelei galuega, ma le auala e faaleleia ai o tatou tomai tau galuega.

Faatomuaga

O le uluai faatonuga faamaumauina lava na tuuina atu ia Atamu ina ua uma ona pau o le mataupu faavae faavavau lea o galuega. Sa tau atu e le Alii ia Atamu, “E te ai foi au meaa ma le afu o ou mata seia e toe foi atu i le elelee” (Kenese 3:19)

Ua tuuina mai e lo tatou Tama Faalelagi ia i tatou le tulafono lava lea e tasi. Sa tautino mai e le Au Peresitene Sili o le Ekalesia e faapea, “Ua avefa o se faamanuiaga le manaomia o i tatou e galulue, mae tatau ona tatou faia ma le naunautai ma ia aunoa ma se faitio.” (“First Presidency Urges Frugality, *Ensign* Mar, 1975, p. 75.) O le galue o se tasi lea o ki i le ola e faavavau. Ua silafia e lo tatou Tama Faalelagi atamai ma le alofa, o le a tatou aoaoina mea e tele, totona mea e tele, maua mea e tele, ma sili atu ona faamanuaina mai se olaga galue nai lo se olaga faafililemu.

Faaali le ata 23-a “O galuega o se faamanuiaga ua tuuina mai ia i tatou e lo tatou Tama Faalelagi.”

O le Filifilia ma le Atamai o Galuega

O le filifilia o a tatou galuega o se mea sili ona taua. E tatau ona tatou faaputupuina mea taua, faia filifiliga tatalo, maua aoaoga ma le malamalama, ma sailia loa mo galuega lea e mafai ai e i tatou ona saunia mo o tatou aiga.

Tusi laasaga nei e fa i luga o le laupapa.

FAAPUTUPUTU MEA TAUA

A o tatou laiti, e tatau ona tatou fuafuaina le ituaiga o galuega e lelei mo i tatou i le manatu lea i a tatou taleni, agavaa, ma mea e fiafia i ai. E tatau ona tatou manatua o le a sili atu lo tatou fiafia pe afai tatou te faia se mea tatou te fiafia i ai. E ui lava o nisi o i tatou ua uma ona i ai galuega e lei maua se avanoa e filifili ai a tatou galuega, e mafai lava ona tatou mulimuli i le auala lava lea e tasi e faaleleia ai le tulaga o a tatou galuega.

A o lei filifili i se galuega, e tatau ona tatou mafaufau i le lumanai o le galuega. Ona o suiga eseese ua i ai le lalolagi, ua tele galuega ua le



toe i ai ma isi ua faavaeina. E tasi lava le auala e mafai ona tatou iloa e uiga i le lumanai o le galuega ua tatou mafaufauina, o le fesili atu lea i uo, aiga, usoga i le perisitua, ma taitai o le Ekalesia e uiga i ia galuega. I nisi taulaga e i ai tagata e pulea galuega ma faalapotopotoga e mafai ona fesoasoani. E mafai lava ona tau mai ia te i tatou e aoga a matata eseese, aoga maua luga, ma iunivesite po o a galuega o loo avanoa. Afai e maua se nusipepa, o le vaega lava o “Fesoasoani Manaomia” e faailoa mai ia galuega o loo manaomia.

Afai e filifili se galuega, e tatau ona tatou vaai mo galuega e fesoasoani ia i tatou ia faatumaui ai le vavalalata i le Ekalesia. O loo i ai nisi o galuega e manaomia ai i tatou ia alu ese mai le aiga mo se vaiitaimi umi po o le ofoina atu o aiaiga o galuega lea atonu e puipuia mai ai i latou i le ola atoatoa i le talalelei e pei ona tatau ai ia i tatou. O ia tulaga e mafai ona tuuese i le filifilia lea ma le faateete o a tatou galuega. Afai ua tatou i ai i se tulaga o galuega e le talafeagai ai, e mafai ona tatou galulue ina ia agavaa i tatou mo se isi galuega.

Faali le ata 23-b “O le a taitaia i tatou e le Alii i galuega tonu pe afai tatou te ole atu ia te ia.”

TATALO

O se mea taua tele le saili atu mo le fesoasoani a le Alii pe a tatou saili mo se galuega. O le tatou matafaioi o le faia o le filifiliga, ae o le Alii o le a fesoasoani mai ia i tatou i le filifiliga tonu pe afai tatou te tatalo ma le faamaoni. Peitai o le tatalo toatasi e le lava. Sa faapea mai Peresitene Polika laga: “E lei taitaiina au e lou faatuatua e mafaufau faapea o le a saunia e le Alii mo i tatou ni puaa vela, ma le falaoa ua uma ona faapata, . . . o le a ia tuuina mai ia i tatou le agavaa e toto ai laa e maua ai le falaoamata e fai ai le falaoa, e maua ai fua o le elelee, ia fai ai ni mea e nonofo ai.” (*Discourses of Brigham Young*, p. 291.)

A o faia a tatou filifiliga faaiu tatou te naunau e tatalo ma maua le filemu o le mafaufau lea e oo mai pe afai ua tatou iloa ua taitaiina i tatou e le Agaga Paia. Ia faapea loa ona tatou mananao e galulue i la tatou filifiliga. O se tasi uso na faaogaina ia mataupu faavae e suia ai lona olaga ma le galuega o Taisho Komura o Iapani

Faitau le tala o loo i lalo:

Sa faigaluega Taisho Komura e avea o se tagata oti ulu i totonu o Iapani. O se tasi aso sa oo atu ai se faifeautalai ia te ia ma sa papatiso ai mulimuli ane.

I le taimi o la lau talanoaga, sa ia iloa ai le tausia o le Aso Sapatu ia paia. Peitai ane o le Aso Sapatu, o lona aso pisi lea i le fale oti ulu. Ma, ina ua uma ona talosaga e uiga i le faafitauli o le tausia ia Paia o le Aso Sapatu, sa ia filifili loa e ulufale i le aoga e suia ai lana galuega.

23-a. O le galue po o le toaga o se faamanuiaga lea ua tuuina mai e lo tatou Tama Faalelagi ia te i tatou.



la tuuina atu i ni tagata o le vasega e faamatala mai pe faapefea ona fesoasoani le tatalo ia i latou i le faia o filifiliga lelei.

IA ATINAE TOMAI TAU GALUEGA

Faaali le ata 23-C, "O le atinae o se tomai e manaomia ai le tele o le taimi ma le finafinau."

O le atinae o atamai tau galuega e manaomia ai le taimi ma le finafinau. Afai tatou te mananao e faaleleia atili o tatou tulaga tau galuega, e tatau ona tatou naunau e suesue ma galulue ia maua le atamai ma aoaoga e tatau ai.

O tagata e aooga ma faigaluega, aoga fetusia, vasega o aoaoga mo faiaoga, aoga faainisinia, tusi lesona, ma tusi e mafai ona fesoasoani uma ia i tatou i le atinae o o tatou atamai. O le faatalanoaga ma se tagata pule, asiiasi i tulaga o galuega, ma le galuega malosi i galuega eseese e faapea foi ona faateleina ai lo tatou malamalama ma le atamai.

O le faitau tusi ma le tusitusi o atamai faapitoa ia e lua o le a fesoasoani i le mauaina o le galuega. Afai tatou te saili i se galuega ma e le mafai ona faitau ma tusitusi, e tatau ona tatou fesiligia se fesoasoani mai se tasi tagata e mafai ona faitau ma tusitusi. E le tatau ona tatou matamuli e faaoga le malamalama ma faamatalaga o isi tagata i totonu o tatou aiga, le Ekalesia ma le nuu.

O a atamai ma taleni e mafai e i tatou taitoatasi ona fetufaai ma o tatou uso i totonu o le korama? Ia tuuina atu i le tagata ua uma ona tofia e tuuina mai le lipoti i fesoasoani tau galuega o loo maua i totonu o le alalafaga.

Afai e i ai se tatou sini e faataunuaina, e tatau ona tatou saunia e faia se osigataulaga faaletagata e faataunuaina ai. O lona uiga o lenei mea o le naunau lea e faia mea uma e tatau ai e atinae ai lo tatou tomai. O le manuia e oo mai pe afai tatou te faataunuaina mea e manaomia ma tuuina atu le malosi atoatoa e faataunuaina ai. "Aua o le mea e luluina e le tagata, o le mea lava lea e seleseleina mai ai e ia." (Kalatia 6:7)

O le tala o loo i lalo o loo faaalua ai le ala na faamanuiaina ai se tagata o le Ekalesia i le Pasefika i Saute i lona naunau e faateleina lona tomai i lana galuega ma faaoga i lona aiga.

I le avea ai ma se alii talavou, sa aoaoina e Viliamu Havili le taua o le naunau faaletagata i le aoaoina ma faaleleia atamai lea e mafai ai e ia ona fesoasoani mo le lumanai o lona aiga. I le taimi mulimuli lava, ina ua faaipoipo o ia, sa galue malosi le uso o Havili i le sailia ma teu ana lava tupe e faatau mai ai se fanua o le faatoaga ua ofoina mai i se tau maualalo.

O le fanua na ia faatauina mai sa faatauina i se tau maualalo aua e tu i luga o se elelee maualuga ma e latalata ane i le sami i le mea e faigofie ai e le matagi ona faaleagaina mea toto. Peitai sa ia galue malosi e saunia le elelee mo le totonu. Sa faapea foi ona ia faaluina

23-b. O le a faamaonia mai e le Alii la tatou filifiliga o galuega pe afai tatou te ole atu ia te ia.



se taimi tele i le aoaoina o auala uma i le faiga o faatoaga. Talu ai ona o nisi o faamatalaga sa ia manao e iloa sa na o tusi faa-Farani lava e maua ai, o lea sa ia aoaoina ai o ia i le faa-Falani ma sa mafai ai ona ia faitauina lelei mea taufaatoaga na ta'ua ai.

Mai nei tusi, sa ia aoaoina ai le ala e faaleleia ai le eleele, lea e toatele isi faifaatoaga i totonu o le nuu latou te le o ano lava i ai. Sa ia aoaoina foi le ala e faaaogaina ai vailaau eseese i le tapeina o iniseti ma le togafitia o faamai o laau toto. Sa faapea foi ona ia iloa mea toto e faatauina ma lauina atu i fafo mo tau maualuluga. E le o se mea e ofo ai, e ala i lona finafinau ma le fesoasoani a le Alii, sa faapea ai ona avea le uso o Havili ma se faifaatoaga faamanuiaina.

O a ni avanoa mo galuega o i ai i lo outou eria?

O ia galuega ma isi foi e mafai ona avanoa mo i tatou pe afai ua tatou saunia i tatou i ni atamai e tatau ai.

SAILIGA MO GALUEGA

E le mafai ona faafaigaluega se tagata agavaa sei vagana ua ia faafesootaia le tagata pule i fale faigaluega. E le mafai foi e le tagata ua fuafua e fai ana tagata faigaluega ona faatau atu ana fua po o fesoasoani sei vagana ua ia fesootai ma le tagata tonu e faatauina. O le mea lea, o le tagata o le au perisitua e le o faigaluega e i ai ia te ia le matafaioi o le alu atu ma saili se galuega.

Afai e faigata ia te ia ona maua se galuega, atonu e manaomia e ia se fesoasoani e maua mai i lana korama a le au Perisitua. Sa faapea mai se tasi taitai o le Ekalesia “e tatau ona maua mai i le korama a le au Perisitua faamatalaga o galuega o loo avanoa. E tatau ona faailoa mai e la tatou korama i latou e manaomia galuega po o i latou e manaomia galuega lelei, ma faapea ona latou faia mea uma e mafai ona latou faia e fesoasoani i o latou tagata i le sailia o avanoa mo galuega.” (Howard W. Hunter, “Prepare for Honorable Employment,” *Ensign*, Nov. 1975, p. 123.)

O le a se mea e mafai ona tatou faia i le avea ai i tatou ma tagata o le korama e fesoasoani ai i o tatou uso i le sailiga o galuega?

Faaleleia Atili o Uiga Masani i le Galuega

Sa lapataiina e le Aposetolo o Paulo uso o le Ekalesia ia “Aua le faavaivai i le filiga.” (Roma 12:11). E tatau ona tatou taumafai malosi pea ma vaai mo auala e faaleleia ai uiga masani i a tatou galuega. Mo le faia o lenei mea, e tatau ona i ai ia i tatou amioga lelei e uiga i galuega. O lisi o loo i lalo o le a fesoasoani ia i tatou e faatumauina nisi o uiga sili ona taua o galuega i le mafaufau.

- Pe o ou faaaogaina lelei ea lou taimi?

-
- Pe o ou galue felagolagomai faatasi ea ma lou pule, lou supavaisa, ma ou uso faigaluega?
 - Pe o ou faaaogaina ea oloa po o meatotino a lou fale faigaluega i a'u lava pisinisi po o mea faalelotu, e aunoa ma se faatagaga pe totojiina foi?
 - Pe mafai ea ona ou vave sau i le galuega ma toe vave foi mai foi pe a uma le taimi malolo?
 - Pe o ou faatinoina ea lau galuega i le auala sili ou te iloa?
 - Pe o faaalua ea o'u uiga tausaaafia i o'u uso faigaluega, supavaisa, ma lo'u pule?

Faitai le tala o loo ilalo:

Sa aoaina e Peresitene Heber J. Grant a o laitiiti lava o ia le taua o le atinae o atamai tau galuega ma le tuuina atu o le malosi faaopoopo. O se tasi aso a o pele mapu o ia ma isi tama sa latou vaai ai i se tagata suetusi a le faletupe. Sa faapea mai le tala a se tasi alii, "O lena alii na te maua le \$150.00 i le masina." Sa fuafuaina e Heber ia te ia lava e faapea e tatau ona ia faaiilaina pea seevae e 120 i aso uma mo le masina atoa ia maua ai lena tupe tele. O le mea lea na ia faia ai se tonu, i lea taimi, i lea lava mea e faapea o le a avea o ia ma se tausi tusi i se faletupe i se aso o i luma.

I na aso o talafaamaumau uma ma faamatalaga o le faletupe sa tusia i se peni, ma o se tasi o tulaga manaomia i se tausi tusi lelei o le agavaa ia mafai lea ona tusitusi lelei. Mo se tulaga la ina ia mauaina lenei galuega, sa muamua ona aoao e Heber lana tusitusi.

I le amataga, sa mataga tele lana tusitusi ma faapea ona ula i ai ana uo i lana tusitusi. O lenei tusi na ootia ai lona mitamitaga, ma sa ia faapea ai loa, "O le a i ai se aso o le a mafai ai ona ou tuuina atu ia te outou uso se lesona tusitusi. "Talu ai ona o lona naunau e atinae lenei atamai, sa avea ai o ia ma se faiaoga tusitusi i le iunivesite. Sa ia tusia pepa faamanuia, pepa faaipoipoga, tulafono o inisua, tusi faamaoni o oloa, ma pepa faaletulafono.

Sa ia faapea mai, "E masani ona ou mauaina le \$20.00 i Aso o le Tausaga Fou i le tusiina o le fasefulu taseni o pepa faamanuia e tusia ai le Manuia le Tausaga Fou ma le igoa o le tagata i le tulimanu. Ina ua oo mai le isi Faamanuiaga o le Tausaga Fou, ua fai sina tuai ona ou i ai i totonu o le ofisa i le tusiaina o tusi valaaulia. Sa oo mai i totonu lou pule o Mr. Wadsworth ma fai mai lana tala fiafia ua solosolo lelei le galuega. Sa ia fai mai ia te au e uiga i lou tausia o tusi mo le isi kamupani e aunoa ma le mauaina o se tupe. Sa ia faamatala mai ia te au o le tele o mea lelei na ou faia na mafua ai ona maua e ia le fiafia. Sa faapea loa ona ia tuuina mai ia te au le \$100.00, e tauia ai au galuega faaopoopo uma lava. O le tulaga loto malie i le lagona aua ua ou manumalo i lagona

alofa ma le loto talitonu o lou pule ia te au ma ua sili atu lea nai lo le faaluaaina o le \$100.00, (tagai ia Bryant S. Hinckley, *Heber J. Grant: Highlights in the Life of a Great Leader*, pp. 39-42.)

Faiiuga

O le agavaa e galue ai o se faamanuiaga. Ua tauina mai ia i tatou e le Alii e ala mai i ana perofeta e faapea ua avea ma o tatou tiutetauave le galue ma saunia mo o tatou aiga. E mafai ona tatou aoao uiga lelei ma le tomai o galuega lelei mai le faataitai lea i ai ma faapea foi ma le malamalama na ia i latou o e e i ai le malamalama. Mo le sailia la o se galuega lea e tauia, e tatau ona tatou aoaoina mea moni, tatalo e uiga ia tatou filifiliga, ma atinaeina atamai tau galuega.

Lui

Ia alualu i luma i totonu o se tasi o tulaga o loo taua i totonu o lisi a le tagata lava ia e uiga i uiga masani o galuega o loo maua i totonu o lenei mataupu.

Mau Faaopopo

MFF 31:5 (ua agavaa le tagata faigaluega mo lona totagi)

MFF 42:42 (o le paie e le ai i le areto pe ofu i le ofu o le galue)

Sauniuniga a le Faiaoga

A o lei tuuina atu lenei lesona:

1. Faitau le Mataupu e 27, "Galuega ma Tiutetauave o le Tagata Lava ia o loo i totonu o le tusi lesona o *Mataupu o le Talalelei*.
2. Toe iloilo le lesona 12, "O le Tiutetauave o le Tama mo le Uelefea o lona Aiga." i totonu o lenei tusi lesona.
3. Ia i ai se laupapa ma se penisina.
4. Afai e te manao ai, ia fesili atu i se tagata o le vasega e sailia po o a aoga ma fesoasoani o loo maua i totonu o le nofoaga mo le faaleleia o avanoa ma atamai tau galuega.
5. Tofia tagata o le vasega e tuuina atu tala ma mau i totonu o le lesona.

O le Tausia Lelei o le Soifua Maloloina Faaletino.

Lesona 24

O le faamoemoega o lenei lesona ia fesoasoani ia i tatou ia malamalama pe aisea e taua ai le tausia o tatou tino ia maloloina.

Faatomuaga

O se tasi o mafuaaga o lo tatou o mai i le lalolagi o le mauaina lea o tino faaletino. Sa folafola mai e Peresitene Polika laga e faapea, “O tatou tino faaletino e sili ona taua ia i tatou; a aunoa ma o tatou tino e le mafai ona tatou faamamaluina i le faavavau o le a oo mai: (*Discourses of Brigham Young*, p. 56.)

E ui lava o le a faamamaluina o tatou tino i le faavavau, (tagai Alema 11:42-44) i lenei olaga o o tatou tino e mafatia i mai, faamai, tiga ma manua. O nisi e i ai taimi e le atoatoa ai le malosi o le tino po o le mafaufau. O isi e pipili i o latou olaga atoa. Peitai po o le a lava le tulaga e i ai i latou, e taua o tatou tino ia i tatou, aua e fesoasoani ia i tatou e alualu ai i luma i le faaatoatoaga.

O le tagata e faaleagaga ma faaletino. Ma e le mafai ona eseese le tino ma le agaga. O le faaleagaga ma le mafaufau e le mafai ona taunuu i lo laua malosi atoatoa e aunoa ma le malosi ma le lagolagoina o le tino. (Tagai MFF 93:33-34) I le tulaga o lenei mea moni, e toatele tagata e umia le perisitua ua atinae i latou faaleagaga ma le mafaufau, ae ua latou le atinae i latou i le faaletino.

Sa tauina mai e Peresitene Tavita O. Makei e faapea, “O le tagata soifua maloloina, o le na te vaaia lelei le tausia o lona tino, e malosi ma taua; o lona tino o se nofoaga tonu lea mo lona agaga e nofo ai. O le mea lea e tatau ai le vaaia lelei o o tatou tino faaletino, ma usiusitai i le tulafono o le soifua maloloina faaletino ma le fialia.” (“The Whole Man,” *Improvement Era*, Apr, 1952, p. 221).

O Faamanuiaga o le Soifua Maloloina

O le mea o loo ta’ua i lalo o nisi ia o tulaga manuia o le i ai o se tino maloloina:

E MAFAI AI ONA TATOU AUAUNA LELEI ATU

O le tele o lo tatou ola maloloina, o le tele foi lena o lo tatou gafatia ona auauna atu i isi ma aumaia le fialia ia te i latou ma i tatou foi.

O I TATOU O TAITAI LELEI

Talu ai le avega ua faatietie i se taitai, e ao ia te ia ona i ai le malosi ma le tiotio. E manaomia i lona valaauga le tino maloloina atoatoa e mafai ona ia maua.

E MAUA E I TATOU LE LAGONA LELEI ATOATOA E UIGA IA I TATOU MA ISI TAGATA.

Afai tatou te tausia o tatou tino ia maua le soifua maloloina, o le a tatou mauaina se lagona lelei e uiga i o tatou tino ma maua ai le maelega tele mo a tatou galuega. E faapea foi ona i ai ia i tatou le filemu tele, alofa, ma le agalelei mo isi tagata.

E MAFAI ONA TATOU SAUNIA MEA MO I TATOU LAVA

O le maloloina lelei o o tatou tino, o le lelei foi lena o lo tatou galulue ma saunia mea mo i tatou lava ma o tatou aiga.

O le Faatumauina o le Malosi Faaletino

O le tele o faafitauli o le soifua maloloina e mafua ona o le le mama o mea e nonofo ai, faamai, ova le mamafa o le tino, leaga o meaai, paie, ma le le lava o faamalositino. E tusa lava po o fea tatou te nonofo ai, atonu e aafia lava i tatou i nei faafitauli o le soifua maloloina, e tatau ona tatou sailia tulaga o o tatou faafitauli o le soifua maloloina faaletagata. O le taimi lava tatou te aoaoina ai nei mea, ua mafai loa ona tatou atinaeina polokalama e fetau ma a tatou mea e fai o le a fesoasoani ia i tatou i le faatumauina o le soifua maloloina o le tino.

O nofoaga tutotonu o mea tau soifua maloloina o le nuu lava ia o nofoaga lelei ia e maua mai ai fesoasoani i le faatulagaina o la tatou polokalama o le soifua maloloina faaletagata.

Ia tuuina atu i le tagata o le vasega na tofia e tuuina mai se lipoti i lana asiasiga i le ofisa tutotonu o mea tau soifua maloloina o le nuu lava ia.

O la tatou polokalama o le soifua maloloina faaletagata ma le faaleaiga e tatau ona aofia ai mea o loo i lalo:

USIUSITAI I LE UPU O LE POTO

Sa tauina mai e le Alii ia i tatou e faapea o loo i ai mea eseese e le tatau ona tatou tuuina atu i totonu o tatou tino. O ia mea e aofia ai le tapaa, kofe, ti, alakaholo, ma isi meaai eseese. I se isi foi itu, ua ia fautuaina mai nisi o meaai ma mea inu e tatau ona tatou faaaogaina ina ia faatumauina ai le soifua maloloina lelei o le tino. O i latou o e tausia le Upu o le Poto ua folafola atu ia i latou le soifua maloloina, poto, ma le puipuiga (tagai MFF 89:18-21).

Ia tuuina atu i se tagata o le vasega e tuuina mai se lipoti i le aano o le Upu o le Poto o loo maua i totonu o le MFF 89:1-17.

O tala o loo i lalo o loo faamatalaina mai ai nisi o faamanuiaga e oo mai i le usiusitai i le Upu o le Poto.

“Sa lei atoa lelei le 12 o ou tausaga, peitai sa ou galue faatasi ma lou tama i le seleina o le saito ua silia i le 60 tausaga ua mavae. Sa seleina e lou tama ae ou fusifusiina i ni fusi uumi; o se galuega faigata ma le tigaina tele i lea aso ma lea aso.

“I se tasi Aso Toonai, sa amata la ma galuega i le tafa o ata ae uma i le afa o le valu i le po o lena aso. Sa ou matua lagona lava le vaivai ma o le mea lea na ou manao ai ina ia taoto ifo ma moe loa e aunoa ma le faatali mo le meaai o le afiafi.

“Sa vaai mai lou tama ia te au ma faapea mai ma le leo malu, “Lee, o le saito na ou seleina i le aso ua matua lelei. Ana fai e tuu seia aulia le Aso Gafua, e oo atu i ai ua le aoga ma leaga. E tatau ona fai i le po nei. O loo manaia lava le masina i fafo. Pe e te manatu ea e mafai ona e fesoasoani mai ia te au?”

“Sa ou taumafai ia aua nei maligi ou loimata ma lue lou ulu ua lelei.

“Ona fai mai lea o lou tama, ‘Ua lelei, o le a fai sina ta meaai.’

“Na vave ona uma la ma meaai o falaoa ma le susu, peitai sa ou lagona pea lava lou vaivai ma sa faigata lava ona gaoioi lou ulu. A o alu atu lou tama e fafaga puaa, sa ou nofo i le laulau ma mafaufau loloto, “Ou te lei ulaula lava pe inu pia; o loo ou tausia le Upu o le Poto. Ua faapea mai le MFF, afai tou te tausia le Upu o le Poto o le a outou taufetuli ae le vaivai ma savavali ae le matapogia. A o lenei ua ou vaivai lava ma tau le mafai ona gaoioi lou ulu.” Sa tetete ou laugutu a o ou taumafai e taofiofi ou loimata ona o lou le lava.

“E faigata ona faamatala le mea na tupu, peitai e foliga mai o se ao paepae na ufitia ai au, ma ua faatumuina ai vaega uma o lou tino. Sa ou tu i luga ina ua toe foi mai lou tama, ma ma o atu loa i le faatoaga.

“O lou tama o se tagata gaoioi vave tele, peitai sa le mafai ona faatusatusa mai lana gaoioi ia te au i lena po, e tusa lava pe taumafai e faavavevave lana gaoioi. Sa ou tamoe atu ma lau ma tauai mai fusi saito mai lea laina i lea laina, o le tele lava o ia fusi saito e sili atu ona mamafa nai lo au. E le mafai ona galo ia te au le ofo tele o lou tama. (Leo W. Spencer, “Ina ia Tamoe ae Le Vaivai,” *Ensign*, Mati 1974, p. 45.)

GALUE

O le galue o se faamanuiaga, e le o se malai. E le gata ina ia mafai ai e i tatou ona saunia mo le soifua maloloina o o tatou aiga, ae faapea foi ona tausia ai o tatou tino ma mafaufau ia galue ma mataala. (Tagai 1 Tesalonia 4:11-12 ma le Salamo 128:2-3).

IA LAVA LE MALOLO

O nisi tagata e le lava le umi e momoe ai ina ia maua ai le malologa lelei. O isi tagata e momoe umi atu nai lo le tulaga manaomia. Ua lapataiina i tatou e le Alii ia tatou momoe i le taimi ua atofaina tatou te momoe ai, ae le tatau ona sili atu nai lo le taimi e tatau ai. E eseese uma

lava i tatou ma e tatau ona malolo e tusa ai ma lo tatou manao, peitai na ia tauina mai ia i tatou ia tatou vave o atu i o tatou moega ma ala po ina ia mafai ai ona faafouina le tino ma le mafaufau. (MFF 88:124.)

TUMAMA FAALETAGATA

Ina ia puipuia mai faamai, e tatau ona tatou taele, fufulu o tatou nifo, ma fufulu e le aunoa o tatou lima. E tatau foi ona faamama e le aunoa o tatou lavalava, moega, ma ipu.

E puipuia faamai ma mai i le faateaina ese lea o siama. E mafai ona tatou faateaina ese siama i le tuueseina lea o iniseti ma meaola mai le fale ma le laueseina o otaota o meaola ma tagata. Mo le mafuaaga lava lea e tasi e tatau foi ona teuina meaai i totonu o se nofoaga mama ma ia malu puipuia.

O MEAAI E TALAFEAGAI AI

O meaai talafeagai e aofia ai meaai mai i vaega taitasi e tolu o 'aiga taitasi. Tatou te manaomia fasipovi ma mea e gaosi mai manu mo le tuputupu ae; fualaaui aina ma fualaaui mo le puipuia mai faamai; ma sana ma aa masoa mo le malosii. (Mo nisi faamatalaga tagai *O Le Tamaitai o le Au Paia o Aso e Gata Ai, Vaega A, Lesona 22*: "Meaai Aoga mo le Aiga.")

O LE TAUSIGA FAAFOMAI MA NIFO

E mafai ona tatou puipuia i tatou ma o tatou aiga mai nisi faamai i le faia lea o tui puipuia. I le tele o vaega o le lalolagi, o tui puipuia e tuuina mai e le ofisa o le soifua maloloina po o fomai. E tatau foi ona i ai se tatou fomai nifo e vaaia o tatou nifo i aso uma.

O GAOIOIGA FAAMALOSITINO

Faaii le ata 24-a "O le faia e le aunoa o gaoioiga faamalositino e onomea lea mo le soifua maloloina lelei"

O faamalositino o se mea lea e mafai ona fiafia i ai e le gata i le tagata taitoatasi ae faapea foi ma se aiga. O se tasi o faamalositino e sili atu ona lelei e toetoe faia e tagata uma o le tamoe lea. E mafai ona tatou tamomoe i soo se mea ma i soo se taimi, ma o lea mea e aumaia ai se suiga tele i sina taimi puupuu. O le tamoemoe ma le savali i le mea e tu ai o se tasi foi lea o faamalositino lelei. O le pasiketipolo, soka, saposapo i le polo, aau, ma isi taaloga e mafai ona maua ai le soifua maloloina ma le fiafia.

A o lei oo atu i totonu o se isi polokalama tele, e tatau ona muai faia o tatou suesuega faaletino. O le mauaina ma le mulumuli i fautuaga a le fomai e uiga i la tatou polokalama o le faamalositino o le a puipuia ai i tatou mai le faia o mea e faaleaga ai i tatou.

24-a. O le faia o faamalositino i taimi uma lava o se mea tatau lea mo le maua o le soifua maloloina.

24-b. O le faia o faamalositino o se tasi lea o galuega lelei e tatau ona faia e le aiga.





Faaali le ata 24-b. "O le faamalositino o se fuafuaga sili lea ona lelei a le aiga."

FAAFIIFIAGA

Talu ai ona e aveeseina e gaoioiga faaletino le malosi ma le le fiafia lea sa fausia mai o tatou tiutetauave o aso taitasi, e tatau ona aofia i faafiafiaga ni gaoioiga faaletino. O ia mea e fesoasoani ia i tatou e tausia le mafaufau lelei ma le soifua maloloina faaletino. E tasi le aoga o se polokalama faamalositino mo faafiafiaga o le avanoa ua saunia mo i tatou e faatasi ai ma o tatou aiga. O le a le gata ina faamalosia ai tagata taitoatasi o le aiga e faamalositino, ae o le a faapea foi ona maua ai se lagona felatai ma isi tagata o le aiga.

Faiiuga

O le tulaga paleni o mea uma o se mea sili ona taua lea i se olaga fiafia. O le uiga o lenei mea e tatau ona tatou taumafai ia paleni le galue, malologa, ma faafiafiaga. Sa fautua mai Peresitene Polika laga. "Ia tatou saili e faalauteleina le olaga i le taimi nei i se tulaga pito sili ona maoae i le ususitai lea i tulafono uma o le soifua maloloina, ma le paleni lelei o le galue, suesue, malolo, ma faafiafiaga, ia saunia mo se olaga lelei. Ia tatou aoaoina ia mataupu faavae ia tatou fanau, ina ia. . . . aoaoina i latou e faataatia se faiga faavae o le soifua maloloina ma le malosi." (*Discourses of Brigham Young*, p. 186)

E manaomia e le Ekalesia tagata e umia le Perisitua o e ua saunia faaleagaga, faalemafaufau, ma le faaletino, aua o le soifua maloloina lelei e fesoasoani ia i tatou ia galulue lelei i le tele o o tatou tiutetauave.

Lui

1. Suesue ou faafitauli o le soifua maloloina faaletagata.
2. Ia faia se polokalama o le malosi faaletino faaletagata ma le aiga.

Mau Faapoopo

Faataoto 23:19-23 (E tatau ona tatou atamamai i le filifilia po o a mea tatou te feinu ma aai ai.)

Faataoto 31:1-4 (E le tatau ona tatou faamasani atu o tatou tino i meainu malolosi ma mea le mama).

Sauniuniga a le Faiaoga

A o lei tuuina atu lenei lesona:

2. Faitau le mataupu e 27 "Galuega ma Tiutetauave Faaletagata Lava Ia" ma le 29, "O le Tulafono a le Alii" o loo i totonu o le tusi lesona o *Mataupu o le Talalelei*.
2. Tofia se tagata o le vasega e asiasi ma tuuina mai se lipoti e uiga i le ofisa tutotonu o mea tau i le soifua maloloina i totonu o lou lava nuu lea atonu o le a fesoasoani i tagata o le korama e faataunuuna o latou manaoga o le soifua maloloina.
3. Tofia se isi tagata o le vasega e tuuina mai se lipoti e tusa ma le lima minute i mea o loo i totonu o le Upu o le Poto (MFF 89:1-17).
4. Tofia tagata o le vasega e tuuina atu tala ma mau i totonu o le lesona.

Auauna Atu i le Nuu ma le Atunuu

Lesona 25

O le faamoemoega o lenei lesona ina ia fesoasoani ia i tatou ia malamalama i o tatou tiutetauave i lo tatou aai ma le atunuu.

Faatomuaga

I le avea ai o i tatou ma tagata o le Ekalesia a lesu Keriso, e tatau ona tatou lagona le usoga ma le alofa mo tagata i totonu o atunuu o le lalolagi, aemaise lava mo i latou i totonu o la tatou lava usoga, aai, ma le atunuu. E tatau ona tatou faamaoni i lo tatou lava atunuu ma tagata, ma faia mea uma e mafai ona tatou faia e fesoasoani ai i lo tatou malo ia faataunuuina ai manaoga o i latou o loo pulea.

O loo tautino mai e le Mataupu Faavae ma Feagaiga e faapea, “Matou te talitonu ua faatuina le malo e le Atua mo le lelei o tagata; ma o loo ona faia tagata e tali atu mo a latou faiga e uiga i ia malo.” (MFF 134:1)

O Tatou Tiutetauave Faaletagata

O le tele o faafitauli o le va faaletagata e oo mai ona o nisi tagata taitoatasi ma aiga e le ola i le faamaoni ma le ola mama, po o le galulue foi e lagolagoina i latou. A o lei avea i tatou ma auauna i lo tatou aai ma le atunuu, e tatau ona tatou ola faamaoni ma tatou ola i se olaga lelei. E tatau ona tatou vaai lelei muamua i tatou ma o tatou lava aiga ma taumafai e foia soo se faafitauli lea o le a aafia ai i latou.

E pei lava o tulaga masani, o la tatou matafaioi silisili lava o le ola lea i le talalelei. I le faia o lenei mea, ua le gata ina tatou fesoasoani ia i tatou lava, ae faapea foi i isi tagata. O faaitaiga o o tatou olaga o le a sili atu ona musuia ai isi tagata nai lo soo se mea tatou te tautala atu ai. I totonu o le Tusi a Mamona, mo se faaitaiga, sa tauina atu i tagata o le nuu amioleaga e faapea o le Alii ua faasaoina i latou ona o talosaga a tagata amiotonu sa i totonu o le nuu.

Fai atu i tagata o le vasega e faitau le Alema 10:22-23.

O le a i ai se taimi o le a faamanuia ai e le Alii se nofoaga atoa ona o le amiotonu o ni tagata toaitiiti. Sa saunoa Peresitene Tavita O. MaKei e uiga i le tulaga e manaomia mai tagata o le Ekalesia ina ia faia faaitaiga lelei: “E tatau i tagata uma ona fiafia i le avea o le upu “Mamona” o se upu mo le faatuatua, amio lelei, ola mama, faamaoni, amiotonu - o mataupu faavae autu uma ia o le Ekalesia a lesu Keriso o le Au Paia o Aso e Gata Ai, ma i le faalauteleina o ia mea i totonu o o tatou aiga, ua tatou saofaga ai i le fesuaiga o le va fealoi,

ma ua tatou faaliliuina a tatou lotu i totonu o tulaga sili faalauaitele ma aumaia ai le faaolataga ma le filemu i le tagata iinei ma le taimi nei.” (Conference Report, Oct. 1927, p. 14.)

E mafai ona tatou tuuina atu le malosi tele i lo tatou aai ma le atunuu i le ola ai i ni olaga lelei ma le faamaoni, vaaia lelei o o tatou lava aiga, ma tatalo mo le malosi ia avea ai ma faaitaiga lelei.

O Tiutetauave o lo Tatou Vaiaai ma Nuu

Ua faamoemoe le Alii ia i tatou e alolofa ma auauna atu i o tatou tuaoi ma uo. O lenei mea e le manaomia ai se faatinoga tele o osigataulaga; o faauooga e masani ona sili atu ona faalagolago i faatinoga laiti o le alofa. O se vaega o le avea ma tuaoi lelei o le tagai lelei lea mo manaoga o isi tagata, e aofia ai tagata ua oti a latou tane ma tagata matua oti. O le fesoasoani tele e mafai ona tatou faia mo o tatou tuaoi o le faailoa atu lea o le talalelei ia i latou. Peitai e tusa lava pe latou te le talia pe le talia foi, ae tatau lava ona tatou alolofa ia i latou ma auauna atu mo i latou.

E manaomia tele e o tatou nuu ni tagatanuu faatuatuaina ma faamaoni ma naunau e fesoasoani.

Fai atu i tagata o le vasega e faitau le MFF 58:27-28. Mafaufau mo sina taimi i nisi o faafitauli o loo faafeagai ma tagata i totonu o le tatou nuu. O a nisi o mea lelei e mafai ona tatou lagolagoina i totonu o lo tatou atunuu po o le taulaga?

Faaali le ata 25-a. “O lo tatou tiutetauave i le Atua e aofia ai le auauna atu i o tatou uso a tagata.”

AOAOGA

I nisi nofoaga e manaomia aoga ia fausia po o le faateleina. I totonu o nisi nofoaga, e manaomia e aoga tusi e faaaoga mo aoaoga, o mea e fai ai aoaoga, ma mataupu e suesueina. O le tala o loo taua i lalo o loo faamatala ai e nisi o le Au Paia o Aso e Gata Ai le ala na faaleleia ai tulaga o aoaoga ua ofoina atu i aoga a a latou fanau.

“O se tasi o vaaiga o le matou nuu matagofie o Seattle, Uosigitone, o le tulaga mataina o le faiga o aoga o le matou vaiaai. I le faasologa o le luasefulu tausaga sa matou nonofo ai iina, sa faaosoosoina lava i matou i nisi aso e o atu i le nuu i tua atu ma le aai, peitai e mulimuli lava ona filifili e nonofo i totonu o le aai, talu ai ona o lo matou manatu maualuga mo avanoa faaleaoaoga ua gafatia e le ma fanau e toatolu i totonu o aoaoga a le malo . . .

“Ae peitai, i le tele o tausaga ua mavae, na matou vaaia le amata ona sola malie atu o tulaga o pulega faaleaoaoga mai le tulaga sa i ai. Ua amata ona latou faia suiga faapolotiki i metotia ma mataupu aoaoina . . . O isi tulafono ua faatamaia ai le tulaga mautu o tamaiti aoga, ae aumaia ai faafitauli matautia o le saogalemu, ola mama, ma le faaaogaina o fualaau faasaina.

25-a. O lo tatou tiute i le Atua e aofia ai lo tatou auauna atu i o tatou uso a tagata.



“Ua avea le tulai mai o lea tulaga ma mea na faamalosia ai le toatele o i matou e faateleina a matou gaoioiga ma fesoasoani i totonu o le Sosaiete a Faaoga ma Matua ma le faalapopotoga a le au fautua filifilia a le aoga. I totonu o se nofoaga tele o se aoga maualuga, e tai faafeagai ma le tuaoi o le matou uarota, sa filifilia ai e matua ma uo o e sa latou manatu i lea tulaga nisi o i matou i totonu o lea faalapopotoga uma e lua.

“I le i ai la o se malamalama i le faia o mataupu i le felagolagomai i totonu o fonotaga, ua amata ai e tagata o le Au Paia o Aso e Gata Ai, ona tuuina atu uunaiga i le au pulega o aoaoga. A o matou lagolagoina polokalama lelei, ua mafai ona matou toe foi i tulaga o aoaoga ma auala e tuuina atu ai aoaoga sa i ai muamua. Ua tatou mauaina tulaga faaopoopo o le saogalemu e faaitiitia ai le ulavavale o tamaiti aoga ma tulaga o le faasaua i totonu o faleaoga ma lotoa o le aoga, ma faaitiitia le faaaogaina o vaillau oona ma tulafono o le ola mama. Ua ia i tatou le naunautai tele o matua ma le auai ma le faaopoopoina (o tamaiti i la tatou faalapopotoga.) Ua tautino atu i tagatanuu e faapea e i ai lo latou leo patino i totonu o le iloiloaina o a latou tagata maoutofi filifilia.

“O nei aafiaga e toe faamaonia ai o tagata o le Au Paia o Aso e Gata Ai, afai latou te galulue faatasi ma afai latou te matua taliaina i latou lava, o le a latou maua le malosi e faatosina mai ai ni tagata se toatele.

“O lenei molimau na taitaiina ai au ia taunuu atu i isi vaega o le aai, pisinisi, faalemalo, ma le aafia i mataupu faaetulafono. O ia mea na faatalitonuina au e faapea o tagata o le Au Paia o Aso e Gata Ai e le gata ina tatau lava ona latou faia ia mea, ae mafai foi ona fesoasoani tele.” (David L. Tomlinson, “We Changed Our Children’s Schools,” *Ensign*, June 1976, pp. 52-53.)

O a manaoga faaleaoaoga o loo i ai i lo tatou aai? O le a se mea e mafai ona tatou faia e fesoasoani atu ai i le avea ai o i tatou ma tagata taitoatasi ma i le avea ai ma vaega o le perisitua?

TULAGA MAMA

E masani lava, o fafine talitane, o ponokarafi, ma isi aoaoga faatiapolo e mafai ona taofia pe afai e galulue faatasi se vaega o tagata. O le uiga o lenei mea e tatau i se tagata ona faavaeina muamua le vaega, ma po o ai o loo i ai i se tulaga lelei e taitaiina ese mai nei uiga faatiapolo nai lo le tagata o loo umia le perisitua? Mo se faataitaiga, na faavaeina e le korama a le au perisitua i totonu o Sate Leki se faiga e taofia ai tagata mai le o i fale tifaga o loo faaalai ai tifaga leaga.

O a faafitauli o tulaga mama i totonu o lo tatou aai? O le a se mea tatou te faia e foia ai ia faafitauli?

SOIFUA MALOLOINA MA LE SAOGALEMU

O le tele o nuu e manaomia le faaleleia atili o tulaga o lo latou soifua maloloina ma le saogalemu. O nisi aai e manaomia le pulea lelei o

taavale po o tuutuuga lelei o le saogalemu. O nisi nofoaga e manaomia vai lelei po o tulaga mama o le soifua maloloina.

I le taumafai e auauna atu i lo tatou nuu, e tatau ona tatou iloina manaoga faapitoa o lo tatou lava nuu. O le taimi lava tatou te filifili ai po o le fea faafitauli e sili atu ona vave, e mafai loa ona tatou filifilia le manaoga e tasi ma faia se fuafuuga e fesoasoani ai i le foia o lea faafitauli. Ua tele galuega i totonu o le tele o aai ua fesoasoani i ai tagata o le Ekalesia. O nisi tagata o le Ekalesia, mo se faataitaiga, e i ai o latou ofisa faalemalo, galulue i komiti, po o le faia o galuega tauofo e faaleleia atili ai lo latou aai.

O Ted Brewerton, o se alii e umia le perisitua i Calgary, i Kanata, o se faataitaiga lea o se mea e faia e se tagata e faaleleia ai lona aai. Sa faaaloaloga o ia e avea o se tagata palu vailaau tulagaese i totonu o lona itumalo mo lana galuega i le tulaga tau i le faaogaina o fualaau. Sa ia tufatufaina atu tamai tusi, tuuina atu faamatalaga, asiiasi i aoga, ma fesoasoani i tagata maufofi o le malo i le faatonutonuina o le faaogaina o fualaau. Sa ia faia moni lava le suiga tele i olaga o le selau ma selau o tagata. ("Making a Difference," *Ensign*, June 1976, p. 50).

O nisi tagata o le Au Paia o Aso e Gata Ai ua latou faia ni 'alofaga ma ua latou le tuuina atu ni taimi i o latou alaalfaga, e ala lea i lo latou faapea e le mafai ona latou faaleleia le alaalfaga, pe faapea foi ua pisi tele i latou. Peitai o loo faamoemoeina tagata uma e le Alii ia aafia ai ma faia se mea e sili atu i lo le na o se auaunaga faale-Ekalesia. O le faaleleia o le olaga faalenuu o se galuega foi lea a le Alii.

Talanoaina manaoga o le soifua maloloina ma le saogalemu i totonu o lou nuu. O le a se mea e fai e i tatou i le avea ai ma tagata e umia le perisitua e faataunuaina ai ia manaoga?

FESOASOANI TAU UELEFEA

O se mea aupito sili ona taua i tagata o le Au Paia o Aso e Gata Ai le naunau e fesoasoani i isi tagata i taimi o faalavelave. O se faataitaiga lelei o lea ituaiga o fesoasoani na oo mai i le tausaga e 1976, ina ua pa le vai ma lolovai ai le tele o taulaga i tala ane o Rexburg, Idaho. O tagata o le Ekalesia mai setete uma e faataamilomilo ai na filifili e faapea o le a latou fesoasoani i le faamamaina o taulaga ia na faaleagaina. Na totogiina e tagata talavou ma korama a le perisitua pasi ma malaga atu ai i nofoaga ua faafou ma fausia fale fou. O le tele o tamaloloa ma fafine ua tausia tamaiti ina ia mafai ai e matua ona galulue i o latou lava fale ua faaleagaina. I ni nai vaiaso ua mavae, o le tele lava o galuega o le faamamaina ua maea, faafetai i galuega sa ofoina atu e tagata o le Ekalesia o le Au Paia o Aso e Gata Ai o e sa naunau e fesoasoani i o latou uso a tagata.

O nisi auala e mafai ai ona tatou faamalosia o tatou vaiaai ma nuu o le:

- Tufatufa atu le talalelei i a tatou uo ma tuaoi.

-
- Alofa ma fesoasoani i o tatou tuaoi i le faaalua atu lea ia i latou o faatinoga iti e masani ai o le agalelei mo i latou.
 - Ia “galulue ma le naunautai” i mea lelei e faia e nuu.
 - Fesoasoani i le vaايا ma le foia o faafitauli o le aai
 - Auauna atu i tulaga faataitai i totonu o le aai.

Tiutetauave i lo Tatou Atunuu

Sa faapea mai Peresitene N. Eldon Tanner, “Matou te faamoemoe ina ia faamamalu tagata uma i o latou atunuu moni, le atunuu na fanau ai, le atunuu o loo nofo ai, galue ai, ma tausai ai o latou aiga.” (“Afai Latou te Mananao i ai ia Auauna i le Atua o le Nuu”, *Liahona*, Oketopa 1976, itulau 46.)

O le faamamalu i lo tatou atunuu e le faapea e tatau ona tatou malilie i tagata uma taitoatasi o loo taitaiina le malo. O le tele lava o tagata maufofi o le malo, e taumafai ma le naunautai e faia le mea sao, ma e tatau ona tatou tuuina atu ia i latou la tatou fesoasoani. E tatau ona tatou tatalo e le aunoa ina ia mafai ona latou faia filifiliga tatau ma faia mea sao. Sa faia se fonotaga a Peresitene Harold B. Lee ma le Peresitene o le lunaite Setete lea na ia faamaonia ai o ia e faapea e tusa lava po o le a lona igoa po o le tulaga faalemalo, o i tatou o le (Ekalesia) e masani lava ona tatou i ai i o tatou tulivae, tatalo atu i le Atua e faapea o ia ma taitai o lenei atunuu ma le lalolagi o le a aumaia i tatou i faafitauli o o tatou taimi. (*A Time of Decision*, *Ensign*, July 1972, p. 29).

O le auauna atu i lo tatou atunuu e aofia ai foi le usiusitai i ona tulafono. E mafai ona oo mai le filemu pe afai e usiusitai tagata uma i le tulafono. O loo faamatalaina mai i le Mataupu Faavae o le Faatuatua lona sefululua e faapea: “Matou te talitonu i le usiusitai i tupu, ma peresitene, ma faipule, ma faamasino, i le usiusitai ma faamamaluina ma lagolagoina o le tulafono.”

Afai o loo i ai ni perisitua talavou i totonu o le vasega, talanoaina auala e mafai ona latou faaalua ai le faaaloalo mo le au pulega ma le usiusitai i le tulafono. E faapefea e se alii talavou ona saunia o ia e fesoasoani i lona nuu ma le atunuu?

E i ai i atunuu taitasi auala eseese o le faiga o tulafono. O nisi atunuu e faatagaina tagatanuu e palota mo le sui faatu o i latou ia e fesoasoani i le faiga o le tulafono. E faapitoa lava i totonu o ia atunuu, e i ai i tagata o le Au Paia o Aso e Gata Ai se tiute e logoina atu e uiga i mea e fiafia i ai tagata lautele ma lagolagoina tagata lelei e avea ma sui mo le ofisa. I totonu o atunuu e faia ai palota lautele, e tatau ona palota tagatanuu uma.

Faaiuga

I le avea ai ma tagata o le Au Paia o Aso e Gata Ai o loo i ai lo tatou tiutetauave i lo tatou nuu ma lo tatou atunuu. E i ai lo tatou tiutetauave

e ola ai i le amiotonu ma fesoasoani e foia faafitauli ma faataunuaina manaoga o lo tatou atunuu.

O nisi o auala e mafai ai ona tatou faataunuaina o tatou tiute i lo tatou atunuu o le:

- la faamaoni i lo tatou atunuu ma o tatou tagata.
- Tatalo mo o tatou taitai.
- Usiusitai i le tulafono.
- la logoina atu e uiga i mea mataupu lautele.
- Lagolagoina taitai faamaoni ma le atamamai.

Lui

1. Filifili le auala e tasi e mafai ona e fesoasoani ai i lou nuu. Fai se fuafuaga faaletagata ma amata loa ona tuuina i ai i lenei vaiaso.
2. la filifili faatasi ma lau korama a le perisitua le mea e fai atonu e fesoasoani ai i le faaleleia o lo outou nuu.
3. la outou talosaga faaleaiga, ia tatalo mo taitai o le nuu ma le atunuu ia taitaiina outou i le amiotonu.

Mau Faapoopo

1. Timoteo 1:8-10 (o le manaomia o tulafono)

1 Timoteo 2:1-2 (e tatau ona tatou tatalo mo taitai o le malo)

Tito 3:1 (e tatau ona tatou usiusitai i lo tatou malo)

1 Peteru 2:13-14 (e tatau ona tatou tausisi i le tulafono ua faavaeina e lo tatou malo)

Mosaea 29 (tautinoga a le Tupu o Masoaea e uiga i le malo)

MFF 134 (tautinoga i le manaomia o le tulafono ma mataupu faavae o le malo)

Sauniuniga a le Faiaoga

A o lei tuuina atu lenei lesona:

1. Saili po o a "mafuaga lelei" i totonu o lou vaiaai ma le nuu e mafai ona faaoga i ai le fesoasoani a lau korama.
2. Tofia se tagata o le vasega e tuuina atu tala ma mau i totonu o le lesona.

O se Molimau i le Talalelei a Iesu Keriso

Lesona 26

O le faamoemoega o lenei lesona ia fesoasoani ia i tatou ia malamalama pe faapefea ona mauaina ma fausia se molimau malosi o le talalelei a Iesu Keriso.

Faatomuaga

O se molimau i le talalelei a Iesu Keriso o se tasi lea o mea aupito sili ona taua e tatau ona ia i tatou. Sa iloa e Peresitene Tavita O. MaKei lenei mea i le taimi o lona talavou. Sa ia faapea mai: “Sa ou fia ai mo lea mea; sa ou manatu e faapea afai ou te maua lena mea (o le molimau), o lona uiga o isi mea uma lava o le a foliga mai e leai se taua.” (“A Personal Testimony”, *Improvement Era*, Sept., 1962, p. 628).

O a tatou molimau o le a lagolagoina i tatou i o tatou olaga atoa pe a oo mai faafitauli ma puapuaga. E i ai taimi e le mafai ai ona lagolagoina i tatou e molimau a isi tagata, ae o le a faalagolago ia tatou lava molimau ina ia mafai ai ona onosaia o tatou tofotofoga i le faatuatua.

O le a le Molimau?

Atonu e mafai ona tatou toe manatunatu i le feiloaiga ma faifeautalai i le taimi muamua lava ma aoaoina le talalelei, po o le faifaimea faatasi ma se tagata sa fesoasoani ia i tatou i le mauaina o se molimau. Pe atonu foi tatou te manatuaina faalogona mafana sa ia i tatou ina ua tatou faalogo atu i se tasi o tuuina mai sana molimau ia i tatou. O lea lagona o le Agaga Paia lea o loo molimau i o tatou loto e faapea o le mea o loo tatou faalogoina nei e moni. O se lagona malu, e le fesouaina soo. O nei lagona, tatou te iloa ai o Iesu Keriso o le Alo o le Atua, o Iosefa Samita o se perofeta, ma o le Ekalesia a Iesu Keriso o le Au Paia o Aso e Gata Ai ua na o le pau lea o le Ekalesia moni i luga o le fogaeleele. O lea lagona e mafai ona tuuina mai ia i tatou e se molimau o le Upu o le Poto, o mataupu faavae o le sefuluai, po o le moni o le Tusi a Mamona.

I le avea ai ma tagata o le Ekalesia i nei aso e gata ai, o se mea tatau foi le i ai ia i tatou o se molimau e uiga i perofeta soifua. Sa faamatalaina mai e Perofeta Harold B. Lee le taua o lenei aoaoga.

“Ou te manao e fia faamamafa atu lenei mea ia te outou. Sa faapenei ona faaupuina e se tasi tagata, ma ou te talitonu i ai ua matua sao lava lea: “O lena tagata e le mafai ona liua moni o ia vagana ua vaai e ia le mana o le Atua ua oo mai i luga o taitai o lenei Ekalesia, ma e

vagana ua oo i totonu o lona loto e pei o le mu o le afi. “Vagana la ua i ai i tagata o Ienei Ekalesia le tautinoga e faapea o loo taitaia i latou i le ala sao, ma ua faapea foi ona i ai ia tei latou le talitonuga o nei tagata o le Atua o tagata ua musuia ma ua faapea foi ona tofia i le ala tatau i le aao o le Atua, o le a le mafai ona avea i latou o ni tagata moni ua liliu mai po o le talitonu i le Ekalesia.” (“O le Malosi o le Perisitua”, *Liahona*, Mati, 1973, itulau e 4.)

Tuaina atu i tagata o le vasega e mafaufau mo sina taimi e uiga ia latou molimau. Fesili atu ia i latou ia manatua afai ua faaalai mai le upu moni o le talalelei ia i latou ma le ala na latou taliaina ai se molimau faaleagaga e faapea e moni le Ekalesia, o Iesu o le Keriso, po o le faapea e moni le Tusi a Mamona. Fesili atu ia i latou pe foliga faapefea ia aoaoga ma pe faapefea ona latou iloina ua latou mauaina se molimau.

Mauaina o se Molimau

O le molimau e faatatau i luga o faaaliga mai i le Agaga Paia. E oo mai ina ua talanoa mai le Agaga o le Alii i o tatou loto, mafaufau, ma le agaga ma tuaina mai le upu moni ia i tatou (tagai i le MFF 8:2-3). Sa faamatala atu e Keriso ia Peteru e faapea e lei oo mai lana molimau mai soo se fesoasoani faaletagata, ae mai le Atua (tagai i le Mataio 16:13-17).

Sa tusia e Elder Parley P. Pratt faamatalaga o loo i lalo e uiga i le molimau na ia mauaina e faapea o le Tusi a Mamona e moni ma faamaoni:

“Sa ou susueina le [Tusi a Mamona] ma le naunautai,” sa ia faapea mai ai, “ma faitau lona itulau muamua. Sa faapea loa ona ou faitauina le tele o molimau e faatatau i le tulaga na maua ai ma faaliliuina . . . Sa ou faitauina i le aso atoa; o le ‘ai sa avea ma se mea mamafa, ae sa leai sou naunau mo ni meaai, o le moe o se mea mamafa pe a oo mai le po, ae sa ou faitau lava e oo lava ina ou moe.

“A o ou faitau, sa oo mai i ou luga le agaga o le Alii, ma sa ou iloa ai ma malamalama e moni lava le tusi, e pei ona manino ma faaalitino e pei ona malamalama ma iloa e le tagata e faapea na faaali mai lava o ia. O lou fiafia ua atoatoa nei, e pei ona sa i ai, ma o lou olioli ua sili atu nai lo puapuaga mo faanoanoaga uma, taulaga ma faafitauli o lou olaga.” (*Autobiography of Parley P. Pratt*, p. 37).

O nisi tagata, o le mauaina o se molimau o se aoaoga sili ona fou. O nisi tagata e faapea, o se mea e itiiti lona faailoaina, peitai e le itiiti sona taua po o lona fou. O nisi tagata e faapea, o se mea e itiiti lona faailoaina, peitai e le itiiti sona taua po o lona aoga. Sa faapea mai Elder Loren C. Dunn, “O lea mea atonu e le oo mai e pei o se susulu o le malamalama (Ou te le iloa pe o le a faapefea e le Alii ona faafesootai atu ia te outou) i se tulaga e sili atu nai lo se tulaga e foliga mai o se faamaoniga ma se lagona i totonu o lou loto, o se toe faamaoniga lea o le a oo mai i se tulaga agamalu, e lē gaoia peitai o auala moni mai i lea aso i lea aso seia oo ina e mautinoa lelei e faapea o loo e iloa.” (“Watch Therefore: For Ye Know Not What Hour”, University of Utah Institute Devotional, Nov. 10, 1972, p. 5)

Sa faamatala e Peresitene Marion G. Romney e faapea o le auala lenei na ia maua ai lana molimau:

“O nisi taimi e tuai le oo mai o se molimau i se tagata, i se vaitaimi umi. Ou te le manatuaina se molimau na oo mai ia te au i se taimi faafuasei. . . . Ou te le manatua foi po o le a se taimi na leai ai ia te au se molimau. O le mea moni sa matua faamalosia i le tele o tausaga peitai e le mafai ona ou manatuaina po o anafea na ou le talitonu ai. Peitai e tusa lava pe oo mai faafuasei se molimau po o le tulaga o faailoga, ae e i ai lava le mea e faia i se tagata. O le a suia le tagata pe a mavae ona ia mauaina se molimau.” (How to Gain a Testimony,” *New Era*, May 1976, p. 11).

O loo i ai mea eseese e tatau ona tatou faia ina ia mafai ona mauaina se molimau. O auala e lima o loo i lalo e aupito sili atu ona taua:

Tusi laasaga e lima o loo i lalo i luga o le laupapa:

1. Naunau e talitonu. Sa faamatalaina e Alema e faapea o le laasaga muamua lava i le mauaina o le malamalama o le upu moni o le naunau lea e talitonu. (Tagai Alema 32:26-27).
2. Suesue i Tusitusiga Paia. Ua faatonuina i tatou e le Perofeta o Iosefa Samita e suesue i tusitusiga paia ia saili ma suesue i faaaliga ua matou lomina ma faasalalauina, ma ole atu i lou Tama Faalelagi, i le suafa o lona Alo o Iesu Keriso, ina ia faaali mai le mea moni ia te oe, ma afai e te faataunuuna ma le manatu tasi i Lona mamalu o le a leai se masalosalo ia te oe, o le a tali mai o ia ia te oe e ala i le mana o Lona Agaga Paia. O le a faapea ona e iloa mo oe lava, ae le mo se isi. O le a e faalagolago i le tagata mo le malamalama i le Atua; o le a leai foi se masalosalo ma se le malamalama ia te oe.” (*Teachings of the Prophet Joseph Smith*, pp. 11-12.)
3. *Faia le finagalo o le Atua*. Sa faamanino mai e le Faaola e faapea a o lei iloa e le tagata pe o le mataupu e mai i le Atua, e tatau ona ia tausia mataupu (tagai loane 7:16-18).
4. *Manatunatu Loloto i Mataupu Faavae o le Talalelei*. O le manatunatu loloto i tusitusiga paia o lona uiga o le aoaoina lea ma mafaufau i ai, ona tatalo lea ma le faatuatua ia Keriso ia maua se malamalama mai le Agaga Paia e uiga i o tatou mafauauga po o sao pe leai. (Tagai i le Moronae 10:3-5.)
5. *Ia Anapogi ma Tatalo e le Aunoa*. Na iloa e le Perofeta o Alema ia te ia lava le moni o le talalelei aua na ia anapogi ma tatalo i le tele o aso. Ina ua maea lana anapogi, sa tuuina atu i lona loto le molimau a le Agaga Paia e uiga i mataupu a le Atua. (Tagai Alema 5:45-46.)

Ia tuuina atu i le tagata sa tofia o le vasega e faamatala mai sona manatu e uiga i le mauaina o se molimau.

Atinae o se Molimau Sili ona Malosi

O le taimi lava tatou te maua ai se molimau, pe o le a i ai pea ea ia i tatou? Sa faapea mai Peresitene Harold B. Lee: "O le molimau e le o se mea ua ia te oe i le aso, ma o le a i ai pea lava ia te oe. O le molimau o se mea maaleale. O mea e faigata ona umia e pei o le susulu o le masina. O se mea e tatau ona e tapu'e i aso uma o lou olaga." (*Church News*, July 15, 1972, p. 4).

Ina ia faamalosi a tatou molimau i aso taitasi ma tumau i le fiafia i totonu o le talalelei, e tatau ona taumafai e ola i le amiotonu, faataunuaina o tatou tiute faaleperisitua, ma fesoasoani atu i isi tagata. E tatau ona avea le molimau o se mataupu faavae o le faatinoina pe afai o le a tuputupu ae i le malosi.

Faaali le ata 26-a, "E mafai ona tatou faamalosi a tatou molimau i le tuuina atu lea i isi tagata."

O le tuuina atu o a tatou molimau i isi tagata e le gata ina faamalosi ai a tatou lava molimau, ae faapea foi ona faamalosi ai molimau a i latou o loo faalogo mai ia i tatou. Ua tuuina mai ia i tatou se avanoa e faaali ai a tatou molimau i aso anapogi ma sauniga molimau, peitai e tatau ona tatou faaaogaina faamanuiaga o avanoa uma e tuuina atu ai a tatou molimau ia tatou uo ma aiga.

I le avea ai ma tagata o le Ekalesia, ua ia te i tatou le tiutetauave e fetufaai ai ma isi a tatou molimau, o tagata o le ekalesia ma tagata e le auai i le ekalesia. Tatou te faailoa atu a tatou molimau i aso taitasi e ala i mea tatou te tautala ai ma mea tatou te fai. A tatou fetufaai a tatou molimau, o le a faamalosi ai isi ma i tatou foi. E ao ona tatou totoa i a tatou molimau ia lesu. (tagai MFF 76:79).

Sa fautua mai Peteru: "Ia saunia pea lava outou e tali atu ma le agamalu ma le matau ia i latou uma o e fesili mai ia te outou i le uiga o le faamoemoe o loo ia te outou." (1 Peteru 3:15.) O a tatou molimau e faalumaina ai nisi i le upu moni ma fesoasoani ia i latou e naunau e iloa atili nisi mea. O loo latou faamalosi i latou lava ma i tatou.

Tuuina atu i se tagata o le vasega e faitauina le MFF 62:3 ma le MFF 84:61. O le a le mea ua folafola atu e le Alii ia i latou o e tuuina atu a latou molimau?

O a tatou molimau e mafai ona avea ma fesoasoani o le malosi i o tatou aiga. Sa tusi atu se tasi tama sa fai lana misiona i le tausaga e 1868 i lona atalii e faapea: "Oi, lou atalii e, ia avea le molimau a lou tama ma fetu taiala i lou olaga atoa". (Quoted by Reinhard Maeser in *Karl G. Maeser*, p. 57).

Fesili atu i alii talavou pe faapefea ona avea molimau a o latou tama ma fetu taiala i o latou olaga atoa. Fesili atu i tama pe faapefea ona fesoasoani le tuuina o a latou molimau ia latou fanau i le mauaina o molimau.



Lui

1. Saili ia maua le malosi, ma tuuina atu lau molimau i le talalelei a Iesu Keriso.
2. Taumafai e ola agavaa i le faateleina o molimau o le upu moni i le ola latalata atu lea i le Alii ma auauna ma le faatuatua i ou valaauga faaleperisitua.
3. Fuafuaina se afiafi faaleaiga i le mataupu o le molimau. Tuuina atu lau molimau i lou aiga i taimi o sauniga.
4. Tuuina atu lau molimau i lotu molimau.

Mau Faaopoopo

Salamo 19:7 (o le taua o le molimau)

1 Korinito 12:3 (o le molimau e oo mai i le Agaga Paia)

2 Timoteo 1:8 (e le tatau ona tatou mama e molimau)

MFF 76:22-23 (o le molimau a Iosefa Samita ma Sini Rikitone)

Sauniuniga a le Faiaoga

A o lei tuuina atu lenei lesona:

1. Ia i ai se laupapa ma se penisina.
2. Afai e te manao ai, ia tofia se tagata o le vasega e faamatala sona malamalamaaga i le mauaina o se molimau.
3. Saunia e amata le sauniga i le usuina o le pese "Ua Ou Iloa o Iesu" *Viiiga*, nu. 87.

Faatuatua ia Iesu Keriso

Lesona 27

O le faamoemoega o lenei lesona ia fesoasoani ia i tatou ia faamalosiā la tatou faatuatua ia Iesu Keriso.

Faatomuaga

Faaali atu le ata 27-a “O le Faatuatua ia Iesu Keriso o le Mataupu Faavae muamua lea o le Talalelei.” Faaali i le taimi atoa o le lesona.

O le faatuatua i le Alii o Iesu Keriso o le mataupu faavae muamua lea o le talalelei. Afai ua i ai lo tatou faatuatua ia Iesu Keriso o lona uiga ua i ai lo tatou talitonuga ia te ia; ua tatou faamoemoeina o ia ma taliaina ana aoaoga. Sa tusia e le Aposetolo o Paulo e faapea “o loo tatou savavali i le faatuatua ae le o le tino mai o mea” (2 Korinito 5:7). O le uiga o lenei mea e faapea o le faatuatua o se faamanoniga faaleagaga e faapea o mea tatou te le o vaai ma faalogo ai, o mea moni ia ma o loo i ai. Mo se faataitaiga, tatou te lei vaai ia Iesu o maliu mo i tatou pe mafatia mo a tatou agasala, peitai ua tatou iloa lea mea e ala i le faatuatua. Sa faapea mai Alema, “o le faatuatua, e le o le mautinoa lea o mea; o lea, afai ua ia te outou le faatuatua, tou te faamoemoe i mea e le o vaaia, a ua moni ia.” (Alema 32:21).

Faatuatua ia Iesu Keriso

O le faatuatua ia Iesu Keriso e mafai e tagata ona faia taulaga po o le faia o se galuega faigata. Mo se faataitaiga, talu ai ona o lo latou faatuatua, sa finagalo ai Aperaamo e ofoina atu lona atalii e avea ma taulaga, o Enoka sa faaliliuina, ma Noa sa faasaoina mai le lolo (tagai Eperu 11). O nisi ia o vavega e tele sa faataunuuna i le faatuatua i le Alii o Iesu Keriso. “Aua o le faatuatua e fai ai vavega.” (Moronae 7:37).

O le faatuatua foi e mafai ai e i tatou ona taliaina mafatiaga, tofotofoga, ma tīga. Sa mafai e lopu ona taliaina lona mafatiaga tele, mo se faataitaiga, aua sa i ai ia te ia le faatuatua ia Keriso. Sa faamlosia e le Alii lopu aua sa silafia e le Alii ma fesoasoani ia i latou o e talitonu ia te ia. (Tagai Naauma 1:7).

E ui lava ina sili atu le mafatia o lopu nai lo le mafatia e oo i le toatele o i tatou, ae sa le faafitia e ia lana molimau po o le fulitua atu i le Atua. Sa oti uma lana fanau ina ua faaleagaina uma lona fale i se matagi tele. Sa lilofia uma lona tino i mai. O ana uo e oo lava i lona toaluā ua faifai ia te ia, ma tau atu ia te ia e faapea ua mafatia o ia ona o lona

27-a. O le faatuatua ia Iesu Keriso o le uluai mataupu faavae lea o le talalelei.



amioleaga. Talu ai ona o lona faatuatua, na taliaina ai e lopu na tofotofoga. I le tulaga maoae o ona mafatiaga, na mafai ai e ia ona vivii ma molimau atu i le Atua: “Aua ua ou iloa, o loo soifua le na te togiolaina au; o aso amuli foi e tulai mai ai o ia i luga o le eleele. Eui lava foi ina faaumatia lenei tino pe a mavae atu lou pau, a e ou te iloa atu le Atua i lou tino.” (Iopu 19:25-26). Sa faapea ona tauia mulimuli ane lona faatuatua; ua gata ona mafatiaga ma faapea ona matua faamanuiaina o ia e le Alii.

O le tala e uiga ia lopu e faaalii ai pe faapefea e le faatuatua, e pei o le taula o se vaa ona fesoasoani ia i tatou ia taofi mau i a tatou molimau pe a oo mai tofotofoga (tagai i le Eteru 12:4). Atonu tatou te mafatia mai ma'i, mativa, oti, po o le faosoosoga, peitai afai tatou te faatinoina le faatuatua ia lesu Keriso, o le a faamallosia ma faamanuiaina i tatou.

O a nisi o faafitauli atonu e i ai i o tatou olaga? Aisea e le tatau ai ona tatou faamasinoina i latou e i ai faafitauli?

Faamallosiaina o lo Tatou Faatuatua ia Keriso

E tatau ona tatou saili pea e faamallosia lo tatou faatuatua. Afai o le a tatou faia faapea, o le a maua e i tatou le olioli o le latalata atu i le Alii ma maua ana faamanuiaga. Sa tau mai e Alema ia i tatou e faapea o le faatupuina o le faatuatua ia Keriso e pei o le totoina, faamaluina, ma le seleseleina o fua o se laau.

Faali atu le ata 27-b, “O le faatuatua e amata i le totoina o se fatu e tasi.”

O le laasaga muamua i le faatupuina o le faatuatua e mafai ona faatusatusa i le totoina o se fatu. Sa faapea mai Alema: “A e peitai, faauta, afai tou te ala mai, ma fagua o outou mafaufau e oo i le tofotofoto i au upu, ma faaoga sina faatuatua itiiti lava; ioe, afai tou te mafaia se mea e sili i le manao i le fia faatuatua, ina tuu ia lenei manao e galue i totonu ia te outou.” (Alema 32:27-28).

E mafai faapefea ona tatou totoina le fatu o le faatuatua i totonu o o tatou lava loto?

O se tasi o auala e masani ona amata ai le faatuatua o le taimi lea tatou te faalogo ai po o le faitau i afioga a le Atua ma naunau e talitonu. A o tatou tofotofoto i le mea ua tatou faalogo ma faitau i ai, faia se tautinoga e talitonu ma ola i mataupu faavae ua aoaoina ai i tatou, ua amata ona tatou lagonaina i totonu o tatou loto e faapea e moni mea ua tatou aoaoina. (Tagai loane 7:16-17).

Faali atu le ata 27-c. “E pei lava ona manaomia e le laau toto le malamalama o le la, ea, ma le vai e faapea foi ona manaomia e le molimau le faaolaolaina pea.”

O le laasaga lona lua e tutusa lelei lava mo le tausia lelei o le laau. E pei lava ona manaomia e le laau toto le malamalama o le la, ea, ma le vai, e ola ae ai, e manaomia foi e lo tatou faatuatua le faaolaolaina pe afai o le a tuputupu ae.

27-b. O le faatuatua e amata mai lea i le totoina o le fatu e tasi.





E faapefea ona tatou faaolaolaina pe faateleina lo tatou faatuatua ia Iesu Keriso?

E mafai ona tatou faaolaolaina lo tatou faatuatua i le faitauina lea ma mafaufau loloto i tusitusiga paia, tatalo ma anapogi, auaua atu i le Alii, lagolagoina o tatou taitai o le Ekalesia, ma ususitai i poloaiga a le Atua. E pei lava ona mate o le laau ua leai se vai, e faapea foi ona mate o le faatuatua e aunoa ma ni galuega. E tatau ona tatou matua faaolaolaina lo tatou faatuatua e ala i galuega amiotonu. (Tagai lakopo 2:14-26.)

Faaali atu le ata 27-d, "O fua o le faatuatua o le filemu ma le olioli ma le ola e faavavau."

E ala i lo tatou naunautai i le faaolaolaina o lo tatou faatuatua, o le a mafai ai ona tatou olioli i faamanuiaga matautia e pei lava o le tausiga lelei mo se laau toto o le a mafai ai ona faatagaina i tatou tatou te olioli i ona fua.

O a faamanuiaga po o fua o le faatuatua ia Iesu Keriso?

O le faatuatua e mafai ai e i tatou ona—

- "Uumau i mea lelei uma" (tagai Moronae 7:28.)
- Olioli i le filemu ma le fiafia, aua tatou te le fefefe i le lumanai.
- Mauaina tali ia tatou talosaga.
- Faamamaina a tatou avega e le Alii (tagai i le Mataio 11:28-29.)
- Faamagaloina a tatou agasala pe afai ua tatou salamo mai ai.
- Faaoga le mana o le perisitua.
- I ai faatasi ma i tatou le Agaga Paia. (Tagai i le Moronae 7:32).
- Aoaina vavega i o tatou olaga (Tagai i le 2 Nifae 26:13).
- Toe foi e ola faatasi ma lo tatou Tama Faalelagi pe a mavae le Toetu.

O loo faamatala mai e le Tusi Paia se fafine sa mafatia i se mai tigaina mo le sefululua tausaga. Sa faaaluina e ia mea uma sa ia te ia i le taumafai ina ia togafitia o ia. O se tasi aso sa maluu mai ai Iesu i lona nuu. Sa faalogo o ia ia Iesu ma i ai lona faatuatua e faapea o le a faamaloloina o ia e tusa lava pe na ona pai atu i le pito o lona ofu. Ma o lea, o le faaaogaina o lona faatuatua, sa pai atu ai o ia i le Faola a o savali mai o ia i ona tafatafa. Ina ua pai atu i lona ofu, sa faamaloloina o ia i le taimi lava lea, ma sa faliu mai loa Iesu ia te ia ma faapea mai, "Lou afafine e, ina faalototele ia oe: ua e ola i lona faatuatua." (Tagai i le Luka 8:43-48).

Sa faatupuina e le fafine i totonu o lenei tala lona faatuatua ia Keriso i lona talitonu o le a faamaloloina o ia pe afai e pai atu o ia i lona ofu. Sa ia tuuina atu lona talitonu i gaioiga i le pai atu lea i le ofu, ma sa faapea loa ona maua e ia faamanuiaga o lona faatuatua ina ua togafitia o ia.

27-c. E pei ona manaomia e le laau le la, ea, ma le vai, e manaomia foi e le molimau le tausiga i taimi uma.



Aisea e taua ai le gaioioiga o le faatuatua ia lesu Keriso pe a faamanuiaina le mai ina ua faamanuiaina?

Ia tuuina atu i le tagata sa tofia o le vasega e faaalua pe faitau ala o loo i lalo.

O Randall Ellsworth o se faifeautalāi o le sa faatino lona faatuatua ina ua matua tigaina o ia i se mafuie tele i totonu o Guatemala. I le taimi o le mafuie sa i ai o ia i totonu o se fale tele ma sa faapea ona solo ifo lea fale tele i ona luga. Sa faamatalaina e se tasi o le Au Pulega Aoao ona mafauauga i le auala lenēi:

“Ou te manatu e tusa ma le sefululua itula sa “taomia ai o ia”. Ua matua gase atoa o ia mai lona puimanava agai i lalo. Ua le i ai se aoga o fatugao. E leai se faamoemoe e toe mafai ona toe savali.

“Ua lele atu nei o ia . . . Maryland i totonu o le lunaite Setete ma . . . faatalanoaina ai i totonu o le falemai e se tagata tusitala a le televise. Sa faapea atu le tagata tusitala a le televise ia te ia, ‘Ua faapea mai le fomai e le mafai ona ia toe savali. O le a sou manatu, Elder Ellsworth?’ Sa faapea mai o ia, ‘E le gata ina mafai ona ou toe savali, ae o loo i ai foi sou valaaulia mai i le perofeta e faia se misiona i totonu o Guatemala, ma e tataua ona ou toe foi atu i Guatemala ma faauma lena misiona’ . . .

“E faalua ona ia faatinoina (mea manaomia) na faatulaga mai e alii fomai. Na faaalua lava lona faatuatua. Sa maua sona faamanuiaga mai le perisitua, ma o se vavega lava na tupu i lona toe malosi mai. O se mea lea na matua maofa ai alii fomai faapitoa. Sa faasolosolo lava ina mafai ona tu i luga. Ua oo foi ina mafai ona savali o ia i tootoo, ona faapea ane ai lea o alii fomai ia te ia, ‘Ua mafai nei ona e toe foi atu i le misiona pe afai e faatagaina oe e le Ekalesia.’ Sa faapea ona alu o ia. Sa matou auina atu o ia i Guatemala. Na toe foi lava o ia i le laueleele na valaauina ai o ia, i tagata sa sili ona pele ia te ia.

“A o i ai o ia i ina sa savali, ae e tofu le lima ma le tootoo. Sa vaai mai (lona peresitene o le misiona) ma faapea mai i ai, ‘Elder Ellsworth, i le faatuatua o loo ia te oe, aisea e le tuuese ai na tootoo ae savali?’ . . . Sa faapea ona ia tuu i lalo tootoo ma amata mai ai iina e lei toe faaogaina lava ni tootoo. (Tagai ia Marion G. Romney, “Faalagolago i le Alii,” *Liahona* Mati 1978, itulau e 64.)

Tuuina atu i se tagata sa tofia o le korama e faamatala le tala o lona liliu mai po o se taimi o sona mafatiaga po o se tofotofoga, ma sa manaomia ai lona ola i le faatuatua.

FAAIUGA

Ina ia mafai ona tupu lo tatou faatuatua, e tataua ona tatou faaolaolaina pea i taimi uma. O lea mea o se meaalofo ma se faamanuiaga tatou te manaomia i taimi uma ma totonu o nofoaga uma. O mea uma tatou te faia i totonu o le Ekalesia e manaomia ai le faatuatua ia lesu Keriso. Mo se faataitaga, o le tofogiina o le sefuluai, po o le auauna i totonu

o le Ekalesia, po o le teuina o se tupe ia lava e malaga ai i le malumalu e manaomia ai le faatuatua. A o tatou faaolaolaina lo tatou faatuatua ia Iesu Keriso i le usiusitai lea ia te ia, aoaoina lana talalelei, tatalo, anapogi, auai ia tatou sauniga, ma le auauna i totonu o le Eklesia, o le a tatou maua le tele o faamanuiaga matagofie. O le faamanuiaga maoae o le faatupuina o lo tatou faatuatua e faapea o le a tatou agavaa e toe foi atu i lo tatou Tama o i le Lagi.

LUI

1. Faaoga lou faatuatua ia Iesu Keriso pe a valaaulia oe e faia se faauuga i le perisitua, e pei o le faamanuiaina o le mai.
2. Ia faaoga mataupu faavae o le faatuatua e faafetaiaia ai faafitauli faaletagata.

Mau Faapoopo

Mareko 6:5-6 (e le mafai ona faia se vavega pe a leai se faatuatua)

Eperu 11 (tautinoga e uiga i le mana o le faatuatua)

1 Peteru 1:3-9 (o le faaolataga e oo mai e ala i le faatuatua)

Enosa 4-8, 15 (e faamagaloina le agasala e ala i le faatuatua)

Eteru 12:12-21 (faataitaiga o le mana o le faatuatua)

Sauniuniga a le Faiaoga

A o lei tuuina atu lenei lesona:

1. Faitau le mataupu e 18, "Faatuatua ia Iesu Keriso", i totonu o le tusi lesona o *Mataupu o le Talalelei*.
2. Aoa le Eperu mataupu e 11.
3. Tofia se tagata o le vasega e tuuina atu tala ma mau i totonu o le lesona.

O le faamoemoega o lenei lesona e fesoasoani ia i tatou ia malamalama pe faapefea e le salamo ona saunia i tatou e toe foi atu i lo tatou Tama Faalelagi.

Faatomuaga

Sa faia e le Perofeta o Iosefa Samita lenei lui: “Ia amata atu i le aso nei ona avea i tatou ma ni tagata fou, ma tatou faapea atu ai ma o tatou loto atoa, o le a tatou lafoai i le faia o le agasala ae avea ma e amiotonu.” (*Teachings of the Prophet Joseph Smith*, p. 364.)

Talu ai ona oi tatou uma lava o loo i ai i luga o le fogaeleele, e suesue ma ia tutupu ai, ua fai uma lava e i tatou mea sese. O loo i ai le tele o ituaiga o mea sese. O nisi taimi tatou te faia mea e le tatau ona tatou faia, e pei o le alofa po o le aveina o se mea e le o sa tatou mea. E taua ia mea o agasala e fai ma le loto i ai. O nisi tatou te le faia mea tatou te iloa e tatau ona faia, e pei o le tofogiina o a tatou sefuluai, po o le faauo atu i o tatou tuaoi. E taua ia mea o agasala e fai ma le mautinoa.

O le Manaomia o le Salamo

Afai ua tatou iloa ua tatou faia se mea sese, e le mafai ona tatou fiafia. Tatou te lagona le ma ona o a tatou mea sese ma iloa ai e le mafai ona tatou auaua atoatoa i le Alii. O nisi taimi, o lo tatou le fiafia atonu e faapea foi ona faaososoina i tatou e faia le alofa i isi. E le finagalo lo tatou Tama Faalelagi ia maua e i tatou le fiafia. E finagalo o ia ia maua e i tatou uma faamanuiaga o loo i ai ia te ia mo i tatou, peitai e le mafai ona ia tuuina mai ia i tatou faamanuiaga tatou te le o manaomia. O lenei mea e le faapea ua liliu ese o ia po o le itiiti o le alofa ia i tatou. O le uiga moni o lea mea e faapea e finagalo o ia ia tatou foia o tatou faafitauli, ma o le a tatou le taumafai e foia ia faafitauli pe afai e na te faamanuiaina i tatou mo le faia o se mea sese. O le mea lea, o le salamo, o se fuafuaga a le Atua e fesoasoani ai ia i tatou e foia o tatou vaivaiga ma faapea ai ona agavaa i tatou e nonofo faatasi ma la.

Ona o lenei mafuaaga ua ia tuuina mai ai ia i tatou e suesueina o tatou olaga e vaai ai po o fea tatou te mananao e faaleleia. Sa aoao mai Peresitene Iosefa Filitia Samita e faapea: “O lo tatou tiute lo tatou avea ma ni e sili atu ona lelei i le asō nai lo ananafi, ma sili atu ona lelei a taeao nai lo le aso. Aisea? Aua o loo tatou i ai nei i luga o le auala . . . i le atoatoaga ae oo mai lena e ala mai i le usitai ma le agaga

naunautai i o tatou loto ia manumalo [i a tatou] agasala. (*Doctrines of Salvation*, Vol, 2, pp 18-19.)

Faitau le Alema 11:37. Aisea e taua ai le salamo? Faitau le 1 loane 1:8-10; Alema 34:33-34; 3 Nifae 30. Aisea e tatau ai ona tatou salamo i se taimi vave lava?

E faapefea ona Salamo se Tagata?

O le agasala e pei o le palapala i o tatou tino. E mafai ona maua ai e i tatou le le mama faaleagaga. O le salamo e pei o le fufuluina ese o le palapala i le fasimoli ma vai. A uma ona tatou salamo, o le a tatou lagonaina le faafouina ma le mama. Sa faamatalaina e Elder A. Theodore Tuttle le agasala i le auala lenei:

“O le salamo e pei o le fasimoli. O le fasimoli o le olaga. E pei o le fasimoli, e fufuluina ese agasala o le olaga. E tatau ona faaaogaina i taimi uma e pei ona tatau ai. Ae ui i lea, e tatau i se tasi ona manatua le mafaufau e faapea, o le faaaogaina sese o le fasimoli i se tulaga le tatau ai le lava o le faamamaina lelei ma le tagata faalotolotolua - atonu e iu ai i se tulaga o le le mama atoatoa. Ae ui i lea, o le faaaogaina tatau o lea fasimoli, le fasimoli o le olaga e faapea ona mama lelei ai, atoatoa, ma faatumauina ai pea le mama. . . .

“O se tasi aso . . . o le a tatou faasino nofoa ai i luma o le laulau faamasino a le Alii. O iina o le a tatou tutu ai ma le eleelea, palapala, ma le le mama, po o le taliaina ma faaoga le meaalofa maoae ma le ofoofogia o le faamamaina - i le fasimoli o le ola - atonu tatou te tutu mama, faamagaloina, ma le mama i luma o le Alii. O le isi taimi e te faaaogaina ai le fasimoli, atonu o le a faapea foi ona e mafaufau i le faamamaina o lou agaga i le faaaogaina lea o le fasimoli o le olaga, o le tulafono aoao o le salamo.” (“Salamo”, *Liahona* Aperila 1969)

Ina ia mafai ona salamo, e tatau ona tatou mulimuli i auala eseese o loo i lalo.

Faaali atu le ata 28-a, “Ole salamo faamaoni e alu ai le taimi ma le malosi.”


Talanoaina vaega e fitu o le salamo e pei ona faamalamalamaina i totonu o le tusi lesona o *Mataupu o le Talalelei*, mataupu 19. Afai e talafeagai ai, ia tuuina atu i le usoga e tofu ma le vaega e tauave, saunia e talanoaina, ma faapea ona tuuina atu i le vasega. Faaali atu se ata faatulaga lea o loo lisiina ai vaega e fitu o le salamo a o talanoaina. (O vaega e fitu o le iloina o le agasala, lagona le faanoanoa mo le agasala, lafoai le agasala, faaali atu le agasala, toe totogi, faamagalo atu i isi tagata, ma le tausia o poloaiga a le Atua.)

O le salamo faamaoni e le o se mea faigofie. O se mea e alu ai le taimi ma le malosi. Ona o lenei mafuaaga, e le mafai ai ona tatou tuuina ese le aso o lo tatou salamo (tagai i le Alema 13:27).

O le Olioli o le Salamo

Faaali atu le ata 28-b “O le salamo o se mea tatau aua ua totojiina e Iesu Keriso mo a tatou agasala.”

28-a. O le salamo faamaoni e manaomia ai le taimi ma le taumafaiga.





Ua tatou salamo ina ia maua ai le faamagaloga ia tatou agasala. Peitai ana fai e le totoigiina e lesu Keriso a tatou agasala ma maliu mo i tatou, e le mafai ona faamagaloina i tatou. Ua na o lana taulaga togiola lava lea e mafai ai e le alofa mutimutivale ona faamalieina le faamasinoga ma o le mea le a ua tatou mafai ai ona tatou faamagaloina a tatou agasala mai ia i tatou (Tagai i le Alema 34:10-16). O lenei mea o se faamanuiga maoae, ma e tataua ona tatou matua faafetai mo lea mea.

Ua totoigiina e lesu a tatou agasala, peitai e le mafai ona aveesea mai ma i tatou sei vagana ua tatou salamo. Ina ua iloa e Alema le itiiti ua agasala o ia, sa ia faapea mai, “loe, sa ou manatua au agasala uma, ma au amioletonu, e i ai ona tigaina au i puapuaga o seoli, . . .

“Sa ou manatua, na ou faalogo i lou tama ua vavalo i le nuu e uiga i le afio mai o le toatasi, o lesu Keriso, o le Alo o le Atua, e togiolaina agasala a le lalolagi.

“Ina o taofi atu e lou loto i lenei manatu, sa ou tagi ifo i lou loto, lesu e le Alo o le Atua, ia e alofa mai ia te au.

“O lenei foi, faauta, ina o ou manatu i lenei mea, ua le toe mafai ona ou manatua ou tiga.”

“loe, ua maeu lava le olioli matua tele, e tusa ma le tele o lo'u tiga.” (Alema 36:13, 17–20.)

la tuuina atu i le tagata o le vasega e faamatalaina le tala i le atalii faamaumauoa (Luka 15:11-32). O le a se mea na lagona e le atalii faamaumauoa a o amata e ia laasaga o le salamo?

Talu ai ona o loo faaauau pea le agasala o tagata, o loo faapea foi ona faia e le aunoa le tala i le atalii faamaumauoa, e pei ona i ai i tala o loo i lalo:

la tuuina atu i se tagata sa tofia o le vasega e faamatala le tala o loo i lalo e uiga i se atalii faamaumauoa o ona po nei. la tuuina atu i tagata o le vasega e maitauina ma le filemu auala o le salamo lea o loo ia mulimuli ai.

“Sa ou ola pea e tusa ai ma le Ekalesia seia oo i le 17 tausaga o lou matua, ma sa ou auai i sauniga uma ma fai ou tiutetauave o le perisitua. Ou te lei faia lava se isi tulaga e ese ai. Sa ou fiafia lava i le Ekalesia ma ana polokalama.

“Ae ui i lea, o le 17 lava o tausaga o lou matua na amata ai ona oo mai i lou loto ni manaoga faaletupulaga talavou o le fia saoloto, tetee i faatonuga faaleaiga ma manao e fai au filifiliga mo au lava.’ O se tasi au uo mamae o se uo o se tasi ekalesia, ma sa maua au e le mailei o le faataitai pe tofotofa i nisi o mea na ia ofoina mai: ava malos, ma le tapaa. Sa amata ona ou faamasani atu i teine lotu ese ma e lei umi se taimi ae mafana la ma faauoga ma se tasi tamaitai lelei. Sa valaauina au e ona matua matou te auai faatasi i a latou tafaoga i le tele o faaiuga o vaiaso, ma o se tulaga lea na ou le alu ai i gaoioga faale-lotu.

“Ona oo mai ai lea o le Taua Lona II a le lalolagi, ma ina ua fesiligia au e lou epikopo pe ou te fia alu i se misiona, sa ou tali atu i ai e sili pe a ou alu i le vaegaau ma auaua atu i le malo, peitai ua ou iloa nei, sa sili pe ana ou alu muamua e fai se misiona mo lo’u Tama Faalelagi.”

“O le taimi foi lea na amata ai ona ou iloa, sa le tausisi nisi o tagata o le ekalesia sa ou fiafia lava i ai i tulaga o le Ekalesia. Sa ou tofia a’u lava e fai ma o latou faamasino, ma i lau faamasinoga, o i latou o ni tagata pepelo. Sa ou faia se tautinoga ia te au lava, afai e i ai se taimi e le mafai ai ona ou ola i tulaga o le Ekalesia, e sili ona ou le auai i le Ekalesia nai lo lou faia o isi mea ae le faia isi mea. O se tasi foi lea o ou sese matuia, aua o le mea tonu lava lea sa ou faia ma o le mea tonu lava lea na manao i ai le fili.

“O le fa tausaga na avea ai au ma se pailate i le vaegaau faapea ma le 15 tausaga o ou faigaluega i fefaatauaiga o ni tulaga ia na faigofie ai ona ou tumau i le vaivai i le lotu, peitai sa i ai lava lou talitonuga i mea moni ia sa teu fatu i lou agaga. Ina ua 38 ou tausaga, sa sau ai lou uso laitiiti o Toma, ma matou nonofo mo le ono vaiaso. O taeao o Aso Sa taitasi e alu ai lava o ia i sauniga perisitua ma isi sauniga, ma sa amata ona tiga o’u lagona. Sa ou le fiafia, ma sa ou iloa e i ai se mea ua sese, ma sa oo mai pea lava pea lenei lagona ia te au. I le taimi ua mavae sa mafai ona ou tuua le tapaa pe a ou manao ai, a o le taimi lenei ua ou le mafaia. Pe a ma talanoa ma Toma i lona ofisa, ou te faitioina lava le Ekalesia, ma e mulimuli ane, ou te lagona lava lou sese, ae le mafai ona ou tauina atu ia te ia.

“Sa ou faatupuina lava lenei mea seia oo i le taimi o ou faigata, ma sa ou oo lava i lea tulaga i se tasi po ina ua uma se pati ma le siva i le fale kalapu. Sa ou taoto i lou moega ua leva le po ae sa le mafai ona ou moe, ma o se tulaga lea ou te le masani ai. Na iu lava ina ou tu malie ae i luga ina nei faateia lo’u toalua, ma o le taimi muamua lava lea i lou olaga na ou savalivali solo ai i le fola o le fale ma le iloa, ua tatau ona sui lau amio.

“E le mafai lava e au ona faaali atu ni ou lagona ootia i le maligi o ou loimata ma le agaga maualalo, peitai o le isi mea ou te manatua, sa ou tootuli i ou tulivae ma faatauana atu i lou Tama Faalelagi mo se fesoasoani ma o le taimi muamua lava lea talu mai le 19 tausaga. A o ou tatalo, sa tumu au i se lagona ootia o le alofa, ma le fiafia, ma sa matua oo mai le Agaga Paia ia te au ma sa ou tagi masusu mo sina taimi. Ina ua ou tu ae i luga, sa ou maua se lagona lelei. Sa tumu lou loto i totonu ia te au i se tulaga sa ou faapea o le a faaumatia ai au.

“Sa ou toe foi atu i le potu moe ma fafagu loa lo’u toalua. Sa ou tagi lava i lea taimi, ma sa fesili mai lo’u toalua po o le a le mea ua tupu. Sa ou tauina atu ia te ia lo’u naunau e suia lou olaga ma avea le talalelei a lesu Keriso e fai ma ou tapasa, ma sa faapea mai ia te au o

le a ia lagolagoina au. Sa amata mai i lena lava taimi ona ou le toe manao i se sikaleti, ava malosi o soo se ituaiga po o se ipu kofe.

“Sa amata ona toe faamanuia au e le Alii, ma e lei taofia lava e ia e oo mai i le aso. Ina ua atoa le tausaga talu mai lea taimi, sa avea ma se avanoa taua ia te au le papatisoina o lau fanau, ma e lei umi foi ae sosoo ai ma lou toalua. Ina ua mavae se tasi tausaga, sa matou o atu i le Malumalu i Logan ina ia faaipoipoina ai e faavavau ma faamau la maua fanau ia i maua.

“Ou te molimau atu e fiafia lava le Alii pe a toe foi mai lana mamoe sa leiloa. E faaalua e ia lona alofa ma lona agalelei ia i tatou uma lava pe a tatou salamo ma tausi a ana poloaiga. (Lewis W. Cottle, “O le Toe Foi Mai o le Faamaumau Oa, *Liahona*, Aokuso 1974, itulau 19).

O a ni lagona o lenei atalii faamaumauoa o loo i ai nei a o salamo o ia? Faitau le Luka 15:10. E faapefea ona silafia e lo tatou Tama Faalelagi lo tatou salamo? (Tagai i le MFF 58:42 ma le Isaia 1:18). O a uiga tatou te faaalua i se tagata ua salamo?

Faaiuga

Tatou te manaomia uma e salamo pe afai tatou te avea e pei o lo tatou Tama Faalelagi ma toe ola faatasi ma ia. Ona o lenei mafuaaga ua faia ai e Iesu Keriso se tulaga tatau mo i tatou ia salamo i le togiolaina lea mo a tatou agasala. Afai tatou te salamo ia tatou agasala, o le a tatou aumaia ia i tatou le olioli ma lo tatou Tama Faalelagi.

Sa aoao mai Peresitene Harold B. Lee e faapea: “O le poloaiga sili ona taua o poloaiga uma a le Atua o le poloaiga lena ua faigata ona e tausia i le aso. Afai o se tasi e le faamaoni, po o se tasi e le ola mama, po o se tasi e molimau pepelo, po o le le tautala ma le faamaoni, o le aso nei o le aso mo oe e te galue ai seia oo ina e faatoilaloina lena vaivaiga. Ona e galue foi lea i se isi vaivaiga e faigata ona e tausia.” (*Church News*, Me 5, 1973, p. 3.)

Lui

1. Tagi atu i le Alii i au tatalo faaletagata e fesoasoani ia te oe e foia faafitauli o loo e galue ai. Talanoa atu ia te ia i aso taitasi o lou alualu i luma, ma a o e tumau i lou faaleleia atili, ia e tatalo pea mo le faamagaloina o mea sese ua tuanai.
2. Faaali atu lou olioli o le salamo i isi tagata, aemaise lava o tagata o lou lava aiga.

Mau Faapoopo

Salamo 51:10 (Sa tatalo Tavita mo le faamagaloina)

Isaia 1:16-18 (ua poloaiina i tatou ia salamo)

Luka 15:7 (ua olioli le lagi ia i latou ua salamo)

2 Korinito 7:10 (o tiga e tusa i le Atua e tupu ai le salamo)

Mosaea 4:1-3 (e faamagaloina agasala ona o le togiola a Keriso.)
Alema 7:15 (papatísoga e aveá ma faailoga o le salamo)
Alema 12:14-15 (o le faatuátua ma le salamo e aumaia ai le faaolataga)
Alema 34:8-9 (na togiolaina Keriso mo agasala a le lalolagi)
MFF 19:16-17 (ua mafatia Keriso mo i latou o e salamo)
MFF 76:40-42 (na malíu Iesu e togiola ai agasala a le lalolagi)

Sauniuniga a le Faiaoga

A o lei tuuina atu lenei lesona:

1. Faitau le Mataupu e 19, "Salamo" i totonu o le tusi lesona o le *Mataupu o le Talalelei*.
2. Faamanatu atu i tagata o le vasega e tuuina atu tala ma mau i totonu o lenei lesona.
3. Afai e te manao ai, ia tofia ni tagata o le vasega e talanoaina vaega e fitu o le salamo o loo faailoa mai i totonu o le Mataupu e 19 o le tusi lesona o le *Mataupu o le Talalelei*.
4. Tofia tagata o le vasega e tuuina atu tala ma mau i totonu o lenei lesona.
5. Ia saunia le lesona ia foia ai talanoaga o faafitauli faaletagata a tagata o le korama.

Papatisoga, o se Feagaiga e Faifai Pea

Lesona 29

O le faamoemoega o lenei lesona o le faamalosia lea o i tatou e faaauau pea le tausia o feagaiga ua tatou faia i le papatisoga.

Faatomuaga

O i tatou taitoatasi o e ua papatisoina ua papatisoina e avea o se faailoga faapea ua sua e ia lona olaga ma naunau e usiusitai i mataupu faavae lea e taitaiina ai o ia ia taunuu atu i le faaolataga. Peitai o le na ona papatisoina ua le lava lea. I lenei taimi ua tatou amata ai se auala fou o le olaga; ma ina ia mauaina faamanuiaga o lenei olaga fou, e tatau ona tatou faaauau pea le alualu i luma ma faaleleia i tatou.

Na manatunatu loloto le Perofeta o Alema e uiga i ona uso i le perisitua ina ua maea lo latou papatisoga, ma tau atu ia te i latou e faapea: “O lenei foi, faauta, ou te fai atu ia te outou, ou uso i le Ekalesia, po ua fanauina ea outou faaleagaga i la le Atua? Po ua outou maua ea lona foliga i o outou mata? Po ua outou lagona ea le suiga i totonu o o tatou loto ma maua ai se aoaoga o le toe fanau faaleagaga talu mai lo tatou papatisoga i totonu o le Ekalesia a lesu Keriso?”

E toatele tagata ua olioli i lagona faaleagaga i le taimi o o latou papatisoga. O le auala lenei na faamatalaina ai se tasi tagata o le Ekalesia: “E le mafai ona ou faagaloina le lagona i totonu o lou loto; ia avea ma tagata mama, ia amata ona foi e pei o se atalii o le Atalii. . . . Ua avea lea mea o se lagona faapitoa!” (*No More Strangers*, Vo.3, p. 175).

O La Tatou Feagaiga o le Papatisoga

Faali atu le ata 29-a, “I le papatisoga ua tatou faia ai se feagaiga ma le Atua e tausia ana poloaiga.”

O le feagaiga o se maliliega lea i le va o ni tagata se toalua po o le sili atu. I le papatisoga ua tatou faia ai se feagaiga pito sili ona taua ma le Atua. Sa faapea mai Peresitene Spencer W. Kimball: “O le papatisoina, o le osia foi lea o le feagaiga (ma le Atua) e faia, e le na o le aloese mai le faia o mea sese, a ia faia galuega amiotonu ma ia aloese foi mai le tiapolo. (*Vavega o le Faamagalo Atua*, itulau e 94).

Ia tuuina atu i le tagata o le vasega e faitauina ma faailoga le MFF 20:37, Mosaea 18:8-10. O a feagaiga patino ua tatou faia ma le Alii ina ua papatisoina i tatou? (Ia lisiina feagaiga i luga o le laupapa.)



Ua tatou osia le feagaiga e –

- Auai i le Ekalesia a Iesu Keriso
- Valaauina i lona igoa.
- Auauna i le Alii ma tausia ana poloaiga
- Fesoasoani le tasi i le tasi ma tauave faatasi avega mamafa
- Avea ma molimau mo Keriso ma lana Ekalesia.

O ia mau ua faapea foi ona tauina mai ia i tatou e uiga i le vaega a le Atua i le feagaiga o le papatisoga.

O le a le mea ua tautino mai e le Alii ia i tatou pe a papatisoina i tatou? (Tusi tali i luga o le laupapa)

Ua tautino mai e le Alii e –

- Faamagalo a tatou agasala.
- Tuuina mai ia i tatou taitaiga a le Agaga Paia
- Faatuuina mai i tatou i le uluai toetu.
- Tuuina mai ia i tatou le ola e faavavau.

O le papatisoga o le amataga o le “suiga tele” e tatau ona tatou aoaoina uma ina ia mafai ai ona tatou toe foi atu i lo tatou Tama Faalelagi (tagai i le Alema 5:13-14 ma le Mosaea 5:7-9). O le toatele o i tatou e leai se suiga i le taimi tatou te papatiso ai, peitai a o tatou ola ae ia tatou feagaiga o le a suia o tatou manaoga ma a tatou amioga ma faapea ona avea atili ai pea i tatou e pei o lo tatou Tama o i le lagi. O lo tatou papatisoga e saunia ai se amataga fou mo i tatou, o le toe fanau faaleagaga. O i tatou, e pei foi o Keriso, sa “tanumia i le vai o le papatisoga, ma faapea ona tatou tutupu ae ai i se olaga fou (tagai i le Roma 6:3-4). O lenei olaga fou e amata i se maliliega umi ma le Atua; ma afai tatou te faia la tatou vaega, o le a faia foi e ia lana vaega. Afai tatou te ususitai ia te ia, o le a ia fesoasoani mai ia i tatou ma taitaiina atu i tatou i totonu o lona afioaga.

Ia tuuina atu i uso e toalua o le vasega sa tofia e faamatalaina tala faaletagata e uiga i lagona ua oo ia te i latou ina ua papatisoina i latou ma le auala ua suia ai o latou olaga ina ua papatisoina. Ia auai le autalavou i le vaega lenei o le lessona.

O lo Tatou Alualu i Luma Ina ua Maea ona Papatisoina

O nisi tagata e manatu e faapea e oo mai le faaolataga i le papatisoina. Ae ui i lea, o le papatisoga ua na o se amataga. E tatau ona tatou faaauau pea le tuputupu ae i le amiotonu ina ua uma ona papatisoina pe afai tatou te taunuu i le ola e faavavau. Ina ia fesoasoani ia i tatou i le faia o lenei mea, ua tuuina mai ia i tatou e le Alii, o poloaiga e tausia pe a maea ona papatisoina.

la tuuina atu i le vasega e faitau le Moronae 6:4-9. O a matafaioi e ia i tatou pe a maea le papatisoga? (Tusi tali i luga o le laupapa. O le tasi tali o le mulimuli lea i taitaiga a le Agaga Paia, ae o le mea lenei e talanoaina i le lesona e 30.)

O a tatou matafaioi ina ua maea le papatisoga o le-

- Tatalo e le aunoa.
- Anapogi mo mea e manaomia faapitoa.
- Auai ma aofia ai i sauniga o le Ekalesia.
- Taumafa i le faamanatuga e le aunoa.
- la manatunatu loloto e uiga i tulaga tau i le atinae o isi tagata.
- Salamo ina ua tatou faia mea sese.
- Mulimuli i le taitaiga a le Agaga Paia.

Ina ua papatisoina i tatou ma tuuina mai le Agaga Paia, na faia e le Atua nisi o tautinoga ia i tatou, lea o le a ia tausia pe afai tatou te ola ae ia tatou tautinoga. Peitai, a o tatou agai atu i o tatou tiute o le sailia o tupe mo i tatou ma o tatou aiga, auai i aoga, ma le faia ma le tatau o mea eleelea, o le a le pine ona tatou aafia i faafitauli o le lalolagi ma faagalo ai a tatou feagaiga. O le mea lea, o le faafitauli o loo feagai ma i tatou uma, o le auala e tausia ai lo tatou tulaga faaleagaga ma savali i lo tatou olaga fou. O mea uma na tauina mai e Moronae ua saunia e fesoasoani ia i tatou e faaauau pea i le olaga fou ua tatou amataina i le papatisoga, ma faapea ai ona toe fanau moni i le tulaga faaleagaga.

TATALO

O se mea taua le tatalo faatauana faaletagata, pe afai o le a ia i tatou le malosi tatou te manaomia e ola ai i poloaiga o le talalelei. O le tatalo e mafai ai ona tatou latalata atu ai i lo tatou Tama o i le Lagi ma maua ai le avanoa tatou te faaali atu ai lo tatou faafetai ia te ia faapea foi le talanoaina ma ia o a tatou faafitauli. O le mea lea, e tatau ai ona tatou manatunatu o se faamanuiaga maoae, le amataina ma le faaiuina o aso taitasi o o tatou olaga i le tatalo.

ANAPOGI

E tatau ona tuu faatasi le tatalo ma le anapogi, a itiiti mai e faatasi i le masina. I le avefa ai ma se Ekalesia, e masani ona tatou anapogi mo aiga e lua i Aso Sa anapogi. I le avefa ai ma tagata taitoatasi, atonu tatou te anapogi pe a tatou manaomia se faamafanafanaga ma se faaopoopoga o le malosi faaleagaga. (Tagai i le Lesona 31 i lenei tusi lesona.)

AUAI I SAUNIGA O LE EKALEZIA

E maua e i tatou uma le malosi faaleagaga i le auai e le aunoa i sauniga o le Ekalesia, lea tatou te aoao ai mea e tele e uiga i le talalelei

29-b. E faafouina la tatou feagaiga o le papatisoga pe a tatou aai i le faamanatuga.



ma faamalosia ai a tatou molimau. E tatau ona tatou faamalosia tagata o aiga e auai uma ia latou sauniga o le Ekalesia. Afai tatou te auai i ia sauniga, e tatau ona tatou auai i totonu o ia sauniga i le usuina o viiga, mafaufau loloto, tuuina atu o tautalaga, ma ia faapea ona faaaloalo.

TAUMAFI I LE FAAMANATUGA

Faali atu le ata 29-b, "Ua tatou faafouina a tatou feagaiga o le papatisoga ina ua tatou aai i le faamanatuga."

O le tasi mafuaaga o lo tatou auai i le sauniga faamanatuga o le taumafai ai lea i le faamanatuga. O le feagaiga tatou te faia ina ua tatou aai i le faamanatuga e tutusa lelei lava e pei o ia na tatou faia i le papatisoga. I le auala la lenei, o vaiaso taitasi i le taimi o le faamanatuga tatou te manatua ai a tatou feagaiga o le papatisoga ma toe tautino ai e faapea o le a tatou tausia ia feagaiga.

FESOASOANI ATU I ISI TAGATA

Ia tuuina atu i le tagata sa tofia e faatusatusa le MFF 20:37 i le MFF 20:77.

Ina ua papatisoina i tatou, ua tatou tautino atu i le Alii e faapea o le a tatou "ioe e fesui i a outou avega faanoanoa faatasi ma e faanoanoa; ioe, ma faamafanafana i e ua tatau i ai le faamafanafanaga." (Mosaea 18:8-9). O le auauna atu i o tatou uso a tagata fesoasoani ia i latou e i ai ni mea e manaomia, aoaoina o o tatou aiga, ia manatunatu loloto e uiga i le tamaoaiga o tagata uma o se vaega o la tatou feagaiga o le papatisoga ma le Alii. O lea mea o se vaega taua o le olaga fou e tatau ona tatou faia mo i tatou lava ina ua maea le papatisoga.

SALAMO I A TATOU AGASALA

E moni lava, tatou te faia uma lava mea sese, ma o le mea lea e tatau ai ona tatou salamo ia tatou tausia ai a tatou feagaiga o le papatisoga. Tatou te salamo i le iloaina lea ma faali atu i le tagata e i ai le pule tatau e faapea ua tatou faia se mea sese (tagai i le lesona 28 o lenei tusi lesona). E ala i le salamo e mafai ona tatou toe faamamaina mai a tatou agasala ma faapea ai ona tatou agavaa e taliaina le taitaiga a le Agaga Paia.

O le Ala i le Atoatoa

Pe o le a i ai ea se taimi tatou te le toe manaomia ai la tatou feagaiga o le papatisoga. O le mea moni, o le tali e leai-seiloga tatou te atoatoa e pei o le atoatoa o le Atua. Seia oo mai lenei taimi, e tatau lava ona tatou atoatoa i taimi uma o o tatou olaga, fesui uiga leaga mo uiga lelei. Sa faapea mai Peresitene Spencer W. Kimball: "O le mea moni o le manumalo o le tagata ia te ia lava o se polokalama faifai pea - o se malaga, e le o iloa se amataga. E le faafuasei ona maua e tagata le tulaga amiotonu, e pei foi ona le avega faafuasei sina fatu itiiti ma se laau lapoa, o le siitia o le tulaga i le atoatoa, e le mafai ona vave maua,

vagana ua taumafai ma galue malosi se tasi agai i le sini (*O le Vavega o le Faamagalo Atu*, itulau 210.)

Sa aoao mai le perofeta o Nifae e faapea ina ua uma le papatisoga “e tatau ona tatou fetaoimi atu i luma” ma tumau e oo i le iuga.” Sa ia tautino mai e faapea o le a tuuina mai e le Atua ia i tatou le ola e faavavau pe afai tatou te faaali atu lo tatou alofa i le usiusitai ia te la (tagai i le 2 Nifae 31:19-21). A o tatou usiusitai i le Alii ma tausia le feagaiga, na tatou osia ma ia i le taimi o le papatisoga, o le a tatou mauaina le fiafia i lenei olaga ma olioli e faavavau i le olaga a sau.

Sa faamatalaina e Peresitene Iosefa Filitia Samita lo tatou manao e tumau e oo i le iuga i le tausia o a tatou feagaiga i auala nei: “O se tasi o faamoemoega maoae o le ekalesia moni o le aoaoina lea o tagata i mea e tatau ona latou faia ina ua uma le papatisoga ia maua ai faamanuiaga atoatoa o le talalelei. . . . E tatau ona tatou onosai e tau i le iuga; e tatau ona tatou tausia poloaiga pe a maea ona papatisoina; e tatau ona tatou galueaiina lo tatou faaolataga; . . . e tatau ona tatou ola ina ia maua uiga o le amioatua ma ia avefa ma tagata e mafai ona latou aeaaina le paia ma mea ofoofogia o le malo selesitila.” (“O le Ata o le Faaolataga,” *Ensign*, Nov. 1971, p.5.)

Faaiuga

Sa faamatalaina e se tasi o tamaitai taupoua Katoliko sa liliu mai i le Ekalesia le uiga o lona papatisoga ia te ia:

“O mea uma sa ou vaai ma faalogo i ai i le Ekalesia sa matua faamalosi ai lava au. O le agalelei ma le alofa, faapea foi ma le manatu loloto sa i ai i tagata taitoatasi mo isi tagata o le Ekalesia, na faapogai ai ona ou iloa e faapea o lenei lotu atonu o loo i ai se mea faapitoa e uiga i ai. . . .

“Sa faapea loa ona ou iloa o loo ou i ai i le ekalesia e le sao ma o le Ekalesia a Iesu Keriso o le Au Paia o Aso e Gata Ai ua na o le pau lea o le ekalesia moni i luga o lenei fogaeleele. Sa faapea foi ona ou iloa e tatau ona ou auai . . .

“O le suiga mai i le olaga sa i ai i le olaga o loo i ai nei e le o se mea faigofie, peitai o le mea sa lagolagoina au i le vaega o totoe o le aoaoga o le toe faafuina o le feagaiga o lou papatisoga i vaiaso taitasi i le sauniga faamanatuga - o lau feagaiga e tauave i ou luga le suafa o le Faaola, ia manatua pea o la, ma ia tausia Ana poloaiga, ma o le feagaiga a le Alii e tali mai ai e faapea, afai ou te tausia ia tautinoga, o le a faapea ona faatasi pea ma au Lona Agaga.

“O le isi mea ou te manatuaina lou papatisoga ma le faatofuina atoatoa i le vai. O lea mea ia te au e faafoliga mai i le faaumatia o le tuinanau ma le agasala ma oo atu ai i se tulaga o le faafuina o le olaga e pei o se afafine o le Atua. O lenei foi faatinoga o le papatisoga,

o se auala la lenei tatou te oti ai i la le tagata ma le agasala ma toetu ma alualu i luma i aso taitasi i le auala e toe foi atu ai i le afioaga o lo Tatou Tama.

“Ma sa faapea loa ona ou toe faafouina ma le filemu lau feagaiga e tauaveina i ou luga le suafa o Iesu Keriso, tau atu ia te ia ua ou faafouina le tautoga e taliaina o Ia, o mataupu faavae o le talalelei, ma ana aoaoga; ia taliaina le Ekalesia ma ia lagolagoina le perofeta ma isi pulega o le Ekalesia, ua na o i latou ua tofia i le tofi paia e taitaiina i tatou i le suafa o le Atua. I lau tatalo le leoa, mo se faataitaiga, sa ou faaopoopo ai e faapea ua ou faafouina le feagaiga ia manatua pea o ia, ia toe foi atu i lona afioaga, aemaise lava i le gasologa o le aso i le taimi o faaososoga po o faafitauli. Mulimuli lava, sa ou faafouina ai le feagaiga e tausia ana poloaiga, ma iloaina e faapea afai ou te faia lenei mea ma le faatuatua o le a ou maua lona agaga faatasi ma au.” (Miriam Spain Peterson, “The Lord Takes Care,” *No More Strangers*, Vol. 3, p. 154-159).

LUI

Iloiloina po o a au mea sa faia i lou olaga mai i le taimi o lou papatisoga. I lena taimi atonu e te lagonaina le “suiga o le loto” e amata ia te oe. E pei ona fesili mai le perofeta o Alema “E mafai ea ona fesili ai nei?” (Alema 5:26). Po o e lagona pea ea le faafouina o le olaga o loo taua mai i le mau? Afai ua i ai se mea o e vaivai ai, ia amata i le aso ona salamo ma faasao faafitauli.

Mau Faaopoopo

Kalatia 3:27-29 (ua tatou tauave i o tatou luga le suafa o Keriso i le papatisoga)

1 Peteru 3:21 (o le papatisoga o se laasaga taua muamua o le faaolataga.)

MFF 27:2 (ua tatou aai i le faamanatuga e manatua ai Keriso.)

Sauniuniga a le Faiaoga

A o lei tuuina atu lenei lesona:

1. Faitau le mataupu e 20, Papatisoga, i totonu o le tusi lesona o le *Mataupu o le Talalelei*.
2. Faitau le lesona e 28 ma le 31 o lenei tusi lesona.
3. Ia i ai se laupapa ma se penisina, po o le faia o se ata e faaalii ai feagaiga o le papatisoga ma fautuaga i totonu o le Moronae 6:4-9.
4. Filifili pe fai pe leai: la tofia se tagata o le vasega e faatusatusa feagaiga o le papatisoga ma le faamanatuga.
5. Tofia se tagata o le vasega e tuuina atu tala ma mau i totonu o lenei lesona.

O le Meaalofa o le Agaga Paia

Lesona 30

O le faamoemoega o lenei lesoana o le fesoasoani ia i tatou ia malamalama i faamanuiaga maoae lea e mafai ona oo mai e ala i le meaalofa o le Agaga Paia.

Faatomuaga

I taimi ae tatou te lei auai i le Ekalesia, atonu sa oo mai le Agaga Paia ia i tatou. Mo se faataitaiga, o lagona lelei na ia i tatou ina ua tatou faalogo atu i faifeautalai, o le Agaga Paia lea sa fesoasoani ia i tatou ia malamalama ma taliaina le talalelei. Peitai e leai sa tatou aia e maua ai se faaaumeaina tatau a le Agaga Paia sei vagana ua papatisoina i tatou ma faamauiina. I lena taimi, e ala i le mana o le Perisitua Mekisateko, ua tuuina mai ai ia i tatou le meaalofa o le Agaga Paia i le faaeaina atu lea o lima.

Sa fautuaina mai i tatou e Peresitene Lorenisio Seanoa e faapea: “E tatau ona tatou taumafai e aoao le natura o lenei agaga, ma ia tatou malamalama i ana fautuaga, ma o le a faapea ai lava pea ona mafai ona tatou faia le mea sao. . . . Mai i le taimi tatou te maua ai le meaalofa o le Agaga Paia) e i ai sa tatou uo, pe afai tatou te le tulia ese mai ma i tatou i le faia o se mea sese. O lena uo o le Agaga Paia.” (Conference Report, Aperila 1899, p. 52).

Faali atu le ata 30-a, “O le meaalofa o le Agaga Paia o le aia e avea ai le Agaga Paia ma uo mamae.”

E faapefea ona avea le Agaga Paia e pei o se uo? Ia tuuina atu i le vasega e faitau le loane 14:16, 17, 26 ma le loane 16:13.

Aisea tatou te manaomia ai le Agaga Paia e avea ma a tatou soa ma uo? (Lisiina tali i luga o le laupapa).

O nisi o auala e fesoasoani ai le Agaga Paia ia i tatou o le–

- E na te faali mai ia i tatou le mea moni.
- E na te fesoasoani e aoao mai ia i tatou le talalelei.
- E na te fesoasoani mai ia tatou manatua mea.
- E na te faamafanafanaina i tatou i taimi o faanoanoaga.
- E na te pui puia i tatou mai le tiapolo.
- E na te musuia i tatou a o tatou aoaoina le talalelei i lauga ma lesona.
- E na te lapataina i tatou pe a oo mai faalavelave.
- E na te tauina mai ia i tatou mea uma e tatau ona tatou faia.



Faitau le 2 Nifae 32:5.

Sa faia e Elder LeGrand Richards le faamatalaga lenei: “E sili atu lou tuuina atu o lau fanau ma fanau a lau fanau e olioli i le faaaumea a le Agaga Paia nai lo se isi lava faaaumea i totonu o lenei lalolagi, aua afai latou te faalogo i le lapataiga a lena Agaga, o le a ia taitaiina i latou i le upu moni uma ma vaaia i latou ua toe foi atu ma le saogalemu i le afioaga o lo tatou Tama o i le Lagi” (*Improvement Era*, June 1966, p. 540.) Talu ai ona o le Agaga Paia o se tasi o fesoasoani e manaomia tele, e tatau ona tatou faia mea uma tatou te mafai e avea ai o ia ma tatou uo ma soa.

O le Faatumauina o le Agaga Paia ia i Tatou

O loo i ai mea e tele e mafai ona tatou faia e faatumauina ai le Agaga Paia ma i tatou. O se tasi o auala o le ‘ai ma le tatau i le faamanatuga. O taimi taitasi tatou te aai ai i le faamanatuga, ua tatou tautino atu o le a tatou ususitai i poloaiga a le Alii. Afai tatou te tausia la tatou tautinoga, ua tautino mai e le Alii ia i tatou e faapea o le a mafai ona “tatou mafuta pea ma lona Agaga.” (Tagai i le MFF 20:77.)

O se tasi auala e faatumauina ai le Agaga Paia ma i tatou o le tausia lea o tatou tino ia mama atoatoa. Ua tauina mai e le Alii ia i tatou e faapea o tatou tino e pei o malumalu ma e le tatau ona tatou faaleagaina. (Tagai i le 1 Korinito 3:16-17). E le mafai ona afio le Agaga Paia i totonu o malumalu e le mama; o le mea lea e taua ai le tausia o tatou tino ia lelei ma mama i manatu, upu e tautala ai, ofu, ma gaoioiga, ma aloese ai i foliga leaga. Sa faapea mai se saunoaga a Elder Melvin J. Ballard, “O le Agaga Paia o se agaga pito sili ona iloga o mea uma ua ou iloa” (1967-68, *Priesthood Study Course, Deacons Quorum*, p. 70). Talu ai ona e tulaga ese tele o ia, e mafai ona taofia le Agaga Paia i mea atonu tatou te manatunatu i ai o ni mea e le taua.

Ina ia faatumauina le Agaga Paia ia i tatou, e tatau ona tatou ola i le fealofani ma i latou i o tatou tafatafa. I se lauga na tuuina atu i tagata sa Nifae, sa faapea mai ai Keriso o le agaga o le finauga e sau mai i le tiapolo (tagai i le 3 Nifae 11:29). E le mafai ona afio le Agaga Paia i nofoaga e tutupu mai ai le le felagolagomai ma le le fealofani. Mo lenei mafuaaga, o le finau ma o tatou taitoalua po o le tauupu ma se uso po o se tuafafine o le a taitaiina ese ai le Agaga Paia ma i tatou faapea foi ma o tatou aiga.

Mo se faataitaiga, e le maua e le Perofeta o Iosefa Samita se musumusuga mai le Alii sei vagana ua i ai ia te ia lagona tonu e feagai ai ma tagata uma. O se tasi taeao, sa ia le malie i se mea sa faia e lona faletua o Ema. Mulimuli ane ina ua ia taumafai e faaliliu le Tusi a Mamona, sa ia le mafai. Sa alu atu loa o ia i se togavao ma tatalo ai,

30-a. O le meaalofa o le Agaga Paia o se aia tatau lea e maua ai le Agaga Paia o se uo tumau.

ma ina ua toe foi mai o ia sa ia fai atu ia Ema lona faletua ina ia faamagalalo o ia. Ma ana ia le faia lona mea semanu e le mafai lava ona ia faaliliu. (Mai se faamatalaga na tuuina mai e Tavita Uitimera i le aso 15, Setema 1882, *Comprehensive History of the Church*, Vol. 1., p. 131.)

O lo tatou manao mo le Agaga Paia e pei lava o le maoae sa i ai i le Perofeta. Tatou te manaomia le Agaga Paia e taitaiina i tatou i o tatou tiutetauave, aemaise lava le taitaiga o tatou aiga. O le mea lea, afai e faia e taimaiti mea sese, e le tatau ona tatou ita gofie ae tatau ona fesili atu i le Agaga Paia e taitaiina i tatou i le faatonuina o i latou (tagai i le MFF 121:43).

O a nisi o mea tatou te faia e puipuia ai le Agaga Paia mai i le avea ma o tatou soa? O le a le mea tatou te faia e faatumanuina ai lana faaauamea? (Lisiina tali i ni koluma eseese se lua i luga o le laupapa)

Sa faapea mai Peresitene Iosefa Filitia Samita: “O le a le mafai ona nofo mau le Agaga Paia i le tagata e le fia usiusitai ma tausia poloaiga a le Atua po o latou foi o e soli tulafono ma le loto i ai. O tagata faapena e le mafai e le agaga o le Agaga Paia ona ulufale atu i ai.

“E na o le loto maualalo lava e oo mai ai lona meaalofo matautia ia i tatou ma le faatuatua ma le usiusitai. Pe ua i ai ea se aso ua e nofo ai e mafaufau i le avanoa maoae ua i ai mo i tatou e maua ai le faaauamea a se tasi o le Aiga Atua? Pe ua e mafaufau ea i ai i lona auala? O lo tatou avanoa lona, pe afai tatou te tausia poloaiga ua tuuina mai e le Alii ia i tatou.” (*Church News*, Nov. 4, 1961, p.14.)

O Auala e Fesoasoani mai ai le Agaga Paia ia te i Tatou

Afai tatou te faaali atu i lo tatou faatuatua e faapea ua tatou naunau e avea le Agaga Paia ma o tatou soa e fesoasoani mai o ia ia i tatou ia ola fiafia ma maua olaga lelei i auala o loo i lalo:

E FESOASOANI MAI O IA IA TE I TATOU IA AVEA MA TAGATA LELEI

E musuia e le Agaga Paia “amioga mama, alofa, agalelei, agamalu, lotomaulalo, agaalofo” (Parley P.Pratt, *Key to the Science of Theology*, p. 101.)

E NA TE FAAALI MAI IA I TATOU LE MEA E FAI

E mafai e le Agaga Paia ona fesoasoani ia i tatou e faia filifiliga taua.

Faitau le MFF 6:15 ma le MFF 8:2. E faapefea ona fesoasoani mai le Agaga Paia ia i tatou e faia filifiliga?

E FESOASOANI MAI O IA I A I TATOU IA TUTUPU I TOTONU O LE TALALELEI

Sa faamatala e Elder Franklin D. Richards le auala na taitaiina ai o ia e le Agaga Paia. “Sa ou faalogo i le leo itiiti, po o le musumusuga a le Agaga, a o ou lapatai atu ia te outou, ou uso e ma tuafafine; a o ou faauuina alii i le perisitua; a o ou faamanuiaina alii ma tamaitai i tofiga i le Ekalesia; a o ou faamanuiaina e mamai; a o tuuina atu lau molimau

i tagata lotuese atoa foi ma tagata o le Ekalesia; a o ou tuuina atu se lauga, ma sa fapea lava ona ou lagona i le tele o isi taimi.” (“O le Mana Tumau o le Agaga Paia,” *Liahona* Mati, 1974, itulau 28).

NA TE LAPATAINA I TATOU

E tele taimi e lapataia ai i tatou e le Agaga Paia mai faalavelave ma faaososoga. Sa faamatalaina e Elder Franklin D. Richards se tasi tama talavou o le sa ala i luga i se tasi po ina ua na faalogoina se leo, sa faailoa manino ane ai ia te ia, ina ia tu i luga ma alu ifo i le fogafale a lalo. Sa usiusitai o ia i le lapataiga, ma ina ua alu atu o ia i totonu o le umukuka, sa ia vaai ai se tasi o puipui o le fale o loo mu i le afi. Sa faanatinati loa ona ia fafaguina lona aiga, telefoni i le ofisa fui mu, ma sa fesoasoani ane loa lona aiga i le tau tapeina o le afi, ma sa taumafai ina ia aua nei sasao tele seia taunuu ane alii fui mu ma tineia loa.

“Sa matua talitonu o ia i lona mafaufau, o le lapataiga lenei, o le faaaliga lea o le puipuiga e mafai e le Agaga Paia ona tuuina atu ia i latou o e ola i ni olaga e talafeagai ma le Agaga.” (*Ensign*, July 1973, p. 117.)

Tuuina atu i le tagata sa tofia e faaali ane se manatu i se mea sa lapataia ai o ia e le Agaga Paia e uiga i faaososoga ma faalavelave.

E MAFAI ONA IA FAAMAFANAFANAINA I TATOU

O le tasi o matafaioi a le Agaga Paia o le avea lea ma faamafanafanaga i taimi o mafatiaga ma faanoanoaga. I taimi faapea, e mafai ai ona fesoasoani le Agaga Paia ia i tatou ia saili le filemu ma le malamalama. Sa faamatalaina e Elder Franklin D. Richards aoaoga o loo i lalo: “Sa ou maua se avanoa i ni nai vaiaso ua tuanai atu, e feiloai ai ma ni tamaitai lelei se toalua, o se uo mamae lava, o e na maliliu a laua tane i se faalavelave faafuasei na tupu ina ua pau se vaalele. Pe sa ou vaai ea o faaaliga e i laua le faanoanoa ma le loto mafatia? O le tali e leai. O se taimi muamua lea na ou molimauina ai le maoae o le lototele atoa ma le malosi. Sa molimau i laua uma i le mea moni lenei, sa maua e i laua le faamafanafanaga a le Agaga, ma ua i ai ia i laua le talitonuga, o le a sologa lelei mea uma ia i laua ma o la aiga pe afai latou te ola ma tumau i le Ekalesia, ma tausia poloaiga a le Alii,” (*Liahona* Mati, 1974, itulau e 28.)

Ia tuuina atu i le tagata sa tofia o le vasega e tuuina atu tala o loo i lalo:

Sa faamatalaina e Peresitene Ipa J. Kurene le auala na aumaia ai e le Agaga Paia le poto ma le faamafanafanaga i tagata o lona aiga:

“I le tusa o le tasi le itula a o lei maliu lo’u toalua, sa ou valaauina laua fanau e o mai i totonu o lona potu ma tau atu ia i latou ua maliu lo latou tina ma ia faapea ona latou faatofa atu ia te ia. O se tasi o tamaitai laitiiti, e tusa ma le sefululua tausaga le matua, sa faapea mai ia te au: ‘Tama, ou te le manao e oti lou tina. Sa ou i ai faatasi ma oe i le falemai mo le ono masina; . . . [o taimi uma lava] e oo ai tiga ia tina e te

faamanuiaina ai ia te ia ma faapea ai ona faamaloloina o ia mai ona mafatiaga ma oo ai ina moe filemu o ia. Ou te manao e faaee atu ou lima i luga o tina ma faamaloloina o ia.’

“Sa ou tau atu i lou afafine laitiiti e faapea o le a tatou feoti uma lava i se taimi, ma ua faapea ona ou lagonaina ma le mautinoa i totonu o lou loto ua oo mai le taimi o le tina. Sa faapea loa ona tuua e ia ma tamaiti uma lava le potu.

“Sa ou tootuli i tafatafa o le moega o lou toalua (o le e oo mai i lea taimi ua le malamalama) ma sa ou tau atu i le Alii ou te taliaina soo se mea i le ola, i le oti, i le olioli, i le faanoanoa, i le tamaoaiga, po o le puapuaga. Ou te faafetai ia te ia mo le malamalama o loo i ai ia te au e faapea o le a faatasi lou toalua ma au i le faavavau . . . Ae sa ou tau atu i le Alii e faapea e le lava le malosi o ia te au e oti ai lou toalua ma ia aafia ai le faatuatua o lau fanau laiti ma sa ou [fesili] atu i le Alii ma le malosi atoa sa ou maua, e faapea e tuuina atu e ia i lo’u afafine laitiiti se malamalama ua finagalo o la, ua tatau ona oti lona tina.

“E tusa ma se itula e tasi, ae maliu loa lou toalua, ma faapea loa ona ou toe valaauina lau fanau i totonu o le potu. Sa matua faataio leotele lou atalii e tusa ma le lima ma le afa po o le ono tausaga le matua, ma sa siina o ia e le tamaitai e sefululua tausaga le matua i ona lima ma faapea atu: ‘Aua le ee, aua le tagi, Heber; ina ua tatou o ese atu ma lenei potu, sa faapea mai le leo o le Alii mai le lagi ia te au, ‘I le oti o lou tina e tatau lava ona faia le finagalo o le Alii’. . . .

“Ou te iloa e faafofoga ma tali mai le Atua i tatalo! [Ou te iloa] o le itula o puapuaga o loo faamafanafanaina le Au Paia o Aso e Gata Ai ma faamanuiaina ma faamaiseina e pei e leai se isi tagata o loo i ai!” (*Gospel Standards*, p. 361).

E MOLIMAU O IA I LE UPU MONI

Tatou te maua a tatou molimau i le talalelei e ala i le Agaga Paia. I le auala lava lea e tasi, o le a fesoasoani le Agaga Paia ia i tatou ia iloa pe a tautala o tatou taitai i le mana o le Agaga Paia. Sa aoao mai Elder Henry D. Moyle: “Na pau lava le taimi tatou te iloa ai ua musuia le tagata failauga e le Agaga Paia o le taimi tatou te iloa ai ia i tatou lava ua musuia i tatou e le Agaga Paia.” (“Revelation: Yesterday and Today,” *Improvement Era*, June 1962, p. 407).

O faamanuiaga o le Agaga Paia e moni ma o loo avanoa ia i tatou o tagata o le Ekalesia pe afai tatou te saili i ai ma le amiotonu.

Valaaulia se tagata o le vasega sa tofia e faataata se aoaoga lea sa ia lagonaina ai le faaumea a le Agaga Paia.

Faiuga

O le meaalofa o le Agaga Paia o se faamanuiaga maoae e tuuina atu ia i latou o e ua faamauina o tagata o le Ekalesia. Afai tatou te ola

agavaa e tusa ai ma lana faaaumeaina, o le a ia fesoasoani mai ia i tatou ia faaiuina lelei a tatou misiona i luga o lenei fogaeleele. O le a ia faia lenei mea i le taitaiina lea o i tatou, faamafanafanaina o i tatou, ma faapea foi ona fesoasoani ia i tatou i vaega uma o o tatou olaga.

Lui

Saili le faaaumea a le Agaga Paia i lou olaga i aso taitasi. Ina ia iloa vaega e te manaomia e faaleleia e avea ai le Agaga Paia ma se soa tatau, ia fesili lava oe ia te oe i fesili o loo i lalo:

- Po o ou taumafai ea e tausia uma poloaiga?
- Pe o ou tatalo ea e le aunoa?
- E faapefea ona ou faaali atu lou alofa mo le Faaola?
- E faapefea ona ou faaali atu lou alofa mo isi tagata?
- Pe o ou tausia ea ou manatu ma gaoioiga ia mama?
- Pe o ou faafetai ea i le Alii mo ana faamanuiaga, e aofia ai le meaalofo o le Agaga Paia?

Mau Faapoopo

Galuega 5:32 (e oo mai le Agaga Paia i le tagata usitai)

1 Nifae 10:17-19 (o le mana ma le malamalama mai i le Agaga Paia e oo mai e ala i le faatuatua ia Keriso)

2 Nifae 31:13 (e maua le Agaga Paia ina ua uma ona faatuatua, salamo, ma papatisoina)

- Mose 6:61 (o mana ma faamanuiaga a le Agaga Paia.)

Sauniuniga a le Faiaoga

A o lei tuuina atu lenei lesona:

1. Faitau le mataupu e 21. "O le Meaalofo a le Agaga Paia," i totonu o le tusi lesona e tatau o le *Aoaoga Faavae o le Talalelei*.
2. Toe faamanatu atu i tagata o le vasega e aumai a latou tusitusiga paia i vasega.
3. Afai e le maua se laupapa ma se penisina, fai se pepa lautele o le lisi ua fautuaina.
4. Tofia se tagata o le vasega e tuuina atu tala ma mau i totonu o lenei lesona.

Tatalo ma le Anapogi

Lesona 31

O le faamoemoega o lenei lesona ia fesoasoani ia i tatou i le auala e faamalosia ai o tatou korama e ala i le tatalo ma le anapogi.

Faatomuaga

Tuaina atu i se tagata o le vasega e tuaina atu se iloiloga puupuu o mataupu faavae o le anapogi ma le tatalo e pei ona aoaoina i totonu o le tusi lesona o le *Mataupu o le Talalelei*.

Tatalo ma le Anapogi e Faamalosia ai i Tatou ma o Tatou Aiga

O le tatalo ma le anapogi e mafai ona fesoasoani ia i tatou e faamalosia i tatou ma o tatou aiga. O a tatou tatalo mo le puipuiga ua sili atu ona mamana aua o loo faamafanafanaina e le anapogi le faamaoni o a tatou tatalo. Ina ia faalauteleina atili, afai tatou te tatalo ma le anapogi, ua tatou liliuese mai i mea o le lalolagi ma maitauina lo tatou faalagolago atu i le Alii. I le auala lenei, ua tatou faaavanoaina o tatou loto ma talia le finagalo o le Atua mo i tatou ma o tatou aiga.

O le tatalo ma le anapogi e faatupuina ai foi lo tatou naunau e faaoga le perisitua i se tulaga tausaaafia. E tutusa lava i tatou ma isi tagata o loo faamanuiaina pe afai tatou te aoao i le auala e pulea ai le mana o le perisitua ma e na o le pau lava le auala e pulea ai le perisitua ina ua tatou faaogaina mataupu faavae o le amiotonu. (Tagai i le MFF 121:34-36.)

Faali atu le ata 31-a, “O le tatalo ma le anapogi e mafai ona fesoasoani i le tagata e umia le perisitua e faauuia le mai i se tulaga sili atu ona tausaaafia.

O tala o loo i lalo o loo faamatala ai le auala na aoao ai e se tasi tagata e umia le perisitua le mana o le anapogi ma le tatalo i le fesoasoani ia te ia e faaoga lona perisitua.

Ina ua mai tigaina le atalii o loane ma Lina, sa iloa e le fomai o le mai o le afuafu o le maea alio. Sa latou tau atu i matua e faapea a le oti le la tama o le a le toe atoatoa le malosi o lona tino ma lona mafaufau. I le avea ai ma tagata e umia le Perisitua Mekisateko, sa faapea loa ona filifili loane e tuaina atu i lona atalii se faamanuiaga. Ae peitai a o ia sauni e faamauiina le faauuga, sa ia iloa e na te le iloa le finagalo o le Alii mo lona atalii. Ma o lea na ia faamanuiaina ai le tama ina ia maua e ia le malosi.

31-a. O le anapogi ma le tatalo e mafai ona fesoasoani tele i le perisitua mo le faamaloloina o mai.



Ina ua uma le faamanuiaga, sa amata loa ona anapogi loane ma Lina ia iloa ai le finagalo o le Alii ma ia mafai ai ona taliaina. I le faaiuga o le laua anapogi, sa i ai loa loane ma Lina i le tulaga o le taliaina o le finagalo o le Alii. Sa faapea foi ona toe faamanuiaina e loane lona atalii. O le taimi lea sa musumusumu mai le Agaga ia te ia ina ia faamanuiaina le taimaitiiti ina ia mafai ai ona faamaloloina atoatoa. Sa faamaloloina le la tama, ma e tolu aso mulimuli ane sa laua aveina loa o ia i le falemai.

Mata e faapefea ona fesoasoani la laua anapogi ia loane ma Lina pe ana fai e ese le tali ia laua talosaga?

Aoaina ma Faamalosia o Tatou Aiga e Ala i le Tatalo ma le Anapogi.

I le aveia ai ma matua, e tatau ona tatou tatalo e le aunoa ia iloa ai manaoga o a tatou fanau ma le auala e faataunuuiina ai na manaoga. Afai e i ai se tasi o a tatou fanau o loo feagai ma se faafitauli faapitua, mo se faataitaiga, e mafai ona tatou taua o ia ia tatou tatalo faaleaiga. Ae ui i lea, e tatau ona tatou faaeteete, ina ia faia lenei mea i se auala sao. O upu ia sa tatalo ai se tasi tama mo lona atalii: "Tama e, ma te iloa lava o loo taumafai malosiloina e pulea lona loto ita. Matou te fiafia lava i le faatupuina o ia e ala mai i lau fesoasoani ia te ia. Faamolemole ia e faamanuia pea ia te ia, ia faamanuia foi i matou ina ia le faia se mea e faatupu ai lona ita ae ia faaali atu le alofa ma le fia fesoasoani ia te ia." (Marian P. Sorensen, "Aoaina o Fanau e Ui mai i Tatalo, *Liahona* Oketopa 1973, itulau e 8.)

E faapefea ona fesoasoani lenei ituaiga o tatalo e faamalosia se alii talavou e foia ona faafitauli?

Sa faamatala e Elder M. Russell Ballard Jr., se aoaoga i lona atalii e lima tausaga le matua, o le sa fefe e amata ona alu i le aoga. I le iloa o le fefe o lona atalii, sa ia faapea atu ai "Graig, o le a e maua se uo e faatasi pea lava ma oe. E lelei pe a ta tootutuli faatasi ma fesili atu ia te ia e fesoasoani mai ia te oe." (O le sauniuniga o se Faifeautalai, *Liahona*, Fepuari 1977, itulau e 81.)

O le anapogi ma le tatalo e pei o se aiga e mafai ona aumaia ai le malosiloina tele ma le lotogatasi i totonu o se aiga, e pei ona faamalalamaina mai i tala o loo i lalo:

O Aleni o se alii talavou o le sa maua lona valaaulia e auauna i le Alii i le faia o se misiona i nuu mamao. Sa naunau o ia e galue, ae ina ua amata e ia ona aoao le gagana, sa matua manatunatu loloto o ia aua sa le mafai e ia ona aoaina le gagana.

Ina ua iloa e le tama o Aleni le faafitauli o lona atalii, sa ia valaauina loa lona auaiga ia faatasitasi ane. Sa ia fai atu ia te i latou ia anapogi ma tatalo ina ia mafai e Aleni ona foia lona faafitauli ma faataunuuiina se misiona fiafia.

E faapefea e lea ituaiga o aoaoga ona faamalosia a tatou fanau? E faapefea ona tuuafaatasi aiga e le anapogi ma le tatalo? Faitau le 3 Nifae 18:21.

O le Faataunuina o le Galuega a le Alii e Ala i le Tatalo ma le Anapogi

O se tasi tagata na sau ia lesu, tootuli i ona luma, ma faapea mai:

“Le Alii e, ia e alofa mai i lou atalii, ua mai maliu, ua tiga lava; aua ua pau soo ia i le afi, ua faapea soo foi i le vai. Na ou aumai ia te ia i ou soo, a ua latou le mafaia ona faamalolo ia te ia.

O le taimi lava lea na tuliese ai i fafo e le Alii temoni mai i le tama. Ona o ane ai lea o le au soo ia lesu ma fesili atu: “Se a le mea na matou le mafai ai ona tulia o ia?” Ona fetalai atu lea o lesu ia te i latou, ona o lo outou le faatuatua, ma toe faapea atu,”A ua na o le tatalo ma le anapogi e o ese ai mea faapena.” (tagai i le Mataio 17:14-21.)

Sa taua e Elder Matthew i ni tala o loo i lalo e uiga i se epikopo o le sa malamalama i le taua o le anapogi ma le tatalo:

“[O se alii epikopo talavou mauoa e nofo i Honolulu] na telefoni atu i ai se tasi mai le Falemai i Queens ina ia sau e tuuina mai se faamanuiaga i le tama ua maua i le mai pipili. O se tuafafine o lea lava alalafaga na telefoni atu ia te ia. O ia o le epikopo o lea tamaitai, ma sa ia tau atu faapea, ‘Epikopo e, ia e oo mai iinei, ua maua lau tama i le ma’i pipili, ma ou te manao ia e oo mai e tuuina atu se faamanuiaga ia te ia . . . E lei oo mai o ia i lena po atoa, o le taeao na sosoo ai na faapea foi, peitai na vave lava ona sau o ia i le taimi o le aoauli. Na liliu atu le tamaitai ma le ita tele. Sa le iloga se upu na lafo atu e lenei tamaitai i le epikopo. ‘O oe o lou epikopo, na ou telefoni atu ia te oe ma tau atu si au tama lea ua maua i le ma’i pipili ma ua taofia iinei. O oe e i ai lau taavale, e te pule lava oe ia te oe, e i ai lou vaa manaia; e leai se mea e te le maua, e te pule foi oe i lou taimi; a ua leai lava e aliali mai. O lea ua faatoa e oo mai ina ua uma atu le aso atoa.’ Ina ua uma ana upu ma ua leai nisi upu e na te toe mafaufau i ai e fai atu i le epikopo, sa ataata loa le alii ma faapea mai, ‘Ina ua uma ona tali le telefoni ananafi, sa amata loa ona ou anapogi, sa ou anapogi ma tatalo mo le luasefulufa itula. Ua ou saunia nei mo le faamanuiaina o le tama.’ I le itula e lima i lena afiafi, na faatea mai ai le tama i tua ma le falemai ua matua malosia atoatoa ua leai se pipili . . . ‘Ua na o le tatalo ma le anapogi e mafai ai ona o ese mea faapena.’

“O lenei ua ou matua masalosalo lava pe ana fai e alu atu i le falemai i le aso na telefoni atu ai, e le tupu lena mea. Ou te manatu sa manaomia lena tatalo ma lena anapogi. O le mea lea ou te manatu o nisi o i tatou o loo umia lenei perisitua e le lava le faagaioia. E tatau ona e tausia i ona tulaga uma, e tatau ona e tausia faatasi ma lenei perisitua ua ia i tatou, ona faapea lea ona tumau ai pea lo tatou saunia pe a tatou o atu

e galulue i tofiga o le perisitua e tuuina atu faamanuiaga.” (*Matthew Cowley Speaks*, p. 150).

E le faapea e faatali pea lava pea mo se taimi faapea a o lei tuuina atu se faamanuiaga i se tagata mai, peitai e tatau ona tatou saili pea ia maua le musumusuga mai i le Alii a o lei faataunuaina soo se sauniga i le perisitua.

Aisea e taua ai ia i tatou le saunia i le faaleagaga pe a tatou faataunuaina sauniga i le perisitua?

E pei lava ona moomia e i latou e umia le perisitua le sauni e faataunuaina sauniga, e tatau foi ia i latou o loo fesili mai mo se faamanuiaga ona saunia i latou ma o latou aiga e taliaina le sauniga. O tala o loo i lalo o loo faamatalaina ai le auala na faaaogaina ai e matua o le tamaitiiti le anapogi ma le tatalo e saunia ai i laua ma la laua tama mo se faamanuiaga.

“I se vaitaimi e lei mamao atu pe tusa o se tausaga ua mavae na o mai ai se ulugalii i totonu o lou ofisa ma sii mai se tama laitiiti. Sa faapea mai le tama ia te au, ‘Sa ma anapogi ma lou toalua mo aso e lua, ma ua ma auamaia ia le ma tama laitiiti ia te oe mo se faamanuiaga. O oe lea ua ma aumaia i ai.’

“Sa ou faapea atu, ‘O le a le mea ua tupu ia te ia?’

“Sa laua faapea mai na fanau mai o ia e tauaso, e tutuli ma valea, e leai se galulue faatasi o ona musele, e le mafai foi ona totolo i le matua e lima tausaga. Sa ou faapea ifo ia te au lava, o le mea la lenei. A ua na o le tatalo ma le anapogi e o ese ai mea faapena. Sa ou faamalosi lou faatuatua i talosaga ma anapogi a na matua. Sa ou faamanuiaina lena tamaitiiti, ma i ni nai vaiaso mulimuli ane sa ou maua ai se tusi: ‘Brother Cowley, ua ma moomoo maimau pe ana e vaai i le ma tama tama laitiiti i le taimi nei. Ua totolo o ia. Ina ua ma togiina le polo i le isi itu o le fola o le fale sa ia tolotolo saosaoa atu i ai i ona vae ma ona lima. Ua mafai ona ia vaai. A patipati o maua lima i luga ae o lona ulu ona osooso lea o ia. Ua mafai ona ia faalogo. O suesuega faafomai na faamamaina le avega. O le Atua na tauaveina.” (*Matthew Cowley, “Miracles,” Speeches of the Year, BYU, 1953, p. 8.*)

Ua toatele soa o faifeautalai ua mauaina le faamanuiaga e maua mai i le anapogi ma le tatalo faatasi. Sa faamatalaina e Peresitene Ezra Taft Benson se tala e uiga i se aoaoga sa ia maua i le avea ai ma se faifeautalai e anapogi ma tatalo faatasi ma lana soa.

“Mai i aafiaga faaletagata, ua ou iloa ai le aoga tele o le mana o le tatalo. A o avea au ma se faifeautalai talavou i Egelani i Matu i le 1922, sa oo ai ina matua faatupulaia le tetee o tagata i le Ekalesia. Sa faatupulaia malosi le tetee na mafua ai ona faapea mai le Peresitene o le Misiona e tatau ona faamutaina a matou fonotaga ma sauniga e fai i auala, ma o nisi tulaga ua faamutaina a matou talaiga.

Sa valaauina au ma lau soa ina ia malaga atu i South Shields e ma te lauga ai i le sauniga faamanatuga. Sa faapea mai i latou i le tusi valaaulia na aumai, 'Matou te mautinoa e mafai ona faatumuina lenei falelotu itiiti. O le toatele o tagata iinei latou te le talitonu i mea sese nei o loo tusia e uiga ia i tatou. Afai lua te malaga mai, ou te mautinoa o le a faapea ona tatou maua se sauniga aupito sili ona matagofie.' Ma sa faapea ona ma taliaina.

"Sa ma anapogi ma tatalo ma le faamaoni ma faapea loa ona malaga atu i le sauniga. Sa fuafua e lau soa e tuuina atu sana tautalaga i muai mataupu faavae. Sa tele taimi na ou sauniuni ai mo le faia o se tautalaga e uiga i le liliuese. Sa faapea ona i ai se agaga matagofie i le sauniga. Sa lauga muamua lau soa ma tuuina atu e ia se savali faaleagaga. Sa ou tulai atu loa ma tuuina atu se tautalaga i se tulaga saoloto faatoa ou maua i lea taimi nai lo se isi lava taimi i lou olaga atoa. Ina ua ou nofo i lalo, sa ou iloa ou te lei taua le liliuese. Sa ou tautala e uiga i le Perofeta o Iosefa Samita ma tuuina atu lau molimau i le paia o lana misiona atoa ma le moni o le Tusi a Mamona. Ina ua mavae le sauniga, e toatele ni tagata na oo ane ia i maua, o nisi o i latou o ni tagata lotu ese, ma sa latou faapea mai, ua matou maua i lenei aso le molimau i le moni o le talalelei pei ona oulua aoao mai ia tei matou. Ma ua matou saunia nei mo le papatisoga.

"O se tali lea ia maua tatalo ma le anapogi aua sa ma tatalo ina ia mafai ona tau atu o mea e mafai ona ootia ai loto o uo, ma e ua sailiili i le Ekalesia." ("O le Tatalo," *Liahona*, Oketopa, 1977, itulau 35).

Faiiuga

E tele lava isi taimi pe a tatou tatalo ma anapogi e mafai ona fesoasoani ia i tatou i le faataunuuina o le galuega a le Alii. Mo se faaitaiga, e mafai ona tatou anapogi ma tatalo mo aiga o loo tatou asiasi i ai. E mafai foi ona tatou anapogi ma tatalo e pei o se korama mo se tasi o le tatou korama po o lona aiga.

E ala i le tatalo ma le anapogi, e mafai ona faamanuiaina ai i tatou i le faaletino ma faateleina i le faatuatua ma le mana faaleagaga. O lea mana e tatau pe afai o le a tatou fiafia ia tatou galuega ma faapea foi i le faamalosiaina o i tatou ma isi tagata.

Lui

1. Fuafua nisi o mea e te manaomia e tatalo ai ma anapogi i lou olaga faaletagata ma totonu o lou aiga.
2. Mafaufau e uiga i nisi o mea e manaomia e ou uso a tagata i lau korama.
3. Tautino ia te oe lava e tatalo ma anapogi mo se tasi o ia faamoemoega.

Mau Faaopopo

TATALO

Mataio 6:5-15 (sa aoao mai e le Faaola le auala e tatau ona tatou tatalo ai)

Luka 18:1-14 (e tatau ona tatou faalagolago i le tatalo)

2 Nifae 32:8-9 (e tatau ona tatou tatalo a o lei faia le galuega a le Alii)

Alema 34:17-28 (e tatau ona tatou tatalo e uiga i mea uma tatou te faia)

Moronae 10:3-5 (e mafai ona tatou iloa le tonu i mea uma lava e ala i le tatalo)

MFF 19:28 (e tatau ona faatuina se fale o le tatalo ma le anapogi)

MFF 88:119 (e tatau ona tatou tatalo i nofoaga faitele ma mea lilo)

ANAPOGI

Esoto 34:27-28 (na anapogi Mose a o lei mauaina faaaliga mai i le Atua)

Luka 2:36-37 (na auuana Ana i le Atua e ala i le tatalo ma le anapogi)

Galuega 13:2-3 (o le anapogi e auamaia ai le musumusuga a le Agaga Paia)

Mosaea 27:23 (o le tatalo ma le anapogi na fesoasoani ia Alema e toe malosai ai)

Alema 6:6 (na tatalo ma anapogi sa Nifae mo i latou e le iloa le Atua)

Alema 17:9 (e tatalo ma anapogi faifeautalai mo le Agaga)

Alema 45:1 (o le tatalo ma le anapogi o se tasi o auala e tuuina atu ai le faafetai i le Atua)

Sauniuniga a le Faiaoga

A o lei tuuina atu lenei lesona:

1. Faitau le lesona 8, "Tatalo i lo Tatou Tama Faalelagi" i totonu o le tusi lesona o le *Mataupu o le Talalelei*. Tofia se tagata o le vasega e tuuina atu se iloiloga mo le tolu minute i lena lesona.
2. Faitau le lesona 25, "Anapogi" i totonu o le tusi lesona e *Mataupu o le Talalelei*. Tofia se tagata o le vasega e tuuina atu se iloiloga mo le tolu minute i lena lesona.

O le faamoemoega o lenei lesona o le a fesoasoani lea ia i tatou ia iloa le ala e aoao ai le faaaloalo i o tatou aiga ma faaleleia ai lo tatou lava faaaloalo.

Faatomuaga

Faaali le ata 32-a, "O le faaaloalo i totonu o le falelotu e faaalua ai le alofa ma le migao i le Atua." Ia tusia upu o loo i totonu o le Levitiko 19:30 i luga o le laupapa: "Ia outou tausisi i ou sapatu, ma ia matatu i lou mamalu; o au o leova."

Na tusia nei mea e Peresitene Spencer W. Kimball. Sa lomua i le 1976 o se tamai tusi faapitoa na faaigoaina i le *E Ao Ona Avea i Tatou ma Tagata Faaaloalo*.

O i tatou o tagata ua matua faamanuiaina lava. Ua tuuina mai ia te i tatou e le Alii le talalelei a lesu Keriso, o mana o le perisitua, o folafolaga o le papatisoga, o feagaiga o le malumalusa, le tala moni o tusitusiga paia, o tatou aiga, o a tatou meatotino faalelalolagi. E tatou ona aveia i tatou ma tagata e pito sili ona fiafia i luga o le fogaeleele. E tatou foi ona aveia i tatou ma tagata e pito sili atu ona matatau. Ae peitai o le toatele o i tatou e aafia i faalavelave i taimi e tatou ai ona tatou matatau. E tatou te manaomia le fesili i taimi uma ia i tatou pe mata o faaalua lo tatou matatau mo lo tatou Atua ia tatou gaoioiga i o tatou aiga ma i totonu o le Ekalesia.

O le a le Faaaloalo?

O le faaaloalo o se lagona lea e tumu i le migao, alofa ma uai atu le mafaufau i le Atua. O le tele o o tatou faaaloalo o se tasi lea o tulaga maua o se agaga, ona o loo aafia ai le faatuatua moni i le Atua, tu ma aganuu maua, ma fiafia i mea matagofie o le olaga.

I isi mataupu faavae o le talalelei, o loo taua ai o le faaaloalo e agai atu i le faateleina o le fiafia. E le o se uiga faanoanoa, o loo tatou faaoga i le Aso Sa, ae o se taunuuga o le ola i le talalelei i aso uma. O le faaaloalo moni e faateleina ai le fiafia, alofa, faaaloalo, ma le loto faafetai. O se uiga lelei ma e tatou ona aveia ma vaega o lo tatou olaga.

Faaaloalo mo le Atua

Ua fesoasoani mai le Alii e ala mai i faaalua i ona po nei ia tatou malamalama i le uiga ma le taua o le faaaloalo. I totonu o le Mataupu Faavae ma Feagaiga 76 mo se faataitaga, ua faamatalaina e Iosefa



Samita ma Sini Rikitone le faaaloalo faapea o se uiga taua lea o i latou ua maua le malo selesitila:

“Ua faapea foi ona ma vaaia le mamalu o le selesitila, e sili ae lava i mea uma o i ai le Atua, o le Tama lava lea, e nofo tupu ai i lona nofoalii e faavavau faavavau lava;

“E ifo atu mea uma lava i le viiga lotomaulalo i luma o lona nofoalii, ma avatu ia te ia le mamalu e faavavau faavavau lava.

“O i latou o e nonofo i ona luma o le ekalesia lea a le Ulumatua; e latou te vaai foi e pei ona vaaia i latou, ma latou iloa e pei ona iloa i latou, ona ua latou maua mai lona atoatoa ma lona alofa tunoa

“Na te faatusatusaina foi i latou i le mana ma le malosi, ma le pule.” (MFF 76:92-95.)

O se tasi o faaaliga i ona po nei ua faatonuina ai i tatou ia tatou umia ma le faaaloalo le suafa o le Atua; ua faatonuina foi tatou ina ia aua nei tauleagaina le suafa o le Tama ma le Alo, ma ia aua foi le faaaogaina soo (tagai i le MFF 107:2-4). O se tasi o tulafono o tulafono e sefulu o loo faapea lona faitauga: “Aua e te tau fua le suafa o leova lou Atua; aua e le faasaoina e leova o le tau fua lona suafa” (Esoto 20:7).

O le faaaloalo mo le Atua ma lona suafa o se tasi ia o tulaga e pito sili ona taua o le faaaloalo. Ma e faapea foi le faaaloalo i totonu o ona fale paia. I se faaaliga taua na tuuina ia Iosefa Samita e taua o le tatalo faamanuia mo le Malumalusa i Katelani, sa poloaiina ai e le Alii e faapea o malumalu e pei o isi malumalusa uma ua fausia e le Au Paia, e tatau ona avea ma se nofoaga faaaloalo ia te ia (tagai i le MFF 109:16-21.)

I se tulaga malamalama moni, o mea uma ua taua e uiga i malumalusa paia o le Ekalesia e faapea foi lava ona moni i fale uma o le Alii, e tusa lava pe o se nofoaga e tapuai ai le Au Paia po o se aiga o le Au Paia o Aso e Gata Ai.

Faaaloalo ma le Aiga

O fea la e amata ai le faaaloalo, ma e faapefea ona mafai ona tatou atinaeina? O le aiga o le ki lea o le faaaloalo, e pei o isi lava uiga lelei faaleatua. E iloa mai e tamaiti laiti mai ia tatou tatalo taitoatasia ma tatalo faaleaiga ona punonou o latou ulu, piilima o latou lima, ma moeiini o latou mata a o tatou talanoa atu ma lo tatou Tama Faalelagi. O se tamaitiiti e aoao e tatalo i le aiga o le a le pine ae ia iloina e tatau ona ia fililemu ma aua le gaoioi i le taimi o tatalo i sauniga lotu.

Afai e tatou te faia afiafi faaleaiga, o le a iloa e a tatou fanau e faapea e i ai taimi faapitoa, e le gata i totonu o le lotu ae faapea foi i totonu o le aiga, le tulaga e manaomia ai e tagata uma se naunau e amio i le auala e pito sili e na te mafaia.

32-a. O le faaaloalo i le falelotu e faailoa atu ai le alofa ma le migao i le Atua.

E mafai foi ona tatou fesoasoani ia tatou fanau e aoao le faaaloalo e ala i le musika. O le musika o se mea fiafia faapitoa lea i fanau. Afai e tatou te usuina pese faalelotu i totonu o le aiga, o le a faapea ona masani i ai tamaiti ma latou usuina loa ia pese i totonu o sauniga lotu. O le a lelei tamaiti laiti pe afai e tatou te fesoasoani ia i latou e aoao viiga faigofie i le aiga. I lenei la auala, o le a sagisagi ai lava tamaiti e usu na viiga.

Faaaloalo i le Lotu

O le mea moni lava, i le avea ai o i tatou ma matua e tatau ona tatou auai i sauniga i le Aso Sa faatasi ma a tatou fanau. I le saunia o a tatou fanau mo le lotu, e tatau ona tatou galulue faatasi ma o tatou taitoalua ina ia mautinoa o sauniuniga o se mea lelei ma e matagofie. O sina taimi puupuu ae faatoa fepisiai i le aumaia o tamaiti, fai o latou ofu, ma faanatinati atu i le lotu o se tulaga leaga lea i le faaaloalo. Afai e tatou te faanatinati e sauni, o le a faapea lava ona tatou tuai i lotu ma e masani foi ona tele ni upu le lelei ma ni faalogona tiga e mafai ona pogai ai le faaletonu ia tatou fanau ma le maua ai se fifilemu i totonu o sauniga. O le a tatou lagona le tele o lo tatou faaaloalo pe afai e tatou te sauniuni mamao atu a o lei oo i le sauniga, taunuu i le falelotu i le taimi a o lei amataina le sauniga, ma nonofo faatasi e faalogologo i musika o loo tataina ae lei amataina sauniga, ma ia i ai se taimi e mafaufau ai i le Faaola ma lana talalelei.

O nisi o i tatou e i ai ni fanau laiti o nisi taimi e maua ai e i tatou se taimi faigata i le tau faafilemuina o a tatou fanau i le taimi o sauniga. Ae peitai, o le aoaoina lelei i totonu o le aiga o le a avea lea ma mea e foia ai le faafilemu. Afai o loo i ai se faaletonu ia te i tatou i le ala e faafilemu ai a tatou fanau i le taimi o sauniga lotu, atonu e mafai ona tatou fesili atu mo se fesoasoani ia i latou ua latou mafai ona faafilemuina lelei a latou fanau i le taimi o sauniga.

Ua masani lava, i le taimi a o lei amataina ma le taimi e mavae ai sauniga, e tatou te tumutumumu atu ai i le taimi o le fesuaiga o sauniga. O lenei tulaga atonu e avea ma tulaga e aveesea ai le agaga faaaloalo, e tusa lava pe tatou te faia e aunoa ma le lagona o le fefaaauoai mo i latou e masani ona tatou fetai ai i le na o aso Sa. Ae ui i lea, e tatau i matua ona faia ni faataitaiga mo o latou aiga i le faia lea o a latou talanoaga i fafo o le falelotu i le taimi a o lei amataina po o le taimi foi ua mavae le sauniga. A mave le sauniga, e tatau ona tatou fesoasoani e tauave le agaga o le sauniga i o tatou aiga i le talanoaina lea i le aiga se mafaufauga, se vaega o le musika, po o soo se isi lava mataupu lelei o le sauniga faatasi ma o tatou aiga.

Faaleleia o le Faaaloalo

E mafai faapefea ona tatou fesoasoani ia tatou fanau e fiafia i sauniga faalelotu ma ia sili atu lo latou migao? A mavae tali mai i tagata o le vasega, ia tuu atu i se tagata o le vasega e na te faitauina fautuaga o loo taua i lalo:

E mafai e matua ona fesoasoani ia latou fanau ia latou fiafia i sauniga faalelotu i le–

- Avea lea ma faataitaiga lelei.
- I le faia lea o sauniuniga mo le sauniga o se mea lelei ma lē faanatinatia.
- Taunuu i le falelotu pe toe lima pe sefulu minute amata le sauniga.
- Nonofo faatasi i le aiga.
- Talanoaina o se tautalaga, savali, musika, po o isi vaega o le sauniga mulimuli ane.

E mafai faapefea ona tatou aoao atu le faaaloalo i tamaiti laiti? A mavae tali mai i tagata o le vasega, ia tuu atu i se tagata e faitau mai fautuaga o loo taua i lalo:

O matua e i ai fanau laiti e tatau ona taumafai e–

- Fesoasoani i fanau ia latou iloa le mea o loo fai. O tamaiti laiti e mafai ona faafilemuina i le tuuina atu lea i ai o se tusi po o se tusi ata, ae o se mea taua tele le faamalamalama ia i latou e uiga i le sauniga. O se musumusuga e tuuina atu i ai e faamalamalama ai mataupu tau i le uarota po o le savali a le failauga atonu e fesoasoani lea i le tamaitiiti e iloa ai le mea ua tupu. Mo se faataitaiga, e mafai e le tama ona ia musumususu atu faapea, “O le tama le la o Siaosi o loo tautala mai nei. O loo talanoa o ia e uiga i tagata paionia.”
- Ia faamamafaina mea tau i viiga. O pesega e mafai ona avea ma se tasi o vaega e pito sili ona faafiafia loto o le sauniga mo tamaiti. Ia uunaiina le fiafia o le tamaitiiti i viiga i le usuina lea o viiga faigofie i le aiga ma le aoaoina ai o le tamaitiiti. Atonu e mafai e le taitai pese ona ia faia se lisi o viiga e usuina i le sauniga o lumanai.
- O le faamautuina o le aoaoina o le amio e aoaoina lea i aiga, Peraimeri, ma i le Aoga Sa. Ia fesoasonai atu i fanau ia latou manatua e piilima o latou lima ma ia punonou o latou ulu i le taimi o tatalo ma ia nonofo ffilemu i le taimi o le faamanatuga. E tatau ona malamalama tamaiti e faapea o se uiga leaga tele le taaalo i autafa o le falelotu i le taimi o sauniga.
- Ia fai se faataitaiga. Ia fai se faataitaiga lelei i le faaalua lea o le uai atu o le mafaufau i le sauniga, i le tautala lea i le na o le taimi e tatau ai ma i le na o le musumususu atu, ma le uunaiina lea o fanau e fai e pei ona latou faia.
- Ia mautinoa ua saunia tamaiti mo le sauniga. O le agai atu i fale lē ta’ua ma paipa inu e tatau ona oo i ai a o lei amataina sauniga.

O le a le mea e mafai ona tatou faia ina ia faaleleia ai le migao i totonu o a tatou vasega?

Faaiuga

O le a faaleleia le faaaloalo pe afai e tuufaatasi e taitai o uarota po o paranesi ma aiga a latou taumafaiga e faatoilaloina ai a latou faafitauli

tau i le ava ma le faaaloalo. O fautuaga ma faamalosiuga mai le vaega tutotonu o le Ekalesia e mafai ona fesoasoani ia i tatou ia iloa le ala e foia ai o tatou faafitauli i le itu i le ava ma le faaaloalo, ae o le galuega moni lava e tatau ona faia iinei i totonu o iunite o le Ekalesia i le atunuu lava latou ma i totonu o o tatou aiga.

O le faaaloalo moni e tatau ma onomea aua tatou te latalata atu ai i lo tatou Tama Faalelagi. Ae peitai i le oo mai o faiga malolosi a le tiapolo ma faasalalau i le lalolagi, ua faapea ona faaleagaina ai le migao. E le mafai ona tatou iloa moni le mea lelei e mafai ona tatou fai pe afai o i tatou o tagata o le Ekalesia moni a Keriso, o le a galulue e avea ma faataitaiga o le amio faaaloalo ma le migao. E mafai ona tatou suia olaga o isi e ala ia tatou faataitaiga, aemaise lava olaga o tagata o o tatou aiga.

Lui

1. Ia talanoa ma lou aiga e uiga i le mea e mafai e lo outou aiga ona fai ina ia faaleleia ai lo latou faaaloalo i le taimi o le lotu.
2. O le faagaoioiga lea o se tasi o fautuaga i le Aso Sa e sosoo ai.
3. Afai e i ai sau fanau laiti, ia mafaufau i se fuafuaga e aoao ai i latou i le faaaloalo i aiga ma i totonu o lotu.

Sauniuniga a le Faiaoga

A o lei tuuina atu lenei lesona:

1. Faamanatu i le vasega e aumai a latou tusitusiga paia i le vasega.
2. Ia i ai se laupapa ma se penisina.

O le faamoemoega o lenei lesona o le fesoasoani lea ia te i tatou ia iloa o le alofa ma le auauna atu i isi e taua lea i o tatou valaauga i le perisitua.

Faatomuaga

Ia faaali le ata 33-a, “O Keriso o le faaitaiga sili lea o le alofa.”

E alofa Iesu Keriso i tagata uma lava. E atoatoa lona alofa. O le tulaga atoatoa lelei o lona alofa lea, ma ua faapea foi ona tau mai ia te i tatou e tusitusiga paia o ia e alofa (1 Ioane 4:7-12). O le alofa o Keriso e pito sili ona faaalila i galuega auauna atu ua ia faia mo le fanauga a tagata.

I le avea ai o i tatou o tagata e umia le Perisitua, ua ia i tatou le aia e avea ai i tatou e faapei o Keriso. Ae ina ia faia e i tatou lea tulaga, e tatau ona tatou aoao e alofa e pei ona ia alofa ma auauna atu e pei ona ia faia. Ua aoao mai i tatou e Bishop H. Burke Peterson e faapea “i se lalolagi o loo taumafai ai Satani e osofaia ai i se tulaga matautia le fanauga a tagata, e leai lava se isi auupega sili ia i tatou e puipuia ai i tatou mai lea mea, nai lo le alofa mama, le manatu faapito, ma le alofa e pei o le alofa o Keriso” (“O le Vavega o le Alofa i Aso Taitasi,” *Liahona*, Oketopa, 1977, itulau 73).

Ua Poloaiina i Tatou ia Tatou Alolofa

I se tasi aso a o aoao atu Keriso, sa fesili atu se tasi o le au tusi upu, “Po o le fea poloaiga e sili i poloaiga uma? Ona tali atu lea o Iesu ia te ia, “Ia e alofa foi i le Alii lou Atua ma lou loto atoa, ma lou agaga atoa, ma lou manatu atoa, ma lou malosi atoa; o le poloaiga sili lea.

“E faapena foi lona lua, o lenei, ia e alofa atu i le lua te tuaoi, ia pei o oe lava ia te oe. E leai lava se tasi o poloaiga e sili o na poloaiga.” (Mareko 12:28-31).

Aisea ua sili atu ai ia poloaiga e lua nai lo isi poloaiga? (Afai e tatou te alolofa i le Atua ma o tatou uso a tagata, o le a mafai ona tatou faia uma lava mea tatou te mafaia ina ia faafiafiaina ai i latou ma, o lea la o le a faapea ona tausia ai isi poloaiga uma lava.)

O le tele lava o le soifuaga o le Faaola sa faaalua lea i le aoaoina o le alofa. O nisi taimi e taua ai lana talalelei o le “talalelei o le alofa.” Ua ia aoao mai e taua i tatou o ona soo pe afai e tatou te alolofa atu i isi (tagai i le Ioane 13:35). Sa ia faamalamalama mai foi e tatau ona tatou alolofa atu e oo lava i o tatou fili (tagai i le Mataio 5:43-44). I ni nai itula a o lei oo i le faasatauroga, sa faapea mai ai Iesu, “O le poloaiga; faapei ona ou alofa atu ia te outou, ia fealofani foi outou” (Ioane 13:34).



Sa faamamafaina mai e Peresitene N. Eldon Tanner le taua o le poloaiga o le alofa, sa ia faapea mai, "Pau lava le sini e fia faataunuuiina e tatou te manaomia ina ia maua ai le fiafia . . . o le: Alofa i tagata Taitoatasi - upu faigofie e tolu: ("The Great Commandment, *Improvement Era*, June 1967, p. 29).

O le Alofa, o le Alofa Mama lea o Keriso

Ia tuu atu i tagata o le vasega ina ia faitau le Moronae 7:45-47. O le a le alofa faa-Keriso?

Ua faamalamalama mai e Mark E. Petersen e faapea o le alofa "alofa mama lea o Keriso" lea o loo fesoasoani ia i tatou e tatou te alolofa ai e le gata i le Atua ae faapea foi ma o tatou uso a tagata" (Ia Faia e Pei Ona Faia e Isi ia te Oe", *Liahona* Oketopa 1977). O le tala o loo taua atu i lalo sa faamatalaina e Elder Marion D. Hanks o loo faaalua ai le ala e aoaoina ai e se tama lona alo teine e faaleleia ma faaalua ai lona alofa faakeriso.

"Ou te manatua se tamaitai filifilia lava na fanau mai o faaletonu lona tino e le atoatoa le malosi . . . Sa ia faia se tautalaga faapitoa e uiga i lona olaga a o itiiti o ia. Sa faia ona pona e tamaiti tupu ai le tiga o lona loto ma maligi ai ona loimata. Ina ua taunuu atu o ia i lo latou fale, sa tago mai lona tama ma sii atu o ia ma la fetagisi faatasi a o ia faamatala atu e faapea. . . . (o lenei mea) e mafai ona faaleleia ai lona olaga ma maua ai le fiafia. Sa faapea mai le tama, Lau Pele e, . . . e i ai se patu o loo i lou tua ma nisi lava faafitauli matuia. Ae le o oe na pogai ai. E le o ou matua foi po o lou Tama Faalelagi. . . . O mea uma lava na tau atu e tamaiti ma teineiti e sao, ae le o se mea tatau, ma e le o se agalelei lena. Afai e te taumafai i lou olaga atoa ina ia e faia mea lelei ma agalelei i isi tagata nai lo ni mea latou te faia i nisi taimi ia te oe, o le a e maua lava le fiafia, o le a atoatoa ma aoga lou olaga." ("Maua Atili le Olioli ma le Fiafia," *Liahona* Fepuari 1977, itulau 30).

O le a se mea o fautua mai e lenei tala mo i tatou taitoatasi e mafai ona tatou fai ina ia mafai ai ona tatou oo i le alofa faa-Keriso? Ia fai atu i se tagata o le vasega e faitau le 1 Korinito 13:1.

Sa faamalamalama e Elder Theodore e faapea, "o le alofa faa-Keriso . . . o le alofa sili lea o loo ua tatou naunau i ai e tuuina atu se vaega o o tatou tino mo isi tagata. . . . O se mea faigofie le faapea atu, "Ou te alofa ia te oe.! Ae peitai o le alofa e le faapea na o le folafola atu; e tatau ona faatinoina i galuega. O le alofa ua na o se sumepalo tagitagi po o le apa memea taalili ma e faatutuliina taliga ae le faamaluina le agaga, sei vagana ai ua faatinoina." ("If I have Not Love' - *Instructor*, June, 1970, p. 201).

O le alofa faa-Keriso o le a fesoasoani ia i tatou ia ola fiafia, ma ni olaga aoga. Afai e tatou te le atinae le alofa faa-Keriso, o le a faapea ona avea i tatou ma "otaota ua lafoaiina i fafo, (aua ua le aoga) ma ua solia e tagata" (Alema 34:29).

33-a. O Keriso o le faataitaiga sili lea o le alofa.

Auauna e Pei o Keriso

la faaalua le ata 33-a, "O Keriso o le faaitaitaiga sili lea o le alofa."

O lo tatou alofa mo lo tatou Tama Faalelagi ma lana fanau ua faaalua e ala i a tatou galuega i o tatou uso a tagata. Sa faapea mai Peresitene Harold B. Lee e faapea i se tasi po sa oo ai ia te ia se mea e "pei o se faaaliga" ma sa logoina atu ai ia te ia, "Afa'i e te manao e alofa i le Atua, e tatau ona e aoao ia alofa ma auauna atu i tagata. O le auuala lena e faaalua ai lou alofa i le Atua." (*Stand Ye In Holy Places*, p. 189).

O le auauna atu "e pei o Keriso" o se auauna atu lea e tuuina atu ma le lotu atoa ma e masani e aunoa ma se tau'i i soo se tagata e manaomia se fesoasoani. Atonu o se mea e le tuli na o se fesili mai, po o le le logolelei foi, ma e manaomia ai se taumafaiga a'ia'i tatou te fai. Atonu e manaomia i se taimi e faigata ai ia te i tatou ona tuuina atu. Ae e leai lava se afaina i le ala e tuuina atu ai, o se auauna atu ona talu ai e tatou te alolofa i fanau a lo tatou Tama Faalelagi.

Aisea tatou te auauna atu ai? O ai e mafai ona tatou auauna i ai?

E tatau ona tatou auauna atu i tagata uma lava e mafai ona tatou auauna i ai ma o loo faapea ona latou manaomia se fesoasoani. Ae ua toe faamanatu mai e Elder Thomas S. Monson ia i tatou e faapea o nisi e manaomia la tatou fesoasoani i se tulaga sili atu le atuavale nai lo isi tagata: "o loo faapea ona alalaga mai mo le fia maua o la tatou fesoasoani i latou e mamai, o e vaivai, o e ua matelaina, o e ua mafatia i le malulu, o e ua faamanuiaina, o e o loo mautoatasi, o e ua matutua, atoa ma e o loo maumau solo." ("O Lou Auuala i leriko", *Liahona*, Oketopa 1977, itulau 73). O le tala o loo taua atu i lalo o loo faaalua ai le ala na iloa ai e se alii talavou le taua o le auauna atu.

la fai atu i le tagata lea na muai tofia e na te faamatalaina atu le tala lea o loo taua i lalo.

Sa valaauina e le Epikopo le tama o Sitivi i totonu o lona ofisa mo se talanoaga ina ua mavae le lotu faamanatuga. "O lea la ua oo mai," o mafaufauga ia o Sitivi. "O le a avea nei au ma peresitene fou o le korama o le au aoao. O le a mananao tagata uma lava o le uarota e lulu lima ma au ma faamalo mai ia te au. Ma o le a faapea foi ona matua fiafia Tina ia te au!"

"Sitivi, o loo i ai se tofiga mo oe," sa faapea atu ai le epikopo. "O se tofiga faapitoa lelei lena faaleuo. Ua matou manatu ia Hasty McFarland. E manaomia e ia se tagata e faauo ia te ia. O ia e le o se tagata o le Ekalesia, ae o le alofa o le Atua e oo atu i tagata uma lava, ma o loo ia i tatou le avanoa mo le faaaliina atu o lena alofa."

Sa mea Sitivi. Sa toe foi i tua ona mafaufauga i le lua vaiaso ua tuana'i ina ua la faia e i laua ma lana uo ni faamatalaga tau faifai i se alii matua i le usuina lea o ni pese faaamuu ma ulaga leo tetele ia te ia, lea sa laua fatuina e faatatau ia te ia. I lona le malie ma lona tausalaina o ia lava, sa ia faalogo atu i le epikopo o faapea mai, "Ou te manao ia te

oe ina ia e alu atu ma asiasi atu ia te ia faalua po o le faatolu i le vaiaso. Ma afai e fai si tele tele o lenei tofiga mo oe, ia aua nei e fefe e tautala mai.”

Sa mapuea Sitivi ma sa ia faapea atu i le epikopo o le a ia faia. Sa faapea ona poloaiina e le epikopo o ia e uiga i le tofiga. “E mafai ona e tataina fafie mo le afi, ma ave atu ia te ia meaai, palanikeke - po o a lava mea e manaomia e ia e fesoasoani ai ia te ia. Ia avea oe ma uo. O le a faapea foi ona fesoasoani le Tama Faalelagi ia te oe.”

I le sefuluiva o tausaga o Sitivi, sa mafai ona mafaufau Sitivi i le mea e ao ona ia fai - taalo i le lakapi, tuli puaa aivao, fagota, po o le taalo ma ana uo. Ae ua ia iloa ua ia malie i le tofiga ua tuuina mai.

Sa ola toatasi Hasty i sona tamai fale laupapa i tua atu o le taulaga. E taitasi i le tausaga ona taele o ia i totonu o le faletalimalo ae todogiina e le leoleo o le aai. Sa ia faaoga se mea uliuli e pupuni ai se tasi o ona mata, ma sa i ai se patu sa tupu i autafa o lona ulu. O le tele lava o tamaiti e oo lava i tagata matutua ua fai ma a latou masani le faia o faamatalaga leaga e uiga ia te ia.

Sa oo atu Sitivi i le fale o Hasty ma lona fefe tele. Sa ia tuitui atu i le faitotoa, ae sa leai se tali mai. Mulimuli ane, ina ua mavae ona ia valaau atu i le toeaina, sa ia mafaufau loa o le a ia tulei faamalosi le faitotoa ina ia matala ai. Sa matua pogisa ma malulu totonu o le falelaupapa o Hasty. Sa ia vaaia Hasty o loo nofo i luga o lona palanikeke ua taetaepalaloa ma ua tauleiloa i le tele o le palapala i luga o lona moega.

“Hasty, o le a se mea e te finagalo ou te faia mo oe?” Ole fesili atu lea a Sitivi. Sa ia tau atu lona igoa i le toeaina ma faamatala atu ua auina mai o ia e le epikopo o le Ekalesia a Iesu Keriso o le Au Paia o Aso e Gata Ai. Sa leai se tali mai a le toeaina, ua na o lona faatautete atu lava i le fola. Sa tuua loa e Sitivi le fale o le toeaina ae alu e tata mai ni fafie. Sa ia mafaufau ma le ofo tele i taimi uma lava e alu ai le sasau a lana toi i le pogai o lona i ai iina. “Ua lava ia lena”, o upu ia sa oo ane i lona mafaufau. “O loo manaomia e le toeaina se fesoasoani ona o le malulu.”

“Sa faaola loa e Sitivi le afi ma taumafai la ona tautala atu ia Hasty, ma sa leai lava ma se tali mai. Sa ia mafaufau faapea e le o faalogo mai Hasty, ma sa ia fai atu loa ia Hasty o le a ia toe sau i le aso e sosoo ai ma se ie mamoe mama. Sa oo mai Sitivi ma le ie mamoe fou i le aso na sosoo ai e tusa ma lana folafolaga. O aso uma lava o vaiaso e fa na sosoo ai sa ia asia ai lava le fale o Hasty. Mulimuli ane, sa iu ina amata loa ona tautala atu le toeaina ia te ia. O se tasi aso sa faapea mai ai Hasty, “Tama talavou e, aisea ua e sau ai? Ou te iloa o se tamaitiiti o lo outou tupulaga atonu e mafai ona maua nisi mea sili e fai nai lo le asiasi ma i se toeaina mai e pei o au.” Ona ia ata lea.

I le Aso Faafetai (Thanksgiving), sa valaaulia ai e Sitivi Hasty ina ia latou fai aiga faatasi. Sa lei oo mai Hasty ma sa aveina atu e le aiga o Sitivi se vaega o la latou taumafataga mo ia. Sa matua maligi loimata o Hasty ma taumafai ona faafetai mai ia te i latou.

I le faasologa mai o taimi sa iloa e Sitivi o le olaga o Hasty ma lana fanau sa maliliu ona o se fiva matuia, ma o se tasi foi o faamai ua mafua ai ona leai le tasi mata o Hasty. Sa lei toe i ai se foliga faauu i le toeaina, ma e masani lava ona teleai atu Sitivi e fesoasoani ia te ia ma faalogologo i ana tala pe a mavae le aoga i aoauli taitasi.

Ina ua oo mai le Kerisimasi sa toe valaaulia ai foi e le aiga o Sitivi Hasty e latou te fai toonai faatasi. O le taimi la lea sa sau ai Hasty - ua tu mama mai, suti lelei, ma foliga aulelei mai. Ina ua uma le toonai sa momoli atu loa le faafetai a le toeaina ia Sitivi ma lo latou aiga. Sa ia faapea mai o lona olaga ua le sologa lelei, ae o le alofa ua latou faaali atu ia te ia ua suia ai lona tagata.

Sa vaai atu Sitivi ia Hasty i lona fiafia tele; ma i totonu o lona loto sa ia faalogoina le mafanafana. (See "Hasty," *New Era*, Nov. 1974. P. 48-49).

Pe faamata o le galuega sa faia mo Hasty o se auunaga faa-Keriso? Na faapefa ona faamanuiaina le alii talavou i lana auuna atu? O ai sa pito sili ona tele lona faamanuiaga?

Ina ua papatisoina i tatou, sa tatou folafola atu i le Alii e "fesui ia outou avega, . . . faanoanoa faatasi ma e faanoanoa; . . . ma faamafanafana i e ua tatau i ai le faamafanafanaga" (Mosaea 18:8-9) Ua ia i tatou le tiutetauave e saili ai tagata o loo manaomia se fesoasoani. Ma ua faapea lava foi ona ia i tatou le tiutetauave e fesoasoani ai ia te i latou i le alofa ma le agalelei e aunoa ma le faatauanau mai pe faatonuina foi e fai (tagati i le MFF 58:26-29).

Faaiuga

Sa faamanatu mai e Epikopo H. Burke Peterson e faapea: "Sa tuuina mai e le Faola le poloaiga i tagata uma- e lei tuuina mai na o sina vaega toaitiiti i le nuu e tasi po o sina vaega toaitiiti i se isi mea, e lei tuuina mai foi na o se aiga iinei, po o soo se isi nuu, ae sa tuuina mai i ana fanau uma o loo i ai i soo se mea. Ia faailoa atu nei le alofa! (*Liahona*, Oketopa 1977, itulau 73).

O le alofa o le a le gata ina faamanuiaina ai tagata o loo tatou auuna atu i ai, ae faapea foi ia i tatou lava. Sa maitauina e Peresitene Spencer W. Kimball e faapea: "O le galue tatou te iloa ai le auuala e auuna atu ai. A tatou i ai i galuega a o tatou uso a tagata, o le a le gata ina tatou fesoasoani atu ia i latou, ae o le a faapea foi ona tatou malamalama lelei ai i le tulaga o o tatou lava faafitauli . . . o le a itiiti le taimi e tatou te manatu ai ia i tatou lava. . . . E aveia i tatou ma tagata ua faatauinaina atili i lo tatou auuna atu mo isi." (*Small Acts of Service*, "Ensign", Dec. 1974, p. 2.)

“Ua tele atu o tatou tiutetauave nai lo le taimi muamua ina ia galueaiina ai o tatou aiga ia faaalua le alofa, tiute o le nuu, feoeoeai, ma faamamalu i o tatou uso a tuaoi. Ia iloa ma lagona e tagata o loo tatou tuaoi. . . . Ua fesoasoani mai le Atua ia i tatou i le avefa ai o i tatou ma tagata o le perisitua, i le avefa ai ma tagata o le Ekalesia, e faaalua. . . . le alofa, . . . alofa faa-Keriso, . . . ma le auauna atu!” (David O. McKay, “Radiation of the Individual,” *Instructor*, Oct. 1964, p. 374).

Lui

1. Ia tatalo ma le lotomauualalo ma le loto atoa mo le agavaa e alofa ai e pei ona alofa ai Keriso.
2. Ia faaali atu le alofa mo lou aiga i le faia lea o se gaoioiga agalelei mo tagata taitoatasi o le aiga.
3. Ia faaali atu lou alofa i se tagata o loo manaomia se fesoasoani i le faia lea o se galuega agalelei mo ia.
4. Ia fesoasoani i le korama a lou perisitua e fuafua se gaoioiga auauna atu mo se isi tagata.

Mau faaopoopo

Mataio 25:31-46 (Ua tatou auauna i le Atua i lo tatou auauna atu lea i o tatou uso a tagata.)

1 Korinito 13 (o le alofa faaKeriso o se tulaga tonu lava lena o le faatuatua)

Moronaē 7:45-48 (o le alofa faaKeriso o le alofa mama lea o Keriso ma se meaalofa mai le Atua.)

Sauniuniga a le Faiaoga

A o lei tuuina atu lenei lesona:

1. Ia faitau le mataupu 28, “Auauna atu,” ma le mataupu 30, “Alofa FaaKeriso” i totonu o le tusi lesona o le *Mataupu o le Talalelei*.
2. Ia tofia tagata o le vasega e faamatala atu tala ma mau i totonu o le lesona.

O le faamoemoega o lenei lesona ina ia fesoasoani ia i tatou ia tatou malamalama i le taua o le ola mama.

Faatomuaga

I le lalolagi i ona po nei ua matua tele ai lava tulaga eseese o le ola mama. O nei tulaga e masani ona suia i taimi ma ona tulaga. I se tulaga faatusatusa, o tulaga tau le Atua lava ia e le suia; aua o la mai ananafi, ma nei, ma le faavavau. E tasi le tulaga o loo finagalo le Atua ia tatou ola ai o le ola mama lea.

Ua tuuina mai ia te i tatou e tusitusiga paia e faapea” “E le mafai ona nofo se mea eleelea faatasi ma le Atua (1 Nifae 10:21). Sa tusia e le Aposetolo o Paulo e faapea: “Tou te le o iloa ea o le malumalu outou o le Atua, o loo nofo foi le Agaga o le Atua i totonu ia te outou? Afai e faaleaga e se tasi le malumalu o le Atua, e faaleagaina lena tagata e le Atua; aua e paia le malumalu o le Atua, o outou lava ia.” (1 Korinito 3:16-17). O o tatou tino e paia. Ua tuuina mai e le Alii ia i tatou tino mo se faamoemoega paia, ma ua faamoemoe o ia ina ia tausia mama ma ia agavaa e maua ai le Agaga.

O o Tatou Tino e Paia

O se mea taua ia i tatou tagata o loo umia le perisitua ina ia tausia o tatou ia ola mama, aua o le faamanuiaga e pito sili ona taua ia i tatou e pau tonu lea i lo tatou ola mama. Ua tau mai ia te i tatou e Elder Boyd K. Packer e faapea. “O se tasi o le tele o mana o le Atua, o le mana lea ua ia fuafuaina e matua silisili lava lona taua, o le mana lea e aumai ai ma toe aveesea ai le ola. Ua ia faasaina i tatou ina ia aua nei o tatou aveesea le ola, ae ua ia fetuفاai ma i tatou lona mana o le foafoaina, i le faatagaina lea o i tatou ina ia aumaia fanau i le lalolagi. Talu ai ona o le mana paia lenei, ua ia poloaiina ai uma lana fanau ina ia faaaoga tatau ma ia na o le taimi lava e uma ai ona faaiipoipo e faaaoga ai. Ua ia tauina mai foi ia i tatou e faapea o le manaoga i totonu o lenei mana sili e tatau ona pulea ma faaaoga i tuaoi ua ia faatuina mai ae le mo le faamalieina o le loto po o le faamalieina o le loto o le tagata lava ia. . . . O le tele o le fiafia o le a oo mai i lenei olaga o le a faalagolago lea i le ala e [tatou te] faaaogaina ai le mana o le foafoaga.

“O lenei mana o le foafoaga o loo i ai manaoga ma uunaiga malolosi, ona talu ai o se tulaga tatau le tauanauina o tagata e talia le tiutetauave o se aiga. Ae talu ai la ona o le malolosi tele o nei manaoga, ua masani

foi ona faaosoosina ai i tatou ina ia tatou faaaogaina sese lenei mana o le foafoaga. O le faaaogaina sese o lenei mana e malepelepe ai aiga ma leai se fiafia. Ona o lenei la mafuaaga, e ao ia i tatou ona aua nei o tatou faaaogaina lenei mana i se isi lava tagata sei vagana ai o tatou taitoalua. O o tatou tino e paia, e pei lava foi o le mana o le foafoaga. E le tatau ona tatou faatagaina o tatou tino ina ia fetagofi i ai nisi, e le gata ia i tatou lava ae po o isi foi tagata, i se auala o se faataitaiga po o se auala e le talafeagai ai. Ua na o le tasi lava le auala sao o le faaaogaina o lenei mana, o le faaaogaina lea i totonu o le feagaiga o le faaiipoipoga. (“Why Stay Morally Clean?” *New Era*, July 1972, pp. 4-6).

Ua tau mai ia te i tatou e Moronae o le mana “ua sili ona pele ma taua ai mea uma lava” (Moronae 9:9). E tatau ona tumau i tatou i le ola mama ina ia mafai ai ona tau faatuina ma atina ae o tatou lava aiga i le amiotonu ma ola i le filemu ma le solosolo lelei.

O Tulafono a le Atua o le Ola Mama

E lei suia lava e le Atua ana tulafono ma ana poloaiga e uiga i agasala o le feusuai i le va o alii ma tamaitai (po o le fai aiga), e tusa lava pe taumafai le tagata e sui ina ia fetau ai ma le faamalieina o lona loto. O le tulafono o le ola mama e faapea lona uiga o se tagata e le tatau ona ia faiaiga ma se isi lava tagata sei vagana ai lona ia lava toalua. Ua poloai mai le alii, “Aua e te mulilua” (Esoto 20:14). Ae peitai, o le tulafono o le ola mama e le faagata mai na o le mulilua, e faapea foi i le faaaogaina le tatau uma lava o lenei mana paia.

O a nisi o auala o loo faaaogaina sese ai e tagata lenei mana? (Ia tusi tali i luga o le laupapa)

O auala o loo ua faaaogaina sese ai e tagata lenei mana paia o—

- Mulilua ma le faitaaga (e aofia ai le nonofo faatasi e aunoa ma le faaiipoipo).
- Faiaiga o le teine ma le teine po o le faiaiga o le tama ma le tama.
- Faapau pepe.
- Pule i le tino.

O le ola mama e aofia ai foi le mama o mafaufauga ma le mama o le laeiina o lavalava. Ua tau mai ia te i tatou e tusitusiga paia o a tatou gaoioiga o taunuuga ia o o tatou mafaufauga (tagai i le Faataoto 23:7). E tatau ona tatou tausia o tatou mafaufauga ia mama pe afai o le a tatou tausia i tatou i le ola mama. O se tasi auala e faaali atu ai o tatou mafaufauga o le ala lea e tatou te laeiina ai o tatou lavalava. O i latou o loo latou laei i le tulaga mama ua latou faaalua mai o loo latou filifilia o latou tino aua e paia.

Ia tuu atu i le tagata o le vasega lea na muai tofia e faamatala le tala o loo taua i lalo sa saunia e Peresitene Spencer W. Kimball:

“E amata le agasala i le laasaga muamua, e pei lava o se malaga; ma ua aoao mai e le faatuatua ma le poto masani, e sili atu ona faigofie le

teena o le faaosoosoga muamua, nai lo le faaosoosoga e oo mai mulimuli ane, pe afai ua amata ona tupu ae se uiga faatulagaina o agasala. O loo ua faamalamalamaina mai lenei tulaga i le tala e uiga i le gogo. A o nofonofo i se lala maualuga o se laau, ma saogalemu ai, sa vaaia e ia se tagata malaga o savali atu i le vao ma se pusa uliuli laitiiti. Sa lele ifo le gogo ma tu i le tauau o le tagata malaga. O le a le mea o loo i totonu o lau tamai pusa uliuli” o lana fesili lea.

“O anufe.” o le tali lea a le tagata malaga.

“Pe mafai ona faatau.”

“Ioe, e taugofie foi. Ua na o le tasi lava le fulufulu i le anufe e tasi.”

Sa mafaufau le gogo mo sina taimi. “Masalo e maua le miliona o ou fulu. O le mea moni, o le a le afaina pe a ou tuuina se fulu e tasi. O se avanoa lelei lava lea e maua ai se meaai lelei e aunoa ma le faia o se galuega.” O le mea lea sa tau atu ai e ia i le tamaloa o le a ia faatauina se anufe e tasi. Sa saili ma le faaeteete o ia i lalo o ona apaau mo sina fulu laitiiti. Sa mimigi laitiiti o ia a o sei e ia le fulu, peitai ona o le tele ma le manaia o le anufe na galo vave ai ia te ia le tiga. Sa toe amata foi ona pese malie o ia i se mea maualuga i luga o le laau e pei foi o le taimi muamua.

“Sa toe vaaia foi e ia le tamaloa i le aso na sosoo ai ma sa faapea foi ona tuuina atu e ia se fulufulu e faatau mai ai se anufe. Faauta i le matagofie o lenei ala e maua ai se meaai e aunoa ma le galue!

“O aso uma la na sosoo ai, sa tuuina atu ai e le gogo se fulu, ma sa foliga mai na faasolo ina faaletiga. I le amataga sa tele ona fulu, ae peitai a o faagasolo mai pea aso sa iloa e ia ua amata ona faigata ona lele. Mulimuli ane, ina ua uma ona tuuina atu se tasi o ona fulu autu, sa lei toe mafai ona au maualuga o ia i le lagi. O le mea moni sa na ona faapepepe lava o ia i ni nai futu le maualuga i le ea, ma sa faamalosalia o ia e sailia ana meaai ma feainai ma ve’a.

“Sa lei toe sau le tamaloa lea sa sau ma anufe, ona sa le toe i ai se fulu na toe faatau ai se meaai a le gogo. Sa lei toe pese foi le gogo ona sa maasiasi lava o ia i lona tulaga pau na i ai.

“O le ala la lenei e maua ai i tatou e amioga le tatau.” (*O le Vavega o le Faamagalalo Atu*, pp. 214–15.)

O le puleaina o o tatou loto, faia lelei o lavalava, ma faalogologo atu ma usiusitai i poloaiga a lo tatou Tama Faalelagi o auala ia e mafai ai ona tatou mautu i tatou lava ma o le a tatou le atinae amioga le mama ma aveesea lo tatou ola mama.

Ina ua mulilua le atalii o Alema, sa logo atu e Alema ia te ia, “E te leiloa ea lou atalii e, ua inosia ia mea i le silafaga a le Atua; ioe, ua sili ona inosia i agasala uma, toe lava o le faamasaaina o le toto o le ua le sala, ma le faafiti i le Agaga Paia” (Alema 39:5).

E tatou te manaomia le iloa ma le malamalama lelei i le matuia o le le ola mama. E tatau ia i tatou ina le gata ina ola i olaga mama, ae e tatau foi ona aoao ma faamalosia le ola mama i isi tagata, aemaise lava a tatou fanau.

E faapefea ona tatou uunaia a tatou fanau e fai lelei lavalava ma ia ola i se olaga mama?

Mana o le Perisitua i le Ola Mama

E leai se tagata e mafai ona ia soli le tulafono o le legavia po o le ola mama ma ia faamoemoe e maua le filemu sei vagana ai ua matua salamo. Ua tau mai ia te i tatou e le Tusi a Mamona e faapea o le a le faatasi le Agaga Paia i tapeneko le mama (tagai i le Helamana 4:24). Ma afai e tatou te aveesea mai le mana o le Agaga Paia, e le o se mea tatau ia ia i tatou le faaaoga o le pule a le perisitua ua faaee mai i o tatou luga. Ua fetalai mai le Alii, “Ma ia faia mea uma ma le mama i ou luma” (MFF 42:41). Afai e tatou te ola mama, o le a mafai e le Agaga Paia ona galue ia i tatou e fesoasoani ia tatou faaaogaina le mana o le perisitua i le tulaga tatau. I lenei la auala, ua iloa ai o le perisitua o se puipuiga sili lea mo le agasala. Afai e tatou te faaaogaina ma le amiotonu, ua le gata ia ina tatou auauna atu i isi i se tulaga lelei ae ua faapea foi ona maua ai ma le mana e liliu ese ai faaososoga. O loo ua tuuina mai e Elder A. Theodore Tuttle se faataitaiga e taofia ai e le amioletonu le faaaogaina o le pule o le perisitua.

“Sa tusia e Elder Tuttle e faapea: “Sa faatalanoaina se alii talavou valea mo se misiona,” ma e ui lava la ina tuu sao atu ia te ia nisi o fesili ae sa ia tali mai i le pepelo . . . ona ia alu atu lea ma aoao atu le talalelei. Ma o lenei mea, o le mea moni, o le suega mulimuli lea ma e lei faamanuiaina. Sa iloa e faifeautalai e le mafai ona ia faia galuega faafaifeautalai e aunoa ma le Agaga o le Alii. . . . Olea la o lenei faifeautalai e tatau ona salamo ma . . . ia tautau lona sese e faapea o ia sa pepelo ia i latou sa latou faatalanoaina i latou a o lei faatasi le Agaga o le Alii ma ia. (“Men With a Message,” Address given to Seminary and Institute faculty at B.Y.U., 1958, p. 2).

Sa tuuina mai e Peresitene Spencer W. Kimball nisi o fautuaga atonu e fesoasoani i faifeautalai i le tala o loo taua i luga. Ua ia logo mai ia te i tatou e faapea “O le taitoalua i evaga e ao lava ona taofia seia oo ina tai 16 tausaga po o le sili atu, ma ia matua lelei le faaiuga a le tagata i ana filifiliga, ma ia matua filifili loloto i ai. E ao i tagata talavou ona faatapulaaina le feiloai valalata i ni nai tausaga, aua o le tama e alu atu i lana misiona pe a 19 ona tausaga” (“O le Tonu o le a Faaiipoipo”, *Liahona*, Oketopa itulau 2).

Ua faamalalamalama mai e Peresitene Spencer W. Kimball e faapea: “O le agasala tau le solia o le ola mama ua aafia tele ai o tatou tagata talavou, o le tau fusifusi ma le tau tagotago lea. E le gata ina masani ona oo atu nei faiga i le faitaaga, . . . ma le faapauu o pepe-peitai o ni

faiga e matua inosia lava, ma e masani ona faigata i le tupulaga talavou ona iloa le mea e amata ai ma faaiuina ai.” (“O le *Vaveaga o le Faamagalō Atu*, itulau 67).

E faapefea e le fautua mai a Peresitene Spencer W. Kimball ona fesoasoani i le faifeautalā talavou?

O le tausia o i tatou i le tulaga mama ma manino o le a faapea ona avea ma pogai e faamanuiaina ai i tatou i mana faaleagaga. Ae peitai, o nisi taimi e tatou te faia ai ni mea sese. Afai e tulai mai lenei mea, e tatau ona tatou talanoa atu i le peresitene o le paranesi, epikopo, po o le peresitene o le misiona e uiga i lea mea. O le a ia fautua mai ia i tatou ma fesoasoani ia i tatou e maua le faamagaloga.

E faapei lava le naunau o le Alii e faamagalō i tatou pe afai e tatou te tautau atu a tatou agasala, o lona fesoasoani ia tatou tumau i le ola mama. Ua ia silafia o tatou vaivaiga ma o le a ia tuuina mai se auala mo i tatou e teena ai le faaososoga. (Tagai i le 1 Korinito 10:13). I le avea ai ma fesoasoani faaopoopo, ua ia tuuina mai perofeta e taitaia i tatou ma aoao i tatou i le ala e ola ai i tulaga ua ia tuuina mai ia i tatou.

Afai e tatou te faia soo se mea e tatau ina ia tatou ola mama ai i luma o le Alii, o le a mafai ona tatou “tutu ma le talitonu - le fefe ma le matamuli ma le matagofie - i le afioaga o le Atua. O le folafolaga lenei ua tuuina atu i soo se tamaitai ma se alii o loo maua i le ola mama.” (Gordon B. Hinckley, “From My Generation to Yours, With Love,” *Improvement Era*, Dec., 1970, p. 73).

E faapefea ona tosina mai uiga o a tatou fanau ia tatou faataitaiga o le ola mama? O le a le mea e mafai ona tatou fai e faia ai se faataitaiga lelei?

I le avea ai ma tagata o loo umia le perisitua, e le mafai ona faataunuaina tiute faaleagaga sei vagana ai ua tatou ola mama. O le auala e pito sili ona lelei e fetai ai ma lea tulaga o le aua lava lea ona faatagaina soo se ituaiga o olaga le mama i o tatou olaga. Afai ua tatou faia se faataitaiga o le usiusitai i tulafono o le ola mama, o le a faapea ona iloa e a tatou fanau le taua o le ola mama ma taumafai e tumau i le ola mama ia i latou lava.

Faaiuga

Ua tuuina mai ia i tatou e le Alii poloaiga ina ia faafiafiaina ai i tatou. Soo se taimi lava e tatou te usiusitai ai i tulafono a le Atua, o le a faapea foi ona tatou maua o le faamanuiaga; ae po o le a lava le taimi e tatou te solia ai le tulafono a le Atua, o le a puapuagatia i tatou i le iuga o la tatou amio. O le ola i olaga mama e mafai ona faamanuiaina i tatou i le tele o auala. O se olaga mama, ma le manino e faaleleia pe siitia ai aiga fiafia ma faaipoipoga fiafia. E na te puipui mai i tatou mai lagona o le masalosalo ma le lagona faigata i sese ua mavae. O le a faapea ona faatumauiaina ai tatou ina ia tatou ola mama e auauna atu i le Alii. E faatagaina ai foi i tatou ina ia tatou ulu atu i le malumalusa. E

mafai ai foi e i tatou o loo umia le perisitua ona faaaoga lelei le perisitua mo isi tagata. Ae o le tulaga e pito sili lava ona taua, e fesoasoani lea ia i tatou ina ia mafai ona tatou ola faatasi e faavavau i le afioaga o le Tama Faalelagi.

Lui

1. Ia uia auala tatau uma lava ina ia ola mama.
2. Ia talanoaina ma lou aiga le taua o le ola mama ma le ala ina ia ola mama ai.

Mau Faapoopo

Mataio 5:27-28 (e le tatau ona tatou solia le tulafono o le mulilua i o tatou loto)

1 Timoteo 2:9-10 (le taua o le tulaga mama)

2 Nifae 9:36, 39 (o tau'i o le ola mama; o faasalaga o le ola mama)

Iakopo 2:27-28 (e fiafia le Alii i le ola mama)

MFF 42:24, 80-81 (o faasalaga o le le ola mama)

MFF 88:86 (o le ola mama e faaavanoaina ai le saolotoga o le tagata lava ia)

Sauniuniga a le Faiaoga

A o lei tuuina atu lenei lesona:

1. Ia faitau le mataupu 39, "O le Tulafono o le Ola Mama", i totonu o le Tusi Lesona o le *Mataupu o le Talalelei*.
2. Ia i ai se laupapa ma se penisina.
3. Ia tofia tagata o le vasega ina ia faamatala atu tala mai i totonu o le lesona.

O le Aiga e Faavavau

Lesona 35

O le faamoemoega o lenei lesona ina ia fesoasoani lea ia i tatou ia tatou malamalama i o tatou tiutetauave mo le faatuina o aiga e faavavau.

Faatomuaga

O le faaipoipoga e faavavau o se mataupu taua lea i le Ekalesia a Iesu Keriso ma o se vaega taua o le fuafuaga a le Alii mo i tatou. Afai e aunoa ma lea mea o le a le mafai ona tatou fiafia moni i lenei olaga po o le faaolaina i le malo selesitila i le faavavau. Sa tusia e Peresitene Iosefa Filitia Samita e faapea: “O le faaipoipoga, e pei ona malamalama i ai tagata o le Au Paia o Aso e Gata Ai, o se feagaiga e faavavau lea. . . . O le faavae lea o le faaeaina e faavavau, aua afai e leai lea tulaga o le a faapea foi ona leai se alualu i luma e faavavau i le malo o le Atua.” (*Doctrines of Salvations*, 2:58).

Ua faapea mai Peresitene Spencer W. Kimball, “Ua i ai se fuafuaga a le Tama Faalelagi mo le tuputupu ae o le tagata mai lona fanau mai seia oo ina maua le tulaga faale-atua. . . . Ua ia faamoemoe e tatau ona ola mama uma tagata ina ia faaipoipo mo le taimi nei ma le faavavau.” (“O le Fuafuaga a le Alii mo Alii ma Tamaitai,” *Liahona* Mati 1976, itulau 1.) O le faaipoipoga faalemalumalusa o le amataga lea o le aiga e faavavau. Afai e faaipoipo se ulugalii i totonu o le malumalu ma maua tamaiti ua tausia poloaiga, ua faapea ona latou atinae le aiga e faavavau lea o le a aumaia ai le fiafia ma le olioli e faavavau.

Sauniuniga Ina ia Avea ma Aiga e Faavavau

Ia faaalila le ata 35-a. “E amata aiga e faavavau i totonu o le malumalu.”

Mo tagata o le Au Paia lava latou, o se malumalu o se tasi lea o nofoaga e pito sili ona taua i luga o le fogaeleele. E faia sauniga i totonu o le malumalu ina ia mafai ai mo aiga ona ola faatasi mo le faavavau i le afioaga o le Atua. I le avea ai o i tatou ma ulu o o tatou aiga ma tagata o loo umia le perisitua, ua ia i tatou le tiutetauave mo le taitaiina o o tatou aiga i le agai atu i le faaeaina. O lona uiga o loo ia i tatou se tiutetauave e saunia ai o tatou aiga e auai i le malumalu. O ia sauniuniga e amata faatasi ma i tatou a o tatou taumafai e faamamalu le perisitua ma ola i olaga mama.

A faaipoipo alii ma tamaiti i le malumalu, ua faaipoipoina i latou mo lenei olaga, ma ua faamauina foi faatasi e faavavau. I se taimi mulimuli

35-a. O aiga e faavavau e amata mai i le malumalu.



35-a

TEMPLE
OF THE
SACRED
SACRAMENT

ane, soo se fanau la te fanauina, e otometi lava le faamauina ia i laua ma ua fanauina i totonu o le feagaiga. Afai ua uma ona faaipoipoina faaletulafono se ulugalii ma o atu i le malumalu e faamau ai mo le faavavau, e faamauina faatasi muamua le tane ma le ava, ona faamauina ai lea o fanau i o latou matua. A maea la laua faaauuga, o fanau la te fanauina e otometi lava le faamau atu ia i laua, o se vaega o lo latou aiga e faavavau.

E tusa lava pe o loo ua tatou sauniuni ina ia faaipoipoina i le malumalu po o le sauniuni faatasi ma o tatou aiga ina ia faamauina i totonu o le malumalu, e tatau lava ona tatou sauniuni i le auala lava lea e tasi. O le laasaga muamua lava o le faatuina lea o se sini o le a o atu i le malumalu. E tatau ona tatou talanoaina faatasi a tatou fanau ma le tina mea e tatou te manaomia e fai ina ia saunia ai, ma ia faatulagaina faatasi le aso. E tatau ona tatou tusia i lalo lenei aso, tatalo mo le fesoasoani a le Alii i le fetaiaga ma lenei aso, ma ona fai lea o mea uma lava e mafai ona tatou saunia. Talu ai ona o le malumalusa o se nofoaga paia, o lea e tatau ai ona saunia i tatou i le faaleagaga ina ia tatou ulu atu ai i le malumalusa. I totonu o le malumalu, ua tatou faia ai feagaiga faaleagaga sili ma le taua, aua ua tatou folafola i lo tatou Alii o le a tatou tausua uma lava poloaiga ma usiusitai ia te ia i soo se auala. O lea la o se mea tatau ia i tatou lo tatou ola amiotonu ma saili ia maua le Agaga pe afai ua tatou saunia e faia nei feagaiga.

O le a le mea tatou te faia ina ia saunia lelei ai i tatou i le faaleagaga? (Tusi tali i luga o le laupapa)

O nisi o auala e mafai ona tatou saunia o—

- Tatalo e le aunoa ma le loto faamaoni.
- la faitau tusitusiga paia e le aunoa.
- la ola mama ma agavaa
- la lotomaulalo ma ia salamo.
- la faia ma le faamaoni afiafi faaleaiga ma tatalo faaleaiga.

A o tatou faia ma le faamaoni le mea sili tatou te mafaia ina ia saunia ai faaleagaga, o le a tatou maua le fesoasoani mai le Agaga Paia.

la fai atu i le tagata o le vasega lea na muai tofia e faamatala mai le tala o loo taua atu i lalo.

Sa taua e se tasi tamaitai le ala na atinae ai e lo latou aiga le fiafia faatasi a o latou sauni atu ina ia faamauina faatasi i le malumalu:

“E tusa lava po o au o se tamaitiiti, sa mafai lava ona ou faalogoina le loto ita, lototiga, ma le matuitui pe afai e feupuai ou matua. E masani lava ona ou alu ou te moe ma le tagi aua ou te iloa ua le fetai le tulaga e tatau ona i ai.

E mafai ona ou lagona le eseesea i aiga o au uo aua o o latou aiga e faatasia lea i le talalelei. . . . (Faafetai i le Epikopo ma faiaoga asiati,

aua ua amata ona i ai le suiga). Sa faasolosolo malie mai le avea o le talalelei ma vaega o o matou olaga. . . . O tauupuga na faasolo ina faaitiitia - ma amata ai lava ona vava mamao atu. . . . Sa lagona e lo matou aiga le tiutetauave o le ola e pei ona aoaoina ai i matou, aemaise ai le taimi nei aua o loo ua i ai sa matou sini e galulue (mo le malumalu.) Afai e tautalagia ni upu o le ita ma ni upu soona fai, e matou te faafoi atu upu o le alofa, filemu ma le faamaoni . . . Sa matou lagonaina le fiafia e fesoasoania'i. Ua tele ina le toe fesili mai tama tina faatolu po o le faafa; sa faia ma le filemu feau, sa vave ma leai se faatuai. O le alofa ma le faanaunauga e fesoasoani na suia ai le loto'ina'inā, faamaualuga, ma lo matou femisa'i.

“O le a le mea na maua ai se suiga? E matua tele mea. Atonu o le moni o miti ua loa ona tatali i ai ua oo ina taunuu. Ina ua avea le tatalo faaleaiga ma afiafi faaleaiga ma vaega o o matou olaga, o lea ua matou aoao ai ia iloa ma alofa i le tasi tagata. O le auala sa matou ola ai ua mafai ai ona tuputupu ae a matou molimau—o molimau o tatalo faaleaiga, faitauina o tusitusiga paia, afiafi faaleaiga, auai i sauniga faalelotu. O la matou molimau moni lava o le mataupu lea o le salamo. Ma ua matou iloa foi o loo soifua le Atua. Ina ua mavae sina taimi ma faatasi ai ma lenei molimau ma le mautinoa ua matou maua le agavaa, sa matou sauni atu loa i le malumalu o le Alii ina ia faamauina ai e avea o se aiga mo le vaitaimi nei ma le faavavau. . . .

“A o matou tutu i le faitotoa o le malumalu, sa foliga mai sa i ai se mea sa lavea i lou faai. Sa i ai sina taimi sa faatuatuai ai—ona matou ulufale atu loa lea Sa oo mai se tagata o loo galue ai i le malumalu ma ave atu matou i totonu o le potu e fai ai faamauga. Sa i ai tina ma tama iina, ua pupula o laua foliga, ma laei o laua ofu mo le malumalu. Sa matou tootutuli i autafa o le fata faitaulaga ma uulima. Sa umia e le tagata fai sauniga o le malumalu le pepe, ina ia avea ai foi o ia se vaega o le lio o le aiga.

“Ma sa tautalagia loa upu e tuufaatasia ai i matou e avea o se aiga mo le taimi nei ma le faavavau.

“Ou te iloa e alolofa ou matua ia te au, aua ua latou faamauina ia au ia i latou mo le taimi nei ma le faavavau.” (Brenda Bloxham, “My Parents Took Us to the Temple,” *Ensign*, Aug. 1974., pp. 61-62).

O le saunia o le itu tau tupe e matua taua tele foi i le sauniuni atu e ulufale i le malumalu. O nisi taimi e foliga mai o le tele o tausaga o fuafuaga, faasaoina o tupe, ma le galulue faatasi. O le tele o aiga ua latou tuuina atu uma a latou mea ae malaga atu i le malumalu. Ia mafaufau i sina taimi i le taua o o tatou aiga ia i tatou. E i ai ea se vaega tupe e pito sili atu lona taua nai lo le tatou aiga?

Mo le totogiina o mea uma mo le malaga atu i le malumalu, e tatou te manaomia le saili ia iloa pe fia le tau o le malaga atu ma le toe foi mai

mai le malumalu ma ia fuafuaina foi tupe alu i isi ma e pei o meaai ma fale o le a nonofo ai. Afai e tatou te fuafuaina le aofai o ia mea, e ono tatau loa ona tatou filifili pe fia le vaega tupe e mafai ona tatou faasaoina i masina taitasi. Afai e tatou te faia lea tulaga, o le a mulimuli ane ona tatou malaga atu i le malumalu. (Tagai i le Molimau a Brother Vahai Tonga i totonu o le lesona 21). Po o le a lava le mea e tatou te manaomia e saunia ai i tatou lava ma o tatou aiga e o atu i le malumalu, e tatau ona tatou amata loa lava. O le taui e maua mai o le a sili atu lona taua nai lo se taimi po o ni tupe na faaaluina i lea faamoemoe.

la fai atu i se tasi o le vasega a le korama ua ulu atu i le malumalu faatasi ma lo latou aiga e faamatala mai mea na oo ia i latou ma a latou sauniuniga ma aafiaga.

O tagata talavou e lei faaipoipo ua masani ona fautuaina atu e perofeta ina ia latou saunia mo le faaipoipoga faalemalumalu. Ua faapea mai Peresitene Spencer W. Kimball: “E ui lava ina tele ni tagata talavou e leai ni malumalu i mea o loo nonofo ai, ae o loo i ai ni malumalu e tau lata ane ia i latou. . . . O lo tatou faamoemoega naunautai lava a faapea ua uma ona e faamalamalama lelei [i se teine]. . . . o le a oulua malaga atu i se tasi o nei malumalu aupito lata mai e faamauiina ai mo le faavavau atoa, ina ia avea la oulua fanau ma fanau tumau ma avea foi oulua ma o latou matua tumau, ma avea ai o se faaipoipoga e faavavau.” (O le Tonu o le a Faaipoipo,” *Liahona*, Iulai 1976, itulau 1.)

Atinae o se Aiga Faavavau

la faaali atu le ata 35-a.”O aiga ua faamaufaailogaina faatasi i totonu o le malumalusa ua i ai la latou folafolaga e faapea, afai e latou te tumau i le faatuatua, o le a latou faatasi mo le faavavau.”

O le faaipoipo i totonu o le malumalusa o le amataga lea o le aiga faavavau. Ae ua na o se amataga lenei mea. I se tulaga mo le fausia o se fesootaiga faaleaiga o le a tumau e faavavau, e tatau ona tatou faamaoni i folafolaga po o tautinoga ua tatou faia i totonu o le malumalu. E tatau foi lava ona tatou faia lelei isi tagata o le aiga, pe afai e tatou te manao ina ia faatasia o se aiga i le faavavau atoa lava. E tatau ona tatou taumafai e galueaina o tatou aiga ia avea ma se vaega o le lagi i luga o le fogaelele.

I le avea o i tatou ma tama, e mafai ona tatou faia le tele o mea e atinae ai aiga e faavavau. E le manaomia lo tatou tulaga tamaoiga po o le aoaoina, ae e tatau ona tatou faamamaluina le perisitua. Afai e tatou te faia ia mea, o le a maua se suiga ma faamalosia e le perisitua ma o le a maua ni musumusuga mai le Agaga Paia lea o le a fesoasoani ia i tatou e fausia ai le aiga e faavavau. O nisi o auala e mafai ona tatou faia e atinae ai aiga o le faavavau.

35-b. O aiga ua faamauiina i le malumalu ua tuuina atu i ai le folafolaga lenei, afai latou te tumau ai i le faamaoni o le a faatasia i latou mo le faavavau.



台灣台北聖殿

耶穌基督

末世聖徒

-
- Valaaulia faatasi lo tatou aiga ina ia faia tatalo faaleaiga.
 - la tofia se tagata e faamanuia meaai i le taimi o taumafataga.
 - la ave o tatou aiga i le lotu.
 - la tofogi sefuluai ma isi foai.
 - la faamaoni i mea uma lava tatou te faia.
 - la tootuli i tatalo faalilolilo taitoatasi i taimi uma, ma fai atu i le Alii e fesoasoani ia i tatou a o tatou aoao ma alofa i a tatou fanau ma o tatou taitoalua.
 - la aoao le talalelei i le aiga i taimi paganoa uma lava, aemaise lava i taimi o afiafi faaleaiga.

A o tatou faamanuiaina o tatou aiga i lenei auala, o le a tatou maua le fiafiaga o le ave ma se vaega o le aiga ua i ai mo le faavavau.

O tagata e lei faaipoipo o loo umia le perisitua e mafai foi ona latou fesoasoani i o latou aiga ina ia fiafia ma ia ola e pei o aiga e faavavau. Afai e tatou te malamalama i le fuafuaga a le Alii mo o outou aiga, ua mafai ona tatou iloa ai o tagata o o tatou aiga o tagata e pito sili ia ona taua i o tatou aiga. E tatau ona tatou alolofa ma agalelei ia i latou, ma faia mea uma lava e tatou te mafaia e uunaia ma faamalosi ai i latou.

Afai o loo i ai ni tagata talavou, ni tagata o loo umia le perisitua i le vasega ae lei faaipoipo, ia talanoaina auala e mafai ona latou saunia ai mo le faaipoipoga i le malumalu. Ia fai atu ia te i latou e faamalalama le ala e taua ai le faaipoipoga faavavau ia te i latou. Ia talanoaina mea e mafai ona latou faia e faafiafia ai o latou aiga i le taimi nei lava.

Faaiuga

Ia fai atu i le tagata na muai tofia o le vasega e faamatala le tala o loo i lalo.

Sa faamatala mai e se alii talavou le tala o loo taua i lalo e uiga i le uso o lona tama ma le tuafafine o lona tama. O loo faamatalaina ai le fiafia e mafai ona maua mai le olaga faaleaiga e faavae lea i le faaipoipoga i le malumalu:

“O le uso o lou tama o Uncle David ma le tuafafine o lou tama o Aunt Guadalupe . . . e masani lava ona feupuai. O lo latou aiga ua na o se mala, ma o a latou fanau ua pagatia i le maitauina o fusuaga i aso uma lava. Mulimuli ane sa o atu ai loa Guadalupe ma lana fanau e nonofo faatasi ma ona matua.

“I totonu o lenei teteaga, sa fetai ai Uncle David ma faifeautalai ma sa papatisoina i le tele o aso mulimuli ane. O lona malamalamaga fou i le talalelei na ia iloa ai o le aiga o se vaega lea o le faavavau. Sa ia auina atu faifeautalai i lona toalua ma le fanau ae sa latou mumusu e faalogo. (Mulimuli ane) sa latou taliaina loa le talalelei, auai i le ekalesia, ma amata ona latou ola faatasi loa. Ae peitai, sa toe amatatia loa foi tauupuga ma feupuaga e pei ona masani ai.

“Sa latou talanoaina le taua o le faaipoipoga faalemalumalu, ae o a latou faafitauli tau i le tamaoaiga ma feupuaiga ua taofia mai ai i latou mai la latou sini. [Ae ina ua mavae le tele o taulaga na latou tuuina atu sa mulimuli ane ona latou mafai loa lea ona latou o atu i le malumalu.] Sa faamauina le uso o lou tama ma lona toalua faatasi ma nisi o la laua fanau, ma latou toe foi atu i Mekisiko i le na o le 15 tupe e taua o peso . . . ma e leai se galuega mo le uso o lou tama.

“O le faaipoipo i le malumalu sa le mafai ona soloiesea ai nei faafitauli, ae sa maua ai e le uso o lou tama ma lona toalua le malosi e agai atu ai i luga, e tusa lava pe leai se tupe, e faapea lava ona maua le fiafia.

“O sia mea ma sia mea sa lava lava lene e fai ma a latou meaai, ma sa mafai foi ona maua e le uso o lou tama lana galuega.

Sa mafai ona ou iloaina le tele o le fesuiaga i o laua fofoga ma o latou olaga. Sa sili atu lo laua fiafia nai lo le tulaga sa i ai muamua, ae o le mea e matua ofo ai lou loto ona sa ou le toe faalogoina i ni a la feupuaiga. Nai lo lene, sa ou faalogoina upu o le alofa. . . .

“Talu ai nei, sa ta’u mai ia te au e le uso o lou tama, Jorge, ua mavae atu le 24 tausaga talu mai ona ma faaipoipo ma puapuaga, ua ma maua le fiafia. Ua pei lava i maua o ni tagata talavou mama ma ua faatoa faaipoipo mo le taimi muamua ma faatoa ma o atu nei ma ma fiafia i lo ma po muamua.” (Jorge Carlos Tejada Peraza, “Eternal Honeymoon,” *Ensign*, Aug. 1974, pp.. 63-63).

E mafai ona tatou maua le tele o le fiafia ona o la tatou faiā faaleaiga e faavavau. O mea faigata ma puapuaga o le a faapea ona faigofie pe afai e tatou te fetufaai faatasi ma o tatou aiga. O le a tamaoaiga o tatou olaga ma o le a sili atu ona fiafia ona talu ai o le alofa e tatou te fetufaai atu. Ma tatou te faalogoina le filemu ma le mafana ina ua tatou maua le talitonuga e mafai ona tatou faatasi mo le faavavau.

Lui

1. Afai e te le faaipoipo i totonu o le malumalu, ia fai se fuafuaga ma amata au sauniuniga ina ia faamauina i totonu o le malumalu faatasi ma lou aiga. Afai e tatau ai, ia maua mai se ata o le malumalu ma faatulaga i se nofoaga e mafai ai ona iloa atu. Ona tusi lea o le aso ua filifili e lou aiga i lalo o le ata o le malumalu.
2. Afai ua e faaipoipo i le malumalu, ia manatunatu i mea e tatau ona e faia ina ia ola faatasi ai ma lou aiga mo le faavavau. Ia filifili se auala se tasi e mafai e lou aiga ona faaleleia, ma amata i lenei vaiaso ona galulue ai.

Mau faapoopo

MFF 131:1-4 (e tatau ona faamauina i tatou i faaipoipoga ina ia ulu atu ai i le tikeri maualuga o le malo selesitila.)

MFF 132:19, 55 (o faamanuiaga ua folafola mai ia i latou ua faamauina faatasi e aveva ma aiga e faavavau.)

Sauniuniga a le Faiaoga

A o lei tuuina atu lenei lesonea:

1. Ia faitau le mataupu 36, "E mafai ona Faavavau le Aiga," i totonu o le tusi lesonea *Mataupu o le Talalelei*.
2. Ia tofia tagata o le vasega e faamatala atu tala ma tusitusiga paia i totonu o le lesonea.
3. Ia tofia se tagata o le korama sa auai atu o ia i le malumalu faatasi ma lona aiga e faamatala atu ana sauniuniga ma mea na oo ia te ia.

Lisi o Tusi na Sii Mai ai Faamatalaga

-
- Cowley, Matthew. *Matthew Cowley Speaks*, Salt Lake City: Deseret Book Company, 1943.
- Durrant, George D. *Love at home, Starring Father*. Salt Lake City: Bookcraft, 1973.
- Aoaoga Faavae o le Ekalesia*, Salt Lake City: The Church of Jesus Christ of Latter-day Saints, 1978 (PBIC0245)
- Grant, Heber J. *Gospel Standards*. Compiles by G. Homer Durham. Salt Lake City: Improvement Era, 1941.
- Jensen, Margie Calhoun. *When Faith Writes the Story*. Salt Lake City: Bookcraft, 1973.
- Kimball, Spencer W. *Faith Precedes the Miracle*. Salt Lake City: Deseret Book Company, 1976.
- . *Marriage & Divorce*. Deseret Book Company, 1976
- . *O le Vavega o le Faamagalo Atu*. Salt Lake City: Bookcraft, 1969. (PBMI4303)
- Lee, Harold B. *Stand Ye in Holy Places*. Salt Lake City: Deseret Book Company, 1974.
- McKay, David O. *Gospel Ideals*. 2nd printing. Salt Lake City: Improvement Era, 1954.
- . *Treasures of Life*. Compiled by Clare Middlemiss. Salt Lake City: Deseret Book Company, 1962.
- Maeser, Rainhard. *Karld G. Maeser*. Provo: Brigham Young University, 1928.
- Packer, Boyd K. *Teach Ye Diligently*. Salt Lake City: Deseret Book Company, 1975.
- Pratt, Parley P. *Autobiography of Parley Parker Pratt*. Edited by Parley P. Pratt, Jr. 11th printing. Salt Lake City: Deseret Book Company, 1975.
- . *Key to the Science of Theology*. 9th ed. Salt Lake City: Deseret Book Company, 1966.
- Rector, Hartman and Connie. *No More Strangers*. Vol. 3. Salt Lake City: Bookcraft, 1976.
- Roberts, B.H. *A Comprehensive History of the Church of Jesus Christ of Latter-day Saints, Century One*, 6 vols, Salt Lake City: The Church of Jesus Christ of Latter day Saints, 1930.
- Smith, Joseph. *Teachings of the Prophet Joseph Smith*. Selected by Joseph Fielding Smith, Salt Lake City Deseret Book Company, 1938. (PBMI4314)
- Smith, Joseph F. *Mataupu Faavae o le Talalelei*. 5th ed. Salt Lake City: Deseret Book Company, 1939. (PBMI4325)
- Smith, Joseph Fielding. *Doctrines of Salvation*. 3 vols. Compiled by Bruce R. McConkie. Salt Lake City: Bookcraft, 1954-56. (PBDD0224, PBDD0235, and PBDD0246.)
- Widtsøe, John a. *Evidences and Reconciliations*, 3 vols. In 1. Arranged by a G. Homer Durham. Salt Lake City: Bookcraft, 1946.
- Woodruff, Wilford. *The Discourses of Wilford Woodruff*. Compiled by a G. Homer Durham. Salt Lake City: Bookcraft, 1945.
- Young, Brigham. *Discourses of Brigham Young*.
Selected by John A. Widtsøe. Salt Lake City: Deseret Book Company, 1941. (PBMI4380).

Faasino Upu

A

Agaalofa, *Tagai* Alofa

Agaga Paia

E galue le Atua e ala i le,
fesoasoani o le,
faamatalaga e uiga i le, saunia e
Franklin D. Richards,
faamatalaga e uiga i le, saunia e
Heber J. Grant,
faamatalaga e uiga i le, saunia e
Henry D. Moyle,
mauaina o le taitaiga a le,
faamatalaga e uiga i le, saunia e
Marion G. Romeny,
aao atu i le mana o le,
faamatalaga e uiga i le, saunia e A.
Theodore Tuttle,
faamatalaga e uiga i le, saunia e
Tavita O. Makei,

Agaga Paia, meaalofo a le
tausia,
faamatalaga e uiga i le, saunia e
Iosefa Samita,
faamatalaga e uiga i le, saunia e
Iosefa Filitia Samita,
faamatalaga e uiga i le, saunia e
Melvin J. Ballard,
faamatalaga e uiga i le; saunia e
LeGrand Richards,
faamatalaga e uiga i le, saunia e
Lorenzo Snow,

Agaga, aao atu ma le, *Tagai foi* Agaga
Paia

Agavaa e umia le perisitua
faamatalaga e uiga i le, saunia e N.
Eldon Tanner,

Aiga

o se totonugalemu mo le suesue i
tusitusiga paia,

faamatalaga e uiga i le, saunia e
Marion G. Romney,
feteenaiga i le, puna o le,
ogatasi ma le,
faamatalaga e uiga i le, saunia e
Tavita O. Makei,
fesoasoani i le,
tiute o aao i le Perisitua Arona,
lelei, faamatalaga e uiga i le, saunia e
Iosefa F. Samita,
o lē e iai le perisitua e taitai i le,
o se tiutetauave o lē e umia le

Perisitua Mekisateko,

Aiga

faamanuiaga i le,
aufono ma le taulimaina o tupe,
faavavau,
fausia,
saunia e aveva,
faamatalaga e uiga i le, Spencer W.
Kimball,
tama ia talanoa ma, tagata o le aiga,
faamatalaga e uiga i le, saunia e
ElRay L. Christiansen,
faamatalaga e uiga i le, saunia e
Richard L. Evans,
tama e iai le tiutetauave mo manaoga
o le,
mea tau tupe,
afiafi faaleaiga,
tatalo,
faamanuiaga o le,
tama e taitai,
o se fesoasoani e teena
faaososoga,
faia, galue i le aiga,
faamatalaga e uiga i le, saunia e
Heber J. Grant,
faamatalaga e uiga i le, saunia e
Spencer W. Kimball,

faafitauli, foiaina ma le filemu,
 faamatalaga e uiga i le, saunia e
 Boyd K. Packer,
 faamatalaga e uiga i le, saunia e
 Spencer W. Kimball,
 sootaga, o se tiutetauave o sē e umia
 le Perisitua Mekisateko,
 feteenai ma le
 aafiaga i le, o Iosefa Samita,
 puna o,
 faamalosia i le tatalo ma le anapogi,
 tala e faamanino ai, saunia e M.
 Russell Ballard, Jr.
 foiaina o le, e ē o loo umia ma le
 amiotonu le perisitua,
 Alofa
 poloaiina e,
 faamatalaga e uiga i le,
 saunia e H. Burke Peterson,
 faamatalaga e uiga i le, saunia e N.
 Eldon Tanner,
 faamatalaga e uiga i le, saunia e
 Spencer W. Kimball,
 mana o le peresitua e faavae i le, o isi,
 ma galuega auauna atu,
 faamatalaga e uiga i le, saunia e
 Tavita O. Makei,
 faamatalaga e uiga i le, saunia e
 Mark E. Petersen,
 faamatalaga e uiga i le, saunia e
 Theodore M. Burton,
 o ava ma fanau,
 Amiolelei, aoao atu, i le aiga
 faamatalaga e uiga i le, saunia e A.
 Theodore Tuttle,
 faamatalaga e uiga i le, saunia e
 Boyd K. Packer,
 faamatalaga e uiga i le, saunia e
 Spencer W. Kimball,
 faamatalaga e uiga i le, saunia e
 Vaughn J. Featherstone,
 Amiotonu
 taua mo le malosiaga o le korama a
 le au perisitua,
 taua mo le mauaina o le mana o le
 perisitua,
 Anapogi mo le molimau,

Anapogi
 ma feagaiga o le papatisoga,
 tala e faamanino ai le mana o, saunia
 e Ezra Taft Benson,
 tala e faamanino ai le mana o, saunia
 e Matthew Cowley,
 Aoao atu
 i le Ekalesia,
 faamatalaga e uiga i le, saunia e
 Boyd K. Packer,
 taua o le,
 faamatalaga e uiga i le, saunia e
 David O. Makei,
 faamatalaga e uiga i le, saunia e
 Vaughn J. Featherstone,
 i le mana o le Agaga Paia,
 faamatalaga e uiga i le, saunia e A.
 Theodore Tuttle,
 faamatalaga e uiga i le, saunia e
 Brigham Young,
 faamatalaga e uiga i le, saunia e
 Tavita O. Makei,
 saunia mo le,
 faamatalaga e uiga i le, saunia e
 Boyd K. Packer,
 faamatalaga e uiga i le, saunia e
 Tavita O. Makei,
 faamatalaga e uiga i le, saunia e
 Thomas S. Monson,
 mai tusitusiga paia,
 faataitaiga o le, saunia e Spencer W.
 Kimball,
 faamatalaga e uiga i le, saunia J.
 Reuben Clark,
 faamatalaga e uiga i le, saunia e
 Iosefa Samita,
 faamatalaga e uiga i le, saunia e
 Marion G. Romney,
 ma le Agaga, i le lalolagi,
 Aoao atu
 tiute o aoao e,
 alolofa ia i ē tatou te,
 faamatalaga e uiga i le, saunia e
 Boyd K. Packer,
 saunia e, le talalelei, laasaga i le,
 lisiina mai e Tavita O. Makei,
 molimau e aumai ai le mana e,

faamanino mai i le tala na saunia e
Alvin R. Dyer,
Aoaoga i aiga
tiute o le Perisitua Mekisateko,
tiute o le aoao i le Perisitua Arona,
mana o le,
faamatalaga e uiga i le, saunia e H.
Burke Peterson,
Aoaoga, faatupuina atemosifia mo, i le
aiga
faamatalaga e uiga i le, saunia e
Tavita O. Makei,
Aposetolo:
faauuina e Iesu, Korama a le
Toasefululua,
Arona, uso o Mose,
Asiasi i tagata o le ekalesia, tiute o le
aoao e,
Atamu
papatiso, fanau a,
faaaoaga filifiliga saoloto,
tutuli ese mai le Faatoaga o Etena,
faatulagaina le Ekalesia,
mauaina le perisitua,
aoao atu le talalelei i ana fanau,
Atua
na tuuina atu le perisitua ia Atamu,
o le puna o le mana o le perisitua,
perisitua o le mana o le,
finagalo o le,
e iloa i le tatalo,
finagalo o le,
e iloa i le suesue i tusitusiga paia,
e galue e ala i le Agaga Paia,
Atunuu, auaua atu i
faamatalaga e uiga i le, saunia e
Tavita O. Makei,
Atunuu
tiutetauave i le,
faamatalaga e uiga i le, saunia e
Harold B. Lee,
auaunaga i le,
faamatalaga e uiga i le, saunia e
Tavita O. Makei
Au Peresitene Sili,
Au Pulega Aoa
mea e manaomia mo,

faapupulaina i tala e aafia ai Tavita O.
Makei,
tiutetauave o,
faamatalaga e uiga i le, saunia e
Harold B. Lee, lagolagoina,
Au peresitene o le perisitua, ki o, umia e
peresitene uma o le Ekalesia,
Auaunaga mo le sologa lelei, tiutetauave
o ē umia le Perisitua Mekisateko,
Ava
o ē umia le perisitua e tatau ona
alolofa ma fegalegaleai ma,
faamatalaga e uiga i le, saunia e J.
Reuben Clark, Jr.,
pulega amioletonu i,
o se faaaoaina sese lea o le
perisitua,

E

Ekalesia a Iesu Keriso: faatulagaina e
Iesu, perisitua o le faavae o le,
Elia,
Enoka na faatuina Siona,
Epikopo pulefaamalumu,
Epikopo
tofia o le,
tiute o,
faaletino, faapupulaina e Thomas S.
Monson,
Esekielu,
Eva na tuliese mai le Faatoaga o Etena,

F

Faatuatua. *Tagai* Iesu Keriso i le
Faaaloalo, faamatalaga e uiga i le,
saunia e Spencer W. Kimball,
Faaaluina ma le puleaina o tupe,
Faaatoatoaina, ala i le
faamatalaga e uiga i le, saunia e
Spencer W. Kimball,
Faafiafiaga, taua o, mo le soifua
maloloaina faaletino: faamatalaga e
uiga i le, saunia e Polika laga,
Faaipoipoga, faavavau,
Tagai foi Aiga, faavavau
faamatalaga e uiga i le, saunia e
Iosefa Filitia Samita,

- Faalagolago o le tagata ia te ia lava,
faamatalaga e uiga i le, saunia e
Spencer W. Kimball,
Faalauteleina o valaauga o le perisitua
faamatalaga e uiga i ositaulaga
saunia e Víctor L. Brown, saunia e
Wilford Woodruff,
Faamalositino, taua o le, mo le soifua
maloloina faaletino,
Faamanatuga
ma feagaiga o le papatisoga,
tiute o le ositaulaga e taulimaina, ma
le meaalofa o le Agaga Paia,
sauniga o le tiute o le aoao i le
Perisitua Arona,
paia o le,
faamatalaga e uiga i le, saunia e
Victor L. Brown,
Faamanuiaga e fuafua i le usitai:
faamatalaga e uiga i le, saunia e
Iosefa Filitia Samita,
Faamanuiaga, faapeteriaka. *Tagai*
Faamanuiaga faapeteriaka
Faamanuiaga faapeteriaka
faamatalaga e uiga i le, saunia e
Eldred G. Smith,
faamatalaga e uiga i le, saunia e
John A. Widtsoe,
faamatalaga e uiga i le, saunia e
Iosefa Samita,
faamatalaga e uiga i le, saunia e
Iosefa F. Samita,
Faanaunauga talafeagai ina ia maua le
mana o loo i le perisitua,
Faapau pepe,
Faaitaitaiga
taua o le, tagata o loo umia le
perisitua e faia,
Faatoaga o Etena, Atamu ma Eva ua
tulisea mai le,
Faatulagaga faapeteriaka o le perisitua,
Faatupu filemu, avea o se, tiute o aoao i
le Perisitua Arona,
Faaulugalii o le Ituiga e tasi - pei o le
tane ma le tane,
Faauoga
o se galuega a korama a perisitua,
faamatalaga i le, saunia e Stephen L.
Richards,
faamatalaga i le, saunia e Boyd K.
Packer,
Faaui i le Perisitua Arona, tiute o le
ositaulaga e,
Faiaoga, Perisitua Arona, tiute o le,
Faifeautalai
tiute o ositaulaga e avea ma,
lelei, tiute o ositaulaga e saunia e
avea ma,
faamatalaga e uiga i le, saunia e
Spencer W. Kimball,
Faitaulaga sili, tiute o le,
Fanau
matua e tatau ona tuuina atu
molimau i,
matua e tatau ona talanoa ma,
faamatalaga e uiga i, saunia e ElRay
L. Christiansen,
faamatalaga e uiga i, saunia e
Richard L. Evans,
Fesoasoani i isi ma feagaiga o le
papatisoga,
Fesoasoani
i e fememeai,
o se galuega a korama a le au
perisitua,
faamatalaga e uiga i, saunia e Harold
B. Lee,
faamatalaga e uiga i, saunia e
Reuben Clark, Jr.,
tala e faapupulaina ai, saunia e
Vaughn J. Featherstone,
Filifiliga saoloto
faaoga e fanau a Atamu,
Fitugafulu
Korama a,
Fomu o le paketi
Fuafuaina lelei o mea e ai, taua o le, mo
le soifua maloloina faaletino,

G

- Gafa, o se tiutetauave o ē umia le
Perisitua Mekisateko,
Galue

o se poloaiga ma se faamanuiaga,
mausa,
Galuega auaua atu i alaafaga
o se tiute o ē umia le Perisitua
Mekisateko,
tiutetauave o tagata taitoatasi mo,
faamatalaga e uiga i le, saunia e
Tavita O. Makei,
Galuega
atinaeina ma le faaleleia,
tomai, tomai i, o Heber J. Grant,
korama e fesoasoani ina ia maua,
faamatalaga e uiga i, saunia e
Howard W. Hunter, filifilia,
Galuega auaua atu, faapei o Keriso
faamatalaga e uiga i le, saunia e
Tavita O. Makei,
faamatalaga e uiga i le, saunia e
Harold B. Lee,
faamatalaga e uiga i le, saunia e
Thomas S. Monson,
Galuega faafaifeautalai, o se tiutetauave
o le Perisitua Mekisateko,
Galuega faalemalumalusa, o se
tiutetauave o ē umia le Perisitua
Mekisateko,

I

Iakopo,
Iesu Keriso, faatuatua ia
mafai ai ona ositaulaga tagata,
mataupu faavae muamua o le
talalelei,
faamatalaga e uiga i le, saunia e
Polika laga,
tala e faamanino ai, saunia e Marion
G. Romeny,
faamalosia,
Iesu Keriso
umia ki o le perisitua,
faauina Aposetolo,
faatulagaina le Ekalesia,
toefuataiina le atoaga o le talalelei,
Isaraelu
o e tupuga mai ia Iakopo ua taua o
fanau a,
suia le igoa o Iakopo ia, Perisitua

Mekisateko na aveeseina mai le
fanauga a,

K

Kaino,
Keriso. Tagai Iesu Keriso
Ki
o le au peresitene o le perisitua,
umia e peresitene uma o le Ekalesia,
mauaina e Atamu,
o faamanuiaga ma mana faaleagaga
e umia e le Perisitua Mekisateko,
Korama a le au perisitua
faia o a tatou matafaioi o ni tagata o
le ekalesia,
faamatalaga e uiga i le, saunia e J.
Reuben Clark, Jr.,
tala e faamanino ai, saunia e Vaughn
J. Featherstone,
ala e fai ai,
galuega a,
faamatalaga e uiga i le, saunia e
Boyd K. Packer,
faamatalaga e uiga i le, saunia e
Tavita O. Makei,
Faamatalaga e uiga i le, saunia e Harold
B. Lee,
Faamatalaga e uiga i le, saunia e
Stephen L. Richards,
faamoemoega o,

L

Legavia. *Tagai* Ola mama
Liliu mai, o se tiutetauave o sē e umia le
Perisitua Mekisateko,
Liliuese
uluai—tele, tele,
Lotogatasi e taua e faagaoioia ai le
korama a perisitua,
Lotomaulalo, e taua mo le mauaina o le
mana o le perisitua,

M

Malolo, taua o le, mo le soifua
maloloina faaletino,
Matua
e tatau ona talanoa ma fanau,

faamatalaga e uiga i le, saunia e
 ElRay L. Christiansen,
 faamatalaga e uiga i le, saunia e
 Richard L. Evans,
 Peteriaka,
 tofiga o le perisitua,
 faamatalaga e uiga i le, saunia e
 Iosefa Samita,
 Mea tau tupe, aiga,
 Mekisateko,
 Milipa'u,
 Molimau o le talalelei
 faamatalaina,
 faamatalaga e uiga i le, saunia e
 Harold B. Lee,
 maua mai ai le mana e aoao atu ai,
 faamanino i le tala saunia e Alvin R.
 Dyer,
 matua e tatau ona tuuina atu, i fanau,
 mauaina o,
 faamatalaga e uiga i le, saunia e
 Iosefa Samita,
 faamatalaga e uiga i le, saunia e
 Loren C. Dunn,
 faamatalaga e uiga i le, saunia e
 Parley P. Pratt,
 faamalasia,
 faamatalaga e uiga i le, saunia e
 Harold B. Lee,
 Mose
 taitaiina le fanau a Isaraelu mai
 Aikupito,
 mauaina tulafono ma sauniga,

O

O mea e gaosia ma teuina i le aiga
 faamatalaga e uiga i le, saunia e
 Spencer W. Kimball,
 faamatalaga e uiga i le, saunia e
 Vaughn J. Featherstone,
 Ola mama
 mana o le perisitua i le,
 faamatalaga e uiga i le, saunia e A.
 Theodore Tuttle,
 faamatalaga e uiga i le, saunia e
 Boyd K. Packer,
 faamatalaga e uiga i le, saunia e
 Gordon B. Hinckley,

faamatalaga e uiga i le, saunia e
 Spencer W. Kimball,
 tala e faamanino ai le leai o se,
 saunia e Spencer W. Kimball,
 Ositaulaga, tiute o,

P

Papatiso
 tiute o le ositaulaga e,
 Papatisoga
 feagaiga o le,
 faamatalaga e uiga i le, saunia e
 Spencer W. Kimball,
 alualu i luma mulimuli ane,
 Peresitene o le paranesi, tiute o le. *Tagai*
 Epikopo, tiute,
 Peresitene o le paranesi, tofia o le. *Tagai*
 Epikopo, tofia o,
 Perisitua Mekisateko. *Tagai* Perisitua,
 Mekisateko
 Perisitua Mekisateko
 tuuina atu ia Iosefa Samita ma Oliva
 Kaotui,
 tuuina atu ia Isaako e Aperaamo
 tuuina atu ia lakopo e Isaako,
 umia e perofeta mai ia Mose ia Iesu
 Keriso,
 faaigoaina i le tagata e igoa ia
 Mekisateko,
 mana ma tiute o le,
 aveesea mai le fanauga a Isaraelu,
 Perisitua
 maua e Atamu,
 pule ma le mana,
 tagata e umia,
 e taitai i le aiga,
 tagata e umia, e alofa ma talatalanoa
 ma lona toalua,
 i taimi o le Tusi a Mamona,
 i ona po o Iesu,
 faamatalaga e uiga i le, saunia e J.
 Reuben Clark, Jr.,
 ina ua mavae le lolo,
 talafaasolopito o le,
 o lē na te umia,
 e mafai ona faatulaga le aiga,
 faamatalaga e uiga i le, saunia e
 Tavita O. Makei,

o tagata e umia,
ia faia faaitaiga,
o le mana o le Atua,
faamatalaga e uiga i le, saunia e
Harold B. Lee,
faamatalaga e uiga i le, saunia e
Iosefa Filitia Samita,
ki o na o le Peresitene o le Ekalesia
na te faaaogaina i lona atoatoa,
sa umia e Atamu,
faasologa o le pule,
e lei toe maua e le Ekalesia i le
liliuese tele, faalauteleina
faamatalaga e uiga i le, saunia e
Iosefa Filitia Samita,
faamatalaga e uiga i le, saunia e
Uilifoti Uitilafi,
mana mai le Atua,
mana e maua i le ola amiotonu,
mana o le, atiinaeina,
faamatalaga e uiga i le, saunia e H.
Burke Peterson,
mana o le, ma le ola mama,
mana o le,
faamatalaga e uiga i le, saunia e N.
Eldon Tanner,
faamoemoega o le,
faamatalaga e uiga i le, saunia e H.
Burke Peterson,
toefuataiina o le, e ala ia Iosefa
Samita,
faamatalaga e uiga i le, saunia e
Iosefa F. Samita,
agavaa e umia,
faamatalaga e uiga i le, saunia e N.
Eldon Tanner,
Perisitua Arona
tuuina atu ia Iosefa Samita ma Oliva
Kaotui,
ta'ua mo Arona, le uso o Mose,
mana ma tiute o le,
Perofeta i le taimi i le va o Mose ma Iesu
Keriso,
Peteriaka o tisipenisione faapeteriaka,
Puipuiga mo auuana a le Alii, tala e
faamanino ai, saunia e Uilifoti Uitilafi,
Pule, faasologa o le —faaleperisitua,

Pule i le ola,
Pulega amioletonu:
i ava, o se faaaogaina sese lea o le
perisitua,
faamatalaga e uiga i le, saunia e
Tavita O. Makei,

S

Salamo
ma feagaiga o papatisoga,
olioli i le, manaomia mo le,
faamatalaga e uiga i le, saunia e
Iosefa Filitia Samita,
faamatalaga e uiga i le, saunia e
Harold B. Lee,
faamatalaga e uiga i le, saunia e
Iosefa Samita,
Salamo, e faapefea ona
faamatalaga e uiga i le, saunia e A.
Theodore Tuttle,
Samita, Iosefa
faauuina e Ioane le Papatiso,
faauuina e Peteru, Iakopo, ma Ioane,
toefuataiina le perisitua e ala mai ia,
Saunia a le Korama, o se tiute o ē umia
le Perisitua Mekisateko,
Sauniga a le Ekalesia o se tiute o ē umia
le Perisitua Mekisateko,
Sauniga, auai i, a le Ekalesia,
Sefuluai, ma le pulea o tupe,
Siona
o Enoka,
na aveina ae i le lagi,
faatuina e Enoka,
Soifua maloloina, faaletino
faamanuiga o le, faatumauina,
faamatalaga e uiga i le, saunia e
Polika Iaga,
faamatalaga e uiga i le, Tavita O.
Makei,
Suesue
aiga o se totonugalemu e, le talalelei,
faamatalaga e uiga i le, saunia e
Marion G. Romney,
o tusi lesona o le perisitua, e taua e
iloa ai tiute o le perisitua,
o tusitusiga paia, e taua e iloa ai le
finagalo o le Atua,

T

Tafaoga faamasani, taiala mo, saunia e
 Spencer W. Kimball,
 Taitai perisitua
 taua o le lagolagoina o faamatalaga e
 uiga i le, saunia e Boyd K. Packer,
 naunau e mulimuli ai,
 taua mo le mauaina o le mana o le
 perisitua,
 Talalelei
 saunia e aoao atu,
 faamatalaga e uiga i le, saunia e
 Tavita O. Makei,
 laasaga i le, lisiina mai e Tavita O.
 Makei,
 aoaoina atu e Atamu i ana fanau,
 Faafeiloaiga i le Lotu o le tiute o aoao i le
 Perisitua Arona,
 Tama
 faamanuiga i le, ina ia talanoa ma
 tagata o le aiga,
 faamatalaga i le, saunia e EIRay L.
 Christiansen,
 faamatalaga i le, saunia e Richard L.
 Evans,
 tiutetauave o le,
 mo le saogalemu o le aiga,
 Tanielu,
 Tatalo
 ma feagaiga o le papatisoga,
 aiga. *Tagai* Aiga, tatalo
 Tatalo
 mo se taitaiga e faaaoaga lelei le
 perisitua,
 ia iloa le finagalo o leAtua, mo se
 molimau,
 Tauagafau
 aoaoina o le, i le aiga,
 faamatalaga e uiga i le, saunia e A.
 Theodore Tuttle,
 faamatalaga e uiga i le, saunia e
 Boyd K. Packer
 faamatalaga e uiga i le, saunia e
 Spencer W. Kimball,
 faamatalaga e uiga i le, saunia e
 Vaughn J. Featherstone,

Taulaga anapogi,
 Taulimaina o aitalafu ma tupe
 faamatalaga e uiga i le, saunia e Ezra
 Taft Benson,
 Tausia o nifo, taua o le, mo le soifua
 maloloina faaletino,
 Teugatupe, ma le taulimaina o tupe,
 Tiakono
 tiute o le,
 faamatalaga e uiga i le, saunia e
 Victor L. Brown,
 auala e fesoasoani ai le korama a
 tiakono,
 Tino, faaletino, faamatalaga e uiga i le,
 saunia e Polika laga,
 Tisipenisione
 o le atoaga o taimi, na tuuina atu ia
 losefa Samita, faapeteriaka,
 Toeaina, tiute o,
 Toefuataina o leperisitua,
 Togafittiga faafomai, taua o, mo le soifua
 maloloina faaletino,
 Tulafono
 e tatau ona faamamaluina,
 usitaia, ma lagolagoina e taitai o le
 Perisitua Mekisateko,
 Tumama, taua o le–mo
 soifua maloloina faaletino,
 Tupe
 pulea o,
 aamatalaga e uiga i le, saunia e
 Polika laga,
 faamatalaga e uiga i le, saunia e
 Spencer W. Kimball,
 Tusitusiga Paia
 faamatalaga e uiga i le, saunia e
 Bruce R. McConkie,
 suesueina o i le aiga,
 taua le iloa o le finagalo o le Atua,
 taua mo le mauaina o le molimau,
 faamatalaga e uiga i le, saunia e H.
 Burke Peterson,
 faamatalaga e uiga i le, saunia e
 losefa Samita,
 aoao atu mai le, faataitaiga a, saunia
 e Spencer W. Kimball,

faamatalaga e uiga i le, saunia e
Harold B. Lee,
faamatalaga e uiga i le, saunia e J.
Reuben Clark,
faamatalaga e uiga i le, saunia e
Marion G. Romney,
Tutoatasi, faamatalaga e uiga i le, saunia
e Spencer W. Kimball

U

Upu o le Poto
faamanuiaga mo le usiusitai,
faasa ni mea patino,
Usitai, faamanuiaga e faavae i le
faamatalaga e uiga i le, saunia e
Iosefa Filitia Samita,

Malumalu ma Fale

1. O le Malumalu i Sate Leki
2. O le Malumalu i Provo
3. O le Malumalu i Jordan River
4. O le Malumalu i Uosigitone
5. O le Malumalu i Arisona
6. O le Malumalu i Ogden
7. O le Malumalu i Logan
8. O le Malumalu i Sao Paulo
9. O le Malumalu i Hawaii
10. O le Malumalu i Tokyo
11. O le Malumalu i Swiss
12. O le Malumalu i Los Angeles
13. O le Malumalu i St. George
14. O le Malumalu i Idaho Falls
15. O le Malumalu i Oakland
16. O le Malumalu i Lonetona
17. O le Malumalu i Alberta
18. O le Malumalu i Niu Sila
19. O le Malumalu i Seattle
20. O le Malumalu i Manti
21. O le Malumalu i Samoa
22. O le vai papatisoga o le Malumau i Oakland
23. O le potu selesitila o le Malumalu i Provo
24. O se potu mo faamauga i le Malumalu i Arisona
25. O se potu mo faamauga i le Malumalu i Sate Leki
26. O le potu selesitila o le Malumalu i Sate Leki
27. O le malumalu o Herota i Ieruselema i aso anamua
(aai faafoliga)
28. O le Fale o Ofisa o le Ekalesia i le Aai i Sate Leki
29. O le Fale o Ofisa o le Au Taitai o le Ekalesia i le Aai i Sate Leki
30. O falelotu o le AAG i le lalolagi atoa

